

# ଯୋହନ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଯୋହାନ୍ ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନ୍‌କେ ଉତୁବେତାନ୍ ନାଞ୍ଜା ନିୟାମ୍‌ରାଃ ଚାରୁଠୁ ପୁଅକଏତେ ଯୋହାନ୍ ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡିଦ୍ “କୁଗିନ୍ କାଜି” ତାନାଃ । ଏନ୍‌ସବେନାଃକେ ଯୀଶୁଆଃ ଗନଏଃ ତାୟମ୍‌ତେ ମାଅୁଉ, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ଯୋହାନ୍ ଅଲ୍ଲାକାଦ୍ ସୁକୁକାଜି ଯୀଶୁତାୟମ୍ ୯୦ କରେ ପ୍ରେରିତ୍ ଯୋହାନ୍ ଅଲ୍ଲାକାଦାଏ । ନେ ସୁକୁକାଜିକେ ଯୋହାନ୍ ଅଲ୍ଲାକାଦାଏଃଫେନ୍ତେ ନେ ସୁକୁକାଜିରେ କା ଅଲ୍ଲାକାନା ମେନ୍‌ଦ୍ ନେ ସୁକୁକାଜିରାଃ ଅନଲ୍ ତାରିକା ଆତଃ ଯୋହାନ୍ ଅଲ୍ଲାକାଦ୍ ଚିଠା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ ସବେନାଃ ମିଦ୍‌ଲେକାଗି ମେନାଃ । ଚିମିନ୍ ମାରି ଅନଲ୍‌କ ବିଶ୍ୱାସେତାନାକ ଯେ ନେ ସୁକୁକାଜି ଏଫିସୁସ୍‌ଏତେ ଅଲ୍ଲାକାନା ଚିୟାଃଚି ନେ ନେତାକରେ ଯୋହାନ୍ ଏଫିସୁସ୍‌ରେ ତାଇନଃ ତାଇକେନାଏ ।

ଯୋହାନ୍ ଫାର୍‌ଚିକେଦ୍‌ତେ କାଜିୟାଃଏ, “ଯୀଶୁଗି ଖ୍ରୀଷ୍ଟ, ଜାନିଦ୍ ପାର୍‌ମେଶ୍ୱାର୍‌ଆଃ ହନ୍,” ଯୋହାନ୍ ୨୦:୩୧ ନେଆଁ ପାତିୟାର୍ ନାଗେନ୍ତେ ହଡକକେ ଦେଙ୍ଗାତେୟାଃଗି, ନେ ସୁକୁକାଜିରାଃ ବିଶେଷ୍ ଉକେଶ୍ ତାନାଃ । ନେଆଁ ପାତିୟାରେ ହରାତେ, ସବେନ୍‌କ ଜେ'ଲେକା ଜୀଞ୍ଜାନ୍‌କ ନାମ୍‌ଦାଡିୟାଃ । ନେ ସୁକୁକାଜିକେ ଯିହୁଦୀକ ଆତଃ ସାଅଁସାର୍‌କଆଃ ନାଜ୍ ଅଲ୍ଲାକାନ୍ ତାଇକେନା । ଯୋହାନ୍ ନେ ସୁକୁକାଜିରେ ଯୀଶୁଆଃ ଜନ୍‌କା କାଜି ଏତେ ଇନିୟାଃ ପେଡେୟାନ୍‌କାମିକ ବିଷାଏରେ ପୁରାଃ ଅଲ୍ଲାକାଦାଏ । ଯୀଶୁଆଃ ବାପ୍ତିସ୍ମା, ବିର୍‌ରେ ଯୀଶୁଆଃ ବିତାଅ, ଆତଃ ଚିମିନ୍ ବିଶେଷ୍ ଘାଟ୍‌ଣା ବିଷାଏରେ ଯୋହାନ୍ ନେ ସୁକୁକାଜିରେ ଜେଡନାଃ କାଏ ଅଲ୍ଲାକାଦାଃ ।

ନେ ସୁକୁକାଜି ବାକି ସବେନ୍ ଆପିୟା ସୁକୁକାଜିକ ଏତେ ଏଟାଠଗିଆଠ

## ପୁଅ ଭିତରରେ ତାଙ୍କକାନ୍ କାଜି

୧. ସୁକୁକାଜିରାଠ ଏନେଟେଦ୍ । ୧:୧-୧୮
୨. ଯୀଶୁଆଠ ଚିମିୟାଙ୍ଗ୍ ପେଡେୟାନ୍‌କାମିକ । ୧:୧୯-୧୨:୫୦
୩. ଯୀଶୁଆଠ ଜୀଝାନ୍, ଗନ୍‌ଏଠ ଆତଠ ଜୀଉବିନିରିଦ୍ । ୧୩:୧-୨୦:୩୧
୪. ଯୀଶୁଆଠ ଜୀଉବିନିରିଦ୍ ତାୟମ୍‌ତେ ଉଦୁବେନ୍ । ୨୧:୧-୨୫

### ଜୀଦାନ୍ ବାଚାନ୍

୧ ଏନେଟେଦ୍‌ରେ କାଜି ତାଙ୍କକେନା, ଆତଠ କାଜି ପାର୍‌ମେଶ୍ୱାର୍‌ଲଠ ତାଙ୍କକେନା, ଆତଠ କାଜି ପାର୍‌ମେଶ୍ୱାର୍ ତାଙ୍କକେନାଏ । ୨ ଇନିଠ ଏନେଟେଦ୍‌ରେ ପାର୍‌ମେଶ୍ୱାର୍‌ଲଠ ତାଙ୍କକେନାଏ । ୩ ପାର୍‌ମେଶ୍ୱାର୍ ସବେନାଠ ଇନିଠତେ ବାଈୟାକାଦା, ଆତଠ ବାଈୟାକାନ୍ ତେୟାଠଏତେ ଜେଡ୍‌ନାଠ ଇନିଠକେ ବାଗିକେଦ୍‌ତେ କା ବାଈୟାକାନା, ୪ ଇନିଠରେ ଜୀଦାନ୍ ତାଙ୍କକେନା ଆତଠ ଏନ୍ ଜୀଦାନ୍ ହଡ୍‌କଆଠ ମାର୍‌ସାଲ୍ ତାଙ୍କକେନା । ୫ ମାର୍‌ସାଲ୍ ନୁବାଠରେ ଜୁଲ୍‌ଠତାନା, ମେନ୍‌ଦ୍ ନୁବାଠ ଏନାକେ କାଏ ଆର୍‌କାର୍‌ଉରୁମ୍‌କେଦାଠ ।

୬ \*ପାର୍‌ମେଶ୍ୱାର୍‌ତେ କୁଲ୍‌କାନ୍ ମିଆଁଦ୍ କାଜିଏମ୍‌ନିଠ ତାଙ୍କକେନାଏ, ଇନିୟାଠ ନୁଡୁମ୍ ଯୋହାନ୍ ତାଙ୍କକେନା । ୭ ଇନିଠ ଏନ୍ ମାସ୍‌ଲ୍‌ରେୟାଠ ଗାଝା ଉଦୁବ୍ ନାଗେନ୍ତେ ହିଜୁଠୟାନାଏ, ଜେ'ଲେକାତି ଇନିୟାଠ ହରାତେ ସବେନ୍ ହଡ୍‌କ ବିଶ୍ୱାସେଆ । ୮ ଇନିଠ ଆଇଠକ୍‌ଗି ଏନ୍ ମାସ୍‌ଲ୍ କାଏ ତାଙ୍କକେନା; ମେନ୍‌ଦ୍ ଏନ୍ ମାସ୍‌ଲ୍‌ରେୟାଠ ଗାଝା ଏମ୍ ନାଗେନ୍ତେ ହିଜୁଠୟାନାଏ । ୯ ଏନା ସାର୍‌ତି ମାର୍‌ସାଲ୍ ତାଙ୍କକେନା, ହେଗି ସବେନ୍ ହଡ୍‌କକେ ମାସ୍‌ଲ୍‌କତାନ୍ ମାର୍‌ସାଲ୍ ଅତେଦିଶୁମ୍‌ରେ ହିଜୁଠତାଙ୍କକେନା ।

୧୦ ଇନିଠ ଅତେଦିଶୁମ୍‌ରେ ତାଙ୍କକେନାଏ, ଆତଠ ଅତେଦିଶୁମ୍ ଇନିଠତେ ବାଈୟାନା, ଏନ୍‌ରେୟ୍ ଅତେଦିଶୁମ୍‌ରେନ୍‌କ ଇନିଠକେ କାକ ସାରିକିୟା । ୧୧ ଇନିଠ ଆୟାଠ ଦିଶୁମ୍‌ତେ ହିଜୁଠୟାନାଏ ମେନ୍‌ଦ୍ ଆୟାଠ ହଡ୍‌କ ଇନିଠକେ କାକ ଦାରମ୍‌କିୟାଠ । ୧୨ ମେନ୍‌ଦ୍

☆ ୧:୬ ୧:୬ ମାଅଉ ୩:୧; ମାର୍କ ୧:୪; ଲୁକ ୩:୧,୨.

ଆଇଃକକେ ଦାରମିତାନ୍‌କକେ, ଆଡଃ ଆୟାଃ ନୁତୁମ୍‌ରେ ବିଶ୍ୱାସେତାନ୍ ସବେନ୍ ହଡ଼କକେ ଇନିଃ ପାର୍‌ମେଶ୍ୱାର୍‌ଆଃ ହନ୍ ହବାଅଃରେୟାଃ ଆକ୍‌ତେୟାର୍ ଏମାଦ୍‌କଆଏ । <sup>୧୩</sup> ଇନ୍‌କୁ ମାୟୋମ୍‌ତେଦ କାହା, ହଡ଼ମ୍‌ରେୟାଃ ମନେତେଦ କାହା ଆଡଃ ହଡ଼ଆଃ ମନେତେଦ କାହା ମେନ୍‌ଦ ପାର୍‌ମେଶ୍ୱାର୍ ଆଇଃକକି ଆକଆଃ ଆପୁ ।

<sup>୧୪</sup> ଆଡଃ ଏନ୍ କାଜି ହଡ଼ମ୍ ସାବ୍‌କେଦା, ପୁରାଃ ଦାୟା ଆଡଃ ସାର୍‌ତିତେ ପେରେଜାକାନ୍, ଆରୁଆଃ ଆଲାରେ ତେରାକେଦାଏ ଆଡଃ ଆରୁ ଇନିୟାଃ ମାନାରାଙ୍ଗ୍‌ରୁ ନେଲ୍‌କେଦା ଏନା ଆପୁଆଃ ମିଆଁଦ୍‌ଗି ହନଆଃ ମାନାରାଙ୍ଗ୍ ତାଇକେନା ।

<sup>୧୫</sup> ଆଡଃ ଯୋହାନ୍ ଇନିୟାଃ ଗାଞ୍ଜା ଏମ୍‌ତାନ୍‌ଲଃ, କାଉରିକେଦ୍‌ତେ କାଜିକେଦାଏ, “ଆଇଙ୍ଗ୍ ଅକଏୟାଃ କାଜି କାଜିତାଇକେନାଇଙ୍ଗ୍ ଇନିଃ ନିଃଗିତାନିଃ, ‘ଆଇଁୟାଃ ତାୟମ୍‌ତେ ହିଜୁଃଗିଆଏ, ମେନ୍‌ଦ ଇନିଃ ମାରାଙ୍ଗ୍‌ଆଁଏ, ଚିୟାଃଚି ଇନିଃଦ ଆଇଁୟାଃ ଜାନାମ୍ ସିଦାରେ ତାଇକେନାଏ ।’”

<sup>୧୬</sup> ଇନିୟାଃ ପେରେଜାକାନ୍ ଦାୟାଏତେ ଆରୁ ସବେନ୍‌କକେ ଆଶିଷାକାଦ୍‌ରୁଆଏ, ହେଗି, ଆଶିଷ୍ ଚେତାନ୍ ଆଶିଷ୍ ଏମାକାଦ୍‌ରୁଆଏ । <sup>୧୭</sup> ପାର୍‌ମେଶ୍ୱାର୍ ମୁଶାରାଃ ହରାତେ ଆନ୍‌ରୁ ଏମ୍‌କେଦାଏ, ମେନ୍‌ଦ ଦାୟା ଆଡଃ ସାନାର୍‌ତି ଯାଶୁ ଖ୍ରୀଷ୍ଟ୍‌ଆଃ ହରାତେ ହବାୟାନା । <sup>୧୮</sup> ପାର୍‌ମେଶ୍ୱାର୍‌କେ ଜେତାଏ ଚିଉଲାହ କାକ ନେଲ୍, ମେନ୍‌ଦ ଇନିୟାଃ ମିଆଁଦ୍‌ଗି ହନ୍, ଆପୁଆଃ କୟଙ୍ଗ୍‌ରେ ଦୁବାକାନ୍‌ନିଃ ଇନିଃକେ ଉଦୁବ୍‌କିୟା ।

ବାପ୍ତିସ୍ମା ଏମଃନିଃ ଯୋହାନ୍‌ଆଃ ଗାଞ୍ଜାଇ

(ମାଥୂଃ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

<sup>୧୯</sup> ଯୀରୁଶାଲେମ୍‌ରେନ୍ ଯିହୁଦୀ ହାକିମ୍‌କ ଚିମିନ୍ ଯାଜାକକକେ ଆଡଃ ଲେବୀକକେ ଯୋହାନ୍‌ତାଃତେ “ଆମ୍ ଅକଏ ତାନ୍‌ମେ” ମେନ୍ତେ କୁଲି ନାଗେନ୍ତେକ କୁଲକେଦ୍‌କଆ । ଇମ୍‌ତା ଇନିଃ ନେ ଗାଞ୍ଜା ଏମ୍‌କେଦାଏ ।

<sup>୨୦</sup> ଯୋହାନ୍ କାଏ ଦଦାଦ୍‌ତାନ୍‌ଲଃ ଉଦୁବ୍‌କେଦାଏ, “ଆଇଙ୍ଗ୍ ମାସି ନାହାଁଲିଙ୍ଗ୍ ।”

୨୧ ଏନ୍ତେ ଇନକୁ ଯୋହାନ୍‌କେକ କୁଲିକିୟା, “ତାବ୍‌ଦ ଆମ୍ ଅକଏ ତାନ୍‌ମେ ?” “ତିୟାଃ ଆମ୍ ଏଲିୟ୍ ତାନ୍‌ମେ ?”

ଇନିଃ ମେନ୍‌କେଦାଏ, “କାହାଗି, ଆଇଙ୍ ନାହାଁଲିଙ୍ ।”

“ତିୟାଃ ଆମ୍ ଏନ୍ ନାବୀ ତାନ୍‌ମେ ?”

ଇନିଃ ମେନ୍‌ରୁହାଡ଼ାଦକଆଏ, “କାହାଗି ।”

୨୨ ଏନ୍ତେ ଇନକୁ କାଜିକିୟାକ, “ତାବ୍‌ଦ ଆମ୍ ଅକଏ ତାନ୍‌ମେ ଆଲେକେ ଉଦୁବାଲେମ୍, ତିୟାଃତି ଆଲେକେ ଅକନ୍‌କ କୁଲ୍‌କାଦଲେୟାକ, ଇନକୁକେ କାଜିରୁହାଡ଼ ଲାଗାତିଙ୍‌ୟାଃ, ଆମ୍ ଆପାନ୍‌କେ ଅକଏ ତାନ୍‌ମେ ମେନ୍ତେମ୍ କାଜିନ୍‌ତାନା ?”

୨୩ ଯୋହାନ୍ କାଜିରୁହାଡ଼ାଦକଆଏ, ଯିଶାୟ ନାବୀ କାଜିଲେଦ୍ କାଜିଲେକା :

“ଆଇଙ୍ ବିର୍ରେ କାଉରିତାନ୍‌ନିୟାଃ ସାଡ଼ି ତାନିଙ୍ :

ପ୍ରାଭୁଆଃ ହରା ସିଧାଏପେ ।”

୨୪ ଆଡ଼ଃ ଏନ୍ କୁଲ୍‌ଲେନ୍‌କ ଫାରୁଗୀକଏତେକ ତାଇକେନା ।

୨୫ ଇନକୁ ଯୋହାନ୍‌କେକ କୁଲିକିୟା, “ଆମ୍‌ଦ ମାସି ନାହାଁଲାଃମେ, ଏଲିୟ୍ ହି ନାହାଁଲାଃମେ ଆଡ଼ଃ ଏନ୍ ନାବୀହ ନାହାଁଲାଃମେ, ମେନ୍‌ଦ ତିନାଃ ମେନ୍ତେମ୍ ବାପ୍ତିସ୍ମାକତାନା ?” ୨୬ ଯୋହାନ୍ କାଜିୟାଦକଆଏ, “ଆଇଙ୍‌ଦ ଦାଆଃତେ ବାପ୍ତିସ୍ମାପେ ତାନାଇଙ୍, ମେନ୍‌ଦ ଆପେୟାଃ ଆଲାରେ ମିଆଁଦ୍ ହଡ଼ ତିଙ୍ଗୁଆକାନାଏ ଇନିଃକେ ଆପେ କାପେ ସାରିୟା । ୨୭ ଆଇଁୟାଃ ତାୟମ୍‌ତେ ହିଜୁଃନିଃ ଇନିଃଗି ତାନିଃ, ଇନିୟାଃ ଖାର୍‌ପାରେୟାଃ ତନଲ୍ ରାଡ଼ାଏ ଲେକାନ୍‌ନିଃ ନାହାଁଲିଙ୍” ମେନ୍ତେ କାଜିରୁହାଡ଼ାଦକଆଏ ।

୨୮ ନେ କାଜିକ ଯାଦାନ୍ ଗାଡ଼ା ହାନ୍ ପାରମ୍‌ରେୟାଃ ବେଥ୍‌ନିଆରେ ହବାୟାନା ଏଡ଼ାଃରେ ଯୋହାନ୍ ବାପ୍ତିସ୍ମା ଏମାକତାନ୍ ତାଇକେନାଏ ।

**ପାରମେଶ୍ୱାର୍‌ଆଃ ମିଶ୍ରିହନ୍**

୨୯ ଏଟାଃ ହୁଲାଙ୍ ଯୋହାନ୍ ଯୀଶୁକେ ଆୟାଃତାଃତେ ହିଜୁଃତାନ୍ ନେଲ୍‌କିୟାଏ, ଆଡ଼ଃ ମେନ୍‌କେଦାଏ, “ନେଲିପେ ପାରମେଶ୍ୱାର୍‌ଆଃ ମିଶ୍ରିହନ୍, ଇନିଃ ଅତେଦିଶୁମ୍‌ରେୟାଃ ପାପ୍‌କେ ଗଅଃ ଇଦିୟାଏ ! ୩୦ ଆଇଁୟାଃ ତାୟମ୍‌ତେ ମିହୁଡ଼୍ ହିଜୁଃଆଏ ଇନିଃ ଆଇଁୟାଃତାଃଏତେ ପୁରାଃ ମାରାଙ୍ ମେନ୍ତେଇଙ୍ କାଜିଲେଦ୍ ହଡ଼ ନିଃଗି ତାନିଃ, ଇନିଃଦ

ଆଇଁୟାଃ ଜାନାମ୍‌ଏତେ ସିଦାରେ ତାଇକେନା । ୩୧ ଆତଃ ଆଇଙ୍ଗ୍ ଇନିଃକେ କାଇଙ୍ଗ୍ ସାରିଉରୁମିତାନ୍ ତାଇକେନା, ମେନ୍‌ଦ ଇନିଃ ଇସ୍ରାଏଲ୍ ହଡ଼କତାଃରେ ଉଦୁବଃକାଏ ମେନ୍ତେ ଆଇଙ୍ଗ୍ ଦାଆଃତେ ବାପ୍ତିସ୍ମାକ ନାଙ୍ଗ୍ ହିନ୍ଦୁଃକାନାଇଙ୍ଗ୍ ।”

୩୨ ଆତଃ ଯୋହାନ୍ ଗାଞ୍ଜା ଏମ୍‌ତାନ୍‌ଲଃ କାଜିକେଦାଏ, “ଆଇଙ୍ଗ୍ ଆମ୍ବାକେ ଦୁଦୁମ୍‌ଲ୍ ଲେକା ସିର୍ମାଏତେ ଆଡ଼ଗୁତାନ୍ ଆତଃ ଇନିଃରେ ତାଇନଃତାନ୍ ନେଲ୍‌କିୟାଇଙ୍ଗ୍ । ୩୩ ଆଇଙ୍ଗ୍‌ହ୍ ଇନିଃକେ କାଇଙ୍ଗ୍ ନେଲ୍‌ଉରୁମି ତାଇକେନା ମେନ୍‌ଦ ଆଇଙ୍ଗ୍‌କେ ଦାଆଃତେ ବାପ୍ତିସ୍ମା ଏମ୍ ନାଙ୍ଗ୍ କୁଲ୍‌କାଦିଙ୍ଗ୍‌ନିଃ, ଆଇଙ୍ଗ୍‌କେ କାଜିକିୟା, ‘ଆମ୍ ଆମ୍ବାକେ ମିଆଁଦ୍ ହଡ଼ରେ ଆଡ଼ଗୁତାନ୍ ଆତଃ ଇନିଃରେ ତାଇନ୍‌ତାନ୍ ନେଲିୟାମ୍, ଇନିଃଗି ପାବିତାର୍ ଆମ୍ବାତେ ବାପ୍ତିସ୍ମା ଏମାକତାନ୍‌ନିଃ ତାନିଃ ।’ ୩୪ ଆତଃ ଆଇଙ୍ଗ୍ ନେଲ୍‌କେଦାଃଇଙ୍ଗ୍, ଆତଃ ନିଃଗି ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ଗାଞ୍ଜାଇଙ୍ଗ୍ ଏମେତାନା ।”

### ୟୀଶୁଆଃ ପାହିଲା ଚେଲାକ

୩୫ ଏଟାଃ ହୁଲାଙ୍ଗ୍ ଯୋହାନ୍ ଆୟାଃ ଚେଲାକଏତେ ବାହ୍‌ହଡ଼କିନ୍‌ଲଃ ଏନ୍ତାଃରେ ଆତଃଗି ତିଙ୍ଗୁଆକାନ୍ ତାଇକେନାଏ । ୩୬ ଇନିଃ ଯୀଶୁକେ ସେନ୍‌ପାରମଃତାନ୍ ନେଲ୍‌କେଦ୍‌ତେ କାଜିକେଦାଏ, “ନେଲିପେ, ନିଃ ପାର୍‌ମେଶ୍ୱାର୍‌ଆଃ ମିଶ୍ଟିହନ୍ ।”

୩୭ ଆତଃ ଏନ୍ ବାରାନ୍ ଚେଲାକିନ୍ ଇନିଃ ନେଆଁ କାଜିତାନ୍ ଆୟୁମ୍‌କେଦ୍‌ତି ଯୀଶୁକେ ଅତଙ୍ଗ୍‌କିୟାକିନ୍ ୩୮ ଯୀଶୁ ହେତାରୁହାଡ଼କେଦ୍‌ତି, ଇନ୍‌କିନ୍ ଅତଙ୍ଗ୍‌ଇଁତାନ୍ ନେଲ୍‌କେଦ୍‌କିନାଏ ଆତଃ ମେତାଦ୍‌କିନାଏ, “ତିକ୍‌ନାଃବେନ୍ ନାମ୍‌ତାନା ?” ଆତଃ ଇନ୍‌କିନ୍ ମେନ୍‌ରୁହାଡ଼ାଇୟାକିନ୍, “ଏ ରାବି”\* କତାଃରେମ୍ ତାଇନ୍‌ତାନା ?

୩୯ ମାର୍ “ହିନ୍ଦୁଃକେଦ୍‌ତେ ନେଲେବେନ୍” ମେତାଦ୍‌କିନାଏ । ଏନାମେନ୍ତେ ଇନ୍‌କିନ୍ ସେନଃୟାନ୍ତେ ଇନିଃ ତାଇନ୍‌ତାନ୍ ଠାୟାଦ୍‌କିନ୍ ନେଲ୍‌କେଦାଃ, ଇମ୍‌ତାଙ୍ଗ୍‌ଦ ଚେତାନ୍ ସିଙ୍ଗିରାଃ ଉପୁନ୍ ଘାଡ଼ି ହବାକାନ୍ ତାଇକେନା, ଆତଃ ଏନ୍ ହୁଲାଙ୍ଗ୍ ଇନିଃଲଃକିନ୍ ତାଇନ୍‌ୟାନା,

\* ୧:୩୮ ୧:୩୮ ଏ ରାବି ହେ ଗୁରୁ

୪୦ ଯୋହାନ୍‌ଆଃ କାଜି ଆୟୁମ୍‌କେଦ୍‌ତେ ଯୀଶୁକେ ଅତଙ୍ଗକାଇ ଏନ୍ ବାରିଆ ଚେଲ୍‌କିନ୍‌ଏତେ ମିଆଁଦ୍‌ନିଃ ଶିମୋନ୍ ପାଡ଼ରାସ୍‌ଆଃ ହାଗାତେ ଆହିୟାସ୍ ତାଇକେନାଏ । ୪୧ ଆହିୟାସ୍ ଆୟାଃ ହାଗାତେ ଶିମୋନ୍‌କେ ନାମ୍‌କେଦ୍‌ତେ କାଜିକିୟା, “ଆଲିଙ୍ଗ୍ ମାସିଂକେ ନାମାକାଇଜାଲିଙ୍ଗ୍ ।” ୪୨ ଆତଃ ଇନିଃ ଶିମୋନ୍‌କେ ଯୀଶୁତାଃତେ ଆଡକିୟା, ଯୀଶୁ ଇନିଃକେ ନେଲ୍‌କେଦ୍‌ତେ କାଜିକିୟା, “ଆମ୍ ଯୋହାନ୍‌ଆଃ ହନ୍ ଶିମୋନ୍ ତାନ୍‌ମେ, ଆମ୍ କେଫା, ଏନାରେୟାଃ ମୁଣ୍ଡି ‘ପାଡ଼ରାସ୍’ ମେଡ୍ରେମ୍ ନୁଡୁମଃଆ ।”

### ଯୀଶୁ ଫିଲିପ୍ ଆତଃ ନିଅ୍‌ନିୟେଲ୍‌କେ କେଡ଼ାକିନ୍ ତାନାଏ

୪୩ ଏଟାଃ ହୁଲାଇଁ ଯୀଶୁକେ ଗାଲିଲ୍‌ତେ ସେନଃ ସାନାଙ୍ଗକିୟା । ଇନିଃ ଫିଲିପ୍‌କେ ନାମ୍‌କିଃତେ ମେତାଇୟାଏ, “ଅତଙ୍ଗ୍‌ଇଙ୍ଗ୍‌ମେ ।” ୪୪ ଆହିୟାସ୍ ଆତଃ ପାଡ଼ରାସ୍‌ଲେକା ଫିଲିପ୍ ହରି ବେଥ୍‌ସାଇଦା ସାହାରରେନ୍ ତାଇକେନାଏ । ୪୫ ଫିଲିପ୍ ନିଅ୍‌ନିୟେଲ୍‌କେ ନାମ୍‌କିଃତେ ମେତାଇୟାଏ, “ମୁଣା ଅଲ୍‌କାଦ୍ ଆନ୍‌ତୁ ପୁଥ୍‌ରେ ଆତଃ ନାବକହ ଅଲ୍‌କାଦ୍ ହଡ଼କେ ଆଲେ ନାମାକାଇୟାଃ ଇନିଃ ଯୋଷେଫ୍ ହନ୍ ନାଜ୍‌ରେଡ୍‌ରେନ୍ ଯୀଶୁ ତାନିଃ ।”

୪୬ ନିଅ୍‌ନିୟେଲ୍ କୁଲିକିୟାଏ, “ତିୟାଃ ନାଜ୍‌ରେଡ୍‌ଏତେ ଜେଡ୍‌ନାଃ ବୁଗିନ୍ ଅତଙ୍ଗ୍‌ଦାଡ଼ିଅଃଆ ?”

ଫିଲିପ୍ ମେନ୍‌ରୁହାଡ଼ାଇୟା, “ମାର୍ ହିଜୁଃକେଦ୍‌ତେ ନେଲେମେ ।”

୪୭ ଯୀଶୁ ନିଅ୍‌ନିୟେଲ୍‌କେ ଆୟାଃତାଃ ହିଜୁଃତାନ୍ ନେଲ୍‌କେଦ୍‌ତେ କାଜିକେଦାଏ, “ନେଲିପେ, ନିଃ ସାର୍‌ତିଗି ଇସ୍ରାଏଲ୍‌ରେନ୍ ତାନିଃ, ଇନିଃରେ ଜେତାଏ ବେଦା ବାନଆଃ ।”

୪୮ ନିଅ୍‌ନିୟେଲ୍ ଇନିଃକେ କୁଲିକିୟା, “ଆମ୍ ଆଇଙ୍ଗ୍‌କେ ଚିଲ୍‌କାତେମ୍ ସାରିକେଦିୟା ?”

ଯୀଶୁ କାଜିରୁହାଡ଼କିୟାଏ, “ଫିଲିପ୍ ଆମ୍‌କେ କେଡ଼ାକେଦ୍‌ମେ ସିଦାରେ ଆମ୍ ଲିଆଦାରୁ ବୁଟାରେମ୍ ତାଇକେନା, ଇମ୍‌ତା ଆଇଙ୍ଗ୍ ନେଲ୍‌କେଦ୍‌ମେୟା ।”

† ୧:୪୧ ୧:୪୧ ଏବ୍ରାରେ ମାସି ଆତଃ ଗ୍ରୀକ୍‌ରେ ଖ୍ରୀଷ୍ଟ

୪୯ ଏନ୍ତେ ନିଅନିୟେଲ କାଜିକେଦାଃଏ, “ଏ ରାବି, ଆମ୍ଭ ପାର୍ମେଶ୍ୱାର୍ଥାଃ ହନ୍ ତାନ୍ମେ; ଆମ୍ଭ ଇସ୍ରାଏଲ୍ରେନ୍ ରାଜା ତାନ୍ମେ ।”

୫୦ ଯୀଶୁ କାଜିକିୟାଏ, “ତିୟାଃ ଆଇଙ୍ଗ୍ ଆମ୍ଭକେ ଲଥାଦାରୁ ବୁଟାରେଇଙ୍ଗ୍ ନେଲ୍ଲେଦ୍ମେୟା ମେନ୍ତେ କାଜିୟାଦ୍ମାକ୍‌ଇଙ୍ଗ୍, ଏନାମେନ୍ତେମ୍ ବିଶ୍ୱାସେତାନା ? ଆମ୍ଭ ଏନାଏତେହ୍ ମାପରାଙ୍ଗ୍ ବିଷାଏତେୟାଃକ ନେଲେୟାମ୍ ।” ୫୧ ଇନିଃ ଆତଃଗି ଇନ୍‌କୁକେ କାଜିୟାଦ୍‌କଆ, “ଆଇଙ୍ଗ୍ ସାର୍‌ତିଗି କାଜିୟାପେ ତାନାକ୍‌ଆପେ ସିର୍ମା ନିଜାକାନ୍ ଆତଃ ପାର୍ମେଶ୍ୱାର୍ଥାଃ ଦୁଡ୍‌କ ମାନଃହନ୍ ତେତାନ୍‌ରେ ରାକାଦ୍‌ତାନ୍ ଆତଃ ଆଡ୍‌ଗୁନ୍‌ତାନ୍‌ପେ ନେଲ୍‌କଆ ।”

## ୨

### କାନାହାତୁରେ ଆଣ୍ଡି

୧ ଆପି ମାହାଁ ହୁଲାଙ୍ଗ୍‌ରେ ଗାଲିଲ୍‌ରେୟାଃ କାନା ହାତୁରେ ଆଣ୍ଡି ହବାଅଃ ତାଇକେନା, ଆତଃ ଯୀଶୁଆଃ ଏଙ୍ଗାତେ ଏନ୍ତାଃରେ ତାଇକେନାଏ । ୨ ଯୀଶୁ ଆତଃ ଆୟାଃ ଚେଲାକକେ ହଗି ଏନ୍ ଆଣ୍ଡି ଅତାଃତେ କେଡାକାନ୍ ତାଇକେନାକ । ୩ ଚିମ୍‌ତା ଦାଖରାସି ଚାବାୟାନା, ଯୀଶୁଆଃ ଏଙ୍ଗାତେ ଇନିଃକେ କାଜିକିୟା, “ଇନ୍‌କୁତାଃରେ ଦାଖରାସି ବାନଆଃ ।”

୪ ଯୀଶୁ ମେନ୍‌ରୁହାଡାକ୍‌ୟାଏ, “ଆଇଙ୍ଗ୍‌ଲଃ ଆମାଃ ଚିକାନ୍ ନାତା ? ଆଇଁୟାଃ ନେତା ଆଉରି ସେଟେରାଃ ।”

୫ ମେନ୍‌ଦ ଯୀଶୁଆଃ ଏଙ୍ଗାତେ ଦାସିକକେ କାଜିୟାଦ୍‌କଆଏ, “ଇନିଃ ଆପେକେ କାଜିପେ ଲେକା କ୍ରାମିପେ ।”

୬ ଆତଃ ଯିହୁଦୀକଆଃ ଫାର୍‌ତିଅଃନାଙ୍ଗ୍ ଏନ୍ତାଃରେ ଦିରିତେ ବାଇୟାକାନ୍ ତୁରିୟା ଘୁମା ଦହାକାନ୍ ତାଇକେନା, ମିଆଁଦ୍‌ରେ ମିଦ୍‌ହିସି\* ଚାଏ ତିରିଶ୍ ଗ୍ୟାଲେନ୍‌† ଦାଆଃ ସାବେତାନ୍ ତାଇକେନା । ୭ ଯୀଶୁ ଦାସିକକେ କାଜିୟାଦ୍‌କଆଏ, “ନେ ଘୁମାକରେ ଦାଆଃ ପେରେଃତାପେ” ଆତଃ ଇନ୍‌କୁ ଘୁମାରେ ଦାଆଃ ଦୁଲ୍ ପେରେଃକେଦା । ୮ ଏନ୍ତେ ଇନିଃ ଇନ୍‌କୁକେ କାଜିୟାଦ୍‌କଆଏ,

\* ୨:୨ ୨:୨ ମିଦ୍‌ହିସି କୁଡ୍ † ୨:୨ ୨:୨ ଗ୍ୟାଲେନ୍ ଆପିହିସି ପାଦ୍‌ରା ଏତେ ମିଦ୍‌ଶାଅ ପାଦ୍‌ରା ଲିଟ୍‌ର ଜାକେଦ୍

“ନାହାଁଠଦ ଏନ୍ ଦାଆଃଏତେ କାଟିଃ ଅତଙ୍ଗ୍‌ୟେଁପେ ଆତଃ  
 ମାରାଙ୍ଗ୍‌ଜଜମାଃରେନ୍ ଗମ୍‌କେତାଃ ଇଦିପେ ।” ଏନ୍ତେ ଇନ୍‌କୁ ଏନ୍  
 ଦାଆଃକେ ଇଦିକେଦାଃକ, <sup>୯</sup> ଆତଃ ମାରାଙ୍ଗ୍‌ଜଜମାଃରେନ୍ ଗମ୍‌କେ  
 ଏନ୍ ଦାଖ୍‌ରାସି ବାୟାକାନ୍ ଦାଆଃକେ ଚାଖାଅକେଦାଃ ଆତଃ ଏନା  
 ଅକ୍‌ତାଃଏତେ ହିଜୁଆକାନା ଏନା କାଏ ସାରିକେଦା, ମେନ୍‌ଦ ଏନ୍  
 ଦାଆଃ ଅତଙ୍ଗ୍‌କେନ୍ ଦାସିକ ସାରିତାଇକେନାକ । ଏନ୍ତେ ଇନିଃ  
 ଦୁଲ୍ଲୀକଡାକେ ଗେନାତେ ହାକାଅକିୟାଏ, <sup>୧୦</sup> ଆତଃ କାଜିକିୟାଏ,  
 “ସବେନ୍ ହଡ଼କ ସିଦାତେ ବୁଗିନ୍ ଦାଖ୍‌ରାସିକ ଏମାକଥା ଆତଃ  
 ହଡ଼କ ନୁଁ ଆସ୍‌ଦିୟାନ୍‌ରେ ସାବାଃତେଆଃକ ଏମାକଥା, ମେନ୍‌ଦ ଆମ୍  
 ବୁଗିନ୍ ଦାଖ୍‌ରାସି ନାହାଁଠ ଜାକେଦ୍ ଦହାକାଦାମ୍ ।”

<sup>୧୧</sup> ନେ'ଲେକା ଯୀଶୁ ଗାଲିଲ୍‌ରେୟାଃ କାନା ହାତୁରେ ଆୟାଃ  
 ପାହିଲା ପେଡେୟାନ୍ କାମି ଏଟେଦ୍‌କେଦାଏ ନେ'ଲେକା ଇନିଃ  
 ଆୟାଃ ମାନାରାଙ୍ଗ୍ ଉଦୁବ୍‌କେଦାଏ ଆତଃ ଇନିୟାଃ ଚେଲାକ  
 ଇନିଃରେକ ବିଶ୍ୱାସ୍‌କେଦାଃ ।

<sup>୧୨</sup> ଏନ୍ ତାୟମ୍‌ତେ ଯୀଶୁ ଆତଃ ଇନିୟାଃ ଏଙ୍ଗାତେ, ହାଗାତେ,  
 ଆତଃ ଚେଲାକ କପର୍‌ନାହୁମ୍ ସାହାର୍‌ତେ ସେନଃୟାନା ଆତଃ  
 ଏନ୍ତାଃରେ ଚିମିନ୍ ମାହାଁଲେକା ତାଇନ୍‌ୟାନାକ ।

ଯୀଶୁ ଯୀରୁଶାଲେମ୍ ମାହିର୍ ଅଡ଼ାଃତେ ସେନଃୟାନାଏ

(ମାଥୁଃ ୨୧:୧୨, ୧୩; ମାର୍କ ୧୧:୧୫-୧୭; ଲୁକ ୧୯:୪୫, ୪୬)

<sup>୧୩</sup> ଆତଃ ଯିହୁଦୀକଥାଃ ପାସକା ପାରାବ୍ ନାଡେୟାକାନ୍  
 ତାଇକେନା, ଆତଃ ଯୀଶୁ ଯୀରୁଶାଲେମ୍‌ତେ ସେନଃୟାନାଏ ।

<sup>୧୪</sup> ଇନିଃ ମାହିର୍ ଅଡ଼ାଃରେ ଉରିଃକକ, ମିଣ୍ଡିକ, ଦୁଦୁମୁଲ୍‌କକେ  
 କିରିଙ୍ଗ୍ ଆଖ୍‌ରିଙ୍ଗ୍‌ତାନକକେ ଆତଃ ଦୁବାକାନ୍ ପାଏସା  
 ଭାଞ୍ଜାଅତାନକକେ ନାମକେଦ୍‌କଥାଏ । <sup>୧୫</sup> ଏନ୍ତେ ଇନିଃ  
 ବାଏହାର୍ ରେୟାଃ ହାଁଶ୍‌ସା ବାଇକେଦ୍‌ତେ ସବେନ୍ ମିଣ୍ଡି ଆତଃ  
 ଉରିଃକକକେ ମାହିର୍ ଅଡ଼ାଃଏତେ ଅତଙ୍ଗ୍‌କେଦ୍‌କଥାଏ ଆତଃ  
 ପାଏସା ଭାଞ୍ଜାଅତାନକଥାଃ ଗାଣ୍ଡୁକୁକେ ଉଦୁର୍‌ବାଟିକେଦାଏ ଆତଃ  
 ପାଏସାକ ଛିତିବିତିକେଦାଏ । <sup>୧୬</sup> ଆତଃ ଦୁଦୁମୁଲ୍ ଆଖ୍‌ରିଙ୍ଗ୍‌କକେ  
 କାଜିୟାଦ୍‌କଥାଏ, “ନିକୁକେ ନେତାଃଏତେ ଇଦିକପେ । ଆପୁଞ୍ଜିୟାଃ

☆ ୨:୧୨ ୨:୧୨ ମାଥୁଃ ୪:୧୩.



ଅଡ଼ାଃ କିରିଙ୍ଗ୍ ଆଖିରିଙ୍ଗ୍ ଅଡ଼ାଃ ଆଲ୍‌ପେ ବାଇୟାଃ ।” ୧୭ ନେଆଁ ନେଲ୍‌କେଦ୍‌ତେ ଧାରାମ୍‌ପୁଥିରେ ଅଲ୍‌କାନ୍‌ତେୟାଃ ଇନିୟାଃ ଚେଲ୍‌କ ପାହାମ୍‌କେଦାକ, “ଆମାଃ ଅଡ଼ାଃ ନାଗେନ୍ତେ ଆଇଁୟାଃ ଚିହ୍ନୁକ୍‌ତେୟାଃ ଇଣି ଜଃଆ ।”

୧୮ ଏନ୍ତେ ଯିହୁଦୀକଆଃ ହାକିମ୍‌କ ଯୀଶୁତାଃ ହିନ୍ଦୁରୁହାଡ୍‌କେଦ୍‌ତେ ନେଆଁ କୁଲିକିୟାଃକ, “ଆମ୍ ନେ ସବେନାଃ କାମି ନାଗେନ୍ତେ ଆକ୍‌ତେୟାର୍ ନାମାକାଦାମ୍ ମେନ୍ତେ ଆଲେ ଚିଲ୍‌କାଲେ ସାରିୟା ? ଆଡ଼ଃ ଚିକାନ୍ ଚିହ୍ନାଁତେ ଆଲେକେମ୍ ଉଦୁବାଲେତାନା ।” ୧୯ \*ୟୀଶୁ କାଜିରୁହାଡ୍‌ଦକଆଏ, “ନେ ମାନ୍ଦିର୍ ଅଡ଼ାଃକେ ହାଦୁଡ୍‌ତାପେ ଆଡ଼ଃ ଆଇଙ୍ଗ୍ ଏନାକେ ଆପି ମାହାଁରେ ବାଇରୁହାଡ୍‌ୟାଇଙ୍ଗ୍ ।”

୨୦ ଆଡ଼ଃ ଯିହୁଦୀକ କାଜିକିୟାଃକ, “ନେ ମାନ୍ଦିର୍‌କେ ବାଇକେସେଦ୍‌ନାଙ୍ଗ୍ ଛୟାଲିଶ୍ ସିର୍ମା ଲାଗାଅୟାନା, ଚିୟାଃ ଆମ୍ ଆପି ମାହାଁରେ ଆଡ଼ଃମିସା ବାଇରୁହାଡ୍‌ୟାମ୍ ?”

୨୧ ମେନ୍‌ଦ ଯୀଶୁ ଆୟାଃ ହଡ୍‌ମରେୟାଃ ମାନ୍ଦିର୍ ଅଡ଼ାଃରାଃ କାଜି କାଜିତାନାଏ ତାଇକେନା । ୨୨ ଏନ୍ତେ ଇନିଃ ଗଜାକାନ୍‌କ ଏତେ ଜୀଉବିରିଦ୍‌ୟାନ୍ତେ ଇନିୟାଃ ଚେଲ୍‌କ ଇନିଃ ନେ କାଜିଏ କାଜିଲେଦା ନେଆଁକ ପାହାମ୍‌କେଦାଃ । ଏନ୍ତେ ଧାରାମ୍‌ପୁଥିରେ ଆଡ଼ଃ ଯୀଶୁ କାଜିକେଦ୍ କାଜିରେକ ବିଶ୍ୱାସ୍‌କେଦା ।

### ୟୀଶୁ ହଡ୍‌ଆଃ ମନ୍‌କେ ସାରିୟାଏ

୨୩ ଆଡ଼ଃ ଯୀଶୁ ପାସ୍‌କା ପାରାବ୍ ଦିପିଲିରେ ଯୀରୁଶାଲେମ୍‌ରେ ତାଇକେନ୍ ଇମ୍‌ତା ପୁରାଃ ହଡ୍‌କ ଇନିଃ କାମି ତାଇକେନ୍ ଚିହ୍ନାଁକ ନେଲ୍‌କେଦ୍‌ତେ ଇନିଃତାଃରେକ ବିଶ୍ୱାସ୍‌କେଦା । ୨୪ ମେନ୍‌ଦ ଯୀଶୁ ଇନ୍‌କୁକେ କାଏ ବିଶ୍ୱାସ୍‌କେଦ୍‌କଆ, ଚିୟାଃଚି ଇନିଃ ହଡ୍‌କଆଃ ମନ୍‌କେ ସାରିତାଇକେନାଏ । ୨୫ ମାନଝା ନାଗେନ୍ତେ ଜେତାଏ ଗାଝାକ ଇନିୟାଃ ଲାଗାତିଙ୍ଗ୍ କା ତାଇକେନା, ଚିୟାଃଚି ମାନଝାରାଃ ମନ୍‌ସୁରୁଦ୍‌ରେ ଚିକ୍‌ନାଃ ମେନାଃ ଏନାଦ ଇନିଃ ଆଇଃକ୍‌ଗି ସାରିତାନାଏ ତାଇକେନା ।

\* ୨:୧୯ ୨:୧୯ ମାଥୁଉ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

# ୩

## ୟୀଶୁ ଆତ୍ମ ନିକଦୀମ୍

<sup>୧</sup> ଫାରୁଶୀକ୍ୟତେ ନିକଦୀମ୍ ନୁତୁମ୍ ମିଆଁଦ୍ ହତ୍ ତାଇକେନାଏ, ଇନିଃ ଯିହୁଦୀକଆଃ ମିଆଁଦ୍ ଆଗୁଆଇ ତାଇକେନାଏ । <sup>୨</sup> ଇନିଃ ମିଆଁଦ୍ ନିଦା ଯୀଶୁତାଃ ହିଜୁଃକେଦ୍ତେ କାଜିକିୟା, “ହେ ଗୁରୁ, ଆମ୍ ପାର୍ମେଶ୍ଵାର୍ଯାଃଏତେ ଇତୁନିଃ ହିଜୁଆକାନାମ୍ ଏନାଦଲେ ସାରିୟାଃ, ପାର୍ମେଶ୍ଵାର୍ ଜେତାଏଲଃ କା ତାଇନ୍ରେଦ୍ ଇନିଃ ଆମ୍ କାମିକାଦ୍ ଚିହ୍ନାକ କାଏ କାମିଦାଡ଼ିୟାଃ ।”

<sup>୩</sup> ଯୀଶୁ କାଜିରୁହାଡ଼କିୟା, “ଆଇଙ୍ଫ୍ ସାର୍ତିଗିଙ୍ଫ୍ କାଜିୟାମେତାନା, ଜେତାଏ କାଏ ଜାନାମରୁହାଡ଼୍\*ରେଦ୍ ପାର୍ମେଶ୍ଵାର୍ଆଃ ରାଇଜ୍ କାଏ ନେଲ୍ଦାଡ଼ିୟା ।”

<sup>୪</sup> ନିକଦୀମ୍ କୁଲିକିୟାଏ, “ହତ୍ ହାଡ଼ାମ୍ୟାନ୍ତେ ଚିଲ୍କାତେ ଜାନାମରୁହାଡ଼୍ ଦାଡ଼ିୟାଃ?” “ଇନିଃ ଚିୟାଃ ଆତ୍ମନିସା ଏଙ୍ଫାତେୟାଃ ଲାହିଦ୍ରେ ବଲ୍କେଦ୍ତେ ଜାନାମ୍ ଦାଡ଼ିୟାଃ ।”

<sup>୫</sup> ଯୀଶୁ କାଜିରୁହାଡ଼କିୟାଏ, “ସାର୍ତିଗିଙ୍ଫ୍ କାଜିୟାମେତାନା, ଦାଆଃ ଆତ୍ମ ଆମ୍ତେ କାକ୍ ଜାନାମରୁହାଡ଼ରେଦ୍ ପାର୍ମେଶ୍ଵାର୍ଆଃ ରାଇଜ୍ରେ ଜେତାଏ କାକ୍ ବଲ୍ଦାଡ଼ିୟାଃ ।

<sup>୬</sup> ହତ୍ମଏତେ ଜାନାମାକାନ୍ତେୟାଃ ହତ୍ମଗି ତାନାଃ ଆତ୍ମ ଆମ୍ତେ ଜାନାମାକାନ୍ତେୟାଃ ଆମ୍ଗି ତାନାଃ । <sup>୭</sup> ଜାନାମରୁହାଡ଼୍ ଲାଗାଡ଼ିଙ୍ଫ୍ୟାଃ ମେନ୍ତେଇଙ୍ଫ୍ କାଜିୟାଦ୍ମେଆ, ଏନାତେ ଆଲମ୍ ହାଏକାଟ୍ତା । <sup>୮</sup> ହୟ୍ ଆୟାଃ ସାନାଙ୍ଫ୍ ଲେକାତେ ହୟ୍ତାନା ଆତ୍ମ ଏନାରେୟାଃ ଲାବ୍ଜା ଆୟୁମଃତାନା, ମେନ୍ଦ୍ ଏନା ଅକସାଃ ଏତେ ହିଜୁଃତାନା ଆତ୍ମ ଅକ୍ତାତେ ସେନଃତାନା ଏନା କା ସାରିୟାଆ । ଆମ୍ତେ ସବେନ୍ ଜାନାମାକାନ୍କ୍ ନେଲେକାଗିଆଃକ ।”

<sup>୯</sup> ନିକଦୀମ୍ ଇନିଃକେ କୁଲିକିୟାଏ, “ନେଆଁ ଚିଲ୍କାତେ ହବାଦାଡ଼ିଞ୍ଜାଃ?”

<sup>୧୦</sup> ଯୀଶୁ କାଜିକିୟାଏ, “ଚିୟାଃ ଆମ୍ ଇସ୍ରାଏଲ୍ରେନ୍କଆଃ ଗୁରୁ ତାନ୍ମେ ଆତ୍ମ ନେଆଁ କାମ୍ ସାରିୟା ?” <sup>୧୧</sup> ସାର୍ତିଗିଙ୍ଫ୍ କାଜିୟାମେତାନା, “ଆଲେ ସାରିୟାକାଦ୍ କାଜିଲେ କାଜିତାନା ଆତ୍ମ ନେଲ୍କାନ୍ରେୟା ଗାଞ୍ଜାଲେ ଏମେତାନା ଆତ୍ମ ଆପେ

\* ୩:୩ ୩:୩ ପାର୍ମେଶ୍ଵାର୍ତାଃଏତେ ଜାନାମ୍

ଆଲେୟାଃ ଗାଞ୍ଜା କାପେ ମାନାଡ଼ିଙ୍ଗତାନା । ୧୨ ଆଇଙ୍ଗ ନେ ଅତେରେୟାଃ କାଜିଙ୍ଗ କାଜିୟାଦ୍‌ପେରେ କାପେ ପାତିୟାରେତାନା, ଏନ୍ତେ ଆଇଙ୍ଗ ସିର୍ମାରେୟାଃ କାଜିଙ୍ଗ କାଜିୟାପେରେ ଚିଲ୍‌କାତେପେ ପାତିୟାରେଆ । ୧୩ ଅକନ୍ ମାନଞ୍ଜାହନ୍ ସିର୍ମାଏତେ ଆଡ଼ଗୁଆକାନାଏ, ଇନିଃକେ ବାଗିକିଃତେ ଆଡ଼ଃ ଜେତାଏ ହଡ଼ ଚିଉଲ୍‌ହା ସିର୍ମାତେ କାଏ ରାକାବାକାନା ।”

୧୪ ଆଡ଼ଃ ମୁଣା ବିରରେ ପିତାଲ୍ ବିଙ୍ଗକେ ଖୁଁଟାରେ ରାକାବି ଲେକା ମାନଞ୍ଜାହନ୍‌କେହଗି ରାକାବଃ ଲାଗାଡ଼ିଙ୍ଗୟାଃ । ୧୫ ଇନିଃରେ ବିଶ୍ୱାସ୍‌ତାନକଦ ଜାନାଅ ଜାନାଅରେୟାଃ ଜୀଦାନକ ନାମେୟା ।

୧୬ ମେନ୍‌ଦ ପାରମେଶ୍ୱାର୍ ଅତେଦିଶ୍ୱମ୍‌କେ ପୁରାଃଗି ଦୁଲ୍‌ଡ଼କେଦାଏ ଆଡ଼ଃ ଆୟାଃ ମିଆଁଦ୍‌ଗି ଦୁଲ୍‌ଡ଼ହନ୍‌କେ ଏମ୍‌କିୟାଏ, ଇନିଃରେ ବିଶ୍ୱାସ୍‌ତାନକଦ କାକ ଜିୟନଃଆ ମେନ୍‌ଦ ଜାନାଅରେୟାଃ ଜୀଦାନକ ନାମେୟା । ୧୭ ପାରମେଶ୍ୱାର୍ ଆୟାଃ ହନ୍‌କେ ଅତେଦିଶ୍ୱମ୍‌ରାଃ ବିଚାର୍ ନାଗେନ୍ତେଦ କାହା, ମେନ୍‌ଦ ଅତେଦିଶ୍ୱମ୍‌କେ ଇନିଃତେ ବାଞ୍ଚାଅ ନାଗେନ୍ତେ କୁଲ୍‌କିୟାଏ ।

୧୮ ଜେତାଏ ହନ୍‌ରେ ବିଶ୍ୱାସ୍‌ତାନିଃ କାଏ ସାଜାଲ୍‌ୟାଃ ମେନ୍‌ଦ କା ବିଶ୍ୱାସ୍‌ତାନିଃ ସାଜାଲ୍‌ୟାକାନାଏ, ଚିୟାଃଚି ଇନିଃଦ ପାରମେଶ୍ୱାର୍‌ଆଃ ମିଆଁଦ୍‌ଗି ହନ୍‌ଆଃ ନୁଡୁମ୍‌ରେ କାଏ ବିଶ୍ୱାସ୍‌କାଦା । ୧୯ ଆଡ଼ଃ ଏନ୍ ବିଚାର୍ ନେଆଁଗି ତାନାଃ, ମାର୍ସାଲ୍ ଅତେଦିଶ୍ୱମ୍‌ରେ ହିଜୁଆକାନା, ମେନ୍‌ଦ ହଡ଼କ ମାର୍ସାଲ୍ ଏତେ ନୁବଃଃକେ ଆଦକାକ ଦୁଲ୍‌ଡ଼କେଦାଃ ଚିୟାଃଚି ଇନ୍‌କୁଆଃ କାମିକଦ ଏଡ଼କାନାଃ ତାନାଃ । ୨୦ ଏଡ଼କାନ୍ କାମିତାନକଦ ମାର୍ସାଲ୍‌କେ କାକ ଦୁଲ୍‌ଡ଼ାଃ, ଆଡ଼ଃ ମାର୍ସାଲ୍‌ତାଃତେ କାକ ହିଜୁଆ, ଚିୟାଃଚି ଇନ୍‌କୁଆଃ ଏଡ଼କାନ୍ କାମି ମାର୍ସାଲ୍‌ରେ ଉଦୁବଃକା ମେନ୍ତେ ଇନ୍‌କୁ କାକ ସାନାଙ୍ଗ୍‌ଆଃ । ୨୧ ମେନ୍‌ଦ ଜେତାଏ ସାର୍‌ତି କାମି କାମିୟାଏ, ଇନିଃ କାମିକାଦ୍‌ତେୟାଃକ ଜେ'ଲେକା ପାରମେଶ୍ୱାର୍‌ଆଃ ସାନାଙ୍ଗ୍‌ଲେକା କାମିକେଦାଏ ମେନ୍ତେ ଉଦୁବଃକା, ଏନାମେନ୍ତେ ଇନିଃ ମାର୍ସାଲ୍‌ତାଃଏ ହିଜୁଆ ।

ୟାଶୁ ଆଡ଼ଃ ଯୋହାନ୍

୨୨ ନେଆଁ ତାୟମ୍‌ତେ, ଯୀଶୁ ଆତଃ ଆୟାଃ ଚେଲାକ ଯିହୁଦୀ ଦିଶୁମ୍‌ତେକ ସେନଃୟାନା ଆତଃ ଇନିଃ ଇନ୍‌କୁଲଃ ଏନ୍ତାଃରେ ତାଇନ୍‌ୟାନ୍ତେ ବାପ୍ତିସ୍ମାକତାନ୍ ତାଇକେନାଏ । ୨୩ ଆତଃ ଯୋହାନ୍‌ହଁ ସାଲିମ୍ ଜାପାଃ ଏନନ୍‌ରେ ବାପ୍ତିସ୍ମାକତାନ୍ ତାଇକେନାଏ, ଚିୟାଃତି ଏନ୍ତାଃରେଦ ପୁରାଃଗି ଦାଆଃ ତାଇକେନା, ଆତଃ ହଡ଼କ ବାପ୍ତିସ୍ମାଅଃ ନାଗେନ୍ତେ ହିଜୁଃତାଇକେନାକ । ୨୪ ☆ଯୋହାନ୍‌ଦ ଇମ୍‌ତାଙ୍ଗ୍ ଜାକେଦ୍ କାଏ ଜେହେଲିକାନ୍ ତାଇକେନା ।

୨୫ ଏନ୍ତେ ଯୋହାନ୍‌ଆଃ ଚିମିନ୍ ଚେଲାକ ଆତଃ ମିଆଁଦ୍ ଯିହୁଦୀ, ଫାରତିଅଃରେୟା ବିଷାଏରେ କୁପୁଲିୟାନାକ । ୨୬ ଇନ୍‌କୁ ଯୋହାନ୍‌ତାଃତେ ହିଜୁଃୟାନ୍ତେ କାଜିକିୟା, “ହେ ଗୁରୁ” ଯାଦାନ୍ ହାନ୍ ପାରମ୍ ଆମାଃଲଃ ତାଇକେନ୍‌ନିଃ, ଇନିୟାଃ ନାଗେନ୍ତେ ଆମ୍ ଗାଞ୍ଜା ଏମ୍‌କେଦାଃ, ନେଲିମେ ଇନିଃ ବାପ୍ତିସ୍ମାକତାନାଏ, ଆତଃ ସବେନ୍‌କ ଇନିଃତାଃ ସେନଃତାନାକ ।

୨୭ ଯୋହାନ୍ କାଜିରୁହାଡ଼ାଦକଆଏ, “ସିର୍ମାସାଃଏତେ କା ଏମ୍‌ଃରେଦ ହଡ଼ ଜେଡ଼ନାଃ କାଏ ନାମ୍‌ଦାଡ଼ିୟାଃ । ୨୮ ☆“ଆଇଙ୍ଗ୍‌ଦ ମାସି ନାହାଁଲିଙ୍ଗ୍ ମେନ୍‌ଦ ଇନିୟାଃ ଆୟାର୍‌ରେ କୁଲ୍‌କାନାଈଙ୍ଗ୍ ମେନ୍‌କେଦାଃଏ, ଏନାରେୟାଃ ଗାଞ୍ଜା ଆପେଗି ତାନ୍‌ପେ । ୨୯ ଜେତାଏ ଆଣ୍‌ଦିୟାଃନିଃ ଦ ଦୁହ୍ଲ୍‌କଡ଼ାରାଃ ତାନିଃ, ମେନ୍‌ଦ ଦୁହ୍ଲ୍‌ତାଃ ତିଙ୍ଗ୍‌କେଦ୍‌ତେ ଇନିୟାଃ କାଜି ଆୟୁମ୍‌ତାନ୍ ଗାତି ଦୁହ୍ଲ୍‌ରାଃ କାଜିତେ ପୁରାଃଗି ରାସ୍‌କାଅଃଆ । ଏନାତେ ଆଇଁୟାଃ ନେ ରାସ୍‌କାଦ ନାମ୍‌ତାବାୟାନା । ୩୦ ଇନିଃକେ ମାରାଙ୍ଗ୍ ହବା ଲାଗାତିଙ୍ଗ୍‌ୟାଃ ମେନ୍‌ଦ ଆଇଙ୍ଗ୍‌କେ ହୁଡ଼ିଙ୍ଗ୍‌ଅଃ ଲାଗାତିଙ୍ଗ୍‌ୟାଃ ।”

**ସିର୍ମା ଏତେ ହିଜୁଃନିଃ**

୩୧ ଚେତାନ୍‌ଏତେ ହିଜୁଃନିଃ ସବେନ୍‌କଏତେ ମାରାଙ୍ଗ୍‌ଆଁଏଃ । ଅତେସାଃଏତେ ହିଜୁଃନିଃ ଅତେରେନ୍‌ନିଃ ତାନିଃ ଆତଃ ଅତେସାଃଏତେ କାଜିୟାଏ ମେନ୍‌ଦ ସିର୍ମାସାଃଏତେ ହିଜୁଃନିଃ ସବେନ୍‌କଏତେ ମାରାଙ୍ଗ୍‌ଆଁଏଃ । ୩୨ ଇନିଃ ନେଲାକାଦ୍ ଆତଃ ଆୟୁମାକାଦ୍ ତେୟାଃରାଃ ଗାଞ୍ଜାଇ ପେରେଃକେଦା ମେନ୍‌ଦ ଇନିୟାଃ

☆ ୩:୨୪ ୩:୨୪ ମାଥୂର ୧୪:୩; ମାର୍କ ୬:୧୭; ଲୁକ ୩:୧୯,୨୦. ☆ ୩:୨୮ ୩:୨୮ ଯୋହାନ୍ ୧:୨୦.

ଗାଞ୍ଜା ଜେତାଏ କାକ ମାନାତିଙ୍ଗକେଦା । ୩୩ ମେନ୍ଦ ଇନିୟାଃ  
 ଗାଞ୍ଜା ଅକଏ ମାନାତିଙ୍ଗନିଃ, ପାର୍ମେଶ୍ଵାର୍ ସାର୍ତିଗିୟାଏ ମେନ୍ତେ  
 ଏନ୍ କାଜିରେ ମୋହର୍କାଦାଏ† । ୩୪ ପାର୍ମେଶ୍ଵାର୍ତାଃଏତେ  
 କୁଲକାନ୍ନିଃଦ ପାର୍ମେଶ୍ଵାର୍ଆଃ କାଜି କାଜିୟାଏ, ଚିୟାଃଚି  
 ପାର୍ମେଶ୍ଵାର୍ଦ ଇନିଃକେ ଆୟାଃ ଆମ୍ବା ପୁରାଃଗି ଏମିୟା ।  
 ୩୫ ☆ଆପୁଦ ଆୟାଃ ହନ୍କେ ଦୁଲ୍ଲତାଃଏ ଆତଃ ସବେନାଃ ଇନିୟାଃ  
 ଚିଃଇରେ ଏମ୍ତତାରାକାଦାଏ । ୩୬ ହନ୍ରେ ବିଶ୍ଵାସ୍ତାନିୟାଃ  
 ଜାନାଅଜୀଦାନ୍ ମେନାଃ, ମେନ୍ଦ ହନ୍କେ କାଏ ଦାରମ୍ତାନିଃ  
 ଜୀଦାନ୍ କାଏ ନେଲେୟା, ଚିୟାଃଚି ପାର୍ମେଶ୍ଵାର୍ଆଃ ଏନେସେଦ୍‡  
 ଇନିଃରେ ତାଇନ୍ତାନା ।

## ୪

ୟୀଶୁ ଆତଃ ଶମିରୋନ୍ରେନ୍ କୁଡ଼ି

୧ ଫାର୍ଗୀକ, ଯୀଶୁ ଯୋହାନ୍ ଏତେ ଆଦକା ଚେଲକେଦତେ  
 ବାପ୍ତିସ୍ମାକତାନାଏ ମେନ୍ତେକ ଆୟୁମକେଦା ନେଆଁ ଯୀଶୁ  
 ଆଟ୍‌କାରକେଦାଏ । ୨ ଯୀଶୁ ଆୟାଃତେଗି କାଏ ବାପ୍ତିସ୍ମାକ  
 ତାଇକେନା ମେନ୍ଦ ଇନିୟାଃ ଚେଲକ ବାପ୍ତିସ୍ମା ଏମାକତାନ୍  
 ତାଇକେନାକ । ୩ ନେ ସବେନାଃ ଆଟ୍‌କାରକେଦତି ଇନିଃ ଯିହୁଦା  
 ଦିଶୁମ୍ ବାଗିକେଦାଏ ଆତଃ ଗାଲିଲତେ ସେନ୍‌ରୁହାଡ଼ୟାନାଏ ।  
 ୪ ଆତଃ ଇନିଃକେ ଶମିରୋନ୍ ଦିଶୁମ୍ ଥାଲା ଥାଲାତେ ସେନଃ  
 ଲାଗାତିଙ୍ଗ୍ ତାଇକେନା ।

୫ ଏନ୍ତେ ଯୀଶୁ ଶମିରୋନ୍ରେଆଃ ଶିଖର୍ ନୁତୁମ୍ ମିଆଁଦ ହାତୁତେ  
 ସେଚେର୍‌ୟାନାଏ, ଏନା ଯାକୁବ୍ ଆୟାଃ ହନ୍ ଯୋଷେଫ୍‌କେ  
 ଏମାକାଇ ଅତେ ଜାପାଃରେ ତାଇକେନା । ୬ ଏନ୍ତାଃରେ ଯାକୁବ୍‌ଆଃ  
 କୁଆଁ ତାଇକେନା, ଆତଃ ଯୀଶୁ ହରା ସେସେନ୍‌ତେ ଲାଗାୟାନ୍ତେ,  
 କୁଆଁତାଃରେ ଦୁବ୍‌ୟାନାଏ । ଇମ୍ତାଦ ଡିକିନ୍‌ସିଙ୍ଗି ତାଇକେନା ।

୭ ଏନ୍ତେ ମିଆଁଦ ଶମିରୋନ୍ରେନ୍ କୁଡ଼ି ଦାଆଃ ବୁରାଃତେ  
 ହିଜୁଃୟାନାଏ, ଆତଃ ଯୀଶୁ ଇନିଃକେ କାଜିକିୟାଏ, “ନୁଁଏ ଦାଆଃ

† ୩:୩୩ ୩:୩୩ ମୋହର୍କାଦାଏ ପକ୍ତାସାବୁଡ୍ ☆ ୩:୩୫ ୩:୩୫ ମାଥୁର ୧୧:୨୭; ଲୁକ  
 ୧୦:୨୨. ‡ ୩:୩୬ 3:36 ଖ୍ଵ

ଏମାଲଙ୍କମେ ।” ୮ ଇମ୍ତାଙ୍କ ଇନିୟାଃ ତେଲାଇଦ ଜମେୟାଃ କିରିଙ୍ଗେତେ ସାହାର୍ତେ ସେନାକାନ୍ ତାଇକେନାକ ।

୯ ଏନ୍ କୁଡ଼ି ଯୀଶୁକେ କାଜିକିୟାଏ, “ଆମ୍ ଯିହୁଦୀ ତାନ୍ମେ ଆତଃ ଆଇଙ୍ଗ୍ ଶମିରୋନ୍ରେନ୍ ତାନିଙ୍ଗ୍, ଆମ୍ ଚିଲ୍କାତେ ନୁଁଏ ଦାଆଃ ଆସି ଦାଡ଼ିତାନାମ୍ ?” ଚିୟାଃଚି ଯୀହୁଦିକଦ ଶମିରୋନି କଲଃ କାକ ମେସାଅଃ ତାଇକେନା ।

୧୦ ଯୀଶୁ କାଜିରୁହାଡ଼କିୟାଏ, “ଆମ୍ ପାର୍ମେଶ୍ଵାର୍ଆଃ ଏନେମତେୟାଃ ଆତଃ ଦାଆଃ ଆସିନିଃ ଅକଏ ତାନିଃ, ଏନାମ୍ ସାରିରେଦ, ଆମ୍ ଇନିଃକେ ଆସିତେୟାଃ ଆତଃ ଇନିଃ ଆମ୍କେ ଜାନିଦ୍ ଦାଆଃ ଏମାମ୍ତେୟାଃଏ ।”

୧୧ ଏନ୍ କୁଡ଼ି କାଜିକିୟାଏ, “ଗମ୍କେ, ଆମାଃତାଃରେ ବୁରାଃତେଆଃଦ ବାନଆଃ ଆତଃ କୁଆଁଦ ଇକିରା\*, ଏନ୍ ଜାନିଦ୍ ଦାଆଃ କତାଃଏତେମ୍ ନାମେୟା ? ୧୨ ଚିୟାଃ ଆମ୍ ଆଲେୟାଃ ଆପୁ ଯାକୁବ୍ ଏତେ ମାରାଙ୍ଗ୍ଆମ୍ ? ଇନିଃ ନେ କୁଆଁ ଏମାଦ୍ଲେୟାଏ ଆତଃ ଏନାଏତେ ଆଇଃକହଗି ନୁଁକେଦାଏଃ, ଏନ୍ଲେକା ଇନିୟାଃ ହନ୍ହପନ୍କ ଆତଃ ଇନିୟାଃ ଉରିଃକ୍, ମେରମ୍କହ୍ ନୁଁକେଦାଃକ ।”

୧୩ ଯୀଶୁ ଇନିଃକେ କାଜିରୁହାଡ଼କିୟାଏ, “ନେ ଦାଆଃ ନୁଁଏନିଃକେ ତେତାଙ୍ଗ୍ ରୁହାଡ଼ିଆ, ୧୪ ମେନ୍ଦ ଆଇଙ୍ଗ୍ ଏମାଲ ଦାଆଃ ନୁଁଏ ହଡ଼ ଚିତଲାହ କାଏ ତେତାଙ୍ଗ୍ଆଃ ଆତଃ ଆଇଙ୍ଗ୍ ଏମାଲ ଦାଆଃ ଇନିଃରେ ଜାନାଅ ଜୀଦାନ୍ ଜାକେଦ୍ ଲିଙ୍ଗିୟାଃ ଦାଆଃରେୟାଃ କୁଆଁଦାଆଃ ବାଇୟାଃ ।”

୧୫ ଏନ୍ କୁଡ଼ି କାଜିକିୟାଏ, “‘ହେ ଗମ୍କେ,’ ଆଇଙ୍ଗ୍କେ ଏନ୍ ଦାଆଃ ଏମାଲଙ୍କମେ, ଜେ’ଲେକାଚି ଆଇଙ୍ଗ୍ ଆଲକାଇଙ୍ଗ୍ ତେତାଙ୍ଗ୍କାଃ, ଆତଃ ଦାଆଃ ବୁରାଃନାଙ୍ଗ୍ ନେତାଃତେ ଆଲକାଇଙ୍ଗ୍ ହିଜୁଃକା ।”

୧୬ ଯୀଶୁ ଇନିଃକେ ମେନ୍କିୟାଏ, “ଜୁ ଆମାଃ କଡ଼ାକେ କେଡ଼ାଇମେ,” ଆତଃ “ନେତାଃ ହିଜୁଃବେନ୍ ।”

୧୭ ଏନ୍ କୁଡ଼ି ମେନ୍ରୁହାଡ଼ାଇୟାଏ, “ଆଇଁୟାଃ କଡ଼ା ବାଙ୍ଗାଇୟାଃ ।” ଯୀଶୁ ମେନ୍ରୁହାଡ଼ାଇୟାଏ, “ଆଇଁୟାଃ କଡ଼ା ବାଙ୍ଗାଇୟାଃ

\* ୪:୧୧ ୪:୧୧ ଇକିରା ଗାଡ଼ାଗିଆଃ

ମେନ୍ତେ ରୁଗିନାମ୍ କାଜିକେଦା, <sup>୧୮</sup> ଆମ୍ବ ମଣେୟାତାଃ ଅଡ଼ାଃୟାନାମ୍ ଆଡ଼ଃ ଆମାଃଲଃ ନାହାଃ ତାଇନ୍ତାନିଃ ଆମାଃ କଡ଼ା ନାହାଲିଃ, ନେଆଁ ଆମ୍ ସାର୍ତ୍ତିଗି କାଜିୟାକାଦାମ୍ ।”

<sup>୧୯</sup> ଏନ୍ କୁଡ଼ି ମେନ୍କିୟାଏ, “ହେ ଗମ୍ବେ, ଆମ୍ ନାବୀ ତାନ୍ମେ, ନେଆଁ ଆଇଙ୍ଗ୍ ନେଲ୍ଦାଡ଼ିତାନା ।

<sup>୨୦</sup> “ଆଲେୟାଃ ହାଡ଼ାମ୍ ହଡ଼କ ନେ ବୁରୁରେ ପାର୍ମେଶ୍ୱାର୍ଆଃକ ସେଞ୍ଜା କେଦାଃ ମେନ୍ଦ ଆପେ ଯିହୁଦୀକ ମେନେତାନା, ଅକନ୍ ଜାଗାରେ ପାର୍ମେଶ୍ୱାର୍ଆଃ ସେଞ୍ଜା ଲାଗାଡ଼ିଙ୍ଗ୍ୟାଃ ଏନା ଯୀରୁଶାଲେମ୍ରେ ମେନାଃ ।”

<sup>୨୧</sup> ଯୀଶୁ ଇନିଃକେ କାଜିକିୟାଏ, “ଏ କୁଡ଼ି କାଜିତାଇୟାଃ ପାତିୟାରେମ୍, ଏନ୍ ଦିପିଲି ହିଜୁଃଆ ଅକ ଦିପିଲିରେ ଆପେ ନେ ବୁରୁରେ ତି ଯୀରୁଶାଲେମ୍ରେହ୍ ଆପୁଆଃ କାପେ ସେଞ୍ଜା ରିକାଗିଆ । <sup>୨୨</sup> ଆପେ ଶମିରୋନ୍ରେନ୍କ କା ସାରିନିଃକେପେ ସେଞ୍ଜାଇତାନା; ଆଲେ ଯିହୁଦୀକ ସାରିତାନିଃକେ ସେଞ୍ଜାଇତାନାଲେ, ତିୟାଃତି ଜୀଉବାସ୍ତାଅନିଃ ଯୀହୁଦିକଏତେ ହିଜୁଃତାନା । <sup>୨୩</sup> ମେନ୍ଦ ଦିପିଲି ହିଜୁଃଆ ଆଡ଼ଃ ନାହାଃ ସେଟେରାକାନା, ଏନାରେ ସାର୍ତ୍ତି ସେଞ୍ଜାଇନିଃକ ଆମ୍ ଆଡ଼ଃ ସାନାର୍ତ୍ତିତେ ଆପୁକେକ ସେଞ୍ଜାଇୟା, ଆପୁଦ ନେ ଲେକାନ୍ ସେଞ୍ଜାଇତାନ୍କକେ ନାମ୍ତାନା । <sup>୨୪</sup> ପାର୍ମେଶ୍ୱାର୍ ଆମ୍ ତାନିଃ ଆଡ଼ଃ ଇନିଃକେ ସେଞ୍ଜାଇତାନ୍କ ଆମ୍ପାରାଃ ପେଡେଃତେ ଏସ୍କାର୍ ଆଡ଼ଃ ସାନାର୍ତ୍ତିତେ ସେଞ୍ଜାଇ ଲାଗାଡ଼ିଙ୍ଗ୍ୟାଃ ।”

<sup>୨୫</sup> ଏନ୍ କୁଡ଼ି ଇନିଃକେ ମେତାଇୟାଏ, “ଖ୍ରୀଷ୍ଟୁ ନୁଡୁମ୍ତାନ୍ ମାସି ହିଜୁଆଃଏ, ଏନାଇଙ୍ଗ୍ ସାରିତାନା, ଇନିଃ ହିଜୁଃକେଦ୍ତେ ସବେନାଃଏ ଉଦୁବାଲେୟା ।”

<sup>୨୬</sup> ଯୀଶୁ ମେତାଇୟାଏ, “ଆଇଙ୍ଗ୍ ଇନିଃ ତାନିଙ୍ଗ୍, ଅକଏତି ଆମାଃଲଃ ଜାଗାର୍ତାନାଏ ।”

<sup>୨୭</sup> ଆଡ଼ଃ ଏନ୍ ଦିପିଲିରେ ଇନିୟାଃ ଚେଲକ ହିଜୁଃୟାନା ଆଡ଼ଃ ଇନିଃ ମିଆଁଦ୍ କୁଡ଼ିଲଃ ଜାଗାର୍ତାନ୍ ନେଲ୍କେଦ୍ତେ ହାଏକାର୍ୟାନାକ । ଏନ୍ରେହ୍ ଜେତାଏ ଆମ୍ ଚିକ୍ନାଃମ୍ ସାନାଙ୍ଗ୍ତାନା ତାଏ ନିଃଲଃ ତିନାଃ ମେନ୍ତେମ୍ ଜାଗାର୍ତାନା ମେନ୍ତେ ଜେତାଏ କାକ କୁଲିକିୟା ।

୨୮ ଏନ୍ତେ ଏନ୍ କୁଡ଼ି ଆୟାଃ ଚାଟୁ ବାଗିତୁକାକେଦ୍ତେ, ହାତୁତେ ସେନଃୟାନାଏ ଆଡ଼ଃ ଏନ୍ତାଃରେ ହଡ଼କକେ କାଜିୟାଦ୍‌କଆଏ, ୨୯ “ଏଲା ମିଆଁଦ୍ ହଡ଼ ନେଲିପେ, ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍‌କେ ଉଦୁବାଦିଇୟାଁ, ଇଦୁ ଇନିଃ ମାସି ତାନିଃ ଚି କାହା ?” ୩୦ ଇନ୍‌କୁ ସାହାର୍‌ଏତେ ଅଡ଼ଙ୍ଗ୍‌ୟାନ୍‌ତେ ଇନିଃତାଃତେକ ହିଜୁଃୟାନା ।

୩୧ ଏନ୍ତେ ଇନିୟାଃ ଚେଲାକ ବିକ୍ରିକେଦ୍‌ତେ କାଜିକିୟାଃକ, “ହେ ଗୁରୁ, ଜେଡ଼ନାଃ କାଚିକାନ୍ ଜମେମେ ।”

୩୨ ମେନ୍‌ଦ୍ ଯାଶୁ ଇନ୍‌କୁକେ କାଜିୟାଦ୍‌କଆଏ, “ଆପେ ଅକ ଜଜମ୍ ବିଷାଏରେ କାପେ ସାରିଆଃ, ଏନ୍ ଜମେୟାଃ ଆଇୟାଃତାଃରେୟା ।”

୩୩ ଏନ୍ତେ ଚେଲାକ ଆକ ଆକରେ ମେପେନ୍‌ୟାନାକ, “ଜେତାଏ ମିହୁଡ଼୍ ଇନିଃକେ ଜମେୟାଃ ଆଡ଼ଞ୍ଜାକାଇୟାଏ ?”

୩୪ ଯାଶୁ ଇନ୍‌କୁକେ କାଜିକେଦ୍‌କଆଏ, “ଆଇଙ୍ଗ୍‌କେ କୁଲାକାନ୍‌ନିୟାଃ ମନେଲେକା ସେସେନ୍ ଆଡ଼଼ ଇନିଃ ଆଇଙ୍ଗ୍‌କେ ଏମାକାଇଙ୍ଗ୍ କାମି ଚାବାଏତେୟାଃ ଆଇୟାଃ ଜମେୟାଃ ତାନାଃ । ୩୫ ଚିୟାଃ ଆପେ ଚାର୍ ମାହୁଁନା ତାୟମ୍‌ତେ ଇରୋଃ ତେବାଗାଃ ମେନ୍ତେ କାପେ କାଜିତାନା ? ହେରାକାନ୍ ପିଡ଼ିକେ ଆରିଦ୍‌ରାକାବେପେ ଏନା ଇରୋଃ ନାଗେନ୍ତେ ବିଲି ଚାବାକାନା ନେଆଁ ଆଇଙ୍ଗ୍ କାଜିୟାପେତାନା । ୩୬ ନାହାଁଃ ଜାକେଦ୍ ଇରୋଃନିଃ ନାଲା ନାମ୍‌ତାନାଏ, ଆଡ଼଼ ଜାନାଅ ଜୀଦାନ୍ ନାଗେନ୍ତେ ଜ'ଆଏ ହୁଣ୍ଡିତାନା, ଜେ'ଲେକା ଏନାତେ ହେରଃନିଃ ଆଡ଼଼ ଇରୋଃନିଃ ବାରାନ୍‌କିନ୍ ମିଦ୍‌ତେକିନ୍ ରାସକାଅଃଆ । ୩୭ ମିଆଁଦ୍ ହଡ଼ ହେରେତାନାଏ ଆଡ଼଼ ଏଟାଃନିଃ ଇରେତାନାଏ, ନେ କାଜିଦ୍ ସାର୍‌ଡ଼ିଗିଆଃ । ୩୮ ଆପେ କାପେ କାମିୟାକାଦ୍‌ତେୟାଃ ଇରେ ନାଗେନ୍ତେଇଙ୍ଗ୍ କୁଲ୍‌କେଦ୍‌ପେୟା । ଏଟାଃକ କାମିୟାକାଦାଃ ଆଡ଼଼ ଆପେ ଇନ୍‌କୁଆଃ କାମିରେ ଆଦାଏପେ ନାମାକାଦା ।”

୩୯ ଆଡ଼଼ ଏନ୍ ସାହାର୍‌ରେନ୍ ଶମିରୋନିକଏତେ ପୁରାଃ ହଡ଼କ ଯାଶୁରେକ ବିଶ୍ୱାସକେଦାଃ, ଚିୟାଃଚି ଏନ୍ କୁଡ଼ିଦ୍ “ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍‌କେ ଉଦୁବାଦିଇୟାଁ” ମେନ୍ତେ ଗାଞ୍ଜା ଏମ୍‌କେଦାଏ । ୪୦ ଏନାମେନ୍ତେ ଶମିରୋନିରେନ୍ ଇନିଃତାଃ



ହିଜୁଃଲେନ୍ତେ ଆମ୍ ଆଲେଲଃ ତାଇନ୍‌ମେ ମେନ୍ତେକ ବିକ୍ରିକିୟାଃ ଆଡ଼ଃ ଇନିଃ ଏନ୍ତାଃରେ ବାର୍‌ସିଙ୍ଗ୍ ତାଇନ୍‌ୟାନାଏ ।

୪୧ ଆଡ଼ଃ ଇନିୟାଃ କାଜି ନାଗେନ୍ତେ ଆଦ୍‌କା ହଡ଼କ ବିଶ୍ୱାସ୍‌କେଦାଃ । ୪୨ ଆଡ଼ଃ ଇନ୍‌କୁ ଏନ୍ କୁଡ଼ିକେ କାଜିକିୟାଃକ, “ନାହାଁଃଦ ଆମାଃ କାଜି ନାଗେନ୍ତେ କାଲେ ବିଶ୍ୱାସ୍‌ତାନା, ଚିୟାଃଚି ଆଲେଦ ନାହାଁଃ ଆୟୁମାକାଦାଲେ ଆଡ଼ଃ ନିଃ ସାର୍‌ତିଗି ଅତେଦିଶୁମ୍‌ରାଃ ଜୀଉବାସ୍ତାଅନିଃ ତାନିଃ ନେଆଁଲେ ସାରିତାନା ।”

ୟୀଶୁ ମିଆଁଦ୍ ଗମ୍‌କେୟାଃ କଡ଼ାହନ୍‌କେ ବୁଗିକିୟାଏ

୪୩ ଆଡ଼ଃ ବାର୍‌ସିଙ୍ଗ୍ ତାୟମ୍‌ତେ ଯୀଶୁ ଏନ୍ତାଃଏତେ ଅତଙ୍ଗ୍‌ୟାନ୍‌ତେ ଗାଲିଲ୍‌ତେ ସେନଃୟାନାଏ । ୪୪ ✠ୟୀଶୁ ଆୟାଃତେଗି ଗାଞ୍ଜା ଏମ୍‌କେଦାଏ, “ନାବୀ ଆୟାଃ ଦିଶୁମ୍‌ରେ କାଏ ମାଇନଃଆ ।” ୪୫ ✠ଇନିଃ ଗାଲିଲ୍‌ତେ ତେବାଃୟାନ୍‌ଚି, ଗାଲିଲ୍‌ରେନ୍‌କ ଇନିଃକେ ଦାରମ୍‌କିୟାଃ । ଇନ୍‌କୁଦ ଯୀରୁଶାଲେମ୍‌ରେଆଃ ପାରାବ୍ ଦିପିଲିରେ ଇନିଃ କାମିକେଦ୍ ସବେନାଃ ନେଲାକାଦକ ତାଇକେନା, ଚିୟାଃଚି ଇନ୍‌କୁହ ପାରାବ୍‌ତେକ ସେନ୍‌କେନା ।

୪୬ ✠ୟୀଶୁ ଆଡ଼ଃଚି ଗାଲିଲ୍‌ରେୟାଃ କାନା ହାତୁରେ ତେବାଃୟାନା, ଏନ୍ତାଃରେଦ ଇନିଃ ଦାଆଃକେ ଦାଖ୍‌ରାସି ବାଇୟାକାଦ୍ ତାଇକେନାଏ । ଆଡ଼ଃ ଏନ୍ତାଃରେ ମିଆଁଦ୍ ଗମ୍‌କେ† ତାଇକେନାଏ, ଇନିୟାଃ ହନ୍ କପର୍‌ନାହୁମ୍ ସାହାରରେ ଦୁକୁତାନ୍ ତାଇକେନାଏ । ୪୭ ଆଡ଼ଃ ଯୀଶୁ ଯିହୁଦା ଏତେ ଗାଲିଲ୍‌ତେ ହିଜୁଆକାନାଏ ମେନ୍ତେ ଇନିଃ ଆୟୁମ୍‌କେଦ୍‌ଚି ଇନିଃତାଃତେ ସେନଃୟାନାଏ, ଆଡ଼ଃ ଆମ୍ ହିଜୁଃକେଦ୍‌ତେ ଆଇଁୟାଃ ହନ୍‌କେ ବୁଗିମେ ମେନ୍ତେ ବିକ୍ରିକିୟାଏ, ଚିୟାଃଚି ଇନିଃଦ ଗଜଃଲେକାନ୍ ତାଇକେନାଏ । ୪୮ ଯୀଶୁ ଇନିଃକେ କାଜିକିୟାଏ, “ଆପେ ଚିହ୍ନାଁ ଆଡ଼ଃ ଆକ୍‌ଦାନ୍‌ଅ କାମି କାପେ ନେଲେରେଦ କାପେ ବିଶ୍ୱାସେଆ ।”

୪୯ ଏନ୍ ଗମ୍‌କେ ମେତାଇୟାଏ, “ହେ ଗୁରୁ, ଆଇଁୟାଃ ହନ୍ ଗଜଃ ସିଦାରେ ହିଜୁଃମେ ।”

✠ ୪:୪୪ ୪:୪୪ ମାଥୁର ୧୩:୫୭; ମାର୍କ ୭:୪; ଲୁକ ୪:୨୪. ✠ ୪:୪୫ ୪:୪୫ ଯୋହାନ୍ ୨:୨୩. ✠ ୪:୪୬ ୪:୪୬ ଯୋହାନ୍ ୨:୧-୧୧. † ୪:୪୭ ୪:୪୭ ଗମ୍‌କେ ମାରାଙ୍ଗ୍ ହଡ଼

୫୦ ଯୀଶୁ ଇନିଃକେ ମେନ୍‌ରୁହାଡ଼ାଇୟାଏ, “ଜୁ, ସେନଃମେ, ଆମାଃ ହନ୍ ଜୀହୁଦଃଆଏ ।”

ଏନ୍ ହଡ଼ ଯୀଶୁ କାଜିକାଇ କାଜିରେ ବିଶ୍ୱାସକେଦ୍‌ତେ ସେନଃୟାନାଏ । ୫୧ ଆଡ଼ଃ ଇନିଃ ସେନଃତାନ୍ ତାଇକେନ୍‌ରେ ଇନିୟାଃ ଦାସିକ ଇନିଃକେ ସେନ୍‌ଦାରମ୍‌କିୟାଃକ ଆଡ଼ଃ “ହନ୍‌ତାମାଃ ଜୀହୁଦ୍‌ୟାନାଏ” ମେନ୍‌ତେକ ଉଦୁବ୍‌କିୟା ।

୫୨ ଏନ୍ତେ ଇନିଃ ଅକ ଦିପିଲିରେ ବୁଗି ଏଟେଦ୍‌ୟାନାଏ ମେନ୍‌ତେ ଇନ୍‌କୁକେ କୁଲିକେଦ୍‌କଆଏ । ଆଡ଼ଃ ଇନ୍‌କୁ ହଲା ହୁଡ଼ିଙ୍ଗ୍ ସିଙ୍ଗ୍ ମିଦ୍ ଘାଣ୍ଟାରେ ଇନିୟାଃ ଉରିୟୁ ବାଗିକିୟାଏ ମେନ୍‌ତେ ଇନ୍‌କୁ କାଜିକିୟାଃକ । ୫୩ ଆଡ଼ଃ ହନ୍‌ତାମାଃ ଜୀହୁଦଃଆଏ ମେନ୍‌ତେ ଯୀଶୁ କାଜିୟାଇ ଦିପିଲିରେଗି ନେକାୟାନା ଏନା ଆପୁତେ ଆଟ୍‌କାରକେଦାଏ, ଏନ୍ତେ ଇନିଃ ଆଡ଼ଃ ଇନିୟାଃ ଅଡ଼ାଃରେନ୍‌କ ଯୀଶୁରେକ ବିଶ୍ୱାସକେଦାଃ । ୫୪ ଯୀଶୁ ଯିହୁଦାଏତେ ଗାଲିଲ୍‌ରେ ହିଜୁଃୟାନ୍ତେ ନେଆଁ ବାର୍‌ସାତେ ପେଡ଼େୟାନ୍ କାମି କାମିକେଦାଏ ।



**ଯୀଶୁ ବାନ୍ଦାତାଃରେ ମିଆଁଦ୍ ହାସୁତାନ୍‌ନିଃକେ ବୁଗିକିୟାଏ**

୧ ନେଆଁ ତାୟମ୍‌ତେ, ଯୀଶୁ ଯୀରୁଶାଲେମ୍‌ତେ ସେନଃୟାନାଏ, ଚିୟାଃଚି ଯିହୁଦୀକଆଃ ପାରାବ୍ ତାଇକେନା । ୨ ଯୀରୁଶାଲେମ୍‌ରାଃ ମିଶ୍ଟି ଦୁଆର୍ ଜାପାଃରେ ମିଆଁଦ୍ ବାନ୍ଦା ମେନାଃ, ଏବ୍ରୀ କାଜିତେ ଏନାଦ ବେଥେସ୍‌ଦା ନୁତୁମଃତାନା । ଏନ୍ ବାନ୍ଦାରେ ମଣେୟାଁ ପିଣ୍ଡିଗି ତାଇକେନା । ୩ ଏନ୍ତାଃରେ ପୁରାଃ ଦୁକୁତାନ୍‌କ, କାଣାଁକ, ଛୁଟାକ ଆଡ଼ଃ ରହଡ଼ାକାନ୍‌କ ବାଟିଆକାନ୍ କେପା ତାଇକେନାକ । ଇନ୍‌କୁଦ ଦାଆଃ ହେଲତେଆଃ ନେଲ୍‌ହରାତାଇକେନାକ । ୪ ଚିୟାଃଚି ମିସା ମିସାଦ ମିଆଁଦ୍ ଦୁଡ୍ ବାନ୍ଦାରେ ଆଡ଼ଗୁକେଦ୍‌ତେ ଦାଆଃ ହେଲତାଇକେନାଏ ଆଡ଼ଃ ଦାଆଃ ହେଲୟାନ୍ ତାୟମ୍‌ତେ, ଅକଏ ସିଦାତେ ଏନାରେ ଆଡ଼ଗୁୟାନ୍‌ନିଃ ଇନିୟାଃ ସବେନ୍ ଦୁକୁଏତେ ବୁଗିଅଃତାନ୍ ତାଇକେନାଏ । ୫ ଏନ୍ତାଃରେ ମିଆଁଦ୍ ହଡ଼ ତାଇକେନାଏ, ଇନିଃ ହିସିଗେଲ୍\* ଇରାଲିୟା† ବାରାଷ୍‌ଏତେ ହାସୁତାନାଏ ତାଇକେନା ।

\* ୫:୫ ୫:୫ ଡିରିଗ୍ † ୫:୫ ୫:୫ ଆଠ୍

୬ ଯୀଶୁ ଇନିଃକେ ବାଟିଆକାନ୍ ନେଲ୍‌କିୟାଏ ଆତଃ ଏନ୍‌ଲେକା ପୁରାଃ ମାହାଁ ହେତେ ମେନାଇୟା ଏନା ଆଟ୍‌କାର୍‌କେଦ୍‌ତେ, “ତିୟାଃ ଆମ୍ ବୁଗିଅଃ ସାନାଙ୍‌ତାନାମ୍” ମେନ୍ତେ କୁଲିକିୟାଏ ।

୭ ଏନ୍ ହାସୁତାନ୍‌ନିଃ କାଜିରୁହାଡ଼କିୟାଏ, “ଗମ୍‌କେ, ଦାଆଃ ହେଲ୍‌ଃତାନ୍ ଇମ୍‌ତା ବାନ୍‌ରେ ଆଡ଼ଗୁଇଙ୍‌ନିଃ ଜେତାଏ ବାଙ୍‌କୁଆ ଆତଃ ଆଇଙ୍ ସେଟେର୍ ସିଦାରେ ଏଟାଃନିଃ ଆଡ଼ଗୁ ଆୟାରେନ୍‌ତାନାଏ ।”

୮ ଯୀଶୁ ଇନିଃକେ ମେତାଇୟାଏ, “ବିରିଦ୍‌ମେ, ପାର୍‌କମ୍‌ତାମାଃ ଗଅଃକେଦ୍‌ତେ ସେନଃମେ ।” ୯ ଆତଃ ଇମ୍‌ତାଗି ଏନ୍ ହଡ଼ ବୁଗିୟାନାଏ ଆତଃ ଆୟାଃ ପାର୍‌କମ୍ ଗଅଃକେଦ୍‌ତେ ସେନଃୟାନାଏ । ଏନା ରୁଡ଼ନ୍ ହୁଲାଙ୍ ତାଇକେନା, ୧୦ ଏନାମେନ୍ତେ ଯିହୁଦୀକ ବୁଗିଆକାନ୍ ହଡ଼କେ କାଜିକିୟାଃକ, “ତିସିଙ୍ ରୁଡ଼ନ୍ ହୁଲାଙ୍ ତାନାଃ, ପାର୍‌କମ୍ ଗଅଃ ଆମ୍‌କେ କା ଲାଗାତିଙ୍‌ୟାଃ ।”

୧୧ ମେନ୍‌ଦ ଇନିଃ କାଜିରୁହାଡ଼ାଦ୍‌କଆଏ, “ଆଇଙ୍‌କେ ବୁଗିକେଦ୍‌ନିଃ ପାର୍‌କମ୍ ଗଅଃକେଦ୍‌ତେ ସେନଃମେ ମେତାଦିୟାଏ ।”

୧୨ ଏନ୍ତେ ଇନ୍‌କୁ ଇନିଃକେ କୁଲିକିୟାଃକ, “ପାର୍‌କମ୍‌ତାମାଃ ଗଅଃକେଦ୍‌ତେ ସେନଃମେ ମେତାଦ୍‌ମେ ହଡ଼ ଅକଏ ତାନିଃ ?”

୧୩ ମେନ୍‌ଦ ଏନ୍ ବୁଗିଆକାନ୍ ହଡ଼ ଯୀଶୁ ଅକଏ ତାନିଃ ନେଆଁ କାଏ ସାରିତାନ୍ ତାଇକେନା, ଏନ୍ତାଃରେ ଗାଦେଲ୍ ହଡ଼କ ତାଇକେନ୍ ହରାତେ ଯୀଶୁଦ ଦାନାଙ୍‌କେଦ୍‌ତେ ସେନଃୟାନାଏ ।

୧୪ ନେଆଁ ତାୟମତେ ଯୀଶୁ, ବୁଗିଆକାନ୍ ହଡ଼କେ ମାନ୍‌ଦିର୍ ଅଡ଼ାଃରେ ନାମ୍‌କିୟାଏ ଆତଃ ମେତାଇୟାଏ, “ନେଲେମେ ଆମ୍ ବୁଗିଆକାନାମ୍, ଆତଃ ଆଲମ୍ ପାପ୍‌ପେଆ କା'ରେଦ୍ ନେଆଁଏତେ ଆଦକା ଏଡ଼କାନ୍ ଦୁକୁରେ ଉୟୁଗଃଆମ୍ ।”

୧୫ ଏନ୍ ହଡ଼ ସେନଃୟାନ୍ତେ, ଆଇଙ୍‌କେ ବୁଗିକେଦ୍ ହଡ଼ ଯୀଶୁ ତାନିଃ ମେନ୍ତେ ଯିହୁଦୀକଆଃ ହାକିମ୍‌କକେ ଉଦୁବାଦ୍‌କଆଏ । ୧୬ ଏନ୍ତେ ଯୀଶୁ ନେ କାମିକେ ରୁଡ଼ନ୍ ହୁଲାଙ୍‌ରେ କାମିକେଦ୍ ମେନ୍ତେ ଯିହୁଦୀକ ଇନିଃକେ ସାସାତିକିୟାଃକ । ୧୭ ମେନ୍‌ଦ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆପୁଇଙ୍ ତାଇୟାଃ ଜାନାଅ କାମିତାନାଏ ଆତଃ ଏନ୍‌ଲେକା ଆଇଙ୍ ହଗି କାମିତାନାଇଙ୍ ।”

୧୮ ଏନ୍ତେ ଯିହୁଦୀକ ଯୀଶୁକେ ପୁରାଃଶି ଗଗଏଃ ସାନାଙ୍ଗକେଦାକ, ଚିୟାଃଶି ଯୀଶୁ ରୁଡ଼ନ୍ତୁ ହୁଲାଙ୍ଗକେ କାଏ ମାନାତିଙ୍ଗକେଦାଃ, ଆତଃ ନେଆଁ ନାଗେନ୍ତେ ଏସ୍‌କାର୍ କାହା, ମେନ୍‌ଦ ପାର୍‌ମେଶ୍ୱାର୍‌କେ ଇନିଃ ଆୟାଃ ଆପୁ ମେନ୍‌କେଦାଏ ଆତଃ ଆପାନ୍‌କେ ପାର୍‌ମେଶ୍ୱାର୍‌ଲଃ ଜକା କେଦାଏ ।

ଯୀଶୁ ଯାହୁଦିକତାଃରେ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ଉଦୁବଃତାନା ।

୧୯ ଏନ୍ତେ ଯୀଶୁ କାଜିରୁହାଡ଼ାଦକଆଏ, “ସାର୍‌ତିଗି କାଜିୟାପେ ତାନାଇଙ୍ଗ, ହନ୍ ଆୟାଃତେ ଜେଡ଼ନାଃ କାଏ କାମିଦାଡ଼ିୟାଃ, ଆପୁକେ କାମିକେଦ୍‌ତେୟାଃ ନେଲ୍‌କିଃତେ ଏନା ଏସ୍‌କାର୍ ଇନିଃ କାମିୟାଏ, ଆପୁ କାମିକାଦ୍ ସବେନ୍ କାମିକ ହନ୍‌ହ ଏନାଲେକାଗି କାମିକାଦାଃଏ । ୨୦ ଚିୟାଃଶି ଆପୁଦ ହନ୍‌କେ ଦୁଲାଡ଼ିତାନାଏ ଆତଃ ଇନିଃ ଆୟାଃ କାମିକାଦ୍ ସବେନାଃ ଉଦୁବାଇତାନାଏ ଆତଃ ଆପେ ଚିଲ୍‌କା ହାଏକାଟ୍‌ଆଃ ଏନାମେନ୍ତେ ନେଆଁଏତେ ଆତଃ ମାରାଙ୍ଗ କାମି ଉଦୁବାଇୟା । ୨୧ ଆପୁ ଜେ'ଲେକା ଗଜାକାନ୍‌କକେ ଜୀଉବିରିଦ୍‌କେଦ୍‌ତେ ଜୀଦାନ୍ ଏମାଃଏ ଏନ୍‌ଲେକା ହନ୍‌ହଗି ଆୟାଃ ସାନାଙ୍ଗତାନ୍‌କକେ ଜୀଦାନ୍ ଏମାଃଏ । ୨୨ ଆତଃ ଆପୁଦ ଆଇଃକ୍‌ଗି ଜେତାଏକେ କାଏ ବିଚାର୍‌କଆ ମେନ୍‌ଦ ଗଟାବିଚାର୍ ନାଗେନ୍ତେ ଇନିଃ ଆୟାଃ ହନ୍‌କେ ଏମ୍‌କିୟାଏ । ୨୩ ନେଆଁମେନ୍ତେ ସବେନ୍‌କ ଆପୁକେ ମାଇନିତାନ୍‌ଲେକା ହନ୍‌କେହ ମାଇନିଆକ । ହନ୍‌କେ କାଏ ମାଇନିନିଃ କୁଲାକାଇ ଆପୁକେ ହଗି କାଏ ମାଇନିଆଃ ।

୨୪ “ସାର୍‌ତିଗି କାଜିୟାପେ ତାନାଇଙ୍ଗ, ଆଇଁୟାଃ କାଜି ଆୟୁମ୍‌ତାନ୍ ଆତଃ ଆଇଁୟାଃ କୁଲ୍‌ନିଃରେ ବିଶ୍ୱାସ୍‌ତାନ୍ ହଡ଼ ଜାନାଅ ଜୀଦାନ୍ ନାମାକାଦାଃଏ ଆତଃ ଇନିଃ କାଏ ବିଚାର୍‌ଆଃ; ମେନ୍‌ଦ ଇନିଃ ଗନ୍‌ଏଃ ଏତେ ଜୀଦାନ୍‌ରେ ପାରମ୍ ସେଟେର୍କାନାଏ । ୨୫ ସାର୍‌ତିଗି କାଜିୟାପେ ତାନାଇଙ୍ଗ ଏନ୍ ଦିପିଲି ହିଜୁଃଆ, ନାହାଁଃ ହଗି ହିଜୁଆକାନା, ଏନାରେ ଗଜାକାନ୍‌କ ପାର୍‌ମେଶ୍ୱାର୍‌ଆଃ ହନ୍‌ଆଃ ସାଡ଼ିକ ଆୟୁମେୟା ଆତଃ ଆୟୁମେକ ଜୀହିଦଃଆ । ୨୬ ଆପୁଦ ଆୟାଃତେଗି ଜୀହିଦଃତାନ୍ ଲେକା, ହନ୍‌କେ ହଗି ଆୟାଃତେଗି ଜୀହିଦଃରେୟାଃ ପେଡ଼େଃଏମ୍‌କିୟାଏ । ୨୭ ଆତଃ ଇନିଃ ମାନଝାହନ୍

ତାନିଃ ମେନ୍ତେ ଇନିଃକେ ବିଚାରରେୟା ପେଡ଼େଃ ଏମାକାଇୟାଏ ।  
 ୨୮ ନେଆଁତେ ଆଲ୍‌ପେ ହାଏକାଟଆଃ, ଏନ୍ ଦିପିଲିଦ ହିଜୁଃଆ  
 ଏନାରେ ସବେନ୍ ତପାକାନ୍‌କ ଇନିୟାଃ ସାଡ଼ିକ ଆୟୁମେୟା ୨୯ ଆଡ଼ଃ  
 ଇନ୍‌କୁ ତପାକାନ୍‌ଏତେ ଅଡ଼ଙ୍‌ଆଁକ, ବୁଗିନ୍‌ଆଃ କାମିକାଦ୍‌କ ଜୀଦାନ୍  
 ନାମେ ନାଗେନ୍ତେ ଆଡ଼ଃ ଏଡ଼କାନାଃ କାମିକାଦ୍‌କ ବିଚାରରେୟାଃ  
 ସାଜାଇ ନାମେ ନାଗେନ୍ତେ ଇନ୍‌କୁଆଃ ଜୀଉବିନିରିଦ୍ ହବାଅଃଆ ।

**ୟୀଶୁଆଃ ଗାଞ୍ଜା**

୩୦ “ଆଇଙ୍‌ ଆଇୟାଃ ପେଡ଼େଃତେ ଜେଡ଼ନାଃ କାଇଙ୍‌  
 କାମିଦାଡ଼ିୟାଃ, ଆଇଙ୍‌କେ ପାରମେଶ୍ୱାର୍ କାଜିତାନ୍ ଲେକାଗିଇଙ୍‌  
 ବିଚାରେତାନା ଆଡ଼ଃ ଆଇୟାଃ ବିଚାର୍ ସାର୍‌ଡ଼ିଗିଆଃ, ଚିୟାଃଚି  
 ଆଇଙ୍‌ଦ୍ ଆଇୟାଃ ମନେଲେକା କାହା ମେନ୍‌ଦ୍ କୁଲ୍‌କାନ୍‌ନିୟାଃ  
 ମନେଲେକା ସେସେନ୍ ନାଗେନ୍ତେ ସାନାଙ୍‌ତାନା । ୩୧ ଆଇଙ୍‌  
 ଆଇୟାଃ ଗାଞ୍ଜା କାଜିରେଦ୍ ଆଇୟାଃ ଗାଞ୍ଜା କା ସାର୍‌ଡ଼ିଞ୍ଜା ।  
 ୩୨ ଆଇୟାଃ ଗାଞ୍ଜା ପେରେଃନିଃ ଏଟାଃ ତାନିଃ ଆଡ଼ଃ ଆଇୟାଃ  
 ନାଗେନ୍ତେ ଇନିଃ ଏମେତାନ୍ ଗାଞ୍ଜା ସାର୍‌ଡ଼ିଗିଆଃ ନେଆଁଇଙ୍‌  
 ଇଡୁଆନ୍‌ତାନା । ୩୩ ☆ଆପେ ଯୋହାନ୍‌ତାଃତେ ହଡ଼କକେ  
 କୁଲ୍‌କେଦ୍‌କଆ ଆଡ଼ଃ ଇନିଃ ସାନାର୍‌ଡ଼ିରେଆ ଗାଞ୍ଜା ଏମ୍‌କେଦାଃଏ  
 । ୩୪ ଆଇଙ୍‌କେ ହଡ଼ସାଃଏତେ ଗାଞ୍ଜା କା ଲାଗାଡ଼ିଙ୍‌ୟାଃ, ମେନ୍‌ଦ୍  
 ଆପେୟାଃ ବାଞ୍ଚାଅଃ ନାଗେନ୍ତେଦ୍ ନେ ସବେନାଃ କାଜିତାନାଇଙ୍‌ ।  
 ୩୫ ଯୋହାନ୍ ଜୁଲ୍‌ଃତାନ୍ ଆଡ଼ଃ ମାସ୍‌ଲେତାନ୍ ଦିମି ତାଇକେନାଏ,  
 ଆଡ଼ଃ ଆପେକେ ଇନିୟାଃ ମାର୍‌ସାଲ୍‌ରେ ଘାଡ଼ିକାଦ୍ ରାସକା  
 ସାନାଙ୍‌ ଲେଦ୍‌ପେୟା । ୩୬ ମେନ୍‌ଦ୍ ଯୋହାନ୍‌ଆଃ ଗାଞ୍ଜାଏତେ  
 ମାରାଙ୍‌ ଗାଞ୍ଜା ଆଇୟାଃତାଃରେୟା, ଚିଆଃଚି ଆପୁଇଙ୍‌ ଏମାକାଦ୍  
 କାମିକକେ ଚାବାଏ ନାଗେନ୍ତେ ଏମାକାଦିୟାଏ, ଆଇଙ୍‌ ଅକନ୍  
 କାମିକ ରିକାତାନାଇଙ୍‌ ଏନ୍‌ସବେନାଃ ଆପୁଇଙ୍‌ ଆଇଙ୍‌କେ  
 କୁଲ୍‌କାଦିୟାଏ ଏନାରେୟାଃ ଗାଞ୍ଜା ଏମେତାନା । ୩୭ ☆ଆଡ଼ଃ  
 ଆଇଙ୍‌କେ କୁଲ୍‌କାଦ୍ ଆପୁ ଆଇୟାଃ ନାଗେନ୍ତେ ଗାଞ୍ଜା ଏମେତାନାଏ,  
 ଆପେ ଇନିୟାଃ ସାଡ଼ି ଚିଉଲ୍‌ହାଗି କାପେ ଆୟୁମାକାଦାଃ ଆଡ଼ଃ

☆ ୫:୩୩ ୫:୩୩ ଯୋହାନ୍ ୧:୧୯-୨୭; ୩:୨୭-୩୦. ☆ ୫:୩୭ ୫:୩୭ ମାଥୁର ୩:୧୭; ମାର୍କ ୧:୧୧; ଲୁକ ୩:୨୨.

ଇନିୟାଃ ମେନ୍ଦମୁହାଁଡ଼୍ କାପେ ନେଲୀକାଦାଃ । ୩୮ ଆତଃ ଇନିୟାଃ କାଜି ଆପେରେ କା ତାଇନ୍ତାନା, ଚିୟାଃଚି ଆପେଦ ଇନିଃ କୁଲୀକାଈନିଃରେ କାପେ ବିଶ୍ୱାସତାନା । ୩୯ ଆପେ ଧାରାମ୍ପୁଥ୍ରେ ଦାଣ୍ଠାଏ ତାନାପେ, ଚିୟାଃଚି ଆପେଦ ଏନାରେ ଜାନାଅ ଜୀଦାନ୍ତୁ ନାମେୟା ମେନ୍ତେପେ ଆଟ୍ଟକାରେତାନା । ଆତଃ ଏନାଗି ଆଇଁୟାଃ ଗାଞ୍ଜା ଏମେତାନା । ୪୦ ମେନ୍ଦ ଜୀଦାନ୍ ନାମ୍ ନାଗେନ୍ତେ ଆପେକେ ଆଇଁୟାଃତାଃତେ ହିଜୁଃ କା ସାନାଙ୍ଗକେଦ୍ପେୟା ।

୪୧ “ଆଇଙ୍ଗ୍ ହଡ଼କତାଃ ଏତେ ମାଇନ୍ କାଈଙ୍ଗ୍ ନାମେତାନା, ୪୨ ମେନ୍ଦ ଆପେ ଚିଲ୍ଲକାନ୍ ହଡ଼ ତାନ୍ଦେ ଆଇଙ୍ଗ୍ ଆପେକେ ସାରିତାନାଈଙ୍ଗ୍, ଚିୟାଃଚି ଆପେୟାଃ ମନ୍ରେ ପାର୍ମେଶ୍ୱାର୍ଆଃ ଦୁଲ୍ଲାଡ଼୍ ବାନଆଃ । ୪୩ ଆଇଙ୍ଗ୍ ଆପୁଆଃ ନୁଡୁମ୍ତେଗି ହିଜୁଆକାନାଈଙ୍ଗ୍ ଆତଃ ଆପେ କାପେ ଦାରମତାନା, ଏଟାଈନିଃ ଆୟାଃ ନୁଡୁମ୍ତେଗି ହିଜୁଃରେଦ ଇନିଃକେ ଆପେ ଦାରମିୟା । ୪୪ ଆପେ ମିଆଁଦ୍ନିଃ ଏଟାଈନିଃଏତେ ମାଇନ୍ଦେ ନାମ୍ତାନା ଆତଃ ଏନ୍ ମିଆଁଦ୍ଗି ପାର୍ମେଶ୍ୱାର୍ଏତେ ହିଜୁଃତାନ୍ ମାଇନ୍ କାପେ ଦାଣ୍ଠାଏତାନା, ଏନ୍ତେଦ ଚିଲ୍ଲକାତେପେ ବିଶ୍ୱାସଦାଡ଼ିୟାଃ ? ୪୫ ଆଇଙ୍ଗ୍ ଆପୁଆଃ ଆୟାର୍ରେ ଚିଟାପେୟା ଏନ୍ଲେକା ଆଲ୍ପେ ଆଟ୍ଟକାରେୟା, ଆପେ ଅକନ୍ ମୁଶାରେ ଆସ୍ତାଏତାନାପେ ଇନିଃଗି ଆପେୟାଃ ଚିଟାନିଃ ତାନିଃ । ୪୬ ଆପେ ମୁଶାରେପେ ବିଶ୍ୱାସେରେଦ ଆଇଙ୍ଗ୍ରେ ହଗି ବିଶ୍ୱାସେତେଆଃ, ଚିୟାଃଚି ଇନିଃଦ ଆଇଁୟାଃ ବିଷାଏରେ ଅଲ୍ଲକେଦାଏ । ୪୭ ମେନ୍ଦ ଆପେ ମୁଶାରାଃ ଅନଲ୍ରେ କାପେ ବିଶ୍ୱାସେରେଦ, ଚିଲ୍ଲକାକେଦ୍ତେ ଆଇଁୟାଃ କାଜିରେପେ ବିଶ୍ୱାସେଆ ?”



ୟୀଶୁ ପାଞ୍ଚ ହାଜାର ହଡ଼କକେ ଜମେୟାଃ ଏମାଦ୍କଆଏ

(ମାଥ୍ୱ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଏନା ତାୟମ୍ତେ ଯୀଶୁ ଗାଲିଲ୍ ଚାଏ ତିବିରିୟା ଦରେୟା ହାନ୍ ପାରମ୍ତେ ସେନଃୟାନାଏ । ୨ ଆତଃ ପୁରାଃ ଗାଦେଲ୍ ହଡ଼କ ଇନିଃକେ ଅତଙ୍ଗକିୟାଃକ, ଚିୟାଃଚି ଇନ୍କୁଦ ହାସୁତାନ୍ କରେ ଇନିଃ

କାମିକେଦ୍ ଚିହ୍ନାକ ନେଲକେଦାଃ ।<sup>୩</sup> ଆତଃ ଯୀଶୁ ବୁରୁ ଚେତାନରେ ଦେଏଃୟାନ୍ତେ ଏନ୍ତାଃରେ ଆୟାଃ ଚେଲାକଲଃ ଦୁବ୍‌ୟାନାଏ ।  
 ୪ ଆତଃ ଯିହୁଦୀକଆଃ ପାସ୍କା ପାରାବ୍ ନାଡ଼େଃଜାକାନ୍ ତାଇକେନା ।  
 ୫ ଆତଃ ଯୀଶୁ ଆରିଦକେଦ୍‌ତେ, ପୁରାଃ ଗାଦେଲ୍ ହଡ଼କ ଆୟାଃତାଃତେ ହିଜୁଃତାନ୍ ନେଲକେଦକଆଏ, ଆତଃ ଇନିଃ ଫିଲିପ୍‌କେ କାଜିକିୟାଏ, “ନିକୁଆଃ ଜମେ ନାଗେନ୍ତେ ପୁରାଃ ହଲ୍‌ଜ୍ କତାଃଏତେବୁ କିରିଜ୍‌ୟେଆ ?”<sup>୬</sup> ମେନ୍‌ଦ ଇନିଃ ଫିଲିପ୍‌କେ ଆଟ୍‌କାରି ନାଗେନ୍ତେ ନେଆଁ କାଜିକିୟାଏ, ଇନିଃଦ ଚିକ୍‌ନାଃଇଜ୍ ଚିକାୟା ଏନା ଆଇଃକ୍‌ଗି ସାରିତାନାଏ ତାଇକେନା ।

<sup>୭</sup> ଫିଲିପ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍‌ନିଃ ହୁଡ଼ିଜ୍‌ଲେକାଏ ଜମେରେୟଗି, ହଲ୍‌ଜ୍ ପୁରାଅଃନାଜ୍ ୨୦୦ ରୁପାରାଃ ସିକାତେ ହଲ୍‌ଜ୍ କିରିଜ୍ ଲାଗାଡ଼ିଜ୍‌ୟାଃ ।”

୮ ଏନ୍ତେ ଚେଲାକଏତେ ମିଆଁଦ୍‌ନିଃ ଶିମୋନ୍ ପାଡ଼ରାସରାଃ ହାଗାତେ ଆହିୟ ଇନିଃକେ ମେନ୍‌କିୟାଏ,<sup>୯</sup> “ନେତାଃରେ ମିଆଁଦ୍ ସେପେଡ଼େଦ୍ ମେନାଇୟା, ଇନିଃତାଃରେ ମଣେୟାଁ ଗହମରାଃ ହଲ୍‌ଜ୍ ଆତଃ ବାରିଆ ହାକୁ ମେନାଃ, ମେନ୍‌ଦ ନେଆଁ ନିମିନାଜ୍ ହଡ଼କ ନାଗେନ୍ତେ କା ହବାଅଆଃ ।”

<sup>୧୦</sup> ଯୀଶୁ ଚେଲାକକେ କାଜିୟାଦକଆଏ, “ହଡ଼କକେ ଦୁବ୍‌କପେ,” ଏନ୍ତାଃରେ ପୁରାଃ ତାସାଦ୍ ତାଇକେନା, ଆତଃ ସବେନ୍ ହଡ଼କ ଦୁବ୍‌ୟାନାକ, ଇନ୍‌କୁଦ ପାଞ୍ଚ ହାଜାର୍ କଡ଼ାକ ତାଇକେନା ।  
<sup>୧୧</sup> ଯୀଶୁ ହଲ୍‌ଜ୍‌କେ ସାବ୍‌କେଦାଏ ଆତଃ ବିକ୍ରିକେଦ୍‌ତେ ଦୁବାକାନକକେ ହାଟିଜ୍‌ଆଁଦକଆଏ, ଏନ୍‌ଲେକାଗି ହାକୁକେହ ଇନ୍‌କୁକେ ଏମାଦକଆଏ, ଆତଃ ଇନ୍‌କୁ ଆକଆଃ ସାନାଜ୍ ଲେକା ଜମ୍‌କେଦାଃକ ।  
<sup>୧୨</sup> ଆତଃ ଇନ୍‌କୁ ବିୟାନାକ, ଏନ୍ତେ ଇନିଃ ଆୟାଃ ଚେଲାକକେ କାଜିୟାଦକଆଏ, “ସାରେଜାକାନ୍ କେତାଃକ ହୁଣ୍ଡିପେ, ଜେଡ୍‌ନାଃ ଆଲକା ନକ୍‌ସାନଃକା ।”  
<sup>୧୩</sup> ଏନ୍ତେ ଇନ୍‌କୁ ଏନ୍ କେତାଃ ହଲ୍‌ଜ୍ ହୁଣ୍ଡିକେଦାଃକ ଆତଃ ହଡ଼କ ଏନ୍ ମଣେୟାଁ ଗହମ୍ ହଲ୍‌ଜ୍‌ରେୟାଃ କେତାଃଏତେ ବିଇକେଦ୍‌ତେ, ସାରେଜାକାନ୍ କେତାଃଏତେ ବାରା ଟୁଲ୍‌କି ପେରେଃକେଦାଃ ।

<sup>୧୪</sup> ଏନ୍ତାଃରେ ତାଇକେନ୍ ହଡ଼କ ଯୀଶୁ କାମିକେଦ୍ ନେ ଚିହ୍ନା ନେଲକେଦ୍‌ତେ ମେନ୍‌କେଦାଃ, “ସାର୍‌ଡିଗି ଅତେଦିଶୁମ୍‌ରେ

ହିଜୁଃତାନ୍ ନାବୀ ନିଃ ତାନିଃ ।” ୧୫ ଇନ୍‌କୁ ହିଜୁଆଃକ ଆତଃ ସାବକେଦ୍‌ତେ ରାଜାଈୟାକ ନେଆଁ ଆବ୍‌କାର୍‌କେଦ୍‌ତେ, ଯୀଶୁ ଆଇଃକ୍ ଏସ୍‌କାର୍‌ଗି ବୁରୁତେ ଅତଙ୍ଗ୍‌ୟାନା ।

### ୟୀଶୁ ଦାଆଃରେ ସେସେନ୍‌ତାନାଏ

(ମାଥୂଉ ୧୪:୨୨-୩୩; ମାର୍କ ୬:୪୫-୫୨)

୧୬ ଏନ୍ ହୁଲାଙ୍ଗ୍ ଆୟୁବ୍‌ୟାନ୍‌ଚି ଯୀଶୁଆଃ ଚେଲାକ ଦରେୟା ଗେନାତେକ ଆଡ଼ଗ୍‌ୟାନା । ୧୭ ଆତଃ ଇନ୍‌କୁ ଲାଉକାରେ ଦେଏଃୟାନ୍ତେ ଦରେୟା ହାନ୍ ପାରମ୍ କପର୍‌ନାହୁମ୍‌ସାଃତେକ ସେନଃତାନ୍ ତାଇକେନା । ଇମ୍‌ତାଲଃ ନୁବାଗାକାନ୍ ତାଇକେନା ଆତଃ ଯୀଶୁ ଇନ୍‌କୁତାଃ କାଏ ହିଜୁଃକାନ୍ ତାଇକେନାଏ । ୧୮ ଏନ୍ତେ ମାରାଙ୍ଗ୍ ହୟ ହୟକେଦ୍‌ତେ ଦରେୟା ଆଲ୍‌ପୁଙ୍ଗ୍‌ତେ ଏକ୍‌ଲାଅଃତାଇକେନା । ୧୯ ଇନ୍‌କୁ ପାଞ୍ଚ ଚାହେ ଛ କିଲୋମିଟର୍ ଲାଉକା ଇଦିକେଦ୍‌ଚି, ଯୀଶୁକେ ଦରେୟାରେ ସେସେନ୍‌ତାନ୍ ଆତଃ ଲାଉକା ନାଡ଼େଃତେ ହିଜୁଃତାନ୍ ନେଲ୍‌କେଦ୍‌ତେ ବରକେଦାକ । ୨୦ ମେନ୍‌ଦ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।” ୨୧ ଏନ୍ତେ ଇନ୍‌କୁ ଇନିଃକେ ଲାଉକାରେ ରକାବ୍‌ନାଙ୍ଗ୍ ସୁକୁୟାନାକ ଆତଃ ଇମ୍‌ତାଗି ଇନ୍‌କୁ ସେନଃତାନ୍ ଠାୟାଦ୍‌ତେ ଲାଉକା ସେଚେର୍‌ୟାନା ।

### ୟୀଶୁକେ ହଡ଼କ ଦାଣ୍ଡିତାନାକ /

୨୨ ଏଟାଃ ହୁଲାଙ୍ଗ୍ ଦରେୟା ହାନ୍ ପାରମ୍‌ରେ ତିଙ୍ଗୁଆକାନ୍ ହଡ଼କ ନେଆଁ ନେଲ୍ କେଦାକ, ଏନ୍ତାଃରେ ମିଆଁଦ୍ ଲାଉକା ବାଗିକେଦ୍‌ତେ ଆତଃ ଏଟାଃ ଲାଉକା କା ତାଇକେନା ଆତଃ ଯୀଶୁ ଆୟାଃ ଚେଲାକଲଃ ଲାଉକାରେ କାଏ ବଲ୍‌ୟାନା ମେନ୍‌ଦ ଇନିୟାଃ ଚେଲାକ ଏସ୍‌କାର୍ ସେନଃୟାନା । ୨୩ ମେନ୍‌ଦ ପ୍ରାଭୁ ଧାନ୍ୟାବାଦ୍ ଏମ୍‌କେଦ୍‌ଚି ଇନ୍‌କୁ ହଲ୍‌ଙ୍ଗ୍ ଜମ୍‌କେଦ୍ ଠାୟାଦ୍ ନାଡ଼େଃ ତିବିରିୟାଏତେ ଆତଃଚିମିନ୍ ଲାଉକା ହିଜୁଃୟାନା । ୨୪ ଏନ୍ତେ ଗାଦେଲ୍ ହଡ଼କ ଯୀଶୁ ନେତାଃରେ ବାଙ୍ଗାଈୟାଃ ଆତଃ ଇନିୟାଃ ଚେଲାକହ ବାଙ୍ଗାଆ ନେଆଁ ନେଲ୍‌କେଦ୍‌ତେ, ଆକଗି ଲାଉକାରେ ଦେଏଃୟାନ୍ତେ ଯୀଶୁକେ ଦାଣ୍ଡିତାନ୍‌ଲଃ କପର୍‌ନାହୁମ୍‌ତେକ ସେନଃୟାନା ।



ୟୀଶୁ ଜୀବନ୍ ହଲଙ୍ଗ୍ ତାନିଃ

୨୫ ହତକ ଯୀଶୁକେ ଦରେୟା ହାନ୍ ପାରମ୍ପରେ ନାମକିଃତେ କୁଲିକିୟାକ, “ହେ ଗୁରୁ, ଆମ୍ ନେତେ ଚିମ୍ତାମ୍ ହିଜୁଃୟାନା ?”

୨୬ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍, ଆପେ ଚିହ୍ନା ନେଲକେଦତେ କା ମେନ୍ଦ ହଲଙ୍ଗ୍ପେ ଜମ୍କେଦାଃ ଆଡଃପେ ବିଇୟାନା ଏନାମେନ୍ତେପେ ଦାଣାଁଇଙ୍ଗ୍ତାନା । ୨୭ ଜିୟନଃ ଜମେୟାଃ ନାଗେନ୍ତେ ଆଲ୍ପେ କାମିୟା ମେନ୍ଦ ଜାନାଅ ଜୀବନ୍ ଜାକେଦ୍ ତାଇନଃ ଜମେୟାଃ ନାଗେନ୍ତେ କାମିପେ, ଏନା ମାନଝାହନ୍ ଏମାପେୟାଏ । ଚିୟାଃପି ପାରମେଶ୍ଵାର୍ ଆପୁଦ, ଇନିଃତାଃରେ ଆୟାଃ ମୋହର୍ ଏମାକାଦାଃଏ ।”

୨୮ ଇନ୍କୁ ମେନ୍ଦରୁହାଡ଼ାଇୟା, “ପାରମେଶ୍ଵାର୍ ଆଲେତେ ସାନାଙ୍ଗ୍ତାନ୍ କାମି କାମିନାଗେନ୍ତେ ଚିନାଃଲେ ଚିକାୟା ?”

୨୯ ଯୀଶୁ କାଜିରୁହାଡ଼ାଦକଆଏ, “ପାରମେଶ୍ଵାର୍ଆଃ କୁଲ୍ୟାକାନିଃରେ ବିଶ୍ଵାସେପେ, ନେଆଁ ପାରମେଶ୍ଵାର୍ଆଃ କାମି ତାନାଃ ।”

୩୦ ଏନ୍ତେ ଇନ୍କୁ କୁଲିକିୟାକ, “ଆମାଃତାଃରେ ଆଲେ ବିଶ୍ଵାସେ ନାଗେନ୍ତେ, ଅକ ଚିହ୍ନାମ୍ ଉଦୁବେତାନା ? ଆମାଃ ଚିକାନ୍ କାମିତେଲେ ବିଶ୍ଵାସ୍ ଦାଡ଼ିୟାଃ ? ୩୧ ଆଲେୟାଃ ହାଡ଼ାମ୍ ହତକ ବିରରେ ମାନ୍ନାକ ଜମ୍କେଦାଃ, ଧାରାମ୍ପୁଥ୍ରେ ନେଆଁ ଅଲ୍ୟାକାନା, ‘ଇନିଃ ଜମ୍ ନାଗେନ୍ତେ ସିର୍ମାଏତେ ହଲଙ୍ଗ୍ ଇନ୍କୁକେ ଏମାଦକଆଏ ।’”

୩୨ ଏନ୍ତେ ଯୀଶୁ ମେତାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍, ମୁଣା ଆପେକେ ହଲଙ୍ଗ୍ ଏମାଦପେତେୟାଃ, ସିର୍ମାଏତେ ହିଜୁଆକାନ୍ ହଲଙ୍ଗ୍ କା ତାଇକେନା, ମେନ୍ଦ ଆପୁଇଙ୍ଗ୍ ସିର୍ମାଏତେ ସାର୍ତି ହଲଙ୍ଗ୍ ଏମାପେତାନାଏ । ୩୩ ସିର୍ମାଏତେ ଆଡ଼ଗୁୟାନ୍ ଆଡଃ ଅତେଦିଶ୍ଵମକେ ଜୀବନ୍ ଏମେତାନ୍ ହଲଙ୍ଗ୍ ଦ, ପାରମେଶ୍ଵାର୍ଆଃ ହଲଙ୍ଗ୍ ତାନାଃ ।”

୩୪ ଇନ୍କୁ ଯୀଶୁକେକ କାଜିକିୟା, “ହେ ପ୍ରାଭୁ, ଏନ୍ ହଲଙ୍ଗ୍ ଆଲେକେ ସିବେନ୍ଦିମ୍ତା ଏମାଲେମ୍ ।”

୩୫ ଯୀଶୁ ଇନ୍କୁକେ କାଜିୟାଦକଆଏ, “ଜୀବନ୍ ହଲଙ୍ଗ୍ ଆଇଙ୍ଗ୍ଗି ତାନିଙ୍ଗ୍ ଆଇୟାଃତାଃ ହିଜୁଃନିଃ ଚିଉଲ୍ୟାହ୍ କାଏ

ରେଳେଜଆଃ ଆଡ଼ଃ ଆଇଙ୍ଗରେ ବିଶ୍ୱାସେନିଃ ଚିତ୍ତଲାହ୍ କାଏ ତେତାଙ୍ଗଆଃ । ୩୭ ମେନ୍ଦ୍ ଆପେ ଆଇଙ୍ଗକେ ନେଲ୍ଲକେଦିଙ୍ଗ୍ ରେୟ୍ କାପେ ବିଶ୍ୱାସତାନା ମେନ୍ତେଇଙ୍ଗ୍ କାଜିୟାପେ ତାନା । ୩୭ ଆପୁ ଏମାକାଇଙ୍ଗ୍ ସବେନ୍ଦକ ଆଇଁୟାଃତାଃତେକ ହିଜୁଃଆ, ଆଡ଼ଃ ଆଇଁୟାଃତାଃ ହିଜୁଃନିଃକେ ଜେତାଲେକାତେ କାଇଙ୍ଗ୍ ଅଡ଼ଙ୍ଗାଇଁୟା । ୩୮ ଚିୟାଃଚି ଆଇଙ୍ଗ୍ ଦ ଆଇଁୟାଃ ମନେଲେକା କାମି ନାଗେନ୍ତେ କାହା ମେନ୍ଦ୍ କୁଲ୍ଲିୟାଃ ସାନାଙ୍ଗକେ ପୁରାଏ ନାଗେନ୍ତେ ସିର୍ମାଏତେ ଆଡ଼ଗୁଆ କାନାଇଙ୍ଗ୍ । ୩୯ ଆଡ଼ଃ ଅକନ୍ଦକେ ଇନିଃ ଆଇଙ୍ଗକେ ଏମାକାଦିଙ୍ଗ୍ୟାଁ ଇନ୍ଦ୍କୁଏତେ ମିହୁଡ଼କେହ୍ କା ଆଦକେଦତେ ଚୁଣ୍ଟୁ ହୁଲାଙ୍ଗ୍ରେ ଏନ୍ ସବେନ୍ଦକେ ଜୀଉବିରିଦକଆଇଙ୍ଗ୍, ନେଆଁଗି ଇନିୟାଃ ଇଛାସାନାଙ୍ଗ୍ ତାନାଃ । ୪୦ ଚିଆଃଚି ହଡ଼କ ହନ୍ଦକେ ନେଲ୍ଲକେଦତେ ଇନିଃତାଃରେକ ବିଶ୍ୱାସେଆ, ଆଡ଼ଃ ଇନ୍ଦ୍କୁ ଜେ'ଲେକା ଜାନାଅ ଜୀଦାନକ ନାମେଆ, ନେଆଁଗି ଆପୁଇଁୟାଃ ଇଛାସାନାଙ୍ଗ୍ ତାନାଃ । ଆଡ଼ଃ ଆଇଙ୍ଗ୍ ଇନ୍ଦ୍କୁକେ ଚୁଣ୍ଟୁ ହୁଲାଙ୍ଗ୍ରେ ଜୀଉବିରିଦକଆଇଙ୍ଗ୍ ।”

୪୧ ଯିହୁଦୀକ ଯୀଶୁଆଃ ବିଷାଏରେ ନଗମ୍ତଗମ୍ତାନକ ତାଇକେନା, ଚିୟାଃଚି ଇନିଃଦ “ଆଇଙ୍ଗ୍ ସିର୍ମାଏତେ ଆଡ଼ଗୁଆକାନ୍ ହଲ୍ଲଙ୍ଗ୍ ତାନିଙ୍ଗ୍” ମେନ୍ଦକେଦାଏ । ୪୨ ଏନ୍ତେ ଇନ୍ଦ୍କୁ କାଜିକେଦା, “ଚିୟାଃ ନିଃ ଯୋଷେଫ୍ ହନ୍ତେକଡ଼ା ଯୀଶୁ ନାହାଲିଃ ? ଆବୁ ଇନିୟାଃ ଏଙ୍ଗା ଆପୁକିନ୍ଦକେ ସାରିୟାଃବୁ, ଇନିଃ ସିର୍ମାହେତେ ଆଡ଼ଗୁଆକାନାଇଙ୍ଗ୍ ମେନ୍ତେ ନାହାଁଃ ଚିନାଃମେନ୍ତେ କାଜିତାନାଏ ?” ୪୩ ଯୀଶୁ ଇନ୍ଦ୍କୁକେ କାଜିରୁହାଡ଼ାଦକଆଏ, “ଆପେ ଆପେରେ ଆଲ୍ଲପେ ନଗମ୍ତଗମ୍ତଆଃ । ୪୪ ଆଇଙ୍ଗକେ କୁଲାକାନ୍ ଆପୁ କାଏ ଆଇଙ୍ଗ୍ରେଦ୍ ଜେତାଏ ଆଇଁୟାଃତାଃ କାଏ ହିଜୁଃଦାଡ଼ିୟାଃ ଆଡ଼ଃ ଆଇଙ୍ଗ୍ ଇନିଃକେ ତାୟମ୍ ହୁଲାଙ୍ଗ୍ରେ ଜୀଉ ବିରିଦିୟା । ୪୫ ନାବୀକଆଃ ଧାରାମ୍ପୁଥ୍ରେ ଅଲ୍ଲାନା, ‘ପାର୍ମେଶ୍ୱାର୍ତାଃଏତେ ଏସକାର୍ ସବେନ୍ଦକ ଇତୁନାଃକ ।’ ଆଇଁୟାଃ ଆପୁତାଃଏତେ ଆୟୁମାକାଦ୍ ଆଡ଼ଃ ଇତୁଆକାଦ୍ ସବେନ୍ଦ୍ ହଡ଼କ, ଆଇଁୟାଃତାଃତେକ ହିଜୁଃଆ । ୪୬ ଜେତାଏ ଆପୁକେ କାଏ ନେଲ୍ଲକାଇୟାଃ, ମେନ୍ଦ୍ ପାର୍ମେଶ୍ୱାର୍ତାଃଏତେ ହିଜୁଆକାନ୍ନିଃ ଏସକାର୍ ଆପୁକେ

ନେଲକାଲୟାଏ । ୪୭ ସାର୍ତ୍ତିଗି କାଜିୟାପେ ତାନାଲକ୍, ବିଶ୍ୱାସେନିଃ ଜାନାଅ ଜୀଦାନ୍ ନାମେୟାଏ । ୪୮ ଜୀଦାନ୍ ହଲକ୍ ଆଇକ୍ ଡାନିକ୍ । ୪୯ ଆପେୟାଃ ହାଡ଼ାମ୍ ହଡ଼କ ବିରରେ ଏନ୍ ମାନ୍ନାକ ଜମକେଦା, ଏନ୍ରେହ ଗଏଃୟାନାକ । ୫୦ ମେନ୍ଦ ଦିର୍ମାଏତେ ଆଡ଼ଗୁଆକାନ୍ ହଲକ୍ ନେଆଁ ତାନାଃ, ଏନା ଜମେନିଃ କାଏ ଗଜଃଆ । ୫୧ ସିର୍ମାଏତେ ଆଡ଼ଗୁଆକାନ୍ ଜୀଦାନ୍ ହଲକ୍ ଆଇକ୍ ଡାନିକ୍, ନେ ହଲକ୍ ଜେତାଏ ଜମେରେଦ ଜାନାଅ ଜାନାଅ ଜାକେଦ୍ ଜୀହିଦଃଆଏ । ହେଗି ଆଇକ୍ ଏମେ ହଲକ୍ ଆଇୟାଃ ମାସ୍ ତାନାଃ, ଏନା ଅତେଦିଶ୍ୱମ୍ କେ ବାସ୍ତାଅ ନାଗେନ୍ତେ ଏମେୟାଲକ୍ ।”

୫୨ ଏନା ନାଗେନ୍ତେ ଯିହୁଦୀକ ଆକ ଆକରେକ ଏପେଗେର୍ଯ୍ୟାନ୍ତେ ମେନ୍କେଦାଃ, “ଇନିଃ ଚିଲ୍କାତେ ଆୟାଃ ମାସ୍ ଜମେନାକ୍ ଆବୁକେ ଏମ୍ ଦାଡ଼ିବୁୟାଏ ?” ୫୩ ଏନ୍ତେ ଯୀଶୁ ଇନ୍ଦୁକେ କାଜିୟାଦକଆଏ, “ସାର୍ତ୍ତିଗି କାଜିୟାପେ ତାନାଲକ୍, ଆପେ ମାନଝାହନ୍ଦଆଃ ମାସ୍ କାପେ ଜମେରେଦ ଆଡ଼ଃ ଇନିୟାଃ ମାୟୋମ୍ କାପେ ନୁଁଏରେଦ ଆପେରେ ଜୀଦାନ୍ ବାନଆଃ । ୫୪ ଆଇୟାଃ ମାସ୍ ଜମେନିଃ ଆଡ଼ଃ ଆଇୟାଃ ମାୟୋମ୍ ନୁଁଏନିଃ ଜାନାଅ ଜୀଦାନ୍ ନାମେୟାଏ ଆଡ଼ଃ ଆଇକ୍ ତାୟମ୍ ହୁଲାକ୍ରେ ଇନିଃକେ ଜୀଉ ବିରିଦିୟାଲକ୍ । ୫୫ ଆଇୟାଃ ମାସ୍ଦ ସାର୍ତି ଜମେୟାଃ ତାନାଃ ଆଡ଼ଃ ଆଇୟାଃ ମାୟୋମ୍ ସାର୍ତି ନୁଁଏୟାଃ ତାନାଃ । ୫୬ ଆଇୟାଃ ମାସ୍ ଜମେନିଃ ଆଡ଼ଃ ଆଇୟାଃ ମାୟୋମ୍ ନୁଁଏନିଃ ଆଇକ୍ରେ ତାଇନ୍ତାନାଏ ଆଡ଼ଃ ଆଇକ୍ ଇନିଃରେଇକ୍ ତାଇନ୍ତାନା । ୫୭ ଜୀନିଦ୍ ଆପୁ ଆଇକ୍ କେ କୁଲ୍ କେଦିୟାଏ ଆଡ଼ଃ ଆଇକ୍ ଆପୁଆଃ ହରାତେ ଜୀହୁଦଃତାନ୍ଲେକା ଆଇକ୍ କେ ଜମ୍ନିଃ ଆଇୟାଃ ହରାତେ ଜୀହିଦଃଆଏ । ୫୮ ସିର୍ମାଏତେ ଆଡ଼ଗୁଆକାନ୍ ହଲକ୍ ନେଆଁ ତାନାଃ, ହାଡ଼ାମ୍ ହଡ଼କ ଜମକେଦ୍ ଆଡ଼ଃକ ଗଏଃୟାନା ଲେକାଦ କାହା, ମେନ୍ଦ ନେ ହଲକ୍ ଜମେନିଃ ଜାନାଅ ଜାନାଅ ଜାକେଦ୍ ଜୀହିଦଃଆଏ ।”

୫୯ କପର୍ନାହୁମ୍ ହାଡୁରେୟାଃ ସାମାକ୍ ଅଡ଼ାଃରେ ଇଡୁକତାନ୍ଲଃ ଇନିଃ ନେ କାଜି କାଜିୟାଦକଆଏ ।

ଜାନାଅ ଜୀଦାନ୍ରାଃ ବାଚାନ୍

୨୦ ଏନ୍ତେ ଯୀଶୁଆଃ ଚେଲାକଏତେ ପୁରାଃକ ନେଆଁ ଆୟୁମ୍‌କେଦ୍‌ତେ ମେନ୍‌କେଦାଃ, “ନେ କାଜି କେଚେଦ୍‌ଗିୟା, ନେଆଁ ଅକଏ ଆୟୁମ୍‌ଦାଡ଼ିୟାଏ ।”

୨୧ ମେନ୍‌ଦ ଯୀଶୁକେ ଜେତାଏ କାକ କାଜିରେହିଁ, ଚେଲା ତାୟାଃକ ନେ କାଜି ନାଗେନ୍ତେ ନଗମ୍‌ତଗମ୍‌ୟାନାକ ନେଆଁ ଆୟାଃ ଜୀଉରେ ସାରିକେଦ୍‌ତେ ମେତାଦ୍‌କଆଏ, “ଚିୟାଃ ଆପେ ନେଆଁ ନାଗେନ୍ତେ ଆଡ଼ାଃଉଡ଼ୁଗଃ ତାନାପେ ? ୨୨ ଏନ୍ତେ ଆପେ ମାନଝାହନ୍‌କେ ସିଦା ତାଇକେନ୍ ଠାୟାଦ୍‌ତେ ରାକାବ୍‌ତାନ୍‌ପେ ନେଲିରେଦ୍ ଚିନାଃ ଚିକାଝାଃ ? ୨୩ ପାର୍‌ମେଶ୍ୱାର୍‌ରାଃ ଆମ୍ବା ଜୀଦାନ୍ ଏମଃନିଃ ତାନିଃ, ହଡ଼ରାଃ ପେଡ଼େଃ ଜେଡ଼ନାଃ କାମି କାଏ ଦାଡ଼ିୟା । ପାର୍‌ମେଶ୍ୱାର୍‌ଆଃ ଜୀଦାନ୍ ଏମଃ ଆମ୍ବାକେ ଆପେ ଜେଲେକା ଆଟ୍‌କାର୍‌ଉରୁମ୍ ଦାଡ଼ିୟାପେ ଏନାମେନ୍ତେ ଆଇଙ୍ଗ୍ ନେ ସବେନାଃ କାଜିକେଦାଇଙ୍ଗ୍ । ୨୪ ଏନ୍‌ରେୟ ଆପେକଏତେ ଚିମିନ୍‌କ କାକ ବିଶ୍ୱାସ୍‌ତାନା,” ଚିୟାଃଚି ଯୀଶୁଦ୍ ଏନ୍ କା ବିଶ୍ୱାସ୍‌ତାନ୍ ଚିମିନ୍‌କକେ ଆତଃ ବାଇରିକଆଃ ଡିଃଇରେ ସାବ୍‌ରିକାଇ ହଡ଼କେୟାଚି ମୁନ୍‌ଏତେ ସାରିତାନାଏ ତାଇକେନା । ୨୫ ଇନିଃ ଆତଃଚି ମେତାଦ୍‌କଆଏ, “ଏନାମେନ୍ତେ ଆପୁଇଁୟାଃ ସାଃଏତେ ଲିବୁଇ କା ହିଜୁଃରେଦ୍, ଜେତାଏ ଆଇଁୟାଃତାଃ କାକ ହିଜୁଃଦାଡ଼ିୟାଃ ?”

୨୬ ନେଆଁ ନାଗେନ୍ତେ ଇନିୟାଃ ଚେଲାକଏତେ ପୁରାଃକ ରୁହାଡ଼ୟାନା ଆତଃ ଇନିଃକେ କାକ ଅତଙ୍ଗ୍‌କିୟା । ୨୭ ଏନ୍ତେ ଯୀଶୁ ଆୟାଃ ଗେଲ୍‌ବାର୍ ଚେଲାକକେ କାଜିୟାଦ୍‌କଆଏ, ଚିୟାଃ ଆପେକେୟ ଆଇଙ୍ଗ୍‌କେ ବାରିକେଦ୍‌ତେ ସେନଃ ସାନାଙ୍ଗ୍‌ପେ ତାନା ? ୨୮ ଶିମୋନ୍ ପାଡ଼ରାସ୍ ଯୀଶୁକେ ମେନ୍‌ରୁହାଡ଼ାଇୟାଏ, “ହେ ଗମ୍‌କେ, ଆଲେ ଅକଏତାଃତେଲେ ସେନାଃ ? ଜାନାଅ ଜୀଦାନ୍‌ରେୟାଃ କାଜିଦ୍ ଆମାଃତାଃରେୟା, ୨୯ ଆମ୍ ଜାନିଦ୍ ପାର୍‌ମେଶ୍ୱାର୍‌ଆଃ ପାବିତାର୍ ହନ୍ ଯୀଶୁ ତାନ୍‌ମେ ମେନ୍ତେଲେ ବିଶ୍ୱାସ୍‌କାଦାଃ ଆତଃ ସାରିକାଦାଲେ ।”

୩୦ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଚିୟାଃ ଆଇଙ୍ଗ୍ ଆପେ ଗେଲ୍‌ବାର୍ ଚେଲାକକେ କାଇଙ୍ଗ୍ ସାଲାକାଦ୍‌ପେଆଚି ? ଆତଃ

☆ ୭:୨୮ ୭:୨୮ ମାଥୁଇ ୧୭:୧୭; ମାର୍କ ୮:୨୯; ଲୁକ ୯:୨୦.

ଆପେକ୍ଷାରେ ମିଆଁଦ୍ୱାରା ସାଧାରଣ ଭାବରେ ତାହା ।” ୭୧ ଇନିଃ ଶିମୋନ୍ ହନ୍ତେକଡ଼ା ଇଷ୍ଟାରିୟତ୍ ଯିହୁଦାରାଃ କାଜି କାଜିକେଦାଏ, ନିଃଦ ଗେଲ୍‌ବାର୍ ଚେଲ୍‌କାଏତେ ମିଆଁଦ୍ୱାରା ଆତଃ ଇନିୟାଃ ସାବ୍‌କତିନିଃ ତାଇକେନାଏ ।



### ୟୀଶୁ ଆତଃ ଆୟାଃ ହାଗାକ

୧ ଏନ୍ ତାୟମ୍‌ତେ ଯୀଶୁ ଗାଲିଲ୍‌ରେ ହନର୍ ବାଡ଼ାକେଦାଏ; ଚିୟାଃଚି ଯିହୁଦୀକଆଃ ହାକିମ୍‌କ ଇନିଃକେ ଗଗ୍ୟଃ ସାନାଙ୍ଗ୍ ତାଇକେନାକ ଏନାମେନ୍ତେ ଇନିଃକେ ଯିହୁଦାତେ କା ସେନ୍ ସାନାଙ୍ଗ୍‌କିୟାଃ । ୨ ଯିହୁଦୀକଆଃ ଜାମ୍‌ଡ଼ା \*ପାରାବ୍‌ରେୟାଃ ନେତା ନାଡ଼େୟାନ୍‌ଚି, ୩ ଯୀଶୁଆଃ ହାଗାକ ଇନିଃକେ କାଜିକିୟାଃକ, “ଆମ୍ ନେତାଃଏତେ ଅତଙ୍ଗ୍‌କେଦ୍‌ତେ ଯିହୁଦାତେ ସେନଃମେ, ଏନ୍ତାଃରେ ଆମାଃ ଚେଲ୍‌କା ଆମ୍ କାମିତାନ୍ ପେଡ଼େୟାନ୍ କାମିକ ନେଲେକା । ୪ ଚିୟାଃଚି ଜେତାଏ ଆଇଃକ୍‌ଚି ଉଦୁବେନ୍ ସାନାଙ୍ଗ୍‌ରେଦ ଦାନାଙ୍ଗ୍‌ରେ ଜେଡ଼ନାଃ କାଏ କାମିୟା, ନେୟାମ୍ କାମିତାନ୍‌ରେଦ ଅତେଦିଶ୍ଟମ୍‌ରେନକତାଃରେ ଉଦୁବେନ୍‌ମେ ।” ୫ ଚିୟାଃଚି ଇନିୟାଃ ହାଗାକ ହି ଇନିଃତାଃରେ କାକ ବିଶ୍ୱାସ୍ ତାଇକେନା ।

୬ ଏନାମେନ୍ତେ ଯୀଶୁ କାଜିକେଦ୍‌କଆଏ, “ନାହାଃ ଜାକେଦ୍ ଆଇଁୟାଃ ଠାଉକାନ୍ ନେତା ଆଉରି ସେଟେରାଃ, ମେନ୍‌ଦ୍ ଆପେୟାଃନାଙ୍ଗ୍ ଠାଉକାନ୍ ନେତା ଜାନାଅଗି ନେତାକାନା । ୭ ସାଂସାର୍ ଆପେକେ କାଏ ହିଲ୍‌କାପେୟା, ମେନ୍‌ଦ୍ ଏନା ଆଇଙ୍ଗ୍‌କେ ହିଲ୍‌କାଙ୍ଗ୍‌କ୍‌ତାନା, ଚିୟାଃଚି ଆଇଙ୍ଗ୍‌ଦ୍ ଏନାରେୟାଃ କାମି ଏଡ଼କାନ୍‌ଗିୟାଃ ମେନ୍ତେ ଗାଞ୍ଜାଙ୍ଗ୍ ଏମ୍‌ଆଉତାନା । ୮ ଆପେ ପାରାବ୍‌ତେ ସେନଃପେ, ଆଇଙ୍ଗ୍ ପାରାବ୍‌ତେ କାଇଙ୍ଗ୍ ସେନ୍‌ତାନା, ଚିୟାଃଚି ଆଇଁୟାଃ ନେତାଦ୍ ନାହାଃ ଜାକେଦ୍ ଆଉରି ହିଜୁଃଆ ।” ୯ ଆତଃ ଇନିଃ ନେ ସବେନ୍ କାଜି କାଜିକେଦ୍‌ଚି ଗାଲିଲ୍‌ରେ ତାଇନ୍‌ୟାନାଏ ।

### ଜାମ୍‌ଡ଼ା ପାରାବ୍‌ରେ ଯୀଶୁ

\* ୭:୭ ୭:୭ ଜାମ୍‌ଡ଼ା କୁସା

୧୦ ଯୀଶୁଆଃ ହାଗାକ ପାରାବ୍ତେ ସେନଃୟାନ୍ତ୍ରି, ଯୀଶୁହ୍ ନେପେଲ୍ରେଦ କା ମେନ୍ଦ ଉକୁ ଉକୁ ଲେକାତେ ସେନଃୟାନ୍ତ୍ରି । ୧୧ ଏନ୍ତେ ଯିହୁଦୀକଆଃ ହାକିମ୍ବକ ଇନିଃକେ ପାରାବ୍ତେ ଦାଣ୍ଡାକତାନ୍ଦକ ତାଇକେନା ଆଡ଼ଃକ ମେନ୍କେଦାଃ, “ଇନିଃ କତାଃରିୟା ।”

୧୨ ଏନ୍ତେ ଗାଦେଲ୍ ହଡ଼କ ଆକ ଆକରେ ଯୀଶୁଆଃ ବିଷାଏରେ ପୁରାଃ ହାୟମ୍ ହାୟମେଠାନ୍ଦକ ତାଇକେନା । ଆଡ଼ଃ ତିମିନ୍ଦକ କାଜିକେଦା, “ଇନିଃ ବୁଗିନ୍ ହଡ଼ ତାନିଃ,” ଆଡ଼ଃ ତିମିନ୍ଦକ କାଜିକେଦା, “କାହାଗି ଇନିଃ ହଡ଼କକେ ବେଦାକୁତାନାଏ ।”

୧୩ ଏନ୍ରେୟ ଯିହୁଦୀକଆଃ ହାକିମ୍ବକଆଃ ବରତେ ଜେତାଏ ଇନିୟାଃ ବିଷାଏରେ ନେପେଲ୍ରେ କାକ କାଜିକେଦା ।

୧୪ ପାରାବ୍ତେୟାଃ ଆଲାମାଲା ସେନଃୟାନ୍ତ୍ରି ଯୀଶୁ ମାନ୍ଦିର୍ ଅଡ଼ାଃତେ ସେନ୍କେଦ୍ତେ ଇତୁଏଟେଦ୍ କେଦ୍କଆଏ । ୧୫ ଯିହୁଦୀକଆଃ ହାକିମ୍ବକ ହାୟକାଟ୍ୟାନ୍ତେ ମେନ୍କେଦାଃକ, “ନିଃ ବେଗାର୍ ପାଡ଼ାଅକେଦ୍ତେ ଚିଲ୍କା ନେ ଲେକା ଇତୁକତାନାଏ ?”

୧୬ ଏନାତେ ଯୀଶୁ କାଜିରୁହାଡ଼କେଦ୍କଆଏ, “ଆଇଁୟାଃ ଇନିତୁ ଆଇଁୟାଃ ନାହାଁଲାଃ ମେନ୍ଦ ଆଇଙ୍ଗକେ କୁଲାକାଇଙ୍ଗ୍ ପାର୍ମେଶ୍ୱାର୍ତାଃଏତେ ହିଜୁଆକାନା । ୧୭ ଜେତାଏ ପାର୍ମେଶ୍ୱାର୍ତାଃ ମନେଲେକା ରିକା ସାନାଙ୍ଗ୍ରେଦ, ଇନିଃ ଆଇଁୟାଃ ଇନିତୁ ପାର୍ମେଶ୍ୱାର୍ ସାଃଏତେ ଚାଏ ଆଇଁୟାଃ ପେଡ଼େଃଡିଙ୍ଗ୍ କାଜିତାନା ଏନା ସାରିୟାଏ । ୧୮ ଜେତାଏ ଆୟାଃତେ କାଜିନିଃ ଆୟାଃ ମାନାରାଙ୍ଗ୍ ନାମ୍ବାଡ଼ାଏଃ, ମେନ୍ଦ ଜେତାଏ ଆଇଃକ୍କେ କୁଲ୍ନିୟାଃ ମାନାରାଙ୍ଗ୍ ନାମ୍ବାଡ଼ାଏନିଃ ସାର୍ଡିଗିୟାଏ; ଆଡ଼ଃ ଇନିଃତାଃରେ ଏଡ଼କାନ୍ଦଆଃ ବାନଆଃ । ୧୯ ଚିୟାଃ ମୁଶା ଆପେକେ ଆନ୍ତୁ କାଏ ଏମାକାଦ୍ପେୟା ? ଏନ୍ରେୟ ଆପେକଏତେ ଜେତାଏୟ ଆନ୍ତୁ କାକ ମାନାତିଙ୍ଗ୍ତାନା, ଆପେ ଚିକାନାଙ୍ଗ୍ ଆଇଙ୍ଗକେ ଗଗଏଃ ସାନାଙ୍ଗ୍ତାନାପେ ?”

୨୦ ଗାଦେଲ୍ ହଡ଼କ କାଜିରୁହାଡ଼କିୟାକ, “ଆମ୍ବକେ ବଙ୍ଗା ଏସେରାକାଦ୍ମେୟାଏ, ଅକଏ ଆମ୍ବକେ ଗଗଏଃ ସାନାଙ୍ଗ୍ତାନାଏ ?”

† ୭:୧୨ ୭:୧୨ ହାୟମ୍ ହାୟମେ ନଗମ୍ ତଗମ୍ / କୁରୁମ୍ ତୁରୁମ୍

୨୧ ଯୀଶୁ ଇନ୍ଦ୍ରକୁଳେ କାଜିରୁହାଡ଼ାଦକଥାଏ, “ଆଇଙ୍ଗ୍ ମିଆଁଦ୍ ପେଡ଼େୟାନ୍ କାମିଙ୍ଗ୍ କାମିୟାକାଦ୍ ନାଗେନ୍ତେ ଆପେ ସବେନ୍ଦକ ହାଏକାଟଟାନା । ୨୨ ନେୟାମେନ୍ତେ ମୁଣା ଆପେୟାଃ ହନ୍ଦକେ ଖାଡ଼ନାଅରେୟାଃ ଆନ୍ତୁ ଏମାକାଦ୍ପେୟାଏ, ଏନାଦ୍ ମୁଣାଏତେ କାହା ମେନ୍ଦ୍ ହାଡ଼ାମ୍ ହଡ଼କଥାଃ ସାଃଏତେଗି, ଆତଃ ଆପେ ରୁଡ଼ନ୍ତୁ ହୁଲାଇରେ କଡ଼ାହନ୍ଦକେ ଖାଡ଼ନାଅକତାନାପେ । ୨୩ ✧ମୁଣା ଅଲାଇନ୍ ଆନ୍ତୁ ଆଲକା ଟଟାଗଠକା ମେନ୍ତେ ରୁଡ଼ନ୍ତୁ ହୁଲାଇରେ ମିଆଁଦ୍ କଡ଼ାହନ୍ଦରାଃ ଖାଡ଼ନାଅରେଦ୍, ଆଇଙ୍ଗ୍ ରୁଡ଼ନ୍ତୁ ହୁଲାଇରେ ମିଆଁଦ୍ ହଡ଼କେ ପୁରାଗି ବୁଗିକାଇ ହରାତେ, ଆପେ ତିନାଃ ଆଇଙ୍ଗ୍କେପେ ଏସେଦାଇଙ୍ଗ୍ ତାନା ? ୨୪ ମେଦ୍ମୁହାଁଡ଼୍ ନେଲକେଦ୍ତେ ଆଲପେ ବିଚାର୍ଆଃ, ମେନ୍ଦ୍ ସାର୍ତି ଲେକାତେ ବିଚାର୍ ରିକାଏପେ ।”

### ୟୀଶୁ ମାସି ତାନିଃ ତି ?

୨୫ ଯୀରୁଶାଲେମ୍ରେନ୍ଦ୍ ହଡ଼କଏତେ ଚିମିନ୍ଦକ କାଜିକେଦା, “ତିୟାଃ ଯିହୁଦାକଥାଃ ହାକିମ୍ ଗଏଃ ନାଙ୍ଗ୍କ ସାନାଙ୍ଗ୍ତାନ୍ ହଡ଼ ନିଃ ନାହାଲିଃ ତି ? ୨୬ ନେଲିପେ, ନିଃ ନେତାଃରିୟା, ନେପେଲରେ ଜାଗାର୍ତାନାଏ ଆତଃ ଇନ୍ଦ୍ରୁ ଜେଡ଼ନାଃ କାକ କାଜିୟାକତାନା, ତିୟାଃ ଆଗୁଆଇକ ଇନିଃକେ ମାସି ତାନିଃ ମେନ୍ତେ ସାର୍ତିଗିକ ଆବ୍କାର୍କେଦାଃ ତି ? ୨୭ ଇନିଃ ଅକ୍ତାଃରେନ୍ଦ୍ ତାନିଃ ନେୟାବୁ ସାରିତାନା, ମେନ୍ଦ୍ ମାସି ହିଜୁଃରେ ଇନିଃ କତାଃରେନ୍ଦ୍ ତାନିଃ ଏନା ଜେତାଏ କାକ ସାରିଆଃ ।”

୨୮ ଏନ୍ତେ ଯୀଶୁ ମାନ୍ଦିର୍ ଅଡ଼ାଃରେ ଇଡ଼ୁକତାନ୍ଲଃ କାଉରିତାନ୍ଲଃ କାଜିକେଦାଏ, “ତିୟାଃ ଆପେ ଆଇଙ୍ଗ୍କେ ସାରିତାନାପେ ଆତଃ ଆଇଙ୍ଗ୍ ଅକ୍ତାଃରେନ୍ଦ୍ ତାନିଙ୍ଗ୍ ଏନାପେ ସାରିତାନାତି ? ଆଇଙ୍ଗ୍ ଆଇଁୟାଃତେଗି କାଇଙ୍ଗ୍ ହିଜୁଆକାନା ମେନ୍ଦ୍ ଆଇଁୟାଃ କୁଲ୍ନିଃ ସାର୍ତିଗିୟାଏ, ଆପେ ଇନିଃକେ କାପେ ସାରିତାନା, ୨୯ ମେନ୍ଦ୍ ଆଇଙ୍ଗ୍ ଇନିଃକେ ସାରିତାନାଇଙ୍ଗ୍ ତିୟାଃତି ଆଇଙ୍ଗ୍ ଇନିଃତାଃଏତେ ହିଜୁଆକାନାଇଙ୍ଗ୍ ଆତଃ ଇନିଃ ଆଇଙ୍ଗ୍କେ କୁଲାଇଦିୟାଏ ।”

୩୦ ଏନ୍ତେ ଇନ୍ଦ୍ର ଇନିଷକେ ସାସାବ୍ ସାନାଙ୍ଗକିୟାଃକ, ଏନ୍ରେୟ ଜେତାଏ ଇନିଷରେ ତିଃଇ କାକ ଜିଲିଙ୍ଗକେଦାଃ, ତିୟାଃତି ଇନିୟାଃ ନେତାଦ ଇମ୍ତାଜାକେଦ୍ କା ସେଟେରାକାନ୍ ତାଇକେନା । ୩୧ ମେନ୍ଦ ଗାଦେଲ୍ ହଡକଏତେ ପୁରାଃ ହଡକ ଇନିଷରେକ ବିଶ୍ୱାସ୍ କେଦାଃ ଆତଃକ କାଜିକେଦା, “ତିୟାଃ ମାସି ହିଜୁଃରେ ନିଃ କାମିୟାକାଦ୍ ପେଡେଃରାଃ କାମିଏତେ ଆଦ୍‌କା କାମିକତି କାମିୟା ?”

**ଫାରୁଶୀକ ଯୀଶୁକେ ସାବିନାଗେନ୍ତେ ଦାରଖାନ୍‌କକେ କୁଲ୍‌କତାନାକ**

୩୨ ଫାରୁଶୀକ ହଡକକେ ଯୀଶୁଆଃ ବିଷାଏରେ ନେୟାଁ ହାୟମ୍ ହାୟମ୍‌ତାନ୍‌କ ଆୟୁମ୍‌କେଦ୍‌କଆ, ଏନ୍ତେ ଫାରୁଶୀକ ଆତଃ ମୁଲ୍ ଯାଜାକ୍‌କ ଇନିଷକେ ସାସାବ୍‌ନାଙ୍ଗ ଦାରଖାନ୍‌କକେ କୁଲ୍‌କେଦ୍‌କଆକ । ୩୩ ଯୀଶୁ କାଜିୟାଦ୍‌କଆଏ, “ଆଇଙ୍ଗ୍ ହୁଡିଙ୍ଗ୍ ଦିପିଲି ଜାକେଦ୍ ଆପେଲଃ ତାଇନିଃକ୍, ଏନ୍ତେ ଆଇଙ୍ଗ୍‌କେ କୁଲ୍‌କାଦ୍‌ନିଃତାଃତେ ସେନଃଆଇଙ୍ଗ୍ । ୩୪ ଆପେ ଆଇଙ୍ଗ୍‌କେ ଦାଣ୍ଠାଈଙ୍ଗ୍‌ରେୟ କାପେ ନାମିୟାଁ ଆତଃ ଆଇଙ୍ଗ୍ ତାଇନିଃତାଃ ଆପେ କାପେ ସେନ୍‌ଦାଡ଼ିୟାଃ ।”

୩୫ ଏନ୍ତେ ଯିହୁଦୀକଆଃ ହାକିମ୍‌କ ଆକ ଆକରେକ ଜାଗାର୍‌କେଦାଃ, “ନିଃ କତାଃତେ ସେନଃନାଙ୍ଗ୍ ସାନାଙ୍ଗ୍ ତାନାଏ ଯେ ଆବୁ ଇନିଷକେ କାବୁ ନାମିୟାଁ ? ତିୟାଃ ଇନିଃ ଗ୍ରୀକ୍ ହଡକଆଃ ଆଲାରେ ନେତେ ହେନ୍ତେୟାକାନ୍ ଆବୁଆଃ ହଡକତାଃ ସେନଃଆଏ ଆତଃ ଗ୍ରୀକ୍ ହଡକକେ ଇତୁକଆଏ ? ୩୬ ଆପେ ଆଇଙ୍ଗ୍‌କେ ଦାଣ୍ଠାଈଙ୍ଗ୍‌ରେୟ କାପେ ନାମିୟାଁ ଆତଃ ଆଇଙ୍ଗ୍ ତାଇନିଃତାଃ କାପେ ସେନ୍‌ଦାଡ଼ିୟା ମେନ୍ତେ ଇନିଃ କାଜିକେଦ୍ କାଜି ଚିକ୍‌ନାଃତାନା ?”

**ଲିଙ୍ଗିୟାଃତାନ୍ ଜୀଦାନ୍ ଏମଃ ଦାଆଃ**

୩୭ ତୁଣ୍ଡୁ ହୁଲାଙ୍ଗ୍, ଚାଏ ପାରାବ୍‌ରେୟାଃ ମାରାଙ୍ଗ୍ ହୁଲାଙ୍ଗ୍‌ରେ ଯୀଶୁ ତିଙ୍ଗୁୟାନ୍ତେ କାଉରିକେଦ୍‌ତେ କାଜିକେଦାଏ, “ଜେତାଏ ତେତାଙ୍ଗ୍‌ରେଦ୍ ଆଇଁୟାଃତାଃତେ ହିଜୁଃକାଏ, ଆତଃ ୩୮ ଜେତାଏ ଆଇଙ୍ଗ୍‌ରେ ବିଶ୍ୱାସ୍‌ତାନ୍‌ନିଃ ନୁଏକାଏ, ଧାରାମ୍‌ପୁଥ୍‌ରେ କାଜିକାନ୍‌ଲେକା, ‘ବିଶ୍ୱାସ୍‌ତାନ୍‌ନିୟାଃ ଜୀଉଏତେ ଜୀଦାନ୍ ଦାଆଃରେୟାଃ ଗାଡାକ ଲିଙ୍ଗିକାତେୟାଆ ।’” ୩୯ ଇନିଷକେ ବିଶ୍ୱାସୀତାନ୍‌କ, ତାୟମ୍‌ତେ ଅକନ୍ ଆମ୍‌କେକ ନାମିୟାଁ, ଇନ୍ଦ୍ରୁଆଃ



ବିଷାଏରେ ଇନିଃ ନେ କାଜି କାଜିକେଦାଏ, ତିୟାଃଚି ଇମ୍ତା ଜାକେଦ୍ ଯୀଶୁଆଃ ମାନାରାଙ୍ଗ୍ କା ହବାକାନ୍ ତାଇକେନ୍ ହରାତେ ପାବିତାର୍ ଆମ୍ବାଦ କାଏ ଏମାକାନ୍ ତାଇକେନା ।

ହଡକଆଃ ଆଲାରେ ବିନ୍‌ଗାଅ‡

୪୦ ପୁରାଃ ହଡକଏତେ ତିମିନ୍‌କ ନେ କାଜି ଆୟୁମ୍‌କେଦ୍‌ତେ ମେନ୍‌କେଦାଃକ, “ନିଃ ସାର୍‌ତିଗି ନାବୀ ତାନିଃ !”

୪୧ ଏଟାଃକ ମେନ୍‌କେଦାଃ, “ଇନିଃ ମାସି ତାନିଃ !” ମେନ୍‌ଦ୍ ତିମିନ୍‌କ ମେନ୍‌କେଦାଃ, “ମାସି ଗାଲିଲ୍‌ଏତେ କାଏ ହିଜୁଃଆ ? ୪୨ ମାସି ଦାଉଦ୍‌ଆଃ କିଲିଏତେ ଆତଃ ଦାଉଦ୍ ତାଇକେନ୍ ବେଥ୍‌ଲେହେମ୍ ସାହାର୍‌ଏତେ ହିଜୁଆଏଃ ମେନ୍ତେ ଧାରାମ୍‌ପୁଥ୍‌ରେ କା'ଚି କାଜିକାନା ?” ୪୩ ଏନାତେ ଗାଦେଲ୍ ହଡକ ଇନିୟାଃ ନାଗେନ୍ତେକ ବିପିଙ୍ଗାଅୟାନା । ୪୪ ଆତଃ ଇନ୍‌କୁଏତେ ତିମିନ୍‌କ ଯୀଶୁ ସାବଃକାଏ ମେନ୍ତେ ସାନାଙ୍ଗ୍‌ତାନ୍‌କ ତାଇକେନା ମେନ୍‌ଦ୍ ଜେତାଏ ଇନିଃରେ ତିଃଇ କାକ ଜିଲିଙ୍ଗ୍‌କେଦାଃ ।

କା ବିଶ୍ୱାସ୍‌ତାନ୍ ଯିହୁଦୀ ହାକିମ୍‌କ

୪୫ ଦାରଝାନ୍‌କ ରୁହାଡ୍‌ୟାନ୍‌ଚି, ମୁଲ୍ ଯାଜାକ୍‌କ ଆତଃ ଫାରୁଶୀକ ଇନ୍‌କୁକେ କୁଲିକେଦ୍‌କଆକ, “ତିନାଃ ମେନ୍ତେ ଇନିଃକେ କାପେ ଆଉକିୟା ?”

୪୬ ଦାରଝାନ୍‌କ ମେତାଦ୍‌କଆକ, “ନେ ହଡ୍ କାଜିତାନ୍‌ଲେକା ଜେତାଏ ହଡ୍ ତିଉଲ୍‌ାହ କାଏ କାଜିୟାକାଦାଃ ।”

୪୭ ଏନ୍ତେ ଫାରୁଶୀକ ଇନ୍‌କୁକେ କାଜିରୁହାଡ୍‌ାଦ୍‌କଆକ, “ଆପେକେୟଗିଚି ଇନିଃ ବେଦାକାଦ୍‌ପେୟାଏ ? ୪୮ ହାକିମ୍‌କଏତେ ତାଏ ଫାରୁଶୀକଏତେ ତିୟାଃ ଜେତାଏ ଇନିଃରେ ବିଶ୍ୱାସ୍‌କାଦାକ ? ଏନା ସାରିକାଦାପେଚି ? ୪୯ କାହା ! ମେନ୍‌ଦ୍ ମୁଶାରାଃ ଆନ୍‌ତୁ କାକ ସାରିତାନ୍ ନାଗେନ୍ତେ ନେ ଗାଦେଲ୍ ହଡକ ସାର୍‌ପାଝାକାନାକ ।”

୫୦ ✨ନିକଦାମ୍, ଅକଏଚି ସିଦାରେ ଯୀଶୁତାଃତେ ସେନ୍‌କାନ୍ ତାଇକେନାଏ ଆତଃ ଇନିଃ ଇନ୍‌କୁଏତେ ମିହୁଡ୍ ତାଇକେନାଏ, ଇନିଃ କୁଲିକେଦ୍‌କଆଏ, ୫୧ “ମିଆଁଦ୍ ହଡ୍‌ତାଃଏତେ ଆଉରି ଆୟୁମ୍

‡ ୭:୩୯ ୭:୪୦ ଆପାନ୍ ଆପାନ୍‌କଃ

☆ ୭:୫୦ ୭:୫୦ ଯୋହାନ୍ ୩:୧,୨.

ଜାକେଦ୍ ଆଡ଼ଃ ଇନିୟାଃ ଚାଇଲ୍ ଚାଲାନ୍ ଆଉରି ସାରି ଜାକେଦ୍ ଆବୁଆଃ ଆନ୍ତୁ ଚିୟାଃ ଇନିୟାଃ ବିଚାରେୟାଏ ?”

୫୨ ଇନ୍କୁ ଇନିଃକେ କାଜିରୁହାଡ଼କିୟାଃକ, “ଆମ୍ବୁଗିଚି ଗାଲିଲ୍ରେନ୍ ହଡ଼ ତାନ୍ମେ ? ନେଲ୍ ନାମେମେ, ଗାଲିଲ୍ଏତେ ଜେତାଏ ନାବୀ କାଏ ଅଡ଼ଙ୍ଗ୍ଆଃଆ ?” ୫୩ ଏନ୍ତେ ସବେନ୍କ ଆକଆଃ ଆକଆଃ ଅଡ଼ାଃତେକ ସେନଃୟାନା ।

## ୮

### ଆପାଙ୍ଗିର୍ କାମିରେ ସାବକାନ୍ କୁଡ଼ି

୧ ମେନ୍ଦ୍ ଯୀଶୁ ଜାଇତୁନ୍ ବୁରୁତେ ସେନଃୟାନାଏ ।  
 ୨ ଏଟାଃ ହୁଲାଙ୍ଗ୍ ଆଙ୍ଗ୍ୟାନ୍ତି ଯୀଶୁ ମାନ୍ଦିରତେ ରୁହାଡ଼ୟାନାଏ ଆଡ଼ଃ ସବେନ୍ ହଡ଼କ ଇନିଃତାଃରେ ହୁଣ୍ଡିୟାନାକ ଆଡ଼ଃ ଇନିଃ ଦୁବ୍କେଦ୍ତେ ଇନ୍କୁକେ ଇଡ଼ୁକେଦ୍କଆଏ । ୩ ଆଇନ୍ ଇଡ଼ୁକ ଆଡ଼ଃ ଫାରୁଗୀକ ଆପାଙ୍ଗିର୍ କାମିରେ ସାବକାନ୍ କୁଡ଼ିକେ ଆଉକେଦ୍ତେ ସବେନ୍କଆଃ ଆଲାରେକ ତିଙ୍ଗୁକିୟା ଆଡ଼ଃ ଯୀଶୁକେ କାଜିକିୟାଃକ, ୪ “ହେ ଗୁରୁ, ନେ କୁଡ଼ି ଆପାଙ୍ଗିର୍ କାମି କାମିତାନ୍ ଇମ୍ତାଗି ସାବ୍ୟାନାଏ । ୫ ଆଲେୟାଃ ଆନ୍ତୁରେ ମୁଣା ନେ ଲେକାନ୍ କୁଡ଼ିକକେ ଦିରି ଚିଦ୍ଗି ଗଏଃକପେ ମେନ୍ତେ ଆଲେକେ ଆରୁଆକାଦ୍ଲେୟାଏ, ନାହାଁଃ ଆମ୍ ଚିନାଃ ମେନେତାନାମ୍ ?”  
 ୬ ଯୀଶୁକେ ଚିଚାଈରାଃ ହରାନାମ୍ ନାଗେନ୍ତେ ବିଡ଼ାଅ ତାନ୍ଲଃ ଇନ୍କୁ ନେୟା କୁଲିକିୟାଃକ । ମେନ୍ଦ୍ ଯୀଶୁ ତିରୁବ୍ୟାନଲଃ ସାବ୍ସାରତେ ଅତେରେ ଅଲ୍କେଦା ।

୭ ଏନ୍ତେ ଇନ୍କୁ କୁଲିତାନ୍ ଇମ୍ତାଗି ଇନିଃ ବିରିଦ୍କେଦ୍ତେ ମେତାଦ୍କଆଏ, “ଆପେୟାଃ ଆଲାରେ କା ପାପ୍କାଦ୍ନିଃ ସିଦାତେ ଇନିଃକେ ଦିରି ଚିଦ୍ଗିକାଏ ।” ୮ ଏନ୍ତେ ଆଡ଼ଃଗି ଇନିଃ ତିରୁବ୍ ରୁହାଡ଼କେଦ୍ତେ ଅତେରେ ସାବ୍ସାରତେ ଅଲ୍କେଦାଏ । ୯ ଇନ୍କୁ ନେୟା ଆୟୁମ୍କେଦ୍ତେ ସବେନ୍କ ମାପ୍ତରାଙ୍ଗ୍ଏତେ ହୁପ୍ଡିଙ୍ଗ୍ ଜାକେଦ୍ ମିମିଆଦ୍ତେକ ଅଡ଼ଙ୍ଗ୍ୟାନା, ଯୀଶୁ ଏସ୍କାରଗି ତାଇନ୍ୟାନାଏ ଆଡ଼ଃ ଏନ୍ କୁଡ଼ି ଆଲାରେ ତିଙ୍ଗୁଆକାନାଏ ତାଇକେନା । ୧୦ ଏନ୍ତେ ଯୀଶୁ ତିଙ୍ଗୁୟାନ୍ତେ ଇନିଃକେ କାଜିକିୟାଏ,

“ଏ କୁଡ଼ି ଆମ୍ଭଙ୍କେ ଚିତାତାନ୍ କତାଃରେକଆଃ ? ଚିୟାଃ ଜେତାଏ ଆମ୍ଭଙ୍କେ କାକ ସାଜାକକେଦ୍‌ମେଆଚି ?”

୧୧ ଇନିଃ କାଜିକିୟାଏ, “ହେ ଗମ୍‌କେ, ଜେତାଏ ଦ କାହା,” ଏନ୍ତେ ଯୀଶୁ ମେତାଇୟାଏ, “ଆଇଙ୍ଗ୍ ହିଁ ଆମ୍ଭଙ୍କେ କାଇଙ୍ଗ୍ ସାଜାକକେତାନା, ତୁ ସେନଃମେ ଆତଃ ଆୟାର୍‌ତେ ଆଲମ୍ ପାପ୍ କାମିୟା ।”\*

### ୟୀଶୁ ଅତେଦିଶୁମ୍‌ରେନ୍ ମାସ୍କାଲ୍ ତାନିଃ

୧୨ ☆ୟୀଶୁ ଆତଃମିସା ଫାରୁଶୀକକେ ଇତୁତାନ୍‌ଲଃ କାଜିକେଦ୍‌କଆଏ, “ଆଇଙ୍ଗ୍ ଅତେଦିଶୁମ୍‌ରେନ୍ ମାସ୍କାଲ୍ ତାନିଙ୍ଗ୍, ଆଇଙ୍ଗ୍‌କେ ଅତଙ୍ଗ୍‌ନିଃ ଜୀଦାନ୍‌ରେୟାଃ ମାସ୍କାଲ୍ ନାମେୟାଏ । ଆତଃ ନୁବୀଃରେ କାଏ ସେନେୟା ।”

୧୩ ☆ଏନ୍ତେ ଫାରୁଶୀକ ଇନିଃକେ କାଜିକିୟାଃକ, “ଆମ୍ ଆମାଃ ନାଗେନ୍ତେ ଗାଞ୍ଜାଇ ଏମେତାନାମ୍, ଆମାଃ ଗାଞ୍ଜା ସାର୍‌ତି ନାହାଁଲୀଃ ।”

୧୪ ଯୀଶୁ କାଜିରୁହାଡ଼ାଦ୍‌କଆଏ, “କାହାଗି, ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନ୍‌ରେଅ ଆଇଁୟାଃ ଗାଞ୍ଜା ସାର୍‌ତିଗିୟା । ଆଇଙ୍ଗ୍‌ଦ କତାଃଏତେଇଙ୍ଗ୍ ହିଜୁଆକାନା ଆତଃ କତାଃତେଇଙ୍ଗ୍ ସେନଃତାନା ନେୟାଁଇଙ୍ଗ୍ ସାରିତାନା ମେନ୍‌ଦ ଆଇଙ୍ଗ୍ କତାଃଏତେଇଙ୍ଗ୍ ହିଜୁଃକାନା ଆତଃ କତାଃତେଇଙ୍ଗ୍ ସେନାଃ, ଏନା ଆପେ କାପେ ସାରିୟାଃ । ୧୫ ଆପେ ହଡ଼କଲେକାପେ ବିଚାରେତାନା, ଆଇଙ୍ଗ୍ ଜେତାଏକେ କାଇଙ୍ଗ୍ ବିଚାର୍‌କତାନା । ୧୬ ମେନ୍‌ଦ ଆଇଙ୍ଗ୍ ବିଚାରେରେଦ ଆଇଁୟାଃ ବିଚାର୍ ସାର୍‌ତିଗିୟାଃ, ଚିୟାଃଚି ଆଇଙ୍ଗ୍‌ଦ କାଇଙ୍ଗ୍ ଏସ୍‌କାରାଃ, ମେନ୍‌ଦ ଆଇଙ୍ଗ୍‌କେ କୁଲାକାଇଙ୍ଗ୍ ଆପୁଲଃ ମେନାଇୟା । ୧୭ ଆତଃ ବାର୍‌ହଡ଼କିନାଃ ଗାଞ୍ଜା ମିଦଃରେ, ଇନ୍‌କିନାଃ କାଜିତେୟାଃ ସାର୍‌ତିଗିୟା ନେୟାଁ ଆପେୟାଃ ଆନ୍‌ରୁ ପୁଥ୍‌ରେ ଅଲ୍‌କାନା । ୧୮ ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନା ଆତଃ ଆଇଙ୍ଗ୍‌କେ କୁଲାକାନ୍ ଆପୁ ଆଇଁୟାଃନାଙ୍ଗ୍ ଗାଞ୍ଜା ଏମେତାନାଏ ।”

\* ୮:୧୧ ୮:୧୧ ପଦ ତାଃଏତେ ୧୧ ପଦ ଜାକେଦ୍ ଚିମିନ୍ ମାରି ଅନଲ୍‌ରେ ବାନଃଆ

☆ ୮:୧୨ ୮:୧୨ ମାଥୁଜ ୫:୧୪; ଯୋହାନ୍ ୯:୫. ☆ ୮:୧୩ ୮:୧୩ ଯୋହାନ୍ ୫:୩୧.

୧୯ ଏନ୍ତେ ଇନ୍କୁ କୁଲିକିୟାଃକ, “ଆପୁତାମାଃ କତାଃରିୟାଃ ?” ଯୀଶୁ କାଜିରୁହାଡ଼ାଦକଆଏ, “ଆପେ ଆଇଙ୍ଗକେ ଆତଃ ଆପୁଇଙ୍ଗକେ କାପେ ସାରିୟାଃ । ଆଇଙ୍ଗକେ ଆପେ ସାରିରେଦ ଆପୁଇଙ୍ଗକେହ ସାରିତେୟାଃପେ ।”

୨୦ ନେ କାଜି ଯୀଶୁ ମାନ୍ଦିର୍ ଅଡ଼ାଃରେୟାଃ ଭାଣ୍ଡାର୍ ଅଡ଼ାଃ ଜାପାଃରେ ଇଡୁକତାନ୍ ଇମ୍ତା କାଜିକେଦାଏ, ଆତଃ ଜେତାଏ ଇନିଃକେ କାକ ସାଦକିୟାଃ ଚିୟାଃଚି ଇନିୟାଃ ନେତା ଇମ୍ତାଙ୍ଗ ଜାକେଦ୍ କା ତେବାଃକାନ୍ ତାଇକେନା ।

### ଯୀଶୁ ଆୟାଃ ସେନଃ ବିଷାଏରେ ଆୟାର୍କାଜି କାଜିକେଦା

୨୧ ଆତଃଫିସା ଯୀଶୁ ଇନ୍କୁକେ କାଜିକେଦକଆଏ, “ଆଇଙ୍ଗ ସେନଃତାନାଇଙ୍ଗ ଆତଃ ଆପେ ଆଇଙ୍ଗକେ ଦାଣ୍ଠାଇୟାପେ ମେନ୍ଦ୍ ଆପେୟାଃ ପାପ୍ରେପେ ଗଜଃଆ । ଆଇଙ୍ଗ ସେନଃତାଃତେ କାପେ ସେନ୍ଦାଡ଼ିୟା ।”

୨୨ ଯିହୁଦୀକଆଃ ହାକିମ୍ କ ଆକ ଆକରେକ ମେନ୍କେଦାଃ, “ଚିୟାଃ ଇନିଃ ଆଇଃକ୍ଚି ଗଜଃଇଙ୍ଗ ମେନ୍ତେ କାଜିତାନାଏଚି, ଏନାନାଗେନ୍ତେ ଆଇଙ୍ଗ ସେନଃତାଃତେ କାପେ ସେନ୍ଦାଡ଼ିୟା ମେନ୍ତେ କାଜିତାନାଏ ?”

୨୩ ଏନ୍ତେ ଯୀଶୁ ଇନ୍କୁକେ ମେତାଦକଆଏ, “ଆପେ ନେ ଅତେଦିଶୁମ୍ରେ ଜାନାମ୍କାନାପେ, ମେନ୍ଦ୍ ଆଇଙ୍ଗ ସିର୍ମାତେ ହିଜୁଆକାନାଇଙ୍ଗ । ଆପେ ନେ ଅତେଦିଶୁମ୍ରେନ୍ଦ୍ ନାହାଁଲାଇଙ୍ଗ । ୨୪ ଏନାମେନ୍ତେ ଆଇଙ୍ଗ ମେତାପେ ତାନାଇଙ୍ଗ, ଆପେ ଆପେୟାଃ ପାପ୍ରେ ଗଜଃଆପେ, ଚିୟାଃଚି ଆଇଙ୍ଗ, ଆଇଙ୍ଗ୍ଚି ଇନିଃ ତାନିଙ୍ଗ୍ ଏନା କାପେ ବିଶ୍ୱାସେରେଦ ଆପେୟାଃ ପାପ୍ରେଗି ଗଜଃଆପେ ।”

୨୫ ଏନ୍ତେ ଇନ୍କୁ ଇନିଃକେ କୁଲିକିୟାଃକ, “ଆମ୍ ଅକଏ ତାନ୍ମେ ?” ଯୀଶୁ ଇନ୍କୁକେ କାଜିୟାଦକଆଏ, “ମୁନ୍ଏତେଗି କାଜିୟାକାଦପେୟାଈଙ୍ଗ ଇନିଃ ଆଇଙ୍ଗ୍ଚି ତାନିଙ୍ଗ୍ । ୨୬ ଆପେୟାଃ ବିଷାଏରେ କାଜି ଆତଃ ବିଚାର୍ ନାଗେନ୍ତେ ଆଇୟାଃତାଃରେ ପୁରାଃଗି କାଜି ମେନାଃ । ମେନ୍ଦ୍ ଆଇଙ୍ଗକେ କୁଲ୍ନିଃ ସାର୍ଚିଗିୟାଏ,

ଆତ୍ମ ଆଇଁ ଇନିଷତାଃଏତେ ଆୟୁମ୍‌କାଦ୍‌ତେୟାଃ ସବେନାଃ ଅତେଦିଶୁମ୍‌ରେ ଉଦୁବେତାନାଇଂ ।”

୨୭ ଯୀଶୁ ଆପୁଆଃ ବିଷାଏରେ ଇନ୍କୁକେ କାଜିୟାକତାନ୍ ତାଇକେନାଏ, ଏନା ଇନ୍କୁ କାକ ଆଟ୍‌କାର୍‌କେଦାଃ । ୨୮ ଏନ୍ତେ ଯୀଶୁ କାଜିୟାଦ୍‌କଆଏ, “ଆପେ ଚିମ୍‌ତା ମାନଞ୍ଜାହନ୍‌କେ ଚେତାନ୍‌ତେପେ ରାକାବିୟା, ଇମ୍‌ତା ଆଇଂ, ଆଇଂଗି ଇନିଷ ତାନିଂ ମେନ୍ତେପେ ସାରିୟାଃ ଆତ୍ମ ଆଇଂଏତେ ଜେଡ୍‌ନାଃ କାଇଂ କାମି, ମେନ୍‌ଦ ଆପୁ ଇଡୁଆକାଇଂଲେକା ନେ କାଜିକଇଂ କାଜିକାଦା ମେନ୍ତେପେ ଆଟ୍‌କାର୍‌ଉରୁମେୟା । ୨୯ ଆତ୍ମ ଆଇଂକେ କୁଲ୍‌ନିଃ ଆଇଂଲଃରିୟା, ଇନିଷ ଆଇଂକେ ଏସ୍‌କାର୍‌ଗି କାଏ ବାଗିୟାକାଦିୟା, ଚିୟାଃଟି ଆଇଂ ଜାନାଅଗି ଇନିଷକେ ସୁକୁଆଇଲେକା କାମିରିକାଇଃକ ।”

୩୦ ଯୀଶୁ ନେୟା କାଜିତାନ୍ ତାଇକେନ୍‌ରେ ପୁରାଃ ହଡ଼କ ଇନିଷତାଃରେକ ବିଶ୍ୱାସ୍‌କେଦା ।

### ସାନାର୍‌ତି ଆପେକେ ଆତ୍ମାଃପେୟାଏ

୩୧ ଏନ୍ତେ ଯୀଶୁତାଃରେ ଅକନ୍ ଯିହୁଦୀକ ବିଶ୍ୱାସ୍‌ତାନ୍‌କ ତାଇକେନା, ଇନିଷ ଇନ୍କୁକେ କାଜିୟାଦ୍‌କଆଏ, “ଆପେ ଆଇଁୟାଃ ଇନିଡୁ ମାନାତିଂରେଦ ସାର୍‌ତିଗି ଆଇଁୟାଃ ତେଲାଇ ତାନ୍‌ପେ । ୩୨ ଆତ୍ମ ଆପେ ସାର୍‌ତିକେ ଆଟ୍‌କାରେୟା, ଆତ୍ମ ଏନ୍ ସାର୍‌ତିଗି ଆପେକେ ଆତ୍ମାଃପେୟାଏ ।”

୩୩ ☆ଇନ୍କୁ ଇନିଷକେ କାଜିରୁହାଡ଼୍‌କିୟାକ, “ଆଲେଦ ଆବ୍ରାହାମ୍‌ଆଃ କିଲିରେନ୍‌କ ତାନ୍‌ଲେ ଆତ୍ମ ଚିତ୍‌ଲାହଗି ଜେତାଏକଆଃ ଦାସି କାଲେ ତାଇକେନା ଚିନାଃମେନ୍ତେ ଆପେ ରାଡ଼ାଅଆଃପେ ମେନ୍ତେମ୍ କାଜିତାନା ? ନେୟାଃରାଃ ମୁଣ୍ଡି ଚିନାଃ ତାନାଃ ?”

୩୪ ଯୀଶୁ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଂ ପାପ୍‌କାମିତାନ୍ ସବେନ୍‌କ ପାପ୍‌ରେୟାଃ ଦାସିତାନ୍‌କୁ । ୩୫ ଦାସି ଜାନାଅ ଜାନାଅ ଅତ୍ମାଃରେ କାଏ ତାଇନାଃ ମେନ୍‌ଦ ହନ୍ ଜାନାଅ ଜାନାଅ ତାଇନାଃଏ । ୩୬ ଏନାମେନ୍ତେ ହନ୍

☆ ୮:୩୩ ୮:୩୩ ମାଥୁଉ ୩:୯; ଲୁକ ୩:୮.

ରାଡ଼ାପେରେଦ, ଆପେ ସାର୍ତ୍ତିଗିପେ ରାଡ଼ାଅଥଆ । ୩୭ ଆପେ ଆବ୍ରାହାମ୍‌ଆଃ କିଲିରେନ୍‌କ ତାନ୍‌ପେ ନେୟା ଆଇଙ୍ଗ୍ ସାରିତାନାଇଙ୍ଗ୍ ମେନ୍‌ଦ ଆଇଁୟାଃ ଇନିତୁ କାପେ ତେଲ୍ୟତାନା ଏନାମେନ୍ତେ ଆପେ ଆଇଙ୍ଗ୍‌କେ ଗଗଏଃ ସାନାଙ୍ଗ୍‌ତାନାପେ । ୩୮ ଆଇଙ୍ଗ୍ ଆପୁଇଙ୍ଗ୍‌ତାଃରେ ନେଲକାଦ୍‌ତେୟାଃ କାଜିତାନାଇଙ୍ଗ୍ ମେନ୍‌ଦ ଆପେ ଆପେୟାଃ ଆପୁ କାଜିକାଦ୍‌ଲେକା କାମିୟାଃପେ ।”

୩୯ ଇନ୍‌କୁ ଇନିଃକେ କାଜିରୁହାଡ଼କିୟାକ, “ଆବ୍ରାହାମ୍ ଆଲେୟାଃ ଆପୁ ତାନିଃ ।” ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଆପେ ସାର୍ତ୍ତିଗି ଆବ୍ରାହାମ୍‌ଆଃ ହନ୍ ତାନ୍‌ପେରେଦ ଆବ୍ରାହାମ୍‌ଆଃ କାମି ଲେକା କାମିତେୟାଃପେ । ୪୦ ଆଇଙ୍ଗ୍‌ଦ ପାର୍‌ମେଶ୍ୱାର୍‌ତାଃଏତେ ଆୟୁମ୍‌କେଦ୍ ସାର୍ତ୍ତିକାଜି ବାଗିକେଦ୍‌ତେ ଏଗାଃତେୟାଃ କାଇଙ୍ଗ୍ ଉଦୁବାପେତାନା ହଲେହ୍ ଆଇଙ୍ଗ୍‌କେ ନାହାଁଃ ଗଗଏଃ ସାନାଙ୍ଗ୍‌ତାନାପେ, ଆବ୍ରାହାମ୍ ଏନ୍‌ଲେକା କାମି କାଏ କାମିକାଦାଃ । ୪୧ ଆପେ ସବେନ୍ ଆପେୟାଃ ଆପୁଆଃ କାମିକ ରିକାତାନାପେ ।” ଇନ୍‌କୁ ଯୀଶୁକେ କାଜିକିୟାଃକ, “ଆଲେ ଆପାଙ୍ଗିର୍ କାମିରେନ୍ ହନ୍‌କ ନାହାଁଲାଲେ । ଆଲେୟାଃଦ ମିଆଁଦ୍‌ଗି ଆପୁ ଇନିଃଦ ପାର୍‌ମେଶ୍ୱାର୍ ତାନିଃ ।”

୪୨ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ପାର୍‌ମେଶ୍ୱାର୍ ଆପେୟାଃ ଆପୁ ତାନିଃରେଦ ଆପେ ଆଇଙ୍ଗ୍‌କେ ଦୁଲାଡ଼ିଙ୍ଗ୍‌ତେୟାଃପେ ଚିୟାଃଚି ଆଇଙ୍ଗ୍ ପାର୍‌ମେଶ୍ୱାର୍‌ତାଃଏତେ ହିଜୁଃକାନାଇଙ୍ଗ୍ ଆଡ଼ଃ ନାହାଁଃ ନେତାଃରିୟା । ଆଇଙ୍ଗ୍‌ଦ ଆଇଁୟାଃ ପେଡ଼େଃତେ କାଇଙ୍ଗ୍ ହିଜୁଆକାନା ମେନ୍‌ଦ ଆପୁ ଆଇଙ୍ଗ୍‌କେ କୁଲକାଦିୟାଏ । ୪୩ ଆପେ ଆଇଁୟାଃ କାଜି ଚିନାଃ ମେନ୍ତେ କାପେ ଆଟ୍‌କାର୍‌ଉରୁମେତାନା ? ଚିୟାଃଚି ଆପେଦ ଆଇଁୟାଃ ଇନିତୁ ଆୟୁମ୍ ନାଙ୍ଗ୍ କାପେ ସାହାଡ଼ିଙ୍ଗ୍ ଦାଡ଼ିତାନା । ୪୪ ଆପେ ଆପେୟାଃ ଆପୁ ସାଏତାନ୍‌ରାଃ ହନ୍‌କ ତାନ୍‌ପେ ଆଡ଼ଃ ଆପେୟାଃ ଆପୁଆଃ ସାନାଙ୍ଗ୍‌ଲେକା କାମି ସାନାଙ୍ଗ୍‌ତାନାପେ । ଇନିଃ ମୁନୁଏତେ ହଡ଼ ଗଗଏଃନିଃ ତାଇକେନାଏ ଆଡ଼ଃ ସାର୍ତ୍ତିରେ କାଏ ତିଙ୍ଗୁ କେଟେଦ୍‌ୟାନା, ଚିୟାଃଚି ଇନିଃରେଦ୍ ସାର୍ତ୍ତି ବାନଆ । ଇନିଃ ହସଡ଼ କାଜି କାଜିତାନ୍ ଇମ୍‌ତା ଆୟାଃତେଗି କାଜିୟାଏ ଚିୟାଃଚି ଇନିଃଦ୍ ହସଡ଼ନିଃ ଆଡ଼ଃ ହସଡ଼ରେନ୍ ଆପୁ

ତାନିଃ । ୪୫ ଫେନ୍ଦ ଆଇଙ୍ଗ୍ ସାର୍ତ୍ତିଗି କାଜିତାନାଇଙ୍ଗ୍ ଫେନ୍ତେ ଆଇଁୟାଃ କାଜି କାପେ ପାତିୟାରେତାନା । ୪୬ ଆଇଁୟାଃତାଃରେ ପାପ୍ ଫେନାଃ ଫେନ୍ତେ ଆପେକଏତେ ଅକଏ ଚିଟାଇଙ୍ଗ୍ୟାଏ ? ଆଇଙ୍ଗ୍ ସାର୍ତ୍ତି କାଜି କାଜିରେଦ ଚିନାଃ ଫେନ୍ତେ ଆଇଁୟାଃ କାଜିକେ କାପେ ପାତିୟାରେତାନା ? ୪୭ ଜେତାଏ ପାର୍ଫେଶ୍ଵାର୍ତାଃଏତେ ହିଜୁଃକାନାଏ ଇନିଃ ପାର୍ଫେଶ୍ଵାର୍ଆଃ କାଜି ଆୟୁଫେୟାଏ । ଆପେ ପାର୍ଫେଶ୍ଵାର୍ତାଃଏତେ କାପେ ହିଜୁଃକାନା ଏନାଫେନ୍ତେ ଇନିୟାଃ କାଜି କାପେ ଆୟୁଫେତାନା ।”

### ୟୀଶୁ ଆତଃ ଆବ୍ରାହାମ୍

୪୮ ଯିହୁଦୀକ ଯୀଶୁକେ କୁଲିକିୟାଃକ, “ଆମ୍ ଶମିରୋନିରେନ୍ଦ୍ ତାନଫେ ଆତଃ ଆମ୍‌କେ ବଙ୍ଗା ଏସେରାକାଦଫେୟାଏ, ନେୟା ଚିନାଃ ଆଲେ ଠାଉକା କାଲେ କାଜିତାନା ?” ୪୯ ଯୀଶୁ କାଜିରୁହାଡ଼ାଦକଆଏ, “ବାନଃଗି ଆଇଙ୍ଗ୍‌କେ ବଙ୍ଗା କାଏ ଏସେରାକାଦିୟା ଫେନ୍ଦ୍ ଆଇଙ୍ଗ୍ ଆପୁଇଙ୍ଗ୍‌କେ ଫାଇନିତାନାଇଙ୍ଗ୍ ଆତଃ ଆପେ ଆଇଙ୍ଗ୍‌କେ କାପେ ଫାଇନିଙ୍ଗ୍‌ତାନା । ୫୦ ଆଇଙ୍ଗ୍ ଆଇଙ୍ଗ୍‌ଗି ଆଇଁୟାଃ ଫାନାରାଙ୍ଗ୍ କାଇଙ୍ଗ୍ ଦାଣ୍ଡାତାନା ଫେନ୍ଦ୍ ନିଆଁଦ୍‌ନିଃ ଫେନାଇୟା ଇନିଃ ଦାଣ୍ଡାଏଃ ଆତଃ ବିଚାର୍ ରିକାଏଃ । ୫୧ ଆଇଙ୍ଗ୍ ସାର୍ତ୍ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ଫାନାତିଙ୍ଗ୍‌ନିଃ ଚିତଲାଅ କାଏ ଗଜଃଆ ।”

୫୨ ଯିହୁଦୀକ ଯୀଶୁକେ କାଜିକିୟାଃକ, “ନାହାଃ ଆଲେ ସାରିକେଦାଃଲେ, ଆମ୍‌କେ ବଙ୍ଗା ଏସେରାକାଦଫେୟାଏ, ଆବ୍ରାହାମ୍ ଆତଃ ନାବୀକ ଗଏଃୟାନା ଆତଃ ଆଇଁୟାଃ କାଜି ଫାନାତିଙ୍ଗ୍‌ନିଃ ଗନଏଃ ଚିତଲାଅ କାଏ ନେଲେୟା ଫେନ୍ତେ କାଜିତାନାମ୍ । ୫୩ ଚିୟାଃ ଆମ୍ ଆଲେୟାଃ ଗଏଃକାନ୍ ଆପୁ ଆବ୍ରାହାମ୍‌ଏତେ ଫାରାଙ୍ଗ୍‌ଆମ୍ ? ନାବୀକହଗି ଗଏଃୟାନାକ, ଆମ୍‌ଆମ୍‌ଗି ଅକଏ ଫେନ୍ତେମ୍ ଉଡ଼ଃତାନା ?”

୫୪ ଯୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ଆଇଙ୍ଗ୍ ଆଇଁୟାଃଗି ଫାନାରାଙ୍ଗ୍‌ଲେରେଦ୍ ଆଇଁୟାଃ ଫାନାରାଙ୍ଗ୍ ଜେଡ୍‌ନାଃ ବାନଆଃ । ଅକନ୍ ଆପୁଇଙ୍ଗ୍‌କେ ଆପେ ଆଲେୟାଃ ପାର୍ଫେଶ୍ଵାର୍ ଫେତାଇତାନାପେ, ଇନିଃ ଆଇଁୟାଃ ଫାନାରାଙ୍ଗ୍ ରିକାଏତାନା ।

୫୫ ଏନ୍‌ରେୟ ଆପେ ଇନିଃକେ କାପେ ସାରିତାନା, ମେନ୍‌ଦ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍, ଆତଃ ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିରେଦ ଆଇଙ୍ଗ୍‌ହଗି ଆପେଲେକାଇଙ୍ଗ୍ ହସଡ଼ଃତେୟାଃ, ମେନ୍‌ଦ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍ ଆତଃ ଇନିୟାଃ କାଜି ମାନାତିଙ୍ଗ୍ ତାନାଇଙ୍ଗ୍ । ୫୬ ଆପେୟାଃ ଆପୁ ଆବ୍ରାହାମ୍ ଆଇୟାଃ ହିଜୁଃ ହୁଲାଇଙ୍ଗ୍‌କେ ନେନେଲ୍ ନାଗେନ୍ତେ ରାସ୍‌କାଅଃତାନାଏ ତାଇକେନା ଆତଃ ଏନା ନେଲ୍‌କେଦ୍‌ତେ ରାସ୍‌କାୟାନାଏ ।”

୫୭ ଏନ୍ତେ ଯିହୁଦୀକ ଇନିଃକେ କାଜିକିୟାଃକ, “ଆମ୍‌କେଦ ନାହାଁଃ ଜାକେଦ୍ ପାଚାଗ୍ ବାରାଷ୍ କା ହବାକାନା, ଚିୟାଃ ଆମ୍ ଆବ୍ରାହାମ୍‌କେ ନେଲାଇୟାମ୍ ?”

୫୮ ଯୀଶୁ ଇନ୍‌କୁକେ କାଜିକେଦ୍‌କଆଏ, “ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଆବ୍ରାହାମ୍‌ଆଃ ଜାନାମ୍ ସିଦାଏତେ ଆଇଙ୍ଗ୍ ମେନାଇୟା ।”

୫୯ ଏନ୍ତେ ଇନ୍‌କୁ ଇନିଃକେ ଚିଦ୍‌ଗି ନାଗେନ୍ତେ ଦିରିକ ସାବ୍‌କେଦା, ମେନ୍‌ଦ ଯୀଶୁ ଉକୁକେଦ୍‌ତେ ମାନ୍ଦିର୍ ଅଡ଼ାଏତେ ଅଡ଼ଙ୍ଗ୍‌ୟାନା ।



### ଯୀଶୁ ମିଆଁଦ୍ ଜାନାମ୍ କାଣ୍‌କେ ବୁଗି ତାନାଏ

୯ ଯୀଶୁ ସେନଃତାନ୍ ତାଇକେନ୍ ଇମ୍‌ତା ଜାନାମ୍‌ଏତେ କାଣ୍‌କାନ୍ ମିଆଁଦ୍ ହଡ଼କେ ନେଲ୍‌କିୟାଏ । ୯ ଆତଃ ଇନିୟାଃ ଚେଲ୍‌କ ଇନିଃକେ କୁଲିକିୟାଃକ, “ହେ ଗୁରୁ, ଅକଏୟାଃ ପାପ୍ ଖାତିର୍ ନିଃ କାଣ୍‌କେଦ୍‌ତେ ଜାନାମ୍‌ୟାନାଏ ? ଚିୟାଃ ଆୟାଃ ପାପ୍‌ତେଗିତି ଆୟାଃ ଏଙ୍ଗା ଆପୁକିନାଃ ?”

୧୦ ଯୀଶୁ କାଜିରୁହାଡ଼ାଦ୍‌କଆଏ, “ଇନିୟାଃ କାଣ୍‌କାନ୍‌ତେୟାଃ ଆୟାଃ ଚାଏ ଆୟାଃ ଏଙ୍ଗା ଆପୁକିନାଃ ପାପ୍ ନାଗେନ୍ତେଦ କାହାଗି ମେନ୍‌ଦ ନିଃତାଃରେ ପାର୍‌ମେଶ୍‌ବରାଆଃ କାମି ଉଦୁବଃକା ମେନ୍ତେ ଇନିଃ କାଣ୍‌କେଦ୍‌ତେ ଜାନାମ୍ କାନାଏ । ୧୧ ସିଙ୍ଗି ତାଇନ୍ ତାଇନ୍‌ଗି ଆଇଙ୍ଗ୍‌କେ କୁଲିନିୟାଃ କାମି ଆବୁକେ କାମି ଲାଗାତିୟାଃ, ଅକ ଘାଡ଼ିରେ ଜେତାଏ କାକ କାମି ଦାଡ଼ିୟାଃ ଏନ୍‌ଲେକାନ୍ ନିଦା



ହିଜୁଃତାନା । ୫ ✨ଆଇଙ୍ଗ୍ ଅତେଦିଶୁମ୍ରେ ତାଇନ୍ ଜାକେଦ୍ ଅତେଦିଶୁମ୍ରେନ୍ ମାର୍ସାଲ୍ ତାନିଙ୍ଗ୍ ।”

୬ ନେୟାଁ କାଜିକେଦ୍ତେ ଯୀଶୁ ଅତେରେ ବେଏକ୍କେଦାଏ ଆଡ଼ଃ ଏନ୍ ବେଏକ୍ହାସାକେ ଲସଦ୍କେଦ୍ତେ ଏନ୍ ହଡ଼ରାଃ ମେଦ୍ରେ ଗସକେଦାଏ, ଆଡ଼ଃ ଇନିଃକେ ମେତାଇୟାଏ, ୭ “ଜୁ ସେନଃମେ ଆଡ଼ଃ ‘ଶିଲୋହ’\* ନୁଡୁମ୍ ବାନ୍ଦାରେ ଆବୁଙ୍ଗ୍ଅଃମେ ।” ଇନିଃ ସେନଃୟାନ୍ତେ ଆବୁଙ୍ଗ୍ୟାନାଏ ଆଡ଼ଃ ନେନେଲ୍ତାନଲ୍ଲଃ ଅଡ଼ଃତେ ହିଜୁଃୟାନାଏ ।

୮ ଏନାତେ ହପରଜାପାଃରେନ୍କ ଆଡ଼ଃ ଅକନ୍କ ଇନିଃକେ ସିଦା କର୍ସତାନ୍ ନେଲ୍ଲାଇକ, କାଜିକେଦାଃକ “ଦୁଦ୍କେଦ୍ତେ କର୍ସତାନ୍ ତାଇକେନିଃ ଚିୟାଃ ନିଃଗି ନାହାଲିଃ ?”

୯ ଚିନିନ୍କ କାଜିକେଦା, “ନିଃଗି ତାନିଃ” ଆଡ଼ଃ ଏଟାଃକ କାଜିକେଦା, “ବାନଃ ନିଃ ଇନିଃଲେକାନିଃ ତାନିଃ ।”

ଏନାତେ ଇନିଃ ଆଇଃକ୍ଗି କାଜିକେଦାଏ, “ଆଇଙ୍ଗ୍ ଇନିଃଗି ତାନିଙ୍ଗ୍ ।”

୧୦ ଏନ୍ତେ ଇନ୍କୁ ଇନିଃକେ କୁଲିକିୟାଃକ, “ଚିଲ୍କାତେ ନାହାଁଃ ଆମ୍ ନେଲ୍ଦାଡ଼ିତାନାମ୍ ?”

୧୧ ଇନିଃ କାଜିରୁହାଡ଼ାଦ୍କଆଏ, “ଏନ୍ ଯୀଶୁ ନୁଡୁମ୍ ହଡ଼ ବେଏକ୍ହାସାକେ ଲସଦ୍କେଦ୍ତେ ଆଇଁୟାଃ ମେଦ୍ରେ ଗସକେଦାଏ ଆଡ଼ଃ ଶିଲୋହରେୟାଃ ବାନ୍ଦାତେ ସେନ୍କେଦ୍ତେ ଆବୁଙ୍ଗ୍ଅଃମେ ମେତାଦିୟାଏ । ଏନ୍ତେ ଆଇଙ୍ଗ୍ ସେନ୍କେଦ୍ତେ ଆବୁଙ୍ଗ୍ୟାନ୍ ତରସା ନେଲ୍ ଦାଡ଼ିକେଦାଇଙ୍ଗ୍ ।”

୧୨ ଇନ୍କୁ ଇନିଃକେ କୁଲିକିୟାଃକ, “ଇନିଃ କତାଃରିୟା ?”

ଇନିଃ ମେତାଦ୍କଆଏ, “ଆଇଙ୍ଗ୍ କାଇଙ୍ଗ୍ ସାରିୟାଃ ।”

### ଫାରୁଶୀକ ବୁଗିୟଃ ବିଷାଏରେ ଦାଶାଁବାଡ଼ାକେଦାକ

୧୩ ଏନ୍ତେ ଜାନାମ୍ଏତେ କାଶାଁତାଇକେନ୍ ହଡ଼କେ ଇନ୍କୁ ଫାରୁଶୀକତାଃତେ ଇଦିକିୟାଃକ । ୧୪ ଯୀଶୁ ଅକନ୍ ହୁଲାଇଁ ହାସା ଲସଦ୍କେଦ୍ତେ କାଶାଁ ହଡ଼ରାଃ ମେଦ୍ ବୁଗିକାଇତାଇକେନାଏ, ଏନା

✨ ୯:୫ ୯:୫ ମାଥ୍ ୫:୧୪; ଯୋହାନ୍ ୮:୧୨.

\* ୯:୭ ୯:୭ ଶିଲୋହକୁଲ୍ଲାଇକାନିଃ

ରୁଡ଼ନ୍ତୁ ହୁଲାଙ୍ଗ ତାଇକେନା । ୧୫ ଏନାମେନ୍ତେ ଇନିଃ ଚିଲ୍‌କାତେ ନେଲ୍ ଦାଡ଼ିକେନାଏ, ଏନା ଫାରୁଶୀକ ଇନିଃକେ ଆଡ଼ଃମିସା କୁଲିକିୟାଃକ । ଏନ୍ତେ ଇନିଃ ଇନ୍‌କୁକେ କାଜିୟାଦକଆଏ, “ଇନିଃ ଆଇୟାଃ ମେଦ୍‌ରେ ଲସଦ୍ ହାସାକେ ଗସଃକେଦାଏ ଆଡ଼ଃ ଆଇଙ୍ଗ୍ ଆରୁଙ୍ଗ୍‌ୟାନାଇଙ୍ଗ୍ ଏନ୍ତେ ନାହାଁଃ ନେଲ୍ ଦାଡ଼ିତାନାଇଙ୍ଗ୍ ।”

୧୬ ଏନ୍ତେ ଫାରୁଶୀକଏତେ ଚିମିନ୍‌କ କାଜିକେଦା, “ନେୟାଁ କାମିକାଦ୍ ହଡ଼ ପାର୍‌ମେଶ୍‌ବାର୍‌ସାଃଏତେ ନାହାଁଲିଃ, ଚିୟାଃତି ଇନିଃଦ୍ ରୁଡ଼ନ୍ତୁ ହୁଲାଙ୍ଗ୍‌କେ କାଏ ମାନାତିଙ୍ଗ୍‌ତାନା ।”

ଆଡ଼ଃ ଏଗାଃକ କାଜିକେଦା, “ପାପିହଡ଼ ଚିଲ୍‌କାତେ ନେ ଲେକାନ୍ ପେଡ଼େୟାନ୍ କାମିକ କାମିଦାଡ଼ିୟାଏ ?” ଏନ୍ତେ ଆକଆଃ ଆଲାରେ ବିପିଙ୍ଗାଅୟାନାକ ।

୧୭ ଏନାମେନ୍ତେ ଫାରୁଶୀକ ଏନ୍ ହଡ଼କେ ଆଡ଼ଃମିସା କୁଲିକିୟାଃକ, “ଆମାଃ ମେଦ୍ ବୁଗିକେଦ୍‌ମେୟାଏ ଇନିୟାଃ ବିଷାଏରେ ଆମ୍ ଚିନାଃମ୍ ମେନେତାନା ?”

ଇନିଃ ମେତାଦକଆଏ, “ଇନିଃ ମିଆଁଦ୍ ନାବୀ ତାନିଃ ।”

୧୮ ଇନିଃ କାଣାଁ ତାଇକେନାଏ ଆଡ଼ଃ ନାହାଁଃ ନେଲ୍ ଦାଡ଼ିକେଦାଏ, ଏନ୍ ମେଦ୍ ବୁଗିୟାକାନ୍ ହଡ଼ଆଃ ଏଙ୍ଗା ଆପୁକିନ୍‌କେ ଆଉରି କୁଲିକିନ୍ ଜାକେଦ୍ ଯିହୁଦୀକଆଃ ହାକିମ୍‌କ କାକ ପାତିୟାର୍‌କେଦାଃ । ୧୯ ଆଡ଼ଃ ଇନ୍‌କୁ ଇନ୍‌କିନ୍‌କେ କୁଲିକେଦକିନାକ, “ମେଦ୍ କାଣାଁକେଦ୍‌ତେ ଜାନାମାକାନ୍ ହନ୍ ତାବେନାଃ ନିଃଗି ତାନିଃତି ? ଚିଲ୍‌କାତେ ନାହାଁଃ ଇନିଃ ନେଲ୍ ଦାଡ଼ିତାନାଏ ?”

୨୦ ଇନିୟାଃ ଏଙ୍ଗାଆପୁକିନ୍ ମେତାଦକଆକିନ୍, “ଇନିଃ ଆଲିଙ୍ଗ୍‌ୟାଃ ହନ୍ ତାନିଃ ଆଡ଼ଃ ମେଦ୍ କାଣାଁକେଦ୍‌ତେ ଜାନାମାକାନ୍ ତାଇକେନାଏ ନେୟାଁଲିଙ୍ଗ୍ ସାରିକାଦା, ୨୧ ମେନ୍‌ଦ୍ ଇନିଃ ଚିଲ୍‌କାତେ ନାହାଁଃ ନେଲ୍ ଦାଡ଼ିତାନାଏ ଏନା କାଲିଙ୍ଗ୍ ସାରିୟାଃ, ତାଏ ଅକଏ ଇନିୟାଃ ମେଦ୍ ବୁଗିକିୟାଏ ଏନାହ କାଲିଙ୍ଗ୍ ସାରିୟାଃ । ଇନିଃକେ କୁଲିପେ, ଇନିଃଦ୍ ସେୟାନାନ୍‌ଗିୟାଏ, ଆୟାଃ କାଜି ଆଇଃକ୍‌ଗି କାଜିୟାଏ ।” ୨୨ ଇନିୟାଃ ଏଙ୍ଗାଆପୁକିନ୍ ଯିହୁଦୀକଆଃ ହାକିମ୍‌କଆଃ ବରତେ ନେ ସବେନାଃକିନ୍ କାଜିକେଦା, ଚିୟାଃତି ଜେତାଏ ଯାଶୁକେ ମାସି ତାନିଃ ମେନ୍ତେ ମାନାତିଙ୍ଗ୍‌ରେଦ୍ ଇନିଃ

ସାମାଜିକଅତ୍ୟାଧିକାରୀମାନଙ୍କଦ୍ୱାରା ଆତ୍ମାଧିକାରୀମାନଙ୍କୁ ଆକାଶରେ  
 ଉଠାଇବାକୁ ଚାହୁଁଥିଲେ । ୨୩ ଏନାମେନ୍ତେ ଇନିୟାଃ  
 ଏକ୍ସାଆପୁକିନ୍ କାଜିୟାଦକଆକିନ୍, “ଇନିଃ ସେୟାନାନ୍ରିୟାଏ;  
 ଇନିଃକେ କୁଲିପେ ।”

୨୪ ଏନ୍ତେ ଇନ୍କୁ ଏନ୍ ମେଦ୍ କାଣ୍ଟାକାନ୍ ହଡକେ ଆତ୍ମାଧିକାରୀ  
 କେଡାକେଦ୍ତେ କାଜିକିୟାଃକ, ପାର୍ମେଶ୍ୱାରୀଆଃ ଆୟାରରେ  
 କିରିୟାକେଦ୍ତେ ସାର୍ତି କାଜିମେ, “ଆଲେ ସାରିତାନାଲେ ଅକ  
 ହଡ ଆମ୍ କେ ନେନେଲ୍ ନାଲ୍ ପେଡେଃ ଏମାକାଦ୍ମେୟାଏ, ଇନିଃ  
 ପାପିତାନିଃ ।”

୨୫ ଏନ୍ତେ ଇନିଃ କାଜିରୁହାଡାଦକଆଏ, “ଇନିଃ ପାପିହଡ ତାନିଃ  
 ଚାଏ ନାହାଁଲିଃ ଏନା କାଲ୍ ସାରିୟାଃ ? ମିଆଁଦ୍ କାଜି  
 ସାରିତାନାଲ୍, ଆଲ୍ କାଣ୍ଟା ତାଇକେନାଲ୍, ଆତ୍ମା ନାହାଁଃ  
 ନେଲ୍ ଦାଡିତାନାଲ୍ ।”

୨୬ ଏନ୍ତେ ଇନ୍କୁ ଇନିଃକେ ଆତ୍ମାଧିକାରୀ କୁଲିକିୟାଃକ, “ଇନିଃ ଚିକ୍ନାଃ  
 ଚିକାକେଦ୍ମେୟାଏ ? ଆତ୍ମା ଚିକ୍ନାକେ କାଣ୍ଟାକାନ୍ ମେଦ୍ତାମାଃ  
 ବୁଗିକେଦ୍ମେୟାଏ ?”

୨୭ ଇନିଃ ଇନ୍କୁକେ ମେଦାଦକଆଏ, “ଆଲ୍ ସିଦାରେ  
 ଆପେକେ କାଜିୟାଦ୍ମେୟାଲ୍, ଆତ୍ମା ଆପେ କାପେ  
 ଆୟାକେଦାଃ, ଚିକ୍ନାଃ ମେନ୍ତେ ଆତ୍ମାଧିକାରୀ ଆୟା ସାନାକ୍ତାନାପେ ?  
 ଚିକ୍ନାଃ ଆପେୟା ଇନିୟାଃ ଚେଲା ବାଲୟା ସାନାକ୍ତାନାପେ ?”

୨୮ ଏନ୍ତେ ଇନ୍କୁ ଇନିଃକେ ସାର୍ପାଅକେଦ୍ତେ କାଜିକିୟାଃକ,  
 “ଆମ୍ ଇନିୟାଃ ଚେଲା ତାନ୍ମେ ମେନ୍ଦ୍ ଆଲେ ମୁଶାୟା ଚେଲାକ  
 ତାନ୍ଲେ । ୨୯ ମୁଶାୟା ପାର୍ମେଶ୍ୱାରୀ ଜାଗାଚାନ୍ ତାଇକେନାଏ  
 ନେୟାଲେ ସାରିତାନା ମେନ୍ଦ୍ ନିଃ କତାଃଏତେ ହିକ୍ତୁକାନାଏ, ଏନା  
 କାଲେ ସାରିୟାଃ ।”

୩୦ ଏନ୍ ହଡ ଇନ୍କୁକେ କାଜିରୁହାଡାଦକଆଏ, “ଇନିଃ  
 କତାଃଏତେ ହିକ୍ତୁକାନାଏ ଏନା କାପେ ସାରିୟାଃ ଆତ୍ମା ଇନିଃ  
 ଆଲ୍ୟାଃ ମେଦ୍ ବୁଗିକେଦିୟାଏ, ନେୟାଦ୍ ଆକ୍ଦାଦାଅ କାଜିତାନାଃ  
 । ୩୧ ପାର୍ମେଶ୍ୱାରୀ ପାପିକଆଃ ବିକ୍ତି କାଏ ଆୟାମାଃ, ନେୟାବୁ  
 ସାରିତାନା, ମେନ୍ଦ୍ ଜେତାଏ ପାର୍ମେଶ୍ୱାରକେ ସୁସାରିରେଦ୍

ଆଡ଼ଃ ଆୟାଃ ମନେଲେକାତେ ସେସେନ୍ରେଦ ଇନିୟାଃ ବିକ୍ରି ଆୟୁମେୟାଏ । ୩୨ ଅତେଦିଶୁମ୍ରେୟାଃ ମୁନ୍ଦୁଏତେ ଜେତାଏ ହଡ଼ ଜାନାମକାଣ୍ଟାକେ ବୁଗିତେୟାଃ, ଚିତ୍ତଲାହ କା ଆୟୁମକାନା । ୩୩ ନେ ହଡ଼ ପାର୍ମେଶ୍ଵାର୍ତାଃଏତେ କାଏ ହିଜୁଃକାନ୍ରେଦ ଚିତ୍ତଲାହ ଜେଡ଼ନାଃ କାଏ କାମି ରିକାଦାଡ଼ିତେୟାଃ ।”

୩୪ ଇନ୍କୁ ଇନିଃକେ କାଜିରୁହାଡ଼କିୟାଃକ, “ଆମ୍ଦ ପାପ୍ରେ ଜାନାମକେଦ୍ତେ ପାପ୍ରେ ମେନାମେଆ ଆଡ଼ଃ ଆମ୍ତି ଆଲେକେ ଇଡ଼ ସାନାଙ୍ଗତାନାମ୍?” ଏନ୍ତେ ଇନ୍କୁ ଇନିଃକେ ସାମାଜ୍‌ଅଡ଼ାଃଏତେ ବାହାରି ଅଡ଼ଙ୍ଗକିୟାଃକ ।

### ଆମ୍ତିକ୍ ଜାଞ୍ଜାନ୍ରେ କାଣ୍ଟାକାନିଃ

୩୫ ଇନ୍କୁ ଇନିଃକେ ସାମାଜ୍‌ଅଡ଼ାଃଏତେ ବାହାରି ଅଡ଼ଙ୍ଗକିୟାଃକ, ନେୟାଁ ଯୀଶୁ ଆୟୁମକେଦ୍ତେ ଇନିଃକେ ନେଲ୍‌ନାମ୍‌ତାଇଲଃ କୁଲିକିୟାଏ, “ଚିୟାଃ ଆମ୍ ମାନଞ୍ଜାହନ୍‌ତାଃରେ ବିଶ୍ଵାସେତାନାମ୍?”

୩୬ ଇନିଃ କାଜିରୁହାଡ଼କିୟାଏ, “ହେ ପ୍ରାଭୁ, ଇନିଃ ଅକଏ ତାନିଃ କାଜିମେ, ଆଇଙ୍ଗ୍‌ଦ ଇନିଃରେ ବିଶ୍ଵାସେଆଇଙ୍ଗ୍ ।”

୩୭ ଯୀଶୁ ଇନିଃକେ କାଜିକିୟାଏ, “ଆମ୍ ଇନିଃକେ ନେଲ୍‌କାଇୟାମ୍, ଆଡ଼ଃ ଇନିଃ ଆମାଃଲଃ ଜାଗାର୍‌ତାନିଃଗି ତାନିଃ ।”

୩୮ ଏନ୍ତେ ଇନିଃ “ହେ ପ୍ରାଭୁ, ଆଇଙ୍ଗ୍ ବିଶ୍ଵାସ୍ ତାନାଇଙ୍ଗ୍” ମେତାଇୟାଏ ଆଡ଼ଃ ଇନିଃକେ ଅମ୍ପାଃକେଦ୍ତେ ଜହାର୍‌କିୟାଏ ।

୩୯ ଯୀଶୁ ମେତାଇୟାଏ, “ହଡ଼କଆଃ ବିଚାର୍ ନାଗେନ୍ତେ ଆଇଙ୍ଗ୍ ଅତେଦିଶୁମ୍ତେ ହିଜୁଆକାନାଇଙ୍ଗ୍ ।” କା ନେଲ୍‌ତାନକ ନେଲେୟାକ ଆଡ଼ଃ ନେନେଲ୍‌ତାନକ କାଣ୍ଟାଞ୍ଜାଃ । ୪୦ ଇନିଃଲଃ ତାଇକେନ୍ ଫାରୁଣୀକ ନେୟାଁ ଆୟୁମକେଦ୍ତେ ମେନ୍‌କେଦାଃକ, “ଚିୟାଃ ଆଲେୟାଚି କାଣ୍ଟାକାନାଲେ ?” ୪୧ ଯୀଶୁ ଇନ୍କୁକେ କାଜିୟାଦ୍‌କଆଏ, “ଆପେ କାଣ୍ଟାକାନ୍ରେଦ ଆପେୟାଃ ପାପ୍ କା ତାଇନ୍‌ତେୟାଃ, ମେନ୍‌ଦ ଆଲେ ନେଲେତାନାଲେ, ନେୟାଁ ନାହ୍‌ଞ୍ଜାଃ କାଜିତାନାପେ ଏନାମେନ୍ତେ, ଆପେୟାଃ ପାପ୍ ତାଇନିଃତାନା ।”

## ୧୦

## ମିଶ୍ରିଗୁପିନିୟାଃ ଜନ୍ମକା କାଜି

<sup>୧</sup> ଯୀଶୁ କାଜିକେଦାଏ, “ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଜେତାଏ ଦୁଆରହରା ମିଶ୍ରିଅଡ଼ାଃରେ କା ବଲଃନିଃ ମେନ୍ଦ ଏଟାଃସାଃଏତେ ରାକାବ୍‌କେଦ୍‌ତେ ବଲଃନିଃ, କୁମ୍ବୁ ଆତଃ ରେରେଃକ୍‌ନିଃ ତାନିଃ । <sup>୨</sup> ଦୁଆରହରା ବଲଃନିଃ ମିଶ୍ରିକଆଃ ଗୁପିନିଃ ତାନିଃ । <sup>୩</sup> ଇନିୟାଃ ନାଗେନ୍ତେ ଦୁଆର୍ ହରନିଃ ଦୁଆର୍ ନିଜେୟାଏ ଆତଃ ଇନିଃ ଆୟାଃ ମିଶ୍ରିକକେ ନୁତୁମ୍ ସାବ୍‌କେଦ୍‌ତେ ହାକାଅକରେ ମିଶ୍ରିକ ଇନିୟାଃ କାଜିକ ଆୟାଃଆତଃ ଇନିଃ ବାହାରି ଅତଙ୍ଗ୍‌ଇଦିକଆଏ । <sup>୪</sup> ଆତଃ ଆୟାଃ ସବେନ୍ ମିଶ୍ରିକକେ ବାହାରି ଅତଙ୍ଗ୍‌କେଦ୍‌ତେ ଇନ୍‌କୁଆଃ ଆୟାର୍ ଆୟାର୍‌ରେ ସେସେନାଏ ଆତଃ ମିଶ୍ରିକ ସବେନ୍ ଆୟାଃ ଦୟା ଦୟାତେକ ଅତଙ୍ଗ୍‌ଇୟା ଚିୟାଃଚି ଇନ୍‌କୁଦ ଇନିୟାଃ ଲାବ୍‌ଜାକ ସାରିୟାଃ । <sup>୫</sup> ମେନ୍ଦ ଇନ୍‌କୁ ଏଟାଃନିଃକେ ଚିତ୍‌ଲାହ କାକ ଅତଙ୍ଗ୍‌ଇୟା ମେନ୍ଦ ଇନିଃତାଃଏତେ ସାଜିନ୍‌ତେକ ନିରାଃ, ଚିୟାଃଚି ଇନ୍‌କୁଦ ଇନିୟାଃ ଲାବ୍‌ଜା କାକ ସାରିୟା ।”

<sup>୬</sup> ଯୀଶୁ ନେ ଜନ୍ମକା କାଜି କାଜିୟାଦକଆଏ, ମେନ୍ଦ ଇନ୍‌କୁ ଇନିୟାଃ କାଜିକେଦ୍‌କାଜି ଚିନାଃତାନାଃ ଏନା କାକ ମୁଶ୍ରିୟାନା ।

## ବୁଗିନ୍ ମିଶ୍ରିଗୁପିନିଃ ଯୀଶୁ

<sup>୭</sup> ଏନ୍ତେ ଯୀଶୁ ଆତଃମିସା କାଜିୟାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍, ମିଶ୍ରିକଆଃ ଦୁଆର୍ ଆଇଙ୍ଗ୍ ତାନିଙ୍ଗ୍ । <sup>୮</sup> ଆଇଁୟାଃଏତେ ସିଦାରେ ହିଜୁଆକାନ୍ ସବେନ୍‌କ କୁମ୍ବୁ ଆତଃ ରେରେଃକ୍‌କ ତାନ୍‌କୁ ମେନ୍ଦ ମିଶ୍ରିକ ଇନ୍‌କୁଆଃ କାଜି କାକ ଆୟାମ୍‌କେଦା । <sup>୯</sup> ଦୁଆର୍ ଆଇଙ୍ଗ୍ ତାନିଙ୍ଗ୍, ଜେତାଏ ଆଇଁୟାଃ ହରାତେ ବଲରେଦ ଇନିଃ ବାଞ୍ଜାଅଃଆଏ, ଇନିଃ ଭିତାର୍‌ତେ ଅତଙ୍ଗ୍ ବଲଃରେ ଚାରା ନାମେଗିୟାଏ । <sup>୧୦</sup> କୁମ୍ବୁ କୁମ୍ବୁ ଗଗଏଃ ଆତଃ ଜିୟନ୍ ନାଗେନ୍ତେ ଏସକାର୍ ହିଜୁଆଏଃ, ମେନ୍ଦ ଇନ୍‌କୁ ଜୀଦାନ୍‌କ ନାମେକା, ଆଦ୍‌କାଗି ନାମେକା ମେନ୍ତେଇଙ୍ଗ୍ ହିଜୁଆକାନା ।

<sup>୧୧</sup> “ଆଇଙ୍ଗ୍ ଏନ୍ ବୁଗିନ୍ ଗୁପିନିଃ ତାନିଙ୍ଗ୍, ବୁଗିନ୍ ଗୁପିନିଃ ମିଶ୍ରିକ ନାଗେନ୍ତେ ଆୟାଃ ଜୀତ ଏମେୟାଏ । <sup>୧୨</sup> ଅକଏ ଗୁପିନିଃ ନାହାଲିଃ,

ଇନିଃଦ ନାଲାନାମ୍ନିଃ ତାନିଃ ଆତଃ ମିଣ୍ଡିକ ଆୟାଃ ନାହାଁଲାଃକ ଏନାମେନ୍ତେ ଇନିଃ ହୁଣ୍ଡାଃ ହିନ୍ଦୁଃତାନ୍ ନେଲ୍ଲକେଦ୍ତେ ମିଣ୍ଡିକକେ ନିର୍ ବାଗିତାକୁଆଏ ଆତଃ ହୁଣ୍ଡାଃ ମିଣ୍ଡିକକେ ରେଃକକେଦ୍ତେ ଛିତିବିତି ତାକଆଏ । ୧୩ ଏନ୍ ହଡ୍ ନିର୍ ବାଗିତାକୁଆଏ, ଚିୟାଃଚି ଇନିଃ ନାଲାନାମ୍ନିଃ ତାନିଃ ଆତଃ ମିଣ୍ଡିକ ନାଗେନ୍ତେ କାଏ ଉଡ୍ଡୁୟା । ୧୪ ✨ଆଇଙ୍ଗ୍ ବୁଗିନ୍ ଗୁପିନିଃ ତାନିଙ୍ଗ୍, ଜେ'ଲେକା ଆପୁଇଙ୍ଗ୍ ଆଇଙ୍ଗ୍କେ ସାରିୟାଏ ଆତଃ ଆଇଙ୍ଗ୍ ଆପୁଇଙ୍ଗ୍କେ ସାରିୟାଇଙ୍ଗ୍, ୧୫ ଏନ୍ଲେକାଗି ଆଇଙ୍ଗ୍ ଆଇଁୟାଃ ମିଣ୍ଡିକକେ ସାରିୟାଇଙ୍ଗ୍ ଆତଃ ଆଇଁୟାଃ ମିଣ୍ଡିକ ଆଇଙ୍ଗ୍କେ ସାରିୟାଃକ । ଆଇଙ୍ଗ୍ ମିଣ୍ଡିକ ନାଗେନ୍ତେ ଆଇଁୟାଃ ଜୀଉ ଏମ୍ ନାଗେନ୍ତେ ସେକାଡାକାନାଇଙ୍ଗ୍ । ୧୬ ଆଇଁୟାଃ ଆତଃଗି ଏଗାଃ ମିଣ୍ଡିକ ମେନାକଆ, ଇନ୍କୁ ନେ ମିଣ୍ଡିଅଡ଼ାଃରେନ୍ ନାହାଁଲାଃକ । ଇନ୍କୁକେହଗି ଆଇଙ୍ଗ୍କେ ଆଉ ଲାଗାତିୟାଃ ଆତଃ ଇନ୍କୁ ଆଇଁୟାଃ ଲାବ୍ଜାକ ଆୟୁମେୟା ଏନ୍ତେ ମିଆଁଦ୍ ଗୋର୍ ଆତଃ ମିଆଁଦ୍ ଗୁପିନିଃ ତାଇନାଃଏ ।

୧୭ “ଆଇଙ୍ଗ୍ ଆଇଁୟାଃ ଜୀଉକେ ଏମ୍କେଦ୍ ହରାତେ ଆପୁ ଆଇଙ୍ଗ୍କେ ଦୁଲାଡ଼ିଙ୍ଗ୍ ତାନାଏ, ଆତଃ ଆଇଙ୍ଗ୍ ଆଇଁୟାଃ ଜୀଉକେ ଆତଃମିସା ନାମରୁହାଡ଼େ ନାଗେନ୍ତେ ଏମେତାନିଙ୍ଗ୍ । ୧୮ ଜେତାଏ ଆଇଁୟାଃ ଜୀଉକେ ଆଇଙ୍ଗ୍ତାଃଏତେ କାକ ଇଦିୟା ମେନ୍ଦ୍ ଆଇଙ୍ଗ୍ ଆଇଙ୍ଗ୍ତେଗି ଏନାକେ ଏମାଃଇଙ୍ଗ୍ । ଏନାକେ ଏମ୍ ଆତଃ ଇଦି ରୁହାଡ଼ରେୟାଃ ଆକ୍ତେୟାର୍ ଆଇଁୟାଃ ମେନାଃ । ନେ ଆନ୍ତୁ ଆଇଙ୍ଗ୍ ଆପୁଇଙ୍ଗ୍ତାଃଏତେ ନାମ୍କାଦାଇଙ୍ଗ୍ ।”

୧୯ ଆତଃଗି ନେ କାଜି ନାଗେନ୍ତେ ଯିହୁଦୀକ ବିପିଙ୍ଗାଅ\*ୟାନାକ । ୨୦ ଇନ୍କୁଏତେ ପୁରାଃକ କାଜିକେଦା, “ଇନିଃକେ ବଙ୍ଗା ଏସେର୍କିୟାଏ, ଆତଃ ଇନିଃ ବାଲୁଅଃତାନାଏ, ଇନିୟାଃ କାଜି ଚିନାଃ ମେନ୍ତେପେ ଆୟୁମେତାନା ?”

୨୧ ମେନ୍ଦ୍ ଏଗାଃକ କାଜିକେଦା, “ବାନଃଗି ବଙ୍ଗା ଏସେର୍କାଇ ହଡ୍ ନେ ଲେକା କାଏ କାଜିୟା, ଚିୟାଃ ବଙ୍ଗା ମେଦ୍ କାଣାଁକାନ୍ନିଃକେ ବୁଗି ଦାଡ଼ିୟାଏ ?”

✨ ୧୦:୧୪ ୧୦:୧୪ ମାଥୁଉ ୧୧:୨୭; ଲୁକ ୧୦:୨୨.

\* ୧୦:୧୯ ୧୦:୧୯ କାଜି କା

ମେସାଅଃତେୟାଃ

### ୟୀଶୁକେ କାକ ଦାରମ୍ବକିୟା

୨୨ ଏନ୍ତେ ଯୀରୁଶାଲେମ୍ ମାନ୍ଦିର ଅଡ଼ାଃକେ ପାରମେଶ୍ଵାରତାଃରେ ଜିମାଅଃରେୟାଃ ପାରାବ୍ ସେଟେରୟାନା ଆଡ଼ଃ ଏନା ରାବାଙ୍ଗ୍ ସାହା ତାଇକେନା । ୨୩ ଆଡ଼ଃ ଯୀଶୁ ମାନ୍ଦିର ଅଡ଼ାଃରେ ସୁଲିମାନ୍ ନୁତୁମ୍ ପିଣ୍ଡାରିରେ ହନରତାନ୍ ତାଇକେନାଏ । ୨୪ ଏନ୍ତେ ଯିହୁଦୀକ ଇନିଃକେ ହୁଣ୍ଡି ବିୟୁରକିଃତେ କାଜିକିୟାଃକ, “ଆମ୍ ଆଲେକେ ଚିମିନ୍ ଜାକେଦ୍ ଆଲେୟାଃ ମନ୍ରେ ଆଡ଼ାଃଉଡ଼ଃରେମ୍ ଦହଲେୟା ? ଆମ୍ ମାସି ତାନ୍ମେରେଦ ଆଲେକେ କାଜିୟାଲେମେ ।”

୨୫ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଆଇଙ୍ଗ୍ ଆପେକେ ସିଦାରେ କାଜିୟାଦ୍ପେୟାଇଙ୍ଗ୍, ମେନ୍ଦ ଆପେ କାପେ ପାତିୟାରେତାନା । ଆପୁଇୟାଃ ନୁତୁମ୍ତେ ପେଡ଼େୟାନ୍ କାମିକ ଆଇଙ୍ଗ୍ କାମିକାଦ୍ କାମି ଆଇୟାଃ ଗାଞ୍ଜା ଏମେତାନାଏ । ୨୬ ମେନ୍ଦ ଆପେ ଆଇୟାଃ ମିଣ୍ଡିକ ନାହାଁଲାପେ ମେନ୍ତେ କାପେ ପାତିୟାରେତାନା । ୨୭ ଆଇୟାଃ ମିଣ୍ଡିକ ଆଇୟାଃ ଲାବ୍ଜାକ ଆୟୁମାଃ ଆଡ଼ଃ ଆଇଙ୍ଗ୍ ଇନ୍କୁକେଇଙ୍ଗ୍ ସାରିୟାଃ, ଏନ୍ତେ ଇନ୍କୁ ଦୟା ଦୟାତେକ ଅତଙ୍ଗ୍ଇୟା । ୨୮ ଆଡ଼ଃ ଆଇଙ୍ଗ୍ ଇନ୍କୁକେ ଜାନାଅ ଜାନାଅରେୟାଃ ଜୀଦାନ୍ ଏମାଃଇଙ୍ଗ୍, ଆଡ଼ଃ ଇନ୍କୁ ଚିଉଲାହ କାକ ଜିୟନଃଆ; ଆଇୟାଃ ତିଃଇଏତେ ଇନ୍କୁକେ ଜେତାଏ କାକ ରେଃକ୍ଇଦି ଦାଡ଼ିୟାଃ । ୨୯ ଆପୁଇଙ୍ଗ୍ ଅକ୍ନାଃ ଏମାକାଦିୟାଃଏ ଏନା ସବେନାଃଏତେ ମାରାଙ୍ଗ୍ଆଃ ଆଡ଼ଃ ଇନ୍କୁକେ ଆପୁଆଃ ତିଃଇଏତେ ଜେତାଏ କାକ ରେଃକ୍ଇଦି ଦାଡ଼ିୟା । ୩୦ ଆଇଙ୍ଗ୍ ଆଡ଼ଃ ଆପୁଇଙ୍ଗ୍ ମିଆଁଦ୍ଗି ତାନ୍ଲିଙ୍ଗ୍ ।”

୩୧ ନେ କାଜି ଆୟୁମ୍କେଦ୍ତେ, ଯିହୁଦୀକ ଇନିଃକେ ଚିଦ୍ଗି ନାଗେନ୍ତେ ଆଡ଼ଃମିସା ଦିରିକ ହାଲାଙ୍ଗ୍କେଦାଃ । ୩୨ ମେନ୍ଦ ଯୀଶୁ ଇନ୍କୁକେ କାଜିୟାଦକଆଏ, “ଆଇଙ୍ଗ୍ ଆପୁତାଃଏତେ ପୁରାଃ ବୁଗିନ୍ କାମିକ ଆପେକେଇଙ୍ଗ୍ ଉଦୁବାଦ୍ପେୟା, ଏନାଏତେ ଅକ କାମି ନାଗେନ୍ତେ ଚିଦ୍ଗିଙ୍ଗ୍ତାନାପେ ?”

୩୩ ଯିହୁଦୀକ ଇନିଃକେ କାଜିରୁହାଡ଼କିୟାଃକ, “ଆଲେ ଆମ୍କେ ବୁଗିନ୍ କାମି ନାଗେନ୍ତେ ଦିରି କାଲେ ଚିଦ୍ଗିମ୍ତାନା ମେନ୍ଦ ପାରମେଶ୍ଵାରକେ ନିନ୍ଦାତାନ୍ ନାଗେନ୍ତେ ଆଡ଼ଃ ଆମ୍ ହଡ଼

ତାନ୍ମେରେୟ ପାର୍ମେଶ୍ଵାର୍ ମେନ୍ତେ କାଜିନ୍ତାନାମ୍ ଏନାମେନ୍ତେ ଦିରି ଚିଦ୍‌ଗିମେତାନାଲେ ।”

୩୪ ଯୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ଆପେୟାଃ ଆନ୍‌ରୁ ପୁଥ୍‌ରେ ପାର୍ମେଶ୍ଵାର୍ ମେନ୍‌କେଦାଏ, ‘ଆପେ ପାର୍ମେଶ୍ଵାର୍‌କ ତାନ୍‌ପେ ।’ ୩୫ ଆଲେ ସାରିଆଃଲେ ପାର୍ମେଶ୍ଵାର୍‌ଆଃ ବାଚାନ୍ ଜାନାଅ ସାର୍‌ତିଗିଆ, ପାର୍ମେଶ୍ଵାର୍‌ଆଃ କାଜି ଉଦୁବ୍‌ଲେନ୍‌କକେ ପାର୍ମେଶ୍ଵାର୍‌କ ତାନ୍‌ପେ ମେତାକତାନ୍‌ରେଦ ଆଡ଼ଃ ଧାରାମ୍‌ପୁଥ୍‌ରେୟାଃ କାଜି କା ଆଡ଼ମ୍‌ଦାଡ଼ିୟାଃ । ୩୬ ଆପୁ ପାର୍ମେଶ୍ଵାର୍ ଆଇଙ୍‌କେ ସାଲ୍‌କେଦ୍‌ତେ ପାବିତାରୁ କାମି ନାଙ୍‌ ଜିମାଇଙ୍‌ତାନ୍‌ଲଃ ନେ ଅଡେଦିଶ୍ଵମ୍‌ତେ କୁଲାକାଦିୟା । ଆଇଙ୍‌ଦ ପାର୍ମେଶ୍ଵାର୍‌ଆଃ ହନ୍ ତାନିଙ୍ ମେନ୍ତେ କାଜିକେଦାଃଇଙ୍, ଏନାତେଚି ଆପେ ଆମ୍ ପାର୍ମେଶ୍ଵାର୍‌କେମ୍ ନିନ୍‌ଇତାନା ମେନ୍ତେପେ କାଜିୟାଇଙ୍‌ତାନା ? ୩୭ ଆପୁଆଃ କାମିକ କାଇଙ୍ କାମିତାନ୍‌ରେଦ ଆଲ୍‌ପେ ପାତିୟାର୍‌ରିଙ୍ । ୩୮ ମେନ୍‌ଦ ଆଇଙ୍ ଇନିୟାଃ ମନେଲେକା କାମିତାନ୍‌ରେଦ ଆଇଙ୍‌କେ କାପେ ପାତିୟାର୍‌ରେହି ଥାୟାଃ ପେଡେୟାନ୍‌କାମିକେ ବିଶ୍ଵାସେପେ, ଏନ୍ତେ ଆପୁ ଆଇଁୟାଃରିୟା ଆଡ଼ଃ ଆଇଙ୍ ଆପୁରିୟା ନେଆଁ ଆପେ ଇତୁଆଃ ଆଡ଼ଃ ଆଟ୍‌କାର୍‌ତରୁମେଆ ।”

୩୯ ଏନ୍ତେ ଆଡ଼ଃମିସା ଯିହୁଦୀକ ଯୀଶୁକେ ସାସାବ୍‌ନାଗେନ୍ତେ ସାନାଙ୍‌କେଦାଃକ, ମେନ୍‌ଦ ଇନ୍‌କୁଆଃ ତିଃଇଏତେ ଅଡ଼ଙ୍‌ୟାନା ।

୪୦ ☆ଏନ୍ତେ ଯୀଶୁ ଆଡ଼ଃଗି ଯାଦାନ୍ ହାନ୍‌ପାର୍‌ମ୍ ଯୋହାନ୍ ସିଦା ବାପ୍ତିସ୍ମା ଏମାକତାନ୍ ତାଇକେନ୍ ଠାୟାଦ୍‌ତେ ସେନଃୟାନାଏ ଆଡ଼ଃ ଏନ୍ତାଃରେ ତାଇନ୍‌ୟାନାଏ । ୪୧ ଆଡ଼ଃ ପୁରାଃ ହଡ଼କ ଇନିଃତାଃତେକ ହିଜୁଃୟାନା ଆଡ଼ଃ ଯୋହାନ୍‌ଦ ଜେତାନ୍ ପେଡେୟାନ୍ କାମି କାଏ କାମିକେଦାଃ, ମେନ୍‌ଦ ଯୋହାନ୍ ଇନିୟାଃ ବିଷାଏରେ କାଜିକାଦ୍ ସବେନାଃ ସାର୍‌ତିଗି ତାନାଃ । ୪୨ ଆଡ଼ଃ ଏନ୍ତାଃରେ ପୁରାଃ ହଡ଼କ ଇନିଃରେକ ପାତିୟାର୍‌କେଦାଃ ।

୧୧



**ଲାଜାରରାଃ ଗନଏଃ**

<sup>୧</sup> ✨ବେଅନିଆରେନ୍ ମିଆଁଦ୍ ଲାଜାର୍ ନୁହୁମ୍ ହଡ଼ ଉରିୟୁଡେ ଦୁକୁତାନ୍ ତାଇକେନାଏ । ମାରିୟାମ୍ ଆଡ଼ଃ ଆୟାଃ ମିଶି ମାର୍ଥା ବାରାନକିନ୍ ଏନ୍ ସାହାରରେ ତାଇନ୍ ତାଇନାକିନ୍ । <sup>୨</sup> ✨ଅକନ୍ କୁଡ଼ିତି ପ୍ରାଭୁଆଃ କାଟାରେ ବୁଗିନ୍ ସହାନ୍ ସୁନୁମ୍ ଗସଃକିୟାଏ, ଆଡ଼ଃ ଇନିୟାଃ କାଟାକେ ଆୟାଃ ଉବ୍ଡେ ଜଦ୍‌କେଦାଏ, ଇନିଃ ଏନ୍ ମାରିୟାମ୍ ତାନିଃ ଆଡ଼ଃ ଆୟାଃ ହାଗାଡେ ଲାଜାର୍ ଉରିୟୁଡାନାଏ ତାଇକେନାଏ । <sup>୩</sup> ଏନ୍ତେ ଏନ୍ ମିଶିକିନ୍ ଯୀଶୁତାଃଡେ କାଜିକୁଲ୍‌କେଦାଃକିନ୍, “ହେ ପ୍ରାଭୁ ନେଲେମେ ଆମ୍ ଦୁଲାଡ଼ିତାନ୍‌ନିଃ ଉରିୟୁଡାନାଏ ।”

<sup>୪</sup> ଯୀଶୁ ନେୟାଁ ଆୟୁମ୍‌କେଦ୍‌ଡେ କାଜିକେଦାଃଏ, “ନେ ଦୁକୁ ଲାଜାର୍‌ଆଃ ଗନଏଃ ନାଗେନ୍ତେଦ କାହା, ମେନ୍‌ଦ ପାରମେଶ୍ଵାର୍‌ଆଃ ମାଇନାନ୍ ନାଗେନ୍ତେ ଆଡ଼ଃ ଏନାଡେ ପାରମେଶ୍ଵାର୍‌ଆଃ ହନ୍ ମାଇନାନ୍‌ନଃକାଏ ମେନ୍ତେ ଏନା ହବାକାନା ।”

<sup>୫</sup> ଯୀଶୁଦ ମାର୍ଥା ଆଡ଼ଃ ଇନିୟାଃ ମିଶିଡେ ମାରିୟାମ୍‌କେ ଆଡ଼ଃ ଲାଜାର୍‌କେ ଦୁଲାଡ଼କତାନ୍ ତାଇକେନାଏ । <sup>୬</sup> ଲାଜାର୍ ଉରିୟୁଡେ ଦୁକୁତାନାଏ ତାଇକେନା ନେୟାଁ ଆୟୁମ୍‌କେଦ୍ ରେହ୍ ଯୀଶୁ ତାଇକେନ୍ ଠାୟାଦ୍‌ତାଃରେ ଆଡ଼ଃ ବାଃସିଙ୍ଗ୍ ତାଇନ୍‌ୟାନାଏ । <sup>୭</sup> ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦ୍‌କଆଏ, “ଦଲା ଯିହୁଦା ନାଗାର୍‌ଡେବୁ ସେନ୍‌ରୁହାଡ଼ାଃ ।”

<sup>୮</sup> ଚେଲାକ ଯୀଶୁକେ କାଜିକିୟାଃକ, “ହେ ଗୁରୁ, ଚିମିନ୍ ମାହାଁ ସିଦାରେ ଆମ୍‌କେ ଯିହୁଦୀକ ଦିରି ଚିଦ୍‌ଗିନାଙ୍ଗ୍‌କ ସାନାଙ୍ଗ୍ ତାଇକେନା, ହଲେହ୍ ଆମ୍‌କେ ଏନ୍ତାଃଡେ ଆଡ଼ଃଗି ସେନଃ ସାନାଙ୍ଗ୍‌ମେଁ ତାନା ?”

<sup>୯</sup> ଯୀଶୁ କାଜିରୁହାଡ଼ାଦ୍‌କଆଏ, “ସିଙ୍ଗିସାରୁବ୍‌ରେ ବାରା ଘାଣ୍ଟା ବାନଆଃତି ? ଜେତାଏ ସିଙ୍ଗିମାସ୍ତାଲ୍‌ରେ ସେସେନ୍‌ରେଦ କାଏ ତହଦଃଆ, ଚିୟାଃତି ଇନିଃ ନେ ଅଡେଦିଶୁମ୍‌ରାଃ ମାସ୍ତାଲ୍‌କେ ନେଲାଏଃ । <sup>୧୦</sup> ମେନ୍‌ଦ ଜେତାଏ ନିଦାରେ ସେସେନ୍‌ରେଦ ଇନିଃ ତହଦଃଆଏ, ଚିୟାଃତି ଇନିୟାଃ ମାର୍ସାଲ୍ ବାନଆଃ ।” <sup>୧୧</sup> ନେୟାଁ

✨ **୧୧:୧** ୧୧:୧ ଲୁକ ୧୦:୩୮, ୩୯. ✨ **୧୧:୨** ୧୧:୨ ଯୋହାନ୍ ୧୨:୩.

କାଜିକେଦ୍ ତାୟମ୍‌ତେ ଯୀଶୁ ଆୟାଃ ଚେଲାକକେ ଆତଃଗି ମେତାଦକଆଏ, “ଆରୁଆଃ ଗାତି ଲାଜାର୍ ଦୁଡ଼ମ୍‌କାନାଏ, ମେନ୍‌ଦ ଆଇଙ୍ଗ୍ ଇନିଃକେ ଏୟନ୍‌ନାଙ୍ଗ୍ ସେନ୍‌ତାନାଇଙ୍ଗ୍ ।”

୧୭ ଚେଲାକ ଯୀଶୁକେ କାଜିକିୟାଃକ, “ହେ ପ୍ରାଭୁ, ଇନିଃ ଦୁଡ଼ମ୍‌କାନରେଦ ବୁଗିୟଃଆଏ ।”

୧୮ ଯୀଶୁ ଆୟାଃ ଗନଏଃ ବିଷାଏରେ କାଜିକେଦାଏ, ମେନ୍‌ଦ ଚେଲାକ ସାର୍‌ତିଗି ଦୁଡ଼ମ୍‌ତାନାଏ ମେନ୍ତେକ ଆଟ୍‌କାରକେଦାଃ । ୧୪ ଏନାତେ ଯୀଶୁ ଇନ୍‌କୁକେ “ଲାଜାର୍ ଗଏଃୟାନାଏ ମେତାଦକଆଏ । ୧୫ ଆତଃ ଆପେୟାଃ ନାଗେନ୍ତେ ଆଇଙ୍ଗ୍ ଏନ୍ତାଃରେ କା ତାଇନ୍‌କେଦ୍‌ତେ ରାସକାଅଃ ତାନାଇଙ୍ଗ୍, ଜେଲେକା ଆପେ ପାତିୟାରେୟାପେ, ମେନ୍‌ଦ ଦଲା ଇନିଃକେ ନେଲ୍‌ତେବୁ ସେନା ।”

୧୬ ଏନ୍ତେ ଦିଦୁମ୍ କାଜିୟଃତାନ୍ ଥୋମା ଆୟାଃ ଗାତିକକେ କାଜିୟାଦକଆଏ, “ଦଲାବୁ ସବେନ୍‌କ ଗୁରୁଲଃ ସେନାବୁ ଆତଃ ଆବୁହଗି ଇନିଃଲଃବୁ ଗଜଃଆ ।”

### ୟୀଶୁଗି ଜୀଉବିନିରିଦ୍ ଆତଃ ଜୀଦାନ୍ ତାନିଃ

୧୭ ଏନ୍ତେ ଯୀଶୁ ସେଟେରକେଦ୍‌ତେ, “ଲାଜାର୍‌କେ ତପାଗାଡାରେ ତପାତେୟାଃ ଚାର୍‌ଦିନ୍ ହବାଃଅତାନା” ମେନ୍ତେ ଆୟୁମ୍‌କେଦାଃଏ । ୧୮ ବେଥ୍‌ନିଆ ଯୀରୁଗାଲେମ୍‌ଏତେ ତିନ୍ କିଲୋମିଟର୍‌ଏତେହ କାମ୍‌ତିସାଜିନ୍‌ରେ ତାଇକେନା । ୧୯ ଆତଃ ପୁରାଃ ଯିହୁଦୀକ ମାର୍ଥା ଆତଃ ମାରିୟାମ୍‌ଆଃ ହାଗା ଲାଜାର୍ ବିଷାଏରେ ଇନ୍‌କିନ୍‌କେ ଜୀଉରାଡ଼େଃ\* ଏମଃ ନାଗେନ୍ତେକ ହିଜୁଃକାନ୍ ତାଇକେନା ।

୨୦ ଏନ୍ତେ ମାର୍ଥା ଯୀଶୁ ହିଜୁଃତାନାଏ ମେନ୍ତେ ଆୟୁମ୍‌କେଦ୍‌ତି ଇନିଃକେ ସେନ୍‌ଦାରମକିୟାଏ, ମେନ୍‌ଦ ମାରିୟାମ୍ ଅଡ଼ାଃରେଗି ଦୁବାକାନାଏ ତାଇକେନା । ୨୧ ଆତଃ ମାର୍ଥା ଯୀଶୁକେ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇକାନ୍‌ରେଦ ଆଇଁୟାଃ ହାଗାଇଙ୍ଗ୍ କାଏ ଗଜାକାନ୍ତେୟାଃ । ୨୨ ମେନ୍‌ଦ ଆମ୍ ନାହାଁଃ ହୁଁ ପାର୍‌ମେଶ୍‌ବାରକେ ଆସିତେୟାଃ ସବେନାଃ ଏମାମେୟାଏ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

\* ୧୧:୧୯ ୧୧:୧୯ ସାନ୍ତୁନା

୨୩ ଯୀଶୁ ମାର୍ଥାକେ କାଜିକିୟାଏ, “ହାଗାମ୍ ତାମାଃ ଜୀଉ ନାମ୍‌କେଦ୍‌ତେ ଆତଃଗି ବିରିଦାଃଏ ।”

୨୪ ମାର୍ଥା ଇନିଃକେ କାଜିକିୟାଏ, “ଇନିଃ ଚୁଣ୍ଡୁ ଦିପିଲିରେ ଜୀଉବିନିରିଦ୍‌ରେୟାଃ ନେଡାରେ ଜୀଉବିରିଦାଃଏ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୫ ଯୀଶୁ ଇନିଃକେ କାଜିକିୟାଏ, “ଜୀଉବିନିରିଦ୍ ଆତଃ ଜୀଦାନ୍ ଆଇଙ୍ଗ୍‌ଗି ତାନିଙ୍ଗ୍, ଜେତାଏ ଆଇଁୟାଃରେ ବିଶ୍ୱାସେତାନ୍‌ନିଃ ଗଜଃରେୟ୍ ଜୀଉଦଃଆଏ । ୨୬ ଆତଃ ଜେତାଏ ଜୀହୁଦଃତାନ୍‌ନିଃ ଆତଃ ଆଇଁୟାଃରେ ବିଶ୍ୱାସେତାନ୍‌ନିଃ ଚିତ୍‌ଲାଅ କାଏ ଗଜଃଆ, ନେଆଁ ଚିନାଃ ବିଶ୍ୱାସେତାନାମ୍ ?”

୨୭ ଇନିଃ ଯୀଶୁକେ କାଜିକିୟାଏ, “ହେ ପ୍ରାଭୁ, ଅତେଦିଶୁମ୍‌ତେ ଅକଏୟାଃ ହିଜୁଃରାଃ ତାଇନ୍‌କେନା, ଇନିଃ ଆମ୍‌ଗି ପାର୍‌ମେଶ୍ୱାର୍‌ଆଃ ହନ୍ ମାସି ତାନ୍‌ମେଁ ନେୟାଁ ଆଇଙ୍ଗ୍ ବିଶ୍ୱାସେତାନା ।”

### ଯୀଶୁ ରାଆଃକେଦାଏ

୨୮ ନେୟାଁ କାଜିକେଦ୍‌ଚି, ମାର୍ଥା ଆୟାଃ ମିଗିତେ ମାରିୟାମ୍‌କେ ଉକୁକେଦ୍‌ତେ କେଡାକିୟାଏ, ଆତଃ ମେତାଇୟାଏ, “ଗୁରୁ ହିଜୁଃୟାନାଏ ଆତଃ ଆମ୍‌କେ କେଡାମ୍‌ତାନାଏ ।” ୨୯ ଇନିଃ ନେୟାଁ ଆୟୁମ୍‌କେଦ୍‌ଚି, ବିରିଦ୍ ଧାବ୍‌ୟାନାଏ ଆତଃ ଯୀଶୁତାଃତେ ସେନଃୟାନାଏ । ୩୦ ଯୀଶୁ ଇମ୍‌ତା ଜାକେଦ୍ ହାତୁତେ କାଏ ତେବାଃକାନ୍ ତାଇକେନା, ମେନ୍‌ଦ ମାର୍ଥା ଦାରମ୍ ଠାୟାଦ୍‌ତାଃରେଗି ଇନିଃ ତାଇକେନାଏ । ୩୧ ଏନ୍ତେ ଜୀଉରାଡ଼େଃ ନାଇଁ ଅକନ୍ ଯିହୁଦୀକ ଅତାଃରେ ମାରିୟାମ୍‌ଲଃ ତାଇକେନାକ, ଇନ୍‌କୁ ମାରିୟାମ୍‌କେ ଇମ୍‌ତାଗି ବିରିଦ୍‌କେଦ୍‌ତେ ବାହାରି ଅଡଙ୍ଗ୍‌ତାନ୍ ନେଲ୍‌କିଃତେ ଇନିଃ ରାଆଃ ନାଗେନ୍ତେ ତପାଗାଡାତେ ସେନଃତାନାଏ ମେନ୍ତେ ଆବ୍‌କାର୍‌ତାନ୍‌ଲଃ ଇନିୟାଃ ଦୟା ଦୟାକ ଅତଙ୍ଗ୍‌କିୟା ।

୩୨ ଏନ୍ତେ ମାରିୟାମ୍ ଯୀଶୁ ତାଇକେନ୍‌ତାଃ ତେବାଃୟାନ୍‌ଚି, ଇନିଃ ଯୀଶୁକେ ନେଲ୍‌ତାଇଲଃଗି ଇନିୟାଃ କାଟା ସୁବାରେ ଉୟୁଃୟାନାଏ ଆତଃ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇନ୍‌କାନ୍‌ରେଦ୍ ହାଗାଇଙ୍ଗ୍ ତାଇୟାଃ କାଏ ଗଜାକାନ୍‌ତେୟାଃ ।”

୩୩ ଯୀଶୁ ଇନିଃ ରାଆଃତାନ୍ ଆଡଃ ଇନିଃଲଃ ହିଜୁଃକାନ୍ ଯିହୁଦୀକକେହ ରାଆଃତାନ୍ ନେଲ୍‌କେଦ୍‌ଡେ, ପୁରାଃ ଦୁକୁଡେ ଆମ୍ବାରେ ବିଲ୍‌କାଅୟାନାଏ । ୩୪ ଆଡଃ କୁଲ୍‌କେଦ୍‌କଆଏ, “ଅକ୍‌ଡଃରେପେ ତପାକିୟା ?”

ଇନ୍‌କୁ କାଜିରୁହାଡ଼୍‌କିୟାଃକ, “ହେ ପ୍ରାଭୁ, ଏଲା ହିଜୁଃକେଦ୍‌ଡେ ନେଲିମେ ।”

୩୫ ଯୀଶୁ ରାଆଃକେଦାଏ । ୩୬ ଏନ୍ତେ ଯିହୁଦୀକ କାଜିକେଦାଃକ, “ନେଲିପେ, ଯୀଶୁ ଲାଜାରକେ ଚିମିନ୍ ଦୁଲାଡ଼ି ତାଇକେନାଏ ।”

୩୭ ମେନ୍‌ଦ ଇନ୍‌କୁଏଡେ ଚିମିନ୍‌କ କାଜିକେଦା, “ଇନିଃ ଏନ୍ କାଣ୍‌କାନ୍ ହଡ଼କେ କାଏ ନେଲ୍‌ରିକାକିୟାଟି ? ଚିନାଃ ଇନିଃ ଲାଜାରରାଃ ଗନଏଃ କାଏ ରକାଅଦାଡ଼ିଡେୟାଃ ?”

### ୟୀଶୁ ଲାଜାରକେ ଗନଏଃଡେ ଜୀଉବିରିଦ୍‌କିୟାଏ

୩୮ ଏନ୍ତେ ଯୀଶୁ ଆଡଃମିସା ଆୟାଃ ମନ୍‌ରେ ପୁରାଃ ଖ୍‌ସ୍‌କେଦ୍‌ଡେ ତପା ଠାୟାଦ୍‌ଡେ ସେନଃୟାନାଏ, ଏନା ମିଆଁଦ୍ ଲାପାଙ୍ଗା ତାଇକେନା, ଆଡଃ ଏନାରେୟାଃ ଦୁଆରତାଃ ମିଆଁଦ୍ ଦିରି ତାଇକେନା । ୩୯ ଯୀଶୁ “ଦିରିକେ ବାଟିଆଡ଼ମେପେ” ମେନ୍ତେ ଆରୁକେଦ୍‌କଆ । ଏନ୍ତେ ଗଜାକାନ୍‌ନିୟାଃ ମିଶିଡେ ମାର୍ଥା କାଜିକିୟାଏ, “ହେ ପ୍ରାଭୁ, ନାହାଁଃଡ ଇନିଃ ସହାନ୍‌କାଡେୟାଃଆଏ, ଚିୟାଃଟି ଇନିଃ ଗଜାକାନ୍‌ଡେୟାଃ ଚାର୍‌ଦିନ୍ ହବାଅଃତାନା ।”

୪୦ ଯୀଶୁ ମାର୍ଥାକେ କାଜିକିୟାଏ, “ଆମ୍ ବିଶ୍ୱାସେରେଦ୍ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ନେଲେୟାମ୍, ଚିୟାଃ ନେୟାଁ କାଇଙ୍ଗ୍ କାଜିକାମ୍‌ତାଇନା ?” ୪୧ ଏନ୍ତେ ଇନ୍‌କୁ ଦିରିକେ ବାଟି ଆଡ଼ମ୍‌କେଦାଃକ । ଆଡଃ ଯୀଶୁ ସାଙ୍ଗିଲ୍ ରକାବ୍‌କେଦ୍‌ଡେ କାଜିକେଦାଃଏ, “ହେ ଆବା, ଆମ୍ ଆଇଁୟାଃ ବିକ୍ତି ଆୟୁମ୍‌କେଦାମ୍ ମେନ୍ତେ ଧାନାବାଦ୍ ଏମାମ୍ ତାନାଇଙ୍ଗ୍ । ୪୨ ଆମ୍ ଆଇଁୟାଃ ବିକ୍ତି ସବେନ୍‌ଇମ୍‌ତା ଆୟୁମାଃମ୍, ଏନା ଆଇଙ୍ଗ୍ ସାରିୟାଇଙ୍ଗ୍, ମେନ୍‌ଦ ନେ ଚାରିୟାଃରେ ଡିକ୍‌କୁଆକାନ୍ ଗାଦେଲ୍ ହଡ଼କ ଆମ୍ ଆଇଙ୍ଗ୍‌କେ କୁଲ୍‌କାଦିୟାଁମ୍ ମେନ୍ତେ ବିଶ୍ୱାସେ ନାଗେନ୍ତେ ଆଇଙ୍ଗ୍ ନେୟାଁ କାଜିକେଦାଇଙ୍ଗ୍ ।” ୪୩ ଇନିଃ ନେୟାଁ କାଜିକେଦ୍‌ଡି,

କାଉରିକେଦ୍ଦେ ହାକାଅକିୟାଏ, “ଏ ଲାଜାର୍, ଅତଙ୍ଗଅଃମେ ।” ୪୪ ଏନ୍ତେ ଇନିଃ ଅତଙ୍ଗୟାନା, ଆୟାଃ ତିଃଇ କାଟା ଲିଜାଃତେ ତଲାକାନ୍ ତାଇକେନା ଆତଃ ଇନିୟାଃ ମେଦ୍ମୁହାଁଡ୍ ଗାମ୍ଛାତେ ତଲ୍ ବିୟୁରାକାନ୍ ତାଇକେନା । ଯୀଶୁ ଇନ୍କୁକେ ମେତାଦ୍‌କଆଏ, “ଇନିଃକେ ତଲାକାନ୍‌ତେୟାଃ ରାଡ଼ାଇପେ ଆତଃ ସେନ୍‌ଇତିଃପେ ।”

### ୟୀଶୁଆଃ ବିରୁଧ୍‌ରେ ରୋଜୋଟ

(ମାଥୂ ୨୬:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ମାରିୟାମତାଃ ହିଜୁଃଲେନ୍ ପୁରାଃ ଯିହୁଦୀକ ଯୀଶୁ କାମିକେଦ୍‌ତେୟାଃ ନେଲ୍‌କେଦ୍‌ତେ ଇନିଃରେକ ବିଶ୍ୱାସକେଦାଃ । ୪୬ ମେନ୍‌ଦ ଇନ୍‌କୁଏତେ ଚିମିନ୍‌କ ଫାରୁଶୀକତାଃ ସେନ୍‌କେଦ୍‌ତେ ଯୀଶୁ କାମିକେଦ୍‌ତେୟାଃ ଉଦୁବାଦ୍‌କଆକ । ୪୭ ଏନାମେନ୍ତେ ମୁଲ୍ ଯାଜାକ୍‌କ ଆତଃ ଫାରୁଶୀକ ମାରାଙ୍ଗ୍ ପାଞ୍ଚେଟ୍‌କେଦ୍‌ତେ କାଜିକେଦାଃକ, “ଆରୁ ଚିନାଃରୁ ଚିକାତାନା ? ନେଲିପେ, ଏନ୍ ହଡ୍‌ଦ ପୁରାଃ ପେଡେୟାନ୍ କାମିକ କାମିତାନାଏ । ୪୮ ଆରୁ ଇନିଃକେ ନେ ଲେକାଗିରୁ ବାଗିତାଇରେଦ୍‌ ସବେନ୍ ହଡ୍‌କ ଇନିଃରେକ ବିଶ୍ୱାସେୟା, ଆତଃ ରୋମିରେନ୍‌କ ହିଜୁଃକେଦ୍‌ତେ ଆରୁଆଃ ମାନ୍‌ର୍ ଆତଃ ଦିଶୁମ୍ ବାରନାଃକେକ ରେଃକ୍ ଇଦିୟା ।”

୪୯ ଏନ୍ତେ ଇନ୍‌କୁଏତେ ମିଆଁଦ୍ କାୟଫା ନୁତୁମ୍ ହଡ୍, ଏନ୍ ବାରାଷ୍‌ରେନ୍ ସାଲାକାନ୍ ମାରାଙ୍ଗ୍ ଯାଜାକ୍ ଇନ୍‌କୁକେ କାଜିୟାଦ୍‌କଆଏ, “ଆପେ ସବେନ୍ ଚିମିନ୍ ଉଣ୍ଡକ ତାନ୍‌ପେ, ୫୦ ହଡ୍‌କ ନାଗେନ୍ତେ ମିହୁଡ୍‌ଗି ଗଜଃକାଏ ଆତଃ ଗଟା ଜାତି ଆଲକାକ ଜିୟନଃକା ଏନା ଆପେୟାଃ ନାଗେନ୍ତେ ପୁରାଃଗି ବୁଗିନାଃ ମେନ୍ତେ କାପେ ଆଟ୍‌କାରେତାନା ।” ୫୧ କାୟଫା ନେ କାଜିଦ୍ ଆଇଃକ୍‌ତେଗି କାଏ କାଜି, ମେନ୍‌ଦ ଏନ୍ ବାରାଷ୍‌ରେନ୍ ମାରାଙ୍ଗ୍ ଯାଜାକ୍ ତାଇନ୍‌ହରାତେ, ଯୀଶୁ ଏନ୍ ଜାତିକ ନାଗେନ୍ତେ ଗଜଃଆଏ ମେନ୍ତେ ଇନିଃ ନେ ଆୟାର୍‌କାଜିକ କାଜିକେଦାଃଏ । ୫୨ ଆତଃ ଏନ୍ ଜାତିକ ନାଗେନ୍ତେ ଏସ୍‌କାର୍ କାହା ମେନ୍‌ଦ ପାର୍‌ମେଶ୍ୱାର୍‌ଆଃ ନେତେ ହେନ୍ତେୟାକାନ୍ ହଡ୍‌କକେ ମିଦ୍‌ରେ ହୁଣ୍ଡିକ ନାଗେନ୍ତେ କାଜିକେଦାଃଏ ।

୫୩ ଏନ୍ ହୁଲାଇଫ୍ ତାଃଏତେ ଯୀଶୁକେ ଗଜି ନାଗେନ୍ତେ ଯିହୁଦୀକ ଆକରେକ ରୋଜୋଟକେଦାଃ । ୫୪ ଏନାମେନ୍ତେ ଯୀଶୁ ଯିହୁଦୀକଆଃ ନେପେଲ୍ରେ ଆତଃ କାଏ ହନରକେଦାଃ, ମେନ୍ଦ୍ ଏନ୍ତାଃ ବାଗିକେଦ୍ରେ ବିରରେୟାଃ ନାଡ଼େଃ ଦିଶୁମ୍ ଇଫ୍ରାଇମ୍ ନୁତୁମ୍ ମିଆଁଦ୍ ସାହାରତେ ସେନଃୟାନାଏ, ଆତଃ ଆୟାଃ ତେଲାଇଲଃ ଏନ୍ତାଃରେ ତାଇନ୍ୟାନାଏ ।

୫୫ ଯିହୁଦୀକଆଃ ପାସ୍କା ପାରାବ୍ ନାଡ଼େୟାକାନ୍ ତାଇକେନା, ପାରାବ୍ ସିଦାରେ ପୁରାଃ ହଡ଼କ ଆକଆଃ ଫାର୍ତିୟଃ ନାଗେନ୍ତେ ଦିଶୁମ୍ କଏତେ ଯୀରୁଶାଲେମ୍ ତେକ ସେନଃୟାନା । ୫୬ ଏନ୍ତେ ଇନ୍କୁ ଯୀଶୁକେ ଦାଣ୍ଠାବାଡ଼ାତାନ୍ଲଃ ମାନ୍ଦିର୍ ଅଡ଼ାଃରେ ତିଞ୍ଜୁଆକାନ୍ ଇମ୍ତା ଆକ ଆକଗିକ କୁପୁଲିୟାନା, “ଆପେ ଚିନାଃପେ ଉଡ଼ଃତାନା ? ଚିୟାଃ ଇନିଃ ପାରାବ୍ରେ କାଏ ହିଡ଼ୁଃଆ ?” ୫୭ ମୁଲ୍ ଯାଜାକ୍ ଆତଃ ଫାରୁଶୀକ ଯୀଶୁକେ ସାବି ନାଗେନ୍ତେ ଇନିଃ କଡ଼ାଃରିୟା, ଏନା ଜେତାଏ ସାରିରେଦ୍ ଉଦୁବାଲେପେ ମେନ୍ତେ ଆରୁକାଦ୍ ତାଇକେନାକ ।

## ୧୨

ମାରିୟାମ୍ ଯୀଶୁକେ ବୁଗିନ୍ ସହାନ୍ ସୁନୁମ୍ ଗସଗିତାନାଏ  
(ମାଥୁଉ ୨୬:୬-୧୩; ମାର୍କ ୧୪:୩-୯)

୧ ଯୀଶୁ ପାସ୍କା ପାରାବ୍ରେୟାଃ ଛ ଦିନ୍ ସିଦାରେ ବେଥ୍ଲିଆତେ ସେନଃୟାନାଏ, ଏନ୍ତାଃରେ ଯୀଶୁ ଗନଏଃ ଏତେ ଜୀଉବିଚିଦାକାଇ ଲାଜାର୍‌ରାଃ ଅଡ଼ାଃ ତାଇକେନା । ୨ ଇନ୍କୁ ଏନ୍ତାଃରେ ଇନିୟାଃ ନାଗେନ୍ତେ ଆୟୁବ୍ ଜମେୟାକ ବାଇକେଦାଃ ଆତଃ ମାର୍ଥା ସୁସାର୍ରେୟାଃ ବାହାରମ୍ ଇଦିକାଦ୍ ତାଇକେନାଏ, ଏନ୍ତେ ଯୀଶୁଲଃ ଦୁବାକାନ୍କ ଆଲାରେ ଲାଜାର୍‌ହଗି ତାଇକେନାଏ । ୩ ☆ଏନ୍ତେ ମାରିୟାମ୍ ଆଧା ଲିଟର୍ ପୁରାଃ ଫାର୍ତି ଗନଙ୍ଠାନ୍ ଜଗାମାଂସି ବୁଗିନ୍ ସହାନ୍ ସୁନୁମ୍ ଆଉକେଦ୍ରେ ଯୀଶୁଆଃ କାଟାରେ ଦୁଲ୍‌କେଦାଏ ଆତଃ ଇନିୟାଃ କାଟା ଆୟାଃ ଉବ୍ରେ ଜଦ୍‌କେଦାଏ ଆତଃ ସୁନୁମ୍ରେୟାଃ ବୁଗିନ୍ ସହାନ୍ତେ ଅଡ଼ାଃ ପେରେୟାନା । ୪ ଯୀଶୁଆଃ ତେଲାଇକଏତେ ଇଷ୍ଟାରିୟଡ଼ ଯିହୁଦା ନୁତୁମ୍ ମିଆଁଦ୍

☆ ୧୨:୩ ୧୨:୩ ଲୁକ ୭:୩୭,୩୮.

ଚେଲା ତାଙ୍କକେନାଏ, ଅକଏତି ଯୀଶୁକେ ବାଉରିକଆଃ ତିଃଇରେ ଜିମାଇ ନାଗେନ୍ତେ ସାନାଙ୍ଗ୍ ତାଙ୍କକେନ୍ନିଃ କାଜିକେଦାଏ, \* “ନେ ବୁଗିନ୍ ସହାନ୍ ସୁନ୍ନୁମକେ ୩୦୦ ହୁଲାଙ୍ଗ୍‌ରାଃ ନାଲା ସିକାରେ ଆଖିରିଙ୍ଗ୍‌କେଦ୍‌ତେ ଏନ୍ ପାଏସା ଚିନାଃମେନ୍ତେ ରେଙ୍ଗେଃକକେ କା ଏମ୍‌ୟାନା ?” ୬ ରେଙ୍ଗେଃତାନକଆଃ ନାଗେନ୍ତେ ଉଡ଼ୁତାଙ୍କକେନାଏ ମେନ୍ତେ ଇନିଃ ନେଆଁ କାଏ କାଜିକେଦା ମେନ୍ଦ୍‌ ଇନିଃ କୁମ୍‌ଡୁ ତାଙ୍କକେନାଏ ଆତଃ ଇନିଃତାଃରେ ଚାକା ଆଇଲାଃ ତାଙ୍କକେନ୍ ହରାତେ ଏନାରେ ସାଜୁତେୟାଃ ଇନିଃ କୁମ୍‌ଡୁ ଇଦି ତାଙ୍କକେନାଏ ।

୭ ମେନ୍ଦ୍‌ ଯୀଶୁ କାଜିକେଦାଃଏ, “ଇନିଃକେ ବାଗିତାଈପେ ଚିୟାଃତି ଆଇଁୟାଃ ତପାଅଃ ହୁଲାଙ୍ଗ୍ ନାଗେନ୍ତେ ଇନିଃ ଏନାକେ ଦହଏକାଏ ।” ୮ ରେଙ୍ଗେଃକଦ୍ ସବେନ୍‌ଇମ୍‌ତା ଆପେଲଃ ତାଙ୍କନାଃକ ମେନ୍ଦ୍‌ ଆଇଙ୍ଗ୍ ଆପେଲଃ ସବେନ୍‌ଇମ୍‌ତା କାଈଙ୍ଗ୍ ତାଙ୍କନାଃ ।”

**ଲାଜାରୁଆଃ ବିରୁଧ୍‌ରେ ରୋଜୋଟ**

୯ ଯିହୁଦୀକଏତେ ଗାଦେଲ୍ ହଡ଼କ ଯୀଶୁ ବେଥ୍‌ନିଆରେ ମେନାଇୟା ମେନ୍ତେ ସାରିକେଦାଃକ ଆତଃ ଯୀଶୁଆଃ ନାଗେନ୍ତେ ଏସ୍‌କାର୍ କାହା ମେନ୍ଦ୍‌ ଯୀଶୁ ଗଏଃକାନ୍‌କଏତେ ଜୀଉବିରିଦାକାଇ ଲାଜାରୁକେ ନେଲି ନାଗେନ୍ତେକ ହିଜୁଃୟାନା । ୧୦ ଏନ୍ତେ ଲାଜାରୁକେହରି ଗଜି ନାଗେନ୍ତେ ମୁଲ୍ ଯାଜାକକ ରୋଜୋଟକେଦାଃ । ୧୧ ଚିୟାଃତି ଇନିୟାଃ ନାଗେନ୍ତେ ଯିହୁଦୀକଏତେ ପୁରାଃ ହଡ଼କ ଇନ୍‌କୁକେ ମାନାତାଙ୍କକେନାକ ଆତଃ ଯୀଶୁରେକ ବିଶ୍ୱାସକେଦାଃ ।

**ଯୀଶୁ ରାଜାଲେକା ଯୀରୁଶାଲେମ୍‌ତେ ବଲୟାନାଏ**

(ମାଥୁ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ଏଗାଃ ହୁଲାଙ୍ଗ୍ ପାସ୍‌କା ପାରାବ୍‌ତେ ହିଜୁଃକାନ୍ ଗାଦେଲ୍ ହଡ଼କ ଯୀଶୁ ଯୀରୁଶାଲେମ୍‌ତେ ହିଜୁଃତାନାଏ ମେନ୍ତେ ଆୟୁମକେଦ୍‌ତି, ୧୩ ଇନ୍‌କୁ କିତା ଭାଉଡ଼ା ସାବ୍‌କେଦ୍‌ତେ ଇନିଃକେ ଦାରମି ନାଗେନ୍ତେକ ଅତଙ୍ଗ୍‌ୟାନା ଆତଃ କାଉରିତାନ୍‌ଲଃ କାଜିକେଦାଃକ “ହୋଶାନ୍ନା, ପାରମେଶ୍ୱାରୁଆଃ ନୁତୁମ୍‌ତେ ହିଜୁଃତାନ୍‌ନିୟାଃ ଧାଈନ୍ ହବାଅଃକା, ଇସ୍ରାଏଲ୍‌ରେନ୍ ରାଜାରିଃ ଧାଈନ୍ ହବାଅଃକା ।”

୧୪ ଧାରାମ୍‌ପୁଅରାଃ ଅନଲ୍ ଲେକାତେ, ଯୀଶୁ ଗାଧାହନ୍ ନାମ୍‌କିଃତେ ଇନିଃରେ ଦେଏଃୟାନାଏ,

୧୫ “ସିୟୋନ୍‌ରେନ୍ ହନ୍‌କୁଡ଼ି, ଆଲମ୍ ବରଏୟା,  
ନେଲିମେ ଆମାଃ ରାଜା  
ଗାଧାହନ୍‌ରେ ଦୁବ୍‌କେଦ୍‌ତେ ହିଜୁଃତାନା ।”

୧୬ ଇନିୟାଃ ଚେଲାଇ ନେ କାଜିକେ ଇମତା କାକ ଆଟ୍‌କାର  
ଭରୁମ୍‌କେଦାଃ ମେନ୍‌ଦ୍ ଯୀଶୁଆଃ ମାଇନାନ୍ ତାୟମ୍‌ତେ ନେ  
ସବେନାଃ ଇନିୟାଃ ବିଷାଏରେ ଧାରାମ୍‌ପୁଥୁରେ ଅଲାଇକାନ୍  
ତାଇକେନା ଆତଃ ଇନିଃକେ ଇନ୍‌କୁ ନେ ସବେନାଃକ ରିକାକାଦ୍  
ତାଇକେନା ଏନା ଇନ୍‌କୁ ପାହାମ୍‌କେଦାଃକ ।

୧୭ ଆତଃ ଯୀଶୁ ଲାଜାରକେ ତପା ଗାତାଏତେ ହାକାଅକିୟାଏ  
ଆତଃ ଗଏଃକାନ୍‌କଏତେ ଜୀଉବିରିଦ୍‌କିୟାଏ ଇମ୍‌ତା ଇନିଃଲଃ  
ତାଇକେନ୍ ଗାଦେଲ୍ ହଡ଼କ ଗାଞ୍ଜାକ ଏମ୍‌ତାଇକେନା । ୧୮ ଚିମ୍‌ତାଙ୍ଗ୍  
ଇନ୍‌କୁ ଯୀଶୁ ନେ ପେଡେୟାନ୍ କାମି କାମିକାଦାଃଏ ମେନ୍ତେ  
ଆୟୁମ୍‌କେଦାଃ ଇମ୍‌ତାଙ୍ଗ୍ ଏନ୍ ଗାଦେଲ୍‌ହଡ଼କ ଇନିଃଲଃ ନେପେଲ୍  
ନାଗେନ୍ତେ ଅତଙ୍ଗ୍‌ୟାନାକ । ୧୯ ଏନ୍ତେ ଫାରୁଶୀକ ଆକ ଆକରେକ  
କାଜିକେଦା, “ନେଲେତାନାପେଦ୍, ଆବୁତେ ଜେଡ୍‌ନାଃ କା  
ବାଇୟାଃ ନେଆଁ ଆଟ୍‌କାରେପେ, ନେଲ୍‌କପେ, ଅତେଦିଶୁମ୍‌ରେନ୍  
ସବେନ୍‌କ ଇନିଃକେ ଅତଙ୍ଗ୍‌କିୟାଃକ ।”

### ୟୁନାନୀରେନ୍‌କ ଯୀଶୁକେକ ଦାଣ୍ଡାତାନା

୨୦ ପାରାବ୍‌ରେ ସେଞ୍ଜା ନାଗେନ୍ତେ ହିଜୁଆକାନ୍‌କଏତେ ଚିମିନ୍  
ହଡ଼କ ଗ୍ରୀକ୍‌ରେନ୍‌କ ତାଇକେନା । ୨୧ ଇନ୍‌କୁ ଗାଲିଲ୍‌ରେୟାଃ  
ବେଥ୍‌ସାଇଦାରେନ୍ ଫିଲିପ୍‌ତାଃ ହିଜୁଃକେଦ୍‌ତେ କୁଲିକିୟାଃକ, “ହେ  
ଗମ୍‌କେ, ଆଲେ ଯୀଶୁକେ ନେନେଲ୍ ସାନାଙ୍ଗ୍‌ତାନାଲେ ।”

୨୨ ଫିଲିପ୍ ଆନ୍ଦ୍ରିୟାସ୍‌ତାଃ ସେନ୍‌କେଦ୍‌ତେ କାଜିକିୟାଏ, “ଏନ୍ତେ  
ଆନ୍ଦ୍ରିୟାସ୍ ଆତଃ ଫିଲିପ୍ ଯୀଶୁକେକିନ୍ କାଜିକିୟାଃ ।” ୨୩ ଯୀଶୁ  
ଇନ୍‌କିନ୍‌କେ ମେତାଦ୍‌କିନାଏ, “ମାନଞ୍ଜାହନ୍‌ଆଃ ମାଇନାନ୍‌ରେୟାଃ  
ନେଡା ସେଟେରାକାନା । ୨୪ ଆଇଙ୍ଗ୍ ସାରତିଗି କାଜିୟାପେ  
ତାନାଇଙ୍ଗ୍, ଗହମ୍‌ଜାଙ୍ଗ୍ ଅତେରେ ଭୟୁଃକେଦ୍‌ତେ କା ଗଜଃରେଦ୍  
ଏନା ଏସ୍‌କାର୍‌ଗି ତାଇନାଃ, ମେନ୍‌ଦ୍ ଏନା ଗଜଃରେଦ୍ ପୁରାଃ  
ଜ ଜଅଃଆ । ୨୫ ☆ଜେତାଏ ଆୟାଃ ଜୀଉକେ ଦୁଲାଇଡେୟାଏ

☆ ୧୨:୨୫ ୧୨:୨୫ ମାଥୁଃ ୧୦:୩୯; ୧୬:୨୫; ମାର୍କ ୮:୩୫; ଲୁକ ୯:୨୪; ୧୭:୩୩.



ଇନିଃ ଏନାକେ ଆଦେୟାଏ ଆଡ଼ଃ ଜେତାଏ ଆୟାଃ ଜୀଉକେ ନେ ଅତେଦିଶୁମ୍ରେ ହିଲାଙ୍ଗ୍‌ୟେଆ, ଇନିଃ ଏନାକେ ଜାନାଅ ଜୀଦାନ୍ ନାଗେନ୍ତେ ବାଞ୍ଚାଅୟା । ୨୭ ଜେତାଏ ଆଇଙ୍ଗ୍‌କେ ସୁସାରିଙ୍ଗ୍‌ରେଦ ଇନିଃ ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌କାଏ, ଆଡ଼ଃ ଆଇଙ୍ଗ୍‌ ତାଇନଃତାଃରେ ଆଇଙ୍ଗ୍‌କେ ସୁସାରିନିଃହ ତାଇନାଃଏ, ଆଡ଼ଃ ଜେତାଏ ଆଇଙ୍ଗ୍‌କେ ସୁସାରିଙ୍ଗ୍‌ରେଦ ଆପୁଇଙ୍ଗ୍‌ ଇନିଃକେ ମାଇନିୟାଏ ।

**ୟୀଶୁ ଆୟାଃ ଗନଏଃ ବିଷାଏରେ କାଜିକେଦାଃଏ**

୨୭ “ନାହାଁଃଦ ଆଇଁୟାଃ ମନ୍ ଆକ୍‌ବାକାଅକାନା, ତିନାଃ ଆଡ଼ଃଇଙ୍ଗ୍‌ କାଜିୟା ? ହେ ଆବା, ନେ ନେତାଏତେ ଆଇଙ୍ଗ୍‌କେ ବାଞ୍ଚାଅଇଙ୍ଗ୍‌ମେ ମେନ୍ତେଇଙ୍ଗ୍‌ କାଜିୟାତି ? ମେନ୍‌ଦ ଆଇଙ୍ଗ୍‌ ନେୟାଁ ନାଗେନ୍ତେଗିଇଙ୍ଗ୍‌ ହିଜୁଃକାନା, ଜେଲେକାତି ଆଇଙ୍ଗ୍‌ ନେ ଦୁକୁରାଃ ନେଡାରେଇଙ୍ଗ୍‌ ସାହାଡିଙ୍ଗ୍‌ ଦାଡ଼ିୟାଃ । ୨୮ ହେ ଆବା ଆମାଃ ନୁଡୁମ୍ ମାନାରାଙ୍ଗ୍‌ଅଃକା,” ମେନ୍‌କେଦ୍‌ତି ସିର୍ମାଏତେ ନେ କାଜି ଆୟୁମ୍‌ୟାନା, “ଆଇଙ୍ଗ୍‌ ଏନା ମାଇନାନ୍‌କାଦାଃଇଙ୍ଗ୍‌ ଆଡ଼ଃ ଏନାକେ ଆଡ଼ଃଗିଇଙ୍ଗ୍‌ ମାଇନାନ୍‌ନେୟାଁ ।”

୨୯ ଏନ୍ତାଃରେ ତିଙ୍ଗୁଆକାନ୍ ଗାଦେଲ୍‌ ହଡ଼କ ଏନା ଆୟୁମ୍‌କେଦ୍‌ତେ ରିମିଲ୍‌ ସାଡ଼ିଲେନା ମେନ୍ତେକ କାଜିକେଦା । ଏଗାଃକ ମେନ୍‌କେଦାଃ, “ଦୁଁଡ୍ ଇନିଃଲଃଃ ଜାଗାର୍‌କେନାଏ ।”

୩୦ ୟୀଶୁ କାଜିରୁହାଡ଼କେଦ୍‌କଆଏ, “ନେ କାଜି ଆଇଁୟାଃ ନାଗେନ୍ତେଦ କାହା, ମେନ୍‌ଦ ଆପେ ନାଗେନ୍ତେ ତାନାଃ ।”

୩୧ ନାହାଁଃଦ ନେ ଅତେଦିଶୁମ୍ରେୟାଃ ବିଚାର୍‌ ସେଟେରାକାନା, ନାହାଁଃ ନେ ଅତେଦିଶୁମ୍ରେନ୍ ଗମ୍‌କେ ବାହାରି ହୁରାଙ୍ଗ୍‌ଅଃଆଏ ।

୩୨ ଆଡ଼ଃ ଆଇଙ୍ଗ୍‌ ଅତେଦିଶୁମ୍‌ଏତେ ଚେତାନ୍‌ତେ ରାକାବଃରେଦ, ସବେନ୍‌କକେ ଆଇଙ୍ଗ୍‌ତାଃତେଇଙ୍ଗ୍‌ ଆଇଙ୍ଗ୍‌ ଇଦିକଆ । ୩୩ ଇନିଃ ଚିଲ୍‌କା ଗନଏଃରେ ଦୁକୁନାମେୟାଏ, ଏନା ନେ କାଜି ହରାତେ ଉଦୁବ୍‌କେଦା ।

୩୪ ସବେନ୍‌ ହଡ଼କ କାଜିରୁହାଡ଼କିୟାକ, “ମାସି ଜାନାଅ ଜାନାଅଗି ତାଇନାଃଏ ମେନ୍ତେ ଆଲେୟାଃ ଆନ୍‌ରୁରେ ଆୟୁମାକାଦାଃଲେ, ଏନ୍ତେ ଆମ୍‌ ଚିଲ୍‌କାତେ ମାନଝାହନ୍ ଚେତାନ୍‌ତେ ରାକାବଃଗିୟାଏ ମେନ୍ତେମ୍‌ କାଜିତାନା ? ନେ ମାନଝାହନ୍ ଅକଏ ତାନିଃ ?”

୩୫ ଏନ୍ତେ ଯୀଶୁ କାଜିୟାଦ୍‌କଥାଏ, “ଆତ୍ମା ହୁଡ଼ିଙ୍ଗ୍ ନେତାଗି ମାସ୍କାଲ୍ ଆପେଲ୍‌ଠ ତାଇନାଠ, ନୁବାଠ ଆପେକେ କାଏ ଏସେର୍‌ପେ ନାଗେନ୍ତେ ମାସ୍କାଲ୍ ଆପେଲ୍‌ଠ ତାଇନଠ ଇମ୍‌ତାଗି ମାସ୍କାଲ୍‌ରେ ସେସେନେପେ ଆତ୍ମା ନୁବାଠରେ ସେସେନ୍‌ନିଠ କତାଠତେ ସେନଠତାନାଏ ଏନା କାଏ ସାରିୟାଠ । ୩୬ ଆପେ ମାସ୍କାଲ୍‌ରେନ୍ ହଡ଼ ବାଇୟଠ ନାଗେନ୍ତେ ମାସ୍କାଲ୍ ଆପେଲ୍‌ଠ ତାଇନଠ ଇମ୍‌ତାଗି ମାସ୍କାଲ୍‌ରେ ବିଶ୍ୱାସେପେ ।” ଯୀଶୁ ନେ ସବେନାଠ କାଜିକେଦ୍‌ତି ସେନଠୟାନାଏ ଆତ୍ମା ଇନ୍‌କୁତାଠଏତେ ଉକୁୟାନା ।

### କା ବିଶ୍ୱାସ୍‌ତାନ୍ ହଡ଼କ

୩୭ ଯୀଶୁ ଇନ୍‌କୁଆଠ ଆୟାର୍‌ରେ ପେଡ଼େୟାନ୍ କାମିକ କାମିକେଦ୍‌ରେୟ ଇନ୍‌କୁ ଇନିଠତାଠରେ କାକ ବିଶ୍ୱାସ୍‌କେଦାଠ । ୩୮ ନେ ଲେକାତେ ଯିଶାୟ ନାବୀୟାଠ କାଜି ପୁରାୟାନା,

“ହେ ପ୍ରାଭୁ, ଆଲେୟାଠ କାଜିରେ ଅକଏ ବିଶ୍ୱାସ୍‌କାଦା ?

ଆତ୍ମା ପ୍ରାଭୁଆଠ ପେଡ଼େଠ ଅକଏତାଠରେ ଉଦୁବାକାନା ?”

୩୯ ଆତ୍ମା ଏନାତେ ଇନ୍‌କୁ କାକ ବିଶ୍ୱାସ୍‌ ଦାଡ଼ିକେନା, ଚିୟାଠି ଯିଶାୟ ଆତ୍ମାଗି କାଜିକାଦାଏ :

୪୦ “ପାର୍‌ମେଶ୍ୱାର୍ ଇନ୍‌କୁଆଠ ମେଦ୍‌କେ କାଣାଁ କାଦାଠଏ

ଆତ୍ମା ମନ୍ ତାକଆଠକେ କେଟେଦ୍ କାଦାଠଏ

ଏନାମେନ୍ତେ ଇନ୍‌କୁଆଠ ମେଦ୍‌ତେ କାକ ନେଲ୍‌ଦାଡ଼ିୟାଠ

ଆତ୍ମା ଆକଆଠ ମନ୍‌ତେ କାକ ଆର୍‌କାର୍ ଦାଡ଼ିୟାଠ

ଆତ୍ମା ଇନ୍‌କୁ ଆଇୟାଠରେ ମନ୍ କାକ ରୁହାଡ଼୍ ଦାଡ଼ିୟାଠ

ଆତ୍ମା ଆଲେ ଇନ୍‌କୁକେ କାଲେ ରୁଗିକଆ ।”

୪୧ ଯିଶାୟ ଇନିୟାଠ ମାନାରାଙ୍ଗ୍ ନେଲ୍‌କେଦ୍‌ତେ ଆତ୍ମା ଇନିଠକେ ଉଦୁବ୍‌କେଦ୍‌ତେ ଏନାକେ କାଜିକେଦାଏ । ୪୨ ଏନ୍‌ରେୟ ଯିହୁଦୀକଆଠ ହାକିମ୍‌କଏତେ ପୁରାଠ ହଡ଼କ ଇନିଠରେକ ବିଶ୍ୱାସ୍‌କେଦାଠ, ମେନ୍‌ଦ ଫାରୁଶୀକଆଠ ନାଗେନ୍ତେ ଆତ୍ମା ସାମାଜ୍‌ଅଡ଼ାଠଏତେ ଆତ୍ମାଠରେୟାଠ ବରତେ ଇନ୍‌କୁ କାକ ଉଦୁବେନ୍‌ୟାନା । ୪୩ ଚିୟାଠି ଇନ୍‌କୁଦ ପାର୍‌ମେଶ୍ୱାର୍‌ଆଠ ମାଇନାନ୍‌ଏତେ ଆଦ୍‌କା ହଡ଼କଆଠ ମାଇନାନ୍‌କେକ ଦୁଲ୍‌ାଡ଼ିକେଦାଠ ।

ଯୀଶୁଆଠ କାନାଜିତେ ବିଚାର୍ ହବାଅଆଠ

୪୪ ଯୀଶୁ କାଉରିତାନ୍ଲିଃ କାଜିକେଦାଏ, “ଜେତାଏ ଆଇଙ୍ଗ୍ରେ ବିଶ୍ୱାସେତାନ୍ନିଃ ଆଇଁୟାଃରେ ଏସ୍କାର୍ କାହା ମେନ୍ଦ୍ ଆଇଙ୍ଗ୍ରେ କୁଲାକାଇଙ୍ଗ୍ନିଃରେୟ ବିଶ୍ୱାସାଃଏ । ୪୫ ଆତଃ ଜେତାଏ ଆଇଙ୍ଗ୍ରେ ନେଲାକାଦିଙ୍ଗ୍ୟାଏ, ଇନିଃ ଆଇଙ୍ଗ୍ରେ କୁଲାକାଇଙ୍ଗ୍ନିଃକେୟ ନେଲାକାଇଜାଏ । ୪୬ ଆଇଁୟାଃରେ ବିଶ୍ୱାସେନିଃ ନୁବାଃରେ ଆଲକାଏ ତାଇନଃକା ମେନ୍ତେ ଆଇଙ୍ଗ୍ ମାସ୍ତାଲ୍ ଲେକା ଅତେଦିଶ୍ୱମ୍ତେଇଙ୍ଗ୍ ହିଜୁଃକାନା । ୪୭ ଜେତାଏନିଃ ଆଇଁୟାଃ କାଜି ଆୟୁମ୍କେଦ୍ତେ କାଏ ବିଶ୍ୱାସେରେଦ୍ ଆଇଙ୍ଗ୍ ଇନିୟାଃ କାଇଙ୍ଗ୍ ବିଚାରେୟାଃ, ଚିୟାଃଚି ଆଇଙ୍ଗ୍ ଅତେଦିଶ୍ୱମ୍ରାଃ ବିଚାର୍ ନାଗେନ୍ତେଦ୍ କାହା ମେନ୍ଦ୍ ଅତେଦିଶ୍ୱମ୍କେ ବାସ୍ତାଅ ନାଗେନ୍ତେ ହିଜୁଃକାନାଇଙ୍ଗ୍ । ୪୮ ଜେତାଏ ଆଇଙ୍ଗ୍ରେ ହିଲାଙ୍ଗ୍ନିଃ ଆତଃ ଆଇଁୟାଃ କାଜି କା ମାନାତିଙ୍ଗ୍ନିୟାଃ ବିଚାର୍ନିଃ ମେନାଇୟାଃ, ଆଇଙ୍ଗ୍ କାଜିୟାକାଦ୍ କାଜିଚି ଟୁଶ୍ଟୁଲାଙ୍ଗ୍ରେ ଇନିୟାଃ ବିଚାରେୟାଏ । ୪୯ ନେଆଁ ସାର୍ତିଗିଆ, ଚିୟାଃଚି ଆଇଙ୍ଗ୍ଦ୍ ଆଇଁୟାଃ ପେଡ଼େଃତେ କାଇଙ୍ଗ୍ କାଜିୟାକାଦାଃ ମେନ୍ଦ୍ ଆଇଙ୍ଗ୍ ଚିନାଃଇଙ୍ଗ୍ କାଜିୟା ଆତଃ ଚିନାଃଇଙ୍ଗ୍ ଜାଗାରେୟା ଏନା ଆଇଙ୍ଗ୍ରେ କୁଲାକାଇଙ୍ଗ୍ ଆପୁ ଆଇଙ୍ଗ୍ରେ ଆରୁକାଦିୟାଏ । ୫୦ ଆତଃ ଇନିୟାଃ ଆନ୍ରୁଦ୍ ଜାନାଅ ଜୀଦାନ୍ ତାନାଃ ଏନା ଆଇଙ୍ଗ୍ ସାରିୟାଃ, ଚିୟାଃଚି ଆଇଙ୍ଗ୍ ଅକନ୍ କାଜିକ କାଜିୟାଇଙ୍ଗ୍ ଏନା ଆପୁଇଙ୍ଗ୍ ଆରୁକାଦ୍ ଲେକାଇଙ୍ଗ୍ କାଜିୟାଃ ।”

## ୧୩

### ୟୀଶୁ ଚେଲାକଆଃ କାଚା ଆରୁଙ୍ଗ୍ୟେତାନା

୧ ପାସକା ପାରାବ୍ରେୟାଃ ସିଦାରେ ଯୀଶୁ ନେ ଅତେଦିଶ୍ୱମ୍ଏତେ ଆପୁତାଃତେ ସେନଃରେୟା ନେଡା ସେଟେର୍କାନା ମେନ୍ତେ ସାରିକେଦ୍ଚି ଇନିଃ ଅତେଦିଶ୍ୱମ୍ରେନ୍ ଆୟାଃ ହଡକକେ ଦୁଲାଡକେଦକଆଏ ଆତଃ ଇନ୍କୁକେ ଇନିୟାଃ ପୁରାଃ ଦୁଲାଡ୍ ଉଦୁବାଦକଆଏ ।

୨ ଯୀଶୁ ଆତଃ ଆୟାଃ ଚେଲାକ ଆୟୁବ୍ ଜମେୟାଃରେ ତାଇକେନାକ, ଇମ୍ତା ସାଏତାନ୍ ଶିମୋନ୍ରାଃ ହନ୍ତେକଡା

ଇସ୍ତାରିୟତ୍ ଯିହୁଦାରାଃ ମନ୍ରେ ଯୀଶୁକେ ବାଇରିକଆଃ ତିଃଇରେ ଜିମାଇ ନାଗେନ୍ତେ ମନ୍ବାଇ ଚାବାକାଦ୍ ତାଇକେନାଏ । <sup>୩</sup> ଇମତା ଆପୁ ସବେନ୍ ଆକ୍ତେୟାର୍ ଆଇଁୟାଃ ତିଃଇରେ ଏମାକାଦାଃଏ ଆତଃ ଆଇଙ୍ଗ୍ ପାର୍ମେଶ୍ୱାର୍ତାଃଏତେ ହିଜୁଃକାନାଇଙ୍ଗ୍ ଆତଃ ପାର୍ମେଶ୍ୱାର୍ତାଃତେ ସେନ୍ରୁହାଡ଼ାଇଙ୍ଗ୍ ମେନ୍ତେ ଯୀଶୁ ସାରି ତାଇକେନାଏ । <sup>୪</sup> ଇନିଃ ଜଜମ୍ ଠାୟାଦ୍ଏତେ ବିରିଦ୍ୟାନାଏ ଆତଃ ଆୟାଃ ତୁସିଙ୍ଗ୍କାନ ବାହାରି ଲିଜାଃ ଦହକେଦ୍ତେ ଆୟାଃ ମାୟାଙ୍ଗ୍ରେ ମିଆଁଦ୍ ଗାମ୍ଛା ପାଟେୟାନାଏ । <sup>୫</sup> ଏନ୍ତେ ବାସାନରେ ଦାଆଃ ଦୁଲ୍ଲକେଦ୍ତେ ଚେଲାଇକଆଃ କାଟା ଆରୁଙ୍ଗ୍ ଏଟେଦ୍କେଦାଏ, ଆତଃ ମାୟାଙ୍ଗ୍ରେ ପାଟେୟାକାନ ଗାମ୍ଛାତେ ଜଦ୍କେଦାଏ । <sup>୬</sup> ଏନ୍ତେ ଇନିଃ ଶିମୋନ୍ ପାଡ଼ରାସ୍ତାଃତେ ହିଜୁଃୟାନାଏ, ଆତଃ ଅକଏଚି କାଜିକିୟାଏ, “ହେ ପ୍ରାଭୁ, ଆମ୍ଚି ଆଇଁୟାଃ କାଟା ଆରୁଙ୍ଗ୍ଈୟାମ୍ ?”

<sup>୭</sup> ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ ରିକାତାନ୍ତେୟାଃ ନାହାଁଃ କାମ୍ ସାରିୟାଃ, ମେନ୍ଦ ଏନା ତାୟମ୍ତେମ୍ ଆଟ୍କାରେୟା ।”

<sup>୮</sup> ପାଡ଼ରାସ୍ ଇନିଃକେ କାଜିକିୟାଏ, “ଆମ୍ ଚିତ୍ତଲାଅ ଆଇଁୟାଃ କାଟା ଆଲମ୍ ଆରୁଙ୍ଗ୍ଈୟା” ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ କାଇଙ୍ଗ୍ ଆରୁଙ୍ଗ୍ମେରେଦ୍ ଆମ୍ ଆଇଁୟାଃ ଚେଲା କାମ୍ ହବାଦାଡ଼ିୟାଆ ।”

<sup>୯</sup> ଏନ୍ତେ ଶିମୋନ୍ ପାଡ଼ରାସ୍ କାଜିକିୟାଏ, “ହେ ପ୍ରାଭୁ, ଆଇଁୟାଃ କାଟା ଏସ୍କାର୍ କାହା, ମେନ୍ଦ୍ ଆଇଁୟାଃ ତିଃଇ ଆତଃ ବହଃକେହଗି ଆରୁଙ୍ଗ୍ଈଙ୍ଗ୍ମେ ।”

<sup>୧୦</sup> ଯୀଶୁ ଇନିଃକେ କାଜିକିୟାଏ, “ଉମେନ୍କାନିଃକେ କାଟା ଏସ୍କାର୍ ଆରୁଙ୍ଗ୍ ଲାଗାତିୟାଃ; ଇନିୟାଃ ଗଟା ହଡ଼ମଦ୍ ଫାର୍ତିୟାକାନା ଆତଃ ମିହୁଡ଼କେ ବାଗିକେଦ୍ତେ ଆପେ ସବେନ୍କ ଫାର୍ତିୟାକାନାପେ ।” <sup>୧୧</sup> ଚିୟାଃଚି ଇନିଃଆୟାଃ ସାବ୍ରିକାଇନିଃକେ ସାରିକାଇ ତାଇନାଏ ଏନାମେନ୍ତେ ଇନିଃ କାଜିକେଦାଃଏ, “ମିହୁଡ଼କେ ବାଗିକେଦ୍ତେ ଆପେ ସବେନ୍କ ଫାର୍ତିୟାକାନାପେ ।”

<sup>୧୨</sup> ✠ ଯୀଶୁ ଇନ୍କୁଆଃ କାଟା ଆରୁଙ୍ଗ୍କେଦ୍ଚି ଆୟାଃ

ଲିଜାଃ ତୁସିଙ୍ଗ୍‌ୟାନାଏ ଆଡ଼ଃ ଆୟାଃ ଜଜମ୍ ଠାୟାଦ୍‌ରେ ଦୁବ୍‌ରୁହାଡ଼୍‌ୟାନାଏ, ଏନ୍ତେ ଇନ୍‌କୁକେ କୁଲିକେଦକଆଏ, “ଆଇଙ୍ଗ୍ ଆପେ ନାଗେନ୍ତେ ରିକାକାଦ୍‌ତେୟାଃ ଆଡ଼୍‌କାରେତାନାପେଟି ?”  
 ୧୩ “ଆପେ ଆଇଙ୍ଗ୍‌କେ ହେ ଗୁରୁ ଆଡ଼ଃ ହେ ପ୍ରାଭୁ, ମେନ୍ତେପେ କାଜିୟାଇଙ୍ଗ୍‌ତାନା ଏନା ବୁଗିନ୍‌ଗିପେ କାଜିତାନା ଚିୟାଃଟି ଆଇଙ୍ଗ୍ ଇନିଃଗି ତାନିଙ୍ଗ୍ । ୧୪ ଆଇଙ୍ଗ୍ ଆପେୟାଃ ପ୍ରାଭୁ ଆଡ଼ଃ ଗୁରୁ ତାନିଙ୍ଗ୍ ହଲେହ୍ ଆପେୟାଃ କାଟା ଆବୁଙ୍ଗ୍‌କେଦାଃଇଙ୍ଗ୍, ଏନ୍‌ଲେକା ଆପେୟାଗି ମିଆଁଦ୍‌ନିଃ ଏଟାଃନିୟାଃ କାଟା ଆବୁଙ୍ଗ୍ ଲାଗାଡ଼ିଙ୍ଗ୍‌ୟାଃ । ୧୫ ଆଇଙ୍ଗ୍ ଆପେୟାଃ ନାଗେନ୍ତେ କାମିକାଦ୍‌ଲେକା ଆପେୟା ରିକାଏପେ, ଏନାମେନ୍ତେ ଆଇଙ୍ଗ୍ ଆପେକେ ମିଆଁଦ୍ ନାମୁନା ଉଦୁବାକାଦ୍‌ପେୟାଇଙ୍ଗ୍ । ୧୬ ☆ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଇଙ୍ଗ୍, ଦାସି ଆୟାଃ ଗମ୍‌କେଏତେ କାଏ ମାରାଙ୍ଗ୍‌ଆଃ, ଆଡ଼ଃ କାଜିଏମ୍‌ନିଃ ଆୟାଃ କୁଲ୍‌ନିଃତାଃଏତେ କାଏ ମାରାଙ୍ଗ୍‌ଆଃ । ୧୭ ନାହାଁଃଦ୍ ଆପେ ନେ ସାର୍‌ତିକେ ସାରିୟାଃକାଦାଃପେ, ଏନାକେ ରିକାଏରେଦ୍ ଆପେ ସୁକୁତାନ୍‌ଗିୟାଃପେ ।

୧୮ “ଆଇଙ୍ଗ୍ ଆପେ ସବେନ୍‌କଆଃ ବିଷାଏରେ କାଇଙ୍ଗ୍ କାଜିତାନା, ଆଇଙ୍ଗ୍ ସାଲାକାଦ୍ ହଡ଼କକେ ସାରିକାଦକଆଇଙ୍ଗ୍, ମେନ୍‌ଦ୍ ଧାରାମ୍‌ପୁଅ୍‌ରେୟାଃ କାଜି ପୁରାଅଃ ନାଗେନ୍ତେ ନେ ଲେକା ହବାଅଃତାନା ‘ଆଇଁୟାଃଲଃ ହଲଙ୍ଗ୍ ହାଟିଙ୍ଗ୍ ଜମ୍‌ନିଃ ଆଇଁୟାଃ ବିରୁଧ୍‌ରେ ବିରିଦ୍‌ୟାନାଏ ।’ ୧୯ ନେୟାଁ ହବାଅଃରେ ଆପେ ଆଇଙ୍ଗ୍‌କେ ‘ଆଇଙ୍ଗ୍ ଆଇଙ୍ଗ୍‌ଗି ତାନିଙ୍ଗ୍’ ମେନ୍ତେପେ ବିଶ୍ୱାସେ ନାଗେନ୍ତେ ଆଇଙ୍ଗ୍ ଏନା ହବାଅଃ ସିଦାରେ ଆପେକେ ନାହାଁଃତେଗି ଉଦୁବାପେତାନାଇଙ୍ଗ୍ । ୨୦ ☆ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଇଙ୍ଗ୍, ଜେତାଏ ଆଇଙ୍ଗ୍ କୁଲାକାଇନିଃକେ ସୁକୁଆଇନିଃ ଆଇଙ୍ଗ୍‌କେ ସୁକୁଆଇଙ୍ଗ୍‌ୟାଏ, ଆଡ଼ଃ ଆଇଙ୍ଗ୍‌କେ ସୁକୁଆଇଙ୍ଗ୍‌ନିଃ ଆଇଙ୍ଗ୍‌କେ କୁଲ୍‌ନିଃକେ ସୁକୁଆଇୟାଏ ।”

☆ ୧୩:୧୭ ୧୩:୧୭ ମାଥୁର ୧୦:୨୪; ଲୁକ ୭:୪୦; ଯୋହାନ୍ ୧୫:୨୦. ☆ ୧୩:୨୦ ୧୩:୨୦ ମାଥୁର ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

ସାବ୍ରିକାଈନିଆଃ ବିଷାଏରେ ଯୀଶୁଆଃ ଆୟାଋକାଜି

(ମାଥୂ ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଯୀଶୁ ନେ ସବେନ୍ କାଜି କାଜିକେଦ୍ତି ଆମ୍ଭାରେ ଆକ୍ବାକାଅୟାନାଏ ଆଡ଼ଃ ଗାଞ୍ଜା ଏମ୍ତାନଲଃ କାଜିକେଦାଃଏ, “ସାବ୍ରିଗିଈ କାଜିୟାପେତାନା, ଆପେକଏତେ ମିଆଁଦ୍ନିଃ ଆଇଈକେ ବାଈରିକଆଃ ତିଃଇରେ ସାବ୍ରିକାଈଈୟାଏ ।”

୨୨ ଯୀଶୁ ଅକଏକେ କାଜିତାନାଏ ମେନ୍ତେ ତେଲାକ ଆଡ଼ଃଉଡ଼ଃ ତାନଲଃ ଆକ ଆକରେକ ଆପ୍ରିଦୟାନା । ୨୩ ଆୟାଃ ତେଲାକଏତେ ମିଆଁଦ୍ ତେଲା ଅକଏକେତି ଯୀଶୁ ଦୁଲାଡ଼ିତାନ୍ ତାଇକେନାଏ, ଏନ୍ ତେଲା ଯୀଶୁଆଃ ଗେନାରେ ଦୁବକାନ୍ ତାଇକେନାଏ । ୨୪ ଏନ୍ତେ ଶିମୋନ୍ ପାଡ଼ରାସ୍ ଇନିଃକେ ବୁଣ୍ଡୁକେଦ୍ତି କାଜିକିୟାଏ, “ଇନିଃ ଅକଏକେ କାଜିତାନା ଏନା କୁଲିମେ ।”

୨୫ ଇନିଃ ଦୁବକେଦ୍ତି ଯୀଶୁଆଃ କୁଡ଼ାମ୍ରେ ଟେଣ୍ଡେରୟାନାଏ ଆଡ଼ଃ କୁଲିକିୟାଏ, “ହେ ପ୍ରାଭୁ ଇନିଃ ଅକଏ ତାନିଃ ?”

୨୬ ଯୀଶୁ କାଜିରୁହାଡ଼କିୟାଏ, “ଆଇଈ ହଲଈରାଃ କେତାଃ ତୁପୁକେଦ୍ତି ଅକଏକେ ଏମିୟାଈଈ ଏନ୍ ହଡ଼ ଇନିଃଗି ତାନିଃ ।” ଏନ୍ତେ ଇନିଃ ଏନ୍ ହଲଈରାଃ କେତାଃକେ ତୁପୁକେଦ୍ତି ଶିମୋନ୍ ଇଷ୍ଟାରିୟଡ଼ରାଃ ହନ୍ତେକଡ଼ା ଯିହୁଦାକେ ଏମ୍କିୟାଏ । ୨୭ ଏନ୍ତେ ଇନିଃ ହଲଈ କେତାଃ ଇଦିକେଦ୍ତି ଇମ୍ତାଗି ସାଏତାନ୍ ଇନିଃକେ ଏସେରକିୟାଏ । ଏନ୍ତେ ଯୀଶୁ ଇନିଃକେ କାଜିକିୟାଏ, “ଆମାଃ କାମିତେୟାଃ କାମି ଧାବେମେ ।” ୨୮ ମେନ୍ଦ୍ ଇନିଃ ତିନାଃ ମେନ୍ତେ ଇନିଃକେ ନେ କାଜି କାଜିକିୟାଏ, ଏନା ଦୁବାକାନକଏତେ ଜେତାଏ କାକ ସାରିକେଦାଃ । ୨୯ ଯିହୁଦାତାଃ ଟାକା ଆଇଲାଃ ତାଇକେନା, ଏନାମେନ୍ତେ ତେଲାକଏତେ ତିମିନ୍କ ଉଡ଼ଃକେଦାଃତି ପାରାବ୍ ନାଈ ଲାଗାଡ଼ିଈତେୟାଃକ କିରିଈ ନାଗେନ୍ତେ ଆଡ଼ଃ ରେଈଃକକେ ହୁଡ଼ିଈ ଲେକା ଏମାକ ନାଗେନ୍ତେ ଯୀଶୁ ଇନିଃକେ କାଜିକିୟାଏ ।

୩୦ ଏନ୍ତେ ଯିହୁଦା ହଲଈ କେତାଃ ତେଲାକେଦ୍ତି ଇମ୍ତାଗି ଅଡ଼ଈଧାବୟାନାଏ, ଆଡ଼ଃ ଇମ୍ତା ନୁବାଃକାନ୍ ତାଇକେନା ।

ନାଞ୍ଜା ଆନ୍ତୁ

୩୧ ଯିହୁଦା ଅତଙ୍ଗ୍‌ୟାନ୍ ତାୟମ୍‌ତେ ଯୀଶୁ କାଜିକେଦାଏ, “ନାହାଁଃଦ୍ ମାନଝାହନ୍‌ରାଃ ମାଇନାନ୍ ଉଦୁବ୍‌ୟାନା ଆତଃ ପାର୍‌ମେଶ୍‌ବାରାଃ ମାଇନାନ୍ ଇନିୟାଃ ହରାତେ ଉଦୁବ୍‌ୟାନା । ୩୨ ଆତଃ ପାର୍‌ମେଶ୍‌ବାରାଃ ମାଇନାନ୍ ଇନିୟାଃ ହରାତେ ଉଦୁବ୍‌ୟାନ୍‌ରେଦ୍, ପାର୍‌ମେଶ୍‌ବାରାହ୍‌ଗି ମାନଝାହନ୍‌କେ ଆୟାଃତାଃରେ ମାଇନାନ୍‌ନିୟା ଆତଃ ଇମ୍‌ତାଗି ଇନିଃକେ ମାଇନାନ୍‌ନିୟା । ୩୩ ✧ ଯୀଶୁ କାଜିକେଦାଏ, ‘ଏ ହନ୍‌କ, ଆଇଙ୍ଗ୍ ଆପେଲ୍‌ଃ ଆତଃ ଘାଡ଼ିକାଦ୍‌ଗି ତାଇନାଇଙ୍ଗ୍, ଆପେ ଆଇଙ୍ଗ୍‌କେ ଦାଣ୍ଟିଇୟ୍‌ପେ, ଆତଃ ଆଇଙ୍ଗ୍ ଯିହୁଦୀ ହାକିମ୍‌କେ କାଜିୟାକାଦ୍‌କଲେକା ନାହାଁଃ ଆପେକେଇଙ୍ଗ୍ କାଜିୟାପେତାନା, ଆଇଙ୍ଗ୍ ସେନଃତାଃତେ କାପେ ସେନ୍‌ଦାଡ଼ିୟା ।’ ୩୪ ✧ ଆପେ ଦୁପୁଲ୍‌ାଡ଼ରେ ତାଇନ୍‌ପେ, ନେ ନାଝା ଆନ୍‌ତୁ ଆଇଙ୍ଗ୍ ଆପେକେ ଏମାପେତାନାଇଙ୍ଗ୍, ଆଇଙ୍ଗ୍ ଆପେକେ ଦୁଲ୍‌ାଡ଼କାଦ୍‌ପେଲେକା ଆପେୟ ଦୁପୁଲ୍‌ାଡ଼ରେ ତାଇନ୍‌ ଲାଗାଡ଼ିୟା । ୩୫ ଆପେ ଦୁଲ୍‌ାଡ଼ରେପେ ତାଇନ୍‌ରେଦ୍ ଆଇୟାଃ ତେଲ୍‌ାକ ତାନ୍‌ପେ ମେନ୍ତେ ସବେନ୍ ହଡ଼କ ସାରିୟା ।”

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିୟା ମେନ୍ତେ କାଜିରାଃ ଆୟାର୍‌କାଜି

(ମାଥୂ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ଶିମୋନ୍ ପାଡ଼ରାସ୍ ଯୀଶୁକେ କୁଲିକିୟାଏ, “ହେ ପ୍ରାଭୁ ଆମ୍ କତାଃତେମ୍ ସେନଃତାନା ?” ଯୀଶୁ କାଜିକିୟାଏ, “ଆଇଙ୍ଗ୍ ସେନଃତାନ୍‌ତାଃ ନାହାଁଃ ଆମ୍ କାମ୍ ଅତଙ୍ଗ୍‌ଦାଡ଼ିୟାଃ ମେନ୍‌ଦ୍ ତାୟମ୍‌ତେମ୍ ଅତଙ୍ଗ୍‌ଇୟା ।” ୩୭ ପାଡ଼ରାସ୍ ଇନିଃକେ କୁଲିକିୟାଏ, “ହେ ପ୍ରାଭୁ ଆଇଙ୍ଗ୍ ନାହାଁଃ ଚିକାନାଙ୍ଗ୍ ଆମ୍‌କେ ଅତଙ୍ଗ୍ କାଇଙ୍ଗ୍ ଦାଡ଼ିମେୟା ? ଆଇଙ୍ଗ୍ ଆମାଃ ନାଗେନ୍ତେ ଆଇୟାଃ ଜୀଉ ଏମ୍‌ନାଙ୍ଗ୍ ସେକାଡ଼ାକାନାଇଙ୍ଗ୍ ।” ୩୮ ଯୀଶୁ କାଜିରୁହାଡ଼କିୟାଏ, “ଚିୟାଃ ଆମ୍ ସାର୍‌ତିଗି ଆଇୟାଃ ନାଙ୍ଗ୍ ଜୀଉ ଏମ୍‌ନାଙ୍ଗ୍ ସେକାଡ଼ାକାନାମ୍ ? ଆଇଙ୍ଗ୍ ଆମ୍‌କେ ସାର୍‌ତିଗି କାଜିୟାମ୍‌ତାନାଇଙ୍ଗ୍, ସାଣ୍ଡିସିମ୍ ଆଉରି

✧ ୧୩:୩୩ ୧୩:୩୩ ଯୋହାନ୍ ୭:୩୪.

✧ ୧୩:୩୪ ୧୩:୩୪ ଯୋହାନ୍ ୧୫:୧୨, ୧୭; ୧

ଯୋହାନ୍ ୩:୨୩; ୨ ଯୋହାନ୍ ୧:୫.

ରାଆଁଃ ସିଦାରେ ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନ୍ତେ ଆପିସା ଆମ୍ କାଜିୟା ।”

## ୧୪

ଆପୁତାଃତେ ସେଟେର୍ ହରା ଯୀଶୁ ତାନିଃ

<sup>୧</sup> ଯୀଶୁ କାଜିକେଦାଏ, “ଆପେୟାଃ ମନ୍ ଆଲକା ଆକ୍‌ବାକାଅଃକା, ଆପେ ପାର୍‌ମେଶ୍ୱାର୍‌ରେ ବିଶ୍ୱାସେପେ ଆତଃ ଆଇଙ୍ଗ୍‌ରେୟ ବିଶ୍ୱାସେପେ । <sup>୨</sup> ଆଇଁୟାଃ ଆପୁଇଁୟାଃ ଅଡ଼ାଃରେ ପୁରାଃ ତାଇନଃତେ ଠାୟାଦ୍ ମେନାଃ, ଆତଃ କା'ତାଇନ୍କାରେଦ୍ ଆଇଙ୍ଗ୍ ଆପେନାଙ୍ଗ୍ ଠାୟାଦ୍ ବାଇବାଇତେ ସେନ୍‌ତାନାଇଙ୍ଗ୍ ମେନ୍ତେ କାଜିୟାପେତେୟାଃଇଙ୍ଗ୍ । <sup>୩</sup> ଆତଃ ଆଇଙ୍ଗ୍ ସେନ୍‌କେଦ୍‌ତେ ଆପେନାଙ୍ଗ୍ ଠାୟାଦ୍ ବାଇସେକାଡ଼ଲେରେ ଆତଃମିସା ହିନ୍ତୁଃଆଇଙ୍ଗ୍ ଆତଃ ଆଇଙ୍ଗ୍ ତାଇନଃତାଃରେ ଆପେୟ ତାଇନଃ ନାଗେନ୍ତେ ଆଇଙ୍ଗ୍‌ତାଃତେ ଆପେକେ ଇଦିପେୟାଃଇଙ୍ଗ୍ । <sup>୪</sup> ଆଇଙ୍ଗ୍ ଅକ୍‌ତାଃତେ ସେନଃତାନାଇଙ୍ଗ୍ ଏନ୍ ଠାୟାଦ୍‌ରାଃ ହରା ଆପେ ସାରିୟାଃପେ ।”

<sup>୫</sup> ଥୋମା ଇନିଃକେ କାଜିକିୟାଏ, “ହେ ପ୍ରାଭୁ, ଆମ୍ କତାଃତେମ୍ ସେନଃତାନା ଏନା ଆଲେ କାଲେ ସାରିୟା, ଏନ୍ତେ ଚିଲ୍କାତେ ହରାଲେ ସାରି ଦାଡ଼ିୟା ?”

<sup>୬</sup> ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍‌ଗି ତାନିଙ୍ଗ୍ ହରା, ସାର୍‌ତି ଆତଃ ଜୀଦାନ୍, ଆଇଙ୍ଗ୍‌କେ ବାଗିକେଦ୍‌ତେ ଜେତାଏ ଆପୁତାଃ କାକ ସେଟେର୍ ଦାଡ଼ିୟା ।” <sup>୭</sup> ଇନିଃ ମେତାଦ୍‌କଆଏ, “ଆପେ ଆଇଙ୍ଗ୍‌କେ ସାର୍‌ତିଗି ସାରିକାଈଙ୍ଗ୍‌ରେଦ୍ ଆପୁଇଙ୍ଗ୍‌କେହ ସାରିକାଈତେୟାଃପେ, ନାହାଁଃଏତେ ଆପେ ଇନିଃକେପେ ସାରିତାନା ଆତଃ ଇନିଃକେପେ ନେଲ୍‌କାଈଜାଃ ।”

<sup>୮</sup> ଫିଲିପ୍ ଯୀଶୁକେ କାଜିକିୟାଏ, “ହେ ପ୍ରାଭୁ, ଆଲେକେ ଆପୁକେ ଉଦୁବାଲେମେ, ଇମ୍‌ନାଙ୍ଗ୍‌ଗି ଆଲେୟାଃ ସାନାଙ୍ଗ୍ ତାନାଃ ।”

<sup>୯</sup> ଯୀଶୁ କାଜିରୁହାଡ଼କିୟାଏ, “ଏ ଫିଲିପ୍, ନିମିନ୍ ମାହାଁଏତେ ଆଇଙ୍ଗ୍ ଆପେଲଃ ମେନାଈୟାଃ ଚିୟାଃ ଆମ୍ ଆଇଙ୍ଗ୍‌କେ କାମ୍ ସାରିକାଦ୍‌ୟାଃ, ଜେତାଏ ଆଇଙ୍ଗ୍‌କେ ନେଲ୍‌କାଦିଙ୍ଗ୍‌ନିଃ ଆପୁକେ ନେଲ୍‌କାଈଜାଏ, ଆଲେକେ ଆପୁକେ ଉଦୁବାଲେମେ ମେନ୍ତେ ଚିଲ୍କାତେମ୍ କାଜିତାନା ?” <sup>୧୦</sup> ଆଇଙ୍ଗ୍ ଆପୁତାଃରେ



ମେନାଇୟାଃ ଆଡ଼ଃ ଆପୁ ଆଇଙ୍ଗ୍ରିୟା, ଚିୟାଃ ନେଆଁ ଆମ୍ କାମ୍ ପାତିୟାରେତାନା, ଆଇଙ୍ଗ୍ ଆପେକେ କାଜିୟାପେତାନ୍ କାଜିକ ଆଇଙ୍ଗ୍ତାଃଏତେ କାଇଙ୍ଗ୍ କାଜିୟାଃ ମେନ୍ଦ୍ ଆପୁ ଆଇଙ୍ଗ୍ରେ ତାଇନ୍କେଦ୍ତେ ଆୟାଃ କାମିକ କାମିତାନାଏ । ୧୧ ଆଇଙ୍ଗ୍ ଆପୁତାଃରେ ମେନାଇୟାଃ ଆଡ଼ଃ ଆପୁ ଆଇଙ୍ଗ୍ରିୟାଃ ଏନା ବିଶ୍ୱାସେପେ, ଏନା କା'ରେଦ୍, ଆଇଙ୍ଗ୍ କାମିକାଦ୍ କାମିକ ନାଗେନ୍ତେ ପାତିୟାରିଙ୍ଗ୍ପେ । ୧୨ ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଆଇଙ୍ଗ୍ରେ ବିଶ୍ୱାସେତାନ୍କ, ଆଇଙ୍ଗ୍ କାମିକାଦ୍ କାମିକ କାମିୟା ଆଡ଼ଃ ଏନାଏତେ ଆଦ୍‌କା ମାପରାଙ୍ଗ୍ କାମିକ କାମିୟା, ଚିୟାଃଚି ଆଇଙ୍ଗ୍ଦ୍ ଆପୁତାଃତେ ସେନଃତାନାଇଙ୍ଗ୍ । ୧୩ ଆଡ଼ଃ ଆଇଁୟାଃ ନୁଡୁମ୍ତେ ସବେନାଃ ଆସିତେୟାଃ ଆଇଙ୍ଗ୍ ଆପେନାଙ୍ଗ୍ କାମିୟାାଇଙ୍ଗ୍, ଏନାତେ ଆପୁଆଃ ମାଇନାନ୍ ହନ୍ଆଃ ହରାତେ ଉଦୁବଃଆ । ୧୪ ଆପେ ଆଇଁୟାଃ ନୁଡୁମ୍ତେ ଜେଡ୍‌ନାଃପେ ଆସିରେଦ୍ ଏନାଇଙ୍ଗ୍ ରିକାୟା ।

### ପାବିତାର୍ ଆମ୍ବାରାଃ କାଜିଏମଃ

୧୫ ଆପେ ଆଇଙ୍ଗ୍‌କେ ଦୁଲାଡ଼ିଙ୍ଗ୍ରେଦ୍ ଆଇଁୟାଃ ଆନ୍‌ରୁପେ ମାନାଡ଼ିଙ୍ଗ୍‌ୟାଃ । ୧୬ ଆଇଙ୍ଗ୍ ଆପୁକେଇଙ୍ଗ୍ ବିକ୍ରିୟା ଆଡ଼ଃ ଇନିଃ ଆପେଲଃ ଜାନାଅ ଜାନାଅ ତାଇନଃ ନାଗେନ୍ତେ ଏଟାଃ ଜୀଉରାଡ଼େଃ ଏମଃନିଃକେ ଏମାପେୟାଏ । ୧୭ ଇନିଃ ସାର୍ତି ଆମ୍ ତାନିଃ, ଆଡ଼ଃ ପାର୍‌ମେଶ୍ୱାରାଃ ସାର୍ତି ବିଷାଏକେ ଉଦୁବେୟାଏ । ଅତେଦିଶୁମ୍ ଇନିଃକେ କାଏ ସାରିୟାଃ, ଚିୟାଃଚି ଅତେଦିଶୁମ୍ ଇନିଃକେ କାଏ ନେଲ୍ ଦାଡ଼ିୟାଃ ଚାଏ କାଏ ନାମ୍ ଦାଡ଼ିୟାଃ । ମେନ୍ଦ୍ ଆପେ ଇନିଃକେ ସାରିୟାଃପେ ଚିୟାଃଚି ଇନିଃ ଆପେଲଃ ମେନାଇୟା ଆଡ଼ଃ ଆପେରେ ତାଇନଃଆଏ ।

୧୮ “ଆଇଙ୍ଗ୍ ସେନଃୟାନ୍ ତାୟମ୍ତେ, ଆଇଙ୍ଗ୍ ଆପେକେ ଟୁଆର୍‌ଲେକା କାଇଙ୍ଗ୍ ବାଗିପେୟା, ଆଇଙ୍ଗ୍ ଆପେତାଃତେ ରୁହାଡ୍ ହିଜୁଆଇଙ୍ଗ୍ । ୧୯ ଆଡ଼ଃ କାଟିଃ ଘାଡ଼ିକାଦ୍ରେ ଅତେଦିଶୁମ୍ ଆଇଙ୍ଗ୍‌କେ କାଏ ନେଲିୟାଃ, ମେନ୍ଦ୍ ଆପେ ଆଇଙ୍ଗ୍‌କେ ନେଲିୟାଃପେ, ଚିୟାଃଚି ଆଇଙ୍ଗ୍ଦ୍ ଜୀହିଦ୍ ମେନାଇୟାଃ ଆଡ଼ଃ ଆପେୟା ଜୀହିଦ୍‌ଗି ତାଇନାଃପେ । ୨୦ ଆଇଙ୍ଗ୍ ଆପୁଲଃ ମେନାଇୟାଃ

ଆତ୍ମା ଆଇଁ ଆପେରେ ମେନାଆଁ ଲେକା ଆପେ ଆଇଁୟାରେ ମେନାପେୟା ଏନା ଏନ୍ ହୁଲାଆଁ ହିନ୍ଦୁରେପେ ସାରିୟା ।

୨୧ “ଜେତାଏ ଆଇଁୟା ଆନ୍ତୁ ନାମ୍‌କେଦ୍‌ତେ ମାନାତିଙ୍ଗନିଆ ଆଇଁକେ ଦୁଲାଡ଼ାଏ, ଆତ୍ମା ଆଇଁକେ ଦୁଲାଡ଼ିଙ୍ଗନିଆକେ ଆପୁଇଙ୍ଗ ଦୁଲାଡ଼ିୟାଏ ଆତ୍ମା ଆଇଁକେଁ ଇନିଆକେ ଦୁଲାଡ଼ିୟାଆଇଁ ଆତ୍ମା ଇନିଆତାରେ ଉଦୁବେନାଆଇଁ ।”

୨୨ ଇଷ୍ଟାରିୟତ୍ ଯିହୁଦା କାହା, ଏଗାଃ ଯିହୁଦା ଯୀଶୁକେ କାଜିକିୟାଏ, “ହେ ପ୍ରାଭୁ, ନେଆଁ ଚିଲ୍‌କା ହବାଆଆ ? ଚିନାମେନ୍ତେ ଆମ୍ ଅତେଦିଶ୍ଟମରେ କା ଉଦୁବେନ୍‌କେଦ୍‌ତେ ଆଲେତାରେ ଉଦୁବେନ୍ ସାନାଙ୍ଗତାନାମ୍ ?”

୨୩ ଯୀଶୁ ଇନିଆକେ କାଜିରୁହାଡ଼କିୟାଏ, “ଜେତାଏ ଆଇଁକେ ଦୁଲାଡ଼ିଙ୍ଗରେଦ ଇନିଆ ଆଇଁୟା କାଜି ମାନାତିୟାଏ ଆତ୍ମା ଆପୁଇଙ୍ଗ ଇନିଆକେ ଦୁଲାଡ଼ିୟାଏ ଆତ୍ମା ଆପୁଇଙ୍ଗ ଆତ୍ମା ଆଇଁକେ ହିନ୍ଦୁକେଦ୍‌ତେ ଇନିଆତା ତାଜନାଆଇଁ । ୨୪ ଆଇଁକେ କାଏ ଦୁଲାଡ଼ିଙ୍ଗନିଆ ଆଇଁୟା କାଜି କାଏ ମାନାତିୟାଏ ଆତ୍ମା ଆପେ ଆୟୁମ୍‌କାନ୍ କାଜି ଆଇଁୟା ନାହାଁଲାଆ, ମେନ୍‌ଦ୍ ଆଇଁକେ କୁଲାକାଆଇଁନିଆ ଆପୁଇଁୟା ତାନାଆ ।

୨୫ “ଆଇଁ ଆପେଲିଆ ତାଜକେନ୍ ଇମ୍‌ତା ନେ କାଜିକ କାଜିୟାପେ ତାନାଆଇଁ । ୨୬ ମେନ୍‌ଦ୍ ଏନ୍ ଜୀଉରାଡ଼େଃ ଏମା ପାବିତାର୍ ଆମ୍‌କେ ଆପୁ ଆଇଁୟା ନୁଡୁମ୍‌ତେ କୁଲିୟାଏ ଇନିଆ ଆପେକେ ସବେନାଆ ଇଡୁପେୟାଏ ଆତ୍ମା ଆପେକେ କାଜିକାଦ୍‌ପେତେୟା, ପାହାମ୍ ରିକାପେୟାଏ ।

୨୭ “ଆଇଁ ଆପେକେ ଜୀଉସୁକୁ ବାଗିୟାପେତାନାଆଇଁ, ଆଇଁୟା ଜୀଉସୁକୁ ଏମାପେତାନାଆଇଁ, ଅତେଦିଶ୍ଟମ୍ ଏମ୍‌ଲେକା କାଆଁ ଏମାପେତାନା, ଆପେୟା ମନ୍ ଆଲକାଏ ଆକ୍‌ବାକାଆକା ଆତ୍ମା ଆଲକାଏ ବରଏକା । ୨୮ ‘ଆଇଁକେ ସେନିଆତାନାଆଇଁ ଆତ୍ମା ଆପେତାତେଇଙ୍ଗ ହିନ୍ଦୁରୁହାଡ଼ା’ ମେନ୍ତେ ଆପେକେ କାଜିକାଦ୍‌ପେତେୟା ଆୟୁମ୍‌କାଦାପେ । ଆପେ ଆଇଁକେ ଦୁଲାଡ଼ିଙ୍ଗତେୟାପେ ରେଦ୍ ଆଇଁ ଆପୁତାତେଇଙ୍ଗ ସେନିଆତାନା ମେନ୍ତେ ରାସ୍‌କାଆତେୟାପେ, ଚିୟାଟି ଆପୁଦ୍ ଆଇଁକେଏତେ

ମାରାଜ୍‌ଆଣଏ । ୨୯ ଏନା ହବାଃଅ ଦିପିଲିରେ ଆପେ ଜେ'ଲେକା ବିଶ୍ୱାସେ ନାଗେନ୍ତେ ଏନା ଆଉରି ହବାଃଅ ସିଦାରେ ଆପେକେ କାଜିୟାପେ ତାନାଇଜ୍ । ୩୦ ଆଇଜ୍ ଆପେଲଃ ପୁରାଃ କାଇଜ୍ ଜାଗାରେୟା, ନେ ଅତେଦିଶୁମ୍‌ରେନ୍ ଗମ୍‌କେ ହିଜୁଃତାନାଏ ଆଡଃ ଆଇଜ୍‌ରେ ଇନିୟାଃ ଜେତାନ୍ ପେଡ଼େଃ ବାନଆଃ । ୩୧ ମେନ୍‌ଦ ଆପୁ ଆରୁକାଦ୍ ଲେକାଇଜ୍ କାମିୟାଃ, ଏନାତେ ଆଇଜ୍ ଆପୁକେଇଜ୍ ଦୁଲ୍ଲାଡ଼ାଃ ମେନ୍ତେ ଅତେଦିଶୁମ୍ ଆଟ୍‌କାରେକାଏ ।

“ବିରିଦ୍‌ପେ, ଦଲ୍ଲା ନେତାଃଏତେବୁ ସେନଃଆ ।

## ୧୫

### ୟାଶୁ ସାର୍ତି ଦାଖ୍‌ନାଡ଼ି ତାନିଃ

୧ “ଆଇଜ୍ ସାର୍ତି ଦାଖ୍‌ନାଡ଼ି ତାନିଜ୍ ଆଡଃ ଆପୁଇଜ୍ କିଷ୍ଟାନ୍ ତାନିଃ । ୨ ଆଇଜ୍‌ତାଃରେ ତାଇନଃ ଜେତାନ୍ କତ କା ଜଅଃତେୟାଃକେ ମାଆଃ ଆତମେୟାଏ ଆଡଃ ଜଅଃତାନ୍ କତ ଆଦ୍‌କା ଜଅଃକା ମେନ୍ତେ ଏନାକେ ମାଆଃକେଦ୍‌ତେ ସାଫା ଫାରିୟାଏ । ୩ ଆପେଦ ଆଇଜ୍ କାଜିୟାଦ୍ କାଜିରେୟାଃ ହରାତେପେ ଫାରି ଚାବାକାନା । ୪ ଆଇଜ୍‌ରେ ତାଇନ୍‌ପେ ଆଡଃ ଆଇଜ୍ ଆପେରେ ତାଇନାଃଇଜ୍, କତ ଦାଖ୍‌ନାଡ଼ିରେ କା ତାଇନ୍‌ରେଦ ଆଇଃକ୍‌ତେଗି କା ଜଅଃ ଦାଡ଼ିୟାଆ, ଏନ୍ ଲେକାତେ ଆପେୟ ଆଇୟାଃରେ କାପେ ତାଇନ୍‌ରେଦ କାପେ ଜଅଃ ଦାଡ଼ିୟାଆ ।

୫ “ଆଇଜ୍ ଦାଖ୍‌ନାଡ଼ି ତାନିଜ୍, ଆପେ କତକ ତାନ୍‌ପେ, ଆଇଜ୍‌ରେ ତାଇନ୍‌ତାନ୍‌କ ଆଡଃ ଆଇଜ୍ ଇନ୍‌କୁରେ ତାଇନ୍‌ତାନ୍ ହଡ଼କ ପୁରାଃ ଜଆଃକ । ଚିୟାଃତି ଆଇଜ୍ ବେଗାର୍‌ଦ ଆପେ ଜେଡ଼ନାଃ କାପେ କାମି ଦାଡ଼ିୟାଃ । ୬ ଜେତାଏ ଆଇଜ୍‌ରେ କାଏ ତାଇନ୍‌ରେଦ ଇନିଃ ମାଆଃକାନ୍ କତଲେକାଏ ଏଶ୍ୱାଗିଆ, ଆଡଃ ରହଡ଼ିଆଏ; ଏନ୍‌ଲେକାନ୍ କତକେ ହଡ଼କ ହୁଣ୍ଡିକେଦ୍‌ତେ ସେଙ୍ଗେଲ୍‌ରେକ ହୁଦ୍‌ମାୟା ଆଡଃ ଏନା ଲଆଃ । ୭ ଆପେ ଆଇଜ୍‌ରେ ତାଇନ୍‌ରେ ଆଡଃ ଆଇୟାଃ କାଜି ଆପେରେ ତାଇନ୍‌ରେଦ ଆପେ ଜେଡ଼ନାଃ ସାନାଜ୍‌ତେୟାଃ ଆସିପେ ଆଡଃ ଆପେୟାଃ ନାଗେନ୍ତେ ଏନା ହବାଆଆ । ୮ ଆପେ ପୁରାଃ ଜ ଜଅଃରେ

ଆଇଁୟାଃ ଆପୁଇଙ୍ଗ୍ ମାଇନାନଃଆଏ ଆତଃ ଆପେ ଆଇଁୟାଃ ବୁଗିନ୍ ଚେଲାପେ ବାଇୟାଆଃ ।<sup>୯</sup> ଆପୁ ଆଇଙ୍ଗ୍ କେ ଦୁଲାଡ଼କାଦିଙ୍ଗ୍ ଲେକା ଆଇଙ୍ଗ୍ ଆପେକେ ଦୁଲାଡ଼କାଦପେୟାଇଙ୍ଗ୍, ଆଇଁୟାଃ ଦୁଲାଡ଼ରେ ତାଇନକାନ୍ପେ ।<sup>୧୦</sup> ଆଇଙ୍ଗ୍ ଆପୁଇଁୟାଃ ଆନ୍ରୁ ମାନାଡ଼ିଙ୍ଗ୍ କେଦତେ ଆୟାଃ ଦୁଲାଡ଼ରେ ତାଇକାନ୍ ଲେକାଗି ଆପେୟଗି ଆଇଁୟାଃ ଆନ୍ରୁପେ ମାନାଡ଼ିଙ୍ଗ୍ରେ ଆଇଁୟାଃ ଦୁଲାଡ଼ରେପେ ତାଇନାଃ ।

<sup>୧୧</sup> “ଆଇଁୟାଃ ରାସକା ଆପେରେ ତାଇନକା ଆତଃ ଆପେୟାଃ ରାସକା ପୁରାଅଃ ନାଗେନ୍ତେ ଆଇଙ୍ଗ୍ ଆପେକେ ନେଆଁ କାଜିୟାଦପେୟାଇଙ୍ଗ୍ ।<sup>୧୨</sup> ☆ଆଇଙ୍ଗ୍ ଆପେକେ ଦୁଲାଡ଼କାଦପେ ଲେକା ଆପେୟ ଦୁପୁଲାଡ଼ପେ, ନେଆଁ ଆଇଁୟାଃ ଆନ୍ରୁ ତାନାଃ ।<sup>୧୩</sup> ଜେତାଏ ଆୟାଃ ଗାଡ଼ିକଆଃ ନାଗେନ୍ତେ ଆୟାଃ ଜୀଉ ଏମଃନିୟାଃଏତେ ମାରାଙ୍ଗ୍ ଦୁଲାଡ଼୍ ଜେଡ଼ନାଃ ବାନଆଃ ।<sup>୧୪</sup> ଆଇଙ୍ଗ୍ ଆପେକେ ଏମାକାଦ୍ ଆନ୍ରୁକେପେ ମାନାଡ଼ିଙ୍ଗ୍ରେଦ ଆପେ ଆଇଁୟାଃ ଗାଡ଼ିକ ତାନ୍ପେ ।<sup>୧୫</sup> ଆଇଙ୍ଗ୍ ଆପେକେ ଆତଃ ଦାସି ମେନ୍ତେ କାଇଙ୍ଗ୍ କାଜିପେତାନା, ଚିୟାଃଚି ଗମ୍ବେ ଚିନାଃ କାମିତାନ୍ତେୟାଃ, ଦାସି କାଏ ସାରିୟାଃ ମେନ୍ଦ ଆଇଙ୍ଗ୍ ଆପେକେ ଗାଡ଼ି ମେନ୍ତେ କାଜିପେତାନାଇଙ୍ଗ୍ ଚିୟାଃଚି ଆଇଁୟାଃ ଆପୁଇଙ୍ଗ୍ତାଃଏତେ ଆୟୁମ୍ବକାଦ୍ ସବେନାଃ ଆପେକେ ଉଦୁବାକାଦପେୟାଇଙ୍ଗ୍ ।<sup>୧୬</sup> ଆପେ ଆଇଙ୍ଗ୍ କେ କାପେ ସାଲାକାଦିୟାଃ ମେନ୍ଦ ଆଇଙ୍ଗ୍ ଆପେକେ ସାଲାକାଦପେୟାଇଙ୍ଗ୍ । ଆପେ ଜେ'ଲେକା ପୁରାଃଗି ଜ ଦାଡ଼ିୟାଆପେ ଆତଃ ଏନ୍ ଜ ଜାନାଅଗି ତାଇନଃକା ମେନ୍ତେଇଙ୍ଗ୍ ସାଲାକାଦପେୟା । ଏନାତେ ଆପେ ଆଇଁୟାଃ ନୁଡ଼ୁମ୍ବେ ଆପୁକେ ଜେଡ଼ନାଃ ଆସିତେୟାଃ ଆପେକେ ଏମାପେୟାଏ ।<sup>୧୭</sup> ଆଇଙ୍ଗ୍ ଆପେକେ ଦୁଲାଡ଼ପେତାନ୍ ଲେକାଗି ଆପେ ଆପେଗି ଦୁପୁଲାଡ଼ପେ, ନେଆଁ ଆଇଁୟାଃ ଆନ୍ରୁ ତାନାଃ ।

ଅତେଦିଶୁମ୍ ଆପେକେ ହିଲାଙ୍ଗ୍ପେୟା

☆ **୧୫:୧୭** ୧୫:୧୭ ଯୋହାନ୍ ୧୩:୩୪; ୧୫:୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫.

୧୮ “ଅତେଦିଶୁମ୍ ଆପେକେ ହିଲାଙ୍ଗପେରେଦ, ଆପେକେ ହିଲାଙ୍ଗ ସିଦାରେ ଆଇଙ୍ଗକେ ହିଲାଙ୍ଗକାଦିୟାଏ ଏନା ସାରିପେ । ୧୯ ଆପେ ନେ ଅତେଦିଶୁମ୍ରେନ୍ ତାଇକାନ୍ରେଦ ଅତେଦିଶୁମ୍ ଆପେକେ ଆଇଃକ୍ ଲେକାଗି ଦୁଲାଡ଼କାପେତେୟାଃଏ । ମେନ୍ଦ ଆଇଙ୍ଗ ଆପେକେ ଅତେଦିଶୁମ୍ଏତେ ସାଲାକାଦପେୟାଇଙ୍ଗ, ଆଡ଼ଃ ଆପେ ଅତେଦିଶୁମ୍ରେନ୍ ନାହାଁଲାପେ ଏନାତେ ଆପେକେ ଅତେଦିଶୁମ୍ ହିଲାଙ୍ଗପେତାନାଏ । ୨୦ ✽ଦାସି ଆୟାଃ ଗମ୍କେଏତେ କାଏ ମାରାଙ୍ଗଆଃ ମେନ୍ତେ କାଜିୟାଦପେ କାଜି ପାହାମେପେ । ଇନ୍କୁ ଆଇଙ୍ଗକେ ସିଗିଦକାଦିଙ୍ଗ ରେଦକ ଆପେକେୟଗି ସିଗିଦପେୟାକ, ଇନ୍କୁ ଆଇଁୟାଃ କାଜି ମାନାଡ଼ିଙ୍ଗଲେରେ ଆପେୟାଃ କାଜିକେୟକ ମାନାଡ଼ିଙ୍ଗୟାଃ । ୨୧ ମେନ୍ଦ ଇନ୍କୁ ଆଇଁୟାଃ ନୁଡୁମ୍ ନାଗେନ୍ତେ ନେ ସବେନାଃ ଆପେକେୟ ରିକାପେୟାକ, ଚିୟାଃଚି ଇନ୍କୁ ଆଇଙ୍ଗକେ କୁଲ୍ନିଃକେ କାକ ସାରିୟା ? ୨୨ ଆଇଙ୍ଗ ହିଜୁଃକେଦତେ ଇନ୍କୁକେ କାଇଙ୍ଗ କାଜିକାକରେଦ ଇନ୍କୁଆଃ ପାପ୍ କା ହବାଅଃତେୟାଃ, ମେନ୍ଦ ନାହାଁଃ ଆକଆଃ ପାପ୍ ନାଗେନ୍ତେ ଇନ୍କୁ ଜେଡୁନାଃ କାକ ବାହାନା ଦାଡ଼ିୟାଃ । ୨୩ ଆଇଙ୍ଗକେ ହିଲାଙ୍ଗନିଃ ଆଇଁୟାଃ ଆପୁକେହଗି ହିଲାଙ୍ଗଆଁଃଏ । ୨୪ ଜେତାଏ କାକ କାମିୟାକାଦ୍ କାମି ଆଇଙ୍ଗ ଇନ୍କୁଆଃ ଆଲାରେ କାଇଙ୍ଗ କାମିକେଦରେଦ ଇନ୍କୁଆଃ ପାପ୍ କା ହବାଅଃତେୟାଃ, ମେନ୍ଦ ଆଇଙ୍ଗ କାମିକାଦ୍ତେୟାଃ ନାହାଁଃ ଇନ୍କୁ ନେଲ୍କାଦାଃକ ଆଡ଼ଃ ଆଇଙ୍ଗ ଆଡ଼ଃ ଆପୁଇଙ୍ଗ ବାରାନ୍କିନ୍କେ ହିଲାଙ୍ଗକାଦ୍ଲିୟାକ । ୨୫ ମେନ୍ଦ ‘ଇନ୍କୁ ଆଇଙ୍ଗକେ ସାମାଗିକ ହିଲାଙ୍ଗକିଦିୟାଃ ।’ ଇନ୍କୁଆଃ ଆନ୍ତୁରେ ନେ କାଜି ଅଲାକାନ୍ତେୟାଃ ପୁରାଅଃ ନାଗେନ୍ତେ ନେଲେକା ହବାଅଃତାନାଃ ।

୨୬ “ଆପୁତାଃଏତେ ଆପେତାଃ ଆଇଙ୍ଗ କୁଲି ଜାତରାଡ଼େଃ ଏମଃନିଃକେ ଚାଏ ଆପୁତାଃଏତେ ହିଜୁଃତାନ୍ ସାନାର୍ଡିରେନ୍ ଆମ୍ବା ହିଜୁଃରେ ଆଇଁୟାଃ ବିଷାଏରେ ଗାଞ୍ଜା ଏମେୟାଏ । ୨୭ ଆଡ଼ଃ ଆପେୟ ଆଇଁୟାଃ ବିଷାଏରେ ଗାଞ୍ଜାପେ ଏମେୟା, ଚିୟାଃଚି ଆପେଦ ମୁନ୍ତୁଏତେ ଆଇଁୟାଃଲଃ ତାଇକେନାପେ ।

✽ ୧୫:୨୦ ୧୫:୨୦ ମାଥୁଃ ୧୦:୨୪; ଲୁକ ୭:୪୦; ଯୋହାନ୍ ୧୩:୧୭.



### ୟୀଶୁ ଆୟାଃ ତେଲକକେ ଜୀଉ ରାଡ଼େଃକତାନାଏ

୧ “ଆପେ ଜେ'ଲେକା ବିଶ୍ୱାସକେ ଆଲ୍‌ପେ ଆଦେକା ଏନାମେନ୍ତେ ଆଇଙ୍ଗ୍ ନେ ସବେନ୍ କାଜିଇଙ୍ଗ୍ ଉଦୁବାଦ୍‌ପେୟା । <sup>୨</sup> ଇନ୍‌କୁ ଆପେକେ ସାମାଜ୍‌ଅଡ଼ାଃଏତେ ଆତମ୍‌ପେୟାକ, ଏନ୍‌ଦିପିଲି ହିଜୁଃଆ, ଚିମ୍‌ତାଙ୍ଗ୍ ଜେତାଏନିଃ ଆପେକେ ଗଏଃପେୟାଏ, ଇମ୍‌ତାଙ୍ଗ୍ ଇନିଃ ପାର୍‌ମେଶ୍ୱାର୍‌ଆଃ ସେଞ୍ଜାତାନାଇଙ୍ଗ୍ ମେନ୍ତେ ଆଟ୍‌କାରେୟାଏ । <sup>୩</sup> ଆତଃ ଇନ୍‌କୁ ଆପେକେ ନେକାପେୟାକ ଚିୟାଃଚି ଇନ୍‌କୁ ଆପୁ ଆତଃ ଆଇଙ୍ଗ୍‌କେ କାକ ସାରିୟାଃ । <sup>୪</sup> ମେନ୍‌ଦ ଏନ୍‌ ଦିପିଲି ସେଚେରରେ ଆଇଙ୍ଗ୍ ଆପେକେ ନେ କାଜି କାଜିକାପେ ତାଇକେନାଇଙ୍ଗ୍, ଏନା ପାହାମେ ନାଗେନ୍ତେ ଆଇଙ୍ଗ୍ ନେ ସବେନ୍ କାଜି ଆପେକେ କାଜିୟାଦ୍‌ପେୟାଇଙ୍ଗ୍ ।

“ଆଇଙ୍ଗ୍ ଆପେଲଃ ତାଇକେନ୍ ଇମ୍‌ତା ମୁନ୍‌ଏତେ ନେ ସବେନ୍ କାଜି କାଇଙ୍ଗ୍ କାଜି ।

### ପାବିତାର୍ ଆମ୍ବାରାଃ କାମି

<sup>୫</sup> “ମେନ୍‌ଦ ନାହ୍‌ଠି ଆଇଙ୍ଗ୍‌କେ କୁଲ୍‌ନିଃତାଃତେ ସେନଃତାନାଇଙ୍ଗ୍, ହଲେହ୍ ଅକ୍‌ତାଃତେମ୍ ସେନଃତାନା ମେନ୍ତେ ଆପେକଏତେ ଜେତାଏ କାପେ କୁଲିଙ୍ଗ୍‌ତାନା । <sup>୬</sup> ଆତଃ ନାହ୍‌ଠି ଆଇଙ୍ଗ୍ ଆପେକେ ନେ ସବେନ୍ କାଜି କାଜିୟାପେତାନ୍ ହରାତେ ଆପେ ଆପେୟାଃ ମନ୍‌ସୁରୁଦ୍‌ରେ ପୁରାଃଗିପେ ହୁଡିଙ୍ଗ୍‌ଜୀଉକାନା । <sup>୭</sup> ମେନ୍‌ଦ ଆଇଙ୍ଗ୍ ଆପେକେ ସାର୍‌ତି କାଜିୟାପେ ତାନାଇଙ୍ଗ୍, ଆଇଙ୍ଗ୍ ସେନଃତେୟାଃ ଆପେୟାଃ ନାଙ୍ଗ୍ ପୁରାଃ ବୁଗିଅଆଃ, ଚିୟାଃଚି ଆଇଙ୍ଗ୍ କାଇଙ୍ଗ୍ ସେନ୍‌ରେଦ୍ ଜୀଉରାଡ଼େଃ ଏମଃନିଃ କାଏ ହିଜୁଃଆ, ମେନ୍‌ଦ ଆଇଙ୍ଗ୍ ସେନ୍‌ରେଦ୍ ଇନିଃକେ ଆପେତାଃତେଇଙ୍ଗ୍ କୁଲିୟା । <sup>୮</sup> ଆତଃ ଇନିଃ ହିଜୁଃରେ ଅତେଦିଶୁମ୍‌ରେନ୍ ହଡ଼କଆଃ ପାପ୍‌ରେୟାଃ ଏଡ଼କାନ୍ ବିଷାଏ, ଧାର୍‌ମାନ୍ ବିଷାଏ ଆତଃ ପାର୍‌ମେଶ୍ୱାର୍‌ଆଃ ବିଚାର୍ ବିଷାଏରେ ଉଦୁବେୟାଏ । <sup>୯</sup> ପାପ୍ ବିଷାଏରେ ଇନ୍‌କୁ କାକ ଠାଉକା, ଚିୟାଃଚି ଇନ୍‌କୁ କାକ ବିଶ୍ୱାସେତାନା <sup>୧୦</sup> ଧାର୍‌ମାନ୍ ବିଷାଏରେ ଇନ୍‌କୁ କାକ ଠାଉକା, ଚିୟାଃଚି ଆଇଙ୍ଗ୍‌ଦ୍ ଆପୁତାଃତେ ସେନଃତାନାଇଙ୍ଗ୍, ଆପେ ଆତଃ କାପେ ନେଲିୟାଃ । <sup>୧୧</sup> ବିଚାର୍ ବିଷାଏରେ ଇନ୍‌କୁ

କାକ ଠାଉକା, ଚିୟାଃଚି ନେ ଅତେଦିଶୁମ୍ରେନ୍ ଗମ୍ବେଦ ବିଚାର୍ ଚାବାକାନାଏ ।

୧୭ “ଆଇଙ୍ଗ୍‌ତାଃରେ ଆପେକେ ଆତଃ ପୁରାଃଗି କାଜି ଉଦୁବାପେ ନାଙ୍ଗ୍ ମେନାଃ ମେନ୍ଦ ନାହ୍ନାଃ ଆପେ ଏନାକେ କାପେ ସାହାଡିଙ୍ଗ୍ ଦାଡ଼ିୟାଃ । ୧୩ ମେନ୍ଦ ଇନିଃ, ଏନ୍ ସାର୍ଡିରେନ୍ ଆମ୍ବା ହିଜୁଃରେ, ଇନିଃ ପାର୍ମେଶ୍ୱାର୍‌ଆଃ ହରା ଉଦୁବ୍‌କେଦ୍‌ତେ ଆପେକେ ସବେନ୍ ସାର୍ଡିରେ ଆୟାର୍ ଇଦିପେୟାଏ । ଚିୟାଃଚି ଇନିଃଦ ଆୟାଃ ପେଡେଃତେ କାଏ କାଜିୟା ମେନ୍ଦ ଆଇଃକ୍ ଆୟୁମ୍‌ତେୟାଃଗି କାଜିୟାଏ, ଆତଃ ହିଜୁଃ ବିଷାଏକ ଉଦୁବାପେୟାଏ । ୧୪ ଇନିଃ ଆଇଙ୍ଗ୍‌କେ ମାଇନାନ୍ ଏମାଇଙ୍ଗ୍‌ୟାଏ, ଚିୟାଃଚି ଇନିଃଦ ଆଇଙ୍ଗ୍ କାଜିତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ । ୧୫ ଆପୁଇଁୟାଃ ସବେନାଃତେୟାଃ ଆଇଁୟାଃ ତାନାଃ ମେନ୍ତେ ଆଇଙ୍ଗ୍ କାଜିକେଦାଇଙ୍ଗ୍, ପାବିତାର୍ ଆମ୍ବା ଆଇଙ୍ଗ୍ ଏମ୍‌ତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ ।

### ଦୁକୁ ଆତଃ ରାସ୍‌କା

୧୭ “ଆପେ ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଃ, ଏନ୍ତେ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ ।”

୧୭ ଏନ୍ତେ ଯୀଶୁଆଃ ତେଲାଇଏତେ ଚିମିନ୍‌କ ଆକ ଆକରେକ କୁପୁଲିୟାନା, “କାଟିଃ ଘାଡ଼ିକାଦ୍‌ରେ କାପେ ନେଲିୟାଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ ଆତଃ ‘ଆଇଙ୍ଗ୍ ଆପୁତାଃତେଇଙ୍ଗ୍ ସେନଃତାନା’ ମେନ୍ତେ ଇନିଃ କାଜିତାନ୍‌ତେୟାଃ ଚିନାଃ ତାନାଃ ? ୧୮ ଏନ୍ତେ ଇନ୍‌କୁ କାଜିକେଦାଃକ, ‘କାଟିଃ ଘାଡ଼ିକାଦ୍’ ମେନ୍ତେ କାଜିରାଃ ମୁଣ୍ଡି ଚିନାଃ ତାନାଃ ? ଇନିଃ ଚିନାଃଏ କାଜି ତାନାଃ ଏନା ଆଲେ କାଲେ ସାରିତାନା ।”

୧୯ ତେଲାଇ ଇନିଃକେ କୁଲିନାଙ୍ଗ୍ ସାନାଙ୍ଗ୍‌ତାନାକ ମେନ୍ତେ ଆଟ୍‌କାର୍‌କେଦ୍‌ଚି ଯୀଶୁ ଇନ୍‌କୁକେ ମେତାଦ୍‌କଆଏ, “ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ, ମେନ୍ତେଇଙ୍ଗ୍ କାଜିୟାଦ୍‌ପେୟା ଏନା ନାଗେନ୍ତେଚି ଆପେ ଆପେରେଗି କୁପୁଲିୟଃତାନାପେ ? ୨୦ ଆଇଙ୍ଗ୍ ସାର୍ଡିଚି କାଜିୟାପେ ତାନାଇଙ୍ଗ୍, ଅତେଦିଶୁମ୍ ରାସ୍‌କାଅଃ ଇମ୍‌ତା ଆପେ ରାଆଃଏୟା

ଆତ୍ମା ଏକମୈତ୍ସ୍ୟ, ଆପେ ଦୁକ୍ଷୁଆପେ ମେନ୍ଦ ଆପେୟାଃ ଦୁକ୍ଷୁ ରାସ୍ତାକାରେ ବାଲୟଆଃ । <sup>୨୧</sup> ମିଆଁଦ୍ ଆଶ୍ୱି କ୍ଷୁଡ଼ିରାଃ ହନ୍ ଜାନାମ୍ ଦିପିଲି ସେଚେରୟାନ୍ରେ ଦୁକ୍ଷୁ ନାମେୟାଏ, ମେନ୍ଦ ଇନିଃ ହନ୍ ଜାନାମ୍ ତାୟମ୍ତେ ଅତେଦିଶ୍ୱମ୍ରେ ମିଆଁଦ୍ ହନ୍ ଜାନାମ୍ୟାନାଏ ମେନ୍ତେ ଆୟାଃ ଦୁକ୍ଷୁକେ ଆତ୍ମା କାଏ ପାହାମାଃ । <sup>୨୨</sup> ଏନ୍ଲେକାଗି ନାହାଁଃଦ ଆପେ ଦୁକ୍ଷୁତାନାପେ, ମେନ୍ଦ ଆଇଙ୍ଗ୍ ଆପେକେ ଆତ୍ମାମିସା ନେଲ୍ପେୟାଇଙ୍ଗ୍ ଆତ୍ମା ଆପେୟାଃ ମନ୍ ରାସ୍ତାକାତେ ପେରେଜଃଆ ଆତ୍ମା ଏନ୍ ରାସ୍ତାକା ଆପେତାଃଏତେ ଜେତାଏ କାକ ଇଦିଦାଡ଼ିୟାଃ ।

<sup>୨୩</sup> “ଏନ୍ ହୁଲାଙ୍ଗ୍ ଆପେ ଆଇଙ୍ଗ୍କେ ଜେଡ଼ନାଃ କାପେ କୁଲିୟାଁ, ଆଇଙ୍ଗ୍ ଆପେକେ ସାର୍ତିଗି କାଜିୟାପେ ତାନାଇଙ୍ଗ୍, ଆପେ ଆଇଁୟାଃ ନୁଡୁମ୍ତେ ଆପୁଇଙ୍ଗ୍କେ ଜେଡ଼ନାଃପେ ଆସିରେଦ ଇନିଃ ଏନାକେ ଏମାପେୟାଏ । <sup>୨୪</sup> ନାହାଁଃ ଜାକେଦ୍ ଆପେ ଆଇଁୟାଃ ନୁଡୁମ୍ତେ ଜେଡ଼ନାଃ କାପେ ଆସିକାଦାଃ, ଆସିପେ ଆତ୍ମା ଆପେୟାଃ ରାସ୍ତାକା ପେରେଜଃ ନାଗେନ୍ତେ ଆପେ ଏନାପେ ନାମେୟା ।

### ଅତେଦିଶ୍ୱମ୍କେ ଜିତାଅ

<sup>୨୫</sup> “ଆଇଙ୍ଗ୍ ଆପେକେ ଜନ୍କା କାଜିତେ ନେ ସବେନ୍ କାଜିକ କାଜିକାଦ୍ପେୟାଇଙ୍ଗ୍ । ମେନ୍ଦ ଏନ୍ ଦିପିଲି ହିଜୁଃଆ, ଇମ୍ତା ଆଇଙ୍ଗ୍ ଜନ୍କା କାଜିତେ କାଇଙ୍ଗ୍ ଉଦୁବାପେୟା, ମେନ୍ଦ ଆପୁଇୟାଃ ବିଷାଏ ଆପେକେ ଉଦୁବଡ଼ତାର୍ପେୟା । <sup>୨୬</sup> ଏନ୍ ହୁଲାଙ୍ଗ୍ ଆପେ ଆଇଁୟାଃ ନୁଡୁମ୍ତେପେ ଆସିୟା; ଆତ୍ମା ଆଇଙ୍ଗ୍ ଆପେୟାଃନାଙ୍ଗ୍ ଆପୁତାଃ ବିକ୍ରିୟାଇଙ୍ଗ୍ ଏନା କାଇଙ୍ଗ୍ କାଜିପେତାନା । <sup>୨୭</sup> ଆପୁ ଆଇଃକ୍ଗି ଆପେକେ ଦୁଲାଡ଼ାଃଏ, ଚିୟାଃଚି ଆପେ ଆଇଙ୍ଗ୍କେ ଦୁଲାଡ଼କାଦିୟାଃପେ ଆତ୍ମା ଆଇଙ୍ଗ୍ ଆପୁତାଃଏତେ ହିଜୁଃକାନାଇଙ୍ଗ୍ ଏନା ବିଶ୍ୱାସକାଦାଃପେ । <sup>୨୮</sup> ଆଇଙ୍ଗ୍ ଆପୁତାଃଏତେ ଅତେଦିଶ୍ୱମ୍ତେ ହିଜୁଆକାନାଇଙ୍ଗ୍ ଆତ୍ମା ନାହାଁଃ ଆଇଙ୍ଗ୍ ଅତେଦିଶ୍ୱମ୍ ବାଗିକେଦ୍ତେ ଆପୁତାଃତେ ସେନଃତାନାଇଙ୍ଗ୍ ।”

<sup>୨୯</sup> ଯୀଶୁଆଃ ତେଲ୍ଲାକ କାଜିକିୟାଃକ, “ନେଲେମେ, ନାହାଁଃଦ ଆମ୍ ଜନ୍କା କାଜିତେଦ କାହା ମେନ୍ଦ ପାର୍ତିଗି କାଜିତାନାମ୍ । <sup>୩୦</sup> ନାହାଁଃ ଆଲେ ଆଟ୍କାର୍କାଦା, ଆମ୍ ସବେନାଃମ୍ ସାରିୟାଃ ଆତ୍ମା



ଜେତାଏ ଆମ୍ଭେ ଜେତନାଃ କୁଲି କା ଲାଗାତିୟାଃ । ଏନାତେ ଆମ୍ଭ ପାର୍ମେଶ୍ଵାରତାଃଏତେମ୍ ହିଜୁଆକାନା ଏନାଲେ ବିଶ୍ଵାସେତାନା ।”

୩୧ ଯୀଶୁ ଇନ୍ଦ୍ରକୁଳେ କାଜିକେଦକଆଏ, “ଚିୟାଃ ନାହାଃପେ ବିଶ୍ଵାସେତାନା ?” ୩୨ ନେଲେପେ, ଏନ୍ ଦିପିଲି ହିଜୁଃତାନା, ହେରି ଏନା ସେଟେରୟାନା, ଚିମ୍ତାଙ୍ଗ ଆପେ ଛିତିବିତିକେଦତେ ଜେତେକ ଆପେୟାଃ ଆପାନ୍ ଅତ୍ତାଃତେପେ ସେନଃଆ, ଆତଃ ଆଇଙ୍ଗ୍ କେ ଏସକାରଗି ବାଗିତାଇଙ୍ଗ୍ରେୟ ଆଇଙ୍ଗ୍ କାଇଙ୍ଗ୍ ଏସକାରଃଆଃ, ଚିୟାଃଚି ଆପୁ ଆଇୟାଃଲଃ ମେନାଇୟା । ୩୩ ଆପେ ସବେନ୍ ଆଇୟାଃରେ ଜୀଉସୁକୁ ନାମେ ନାଗେନ୍ତେ ନେଆଁ ଆଇଙ୍ଗ୍ କାଜିୟାଦପେୟା । ଅତେଦିଶୁମ୍ରେ ସାସାତିପେ ନାମେୟା ମେନ୍ଦ ଆଲପେ ବରଏୟା, ଆଇଙ୍ଗ୍ ଅତେଦିଶୁମ୍ କେ ଜିତାଝାକାଦାଇଙ୍ଗ୍ ।

## ୧୭

### ୟୀଶୁ ଆୟାଃ ତେଲକ ନାଗେନ୍ତେ ବିକ୍ରି

୧ ଯୀଶୁ ନେଆଁ କାଜିକେଦଚି ସିର୍ମାସାଃ ସାଙ୍ଗିଲ୍ ରାକାରକେଦତେ କାଜିକେଦାଃଏ, ହେ ଆବା ନେତା ସେଟେରାକାନା, ହନ୍ ଆମ୍ଭେ ମାଇନାନ୍ମେ ନାଗେନ୍ତେ ହନ୍ତାମାଃକେ ମାଇନିମେ । ୨ ଆମ୍ଭ ଇନିଃକେ ସବେନ୍ ହତକଆଃରେ ଆକତେୟାରରେ ନାଙ୍ଗ୍ ଏମାକାଇୟାମ୍, ଜେଲେକା ଆମ୍ଭ ଇନିଃକେ ଏମାକାଇ ସବେନ୍ ହତକକେ ଜାନାଅ ଜାନାଅରେୟାଃ ଜୀଦାନ୍ ଏମଦାଡିୟାଃଏ । ୩ ଆତଃ ମିଆଁଦଗି ସାରତି ପାର୍ମେଶ୍ଵାର ଆମ୍ଭ ତାନ୍ମେ, ଆମ୍ଭେ ଆତଃ ଆମ୍ଭ କୁଲାଇୟା ଯୀଶୁ ଖ୍ରୀଷ୍ଟ୍ କେ ସାରିତେୟାଃଗି ଜାନାଅ ଜାନାଅରେୟାଃ ଜୀଦାନ୍ ତାନାଃ । ୪ ଆମ୍ଭ ଆଇଙ୍ଗ୍ କେ ଅକନ୍ କାମି ଏମାକାଇଙ୍ଗ୍ ତାଇନାମ୍ ଏନ୍ କାମି ଆଇଙ୍ଗ୍ ତୁଣ୍ଡୁକଦତେ ଅତେଦିଶୁମ୍ରେ ଆମ୍ଭେ ମାଇନାନ୍ କାଦମେୟାଇଙ୍ଗ୍ । ୫ ନାହାଃ, ହେ ଆବା, ଅତେଦିଶୁମ୍ ବାଇୟାନ୍ ସିଦାରେ ଆମାଃଲଃ ତାଇକେନ୍ ଇମ୍ତା ଆଇୟାଃ ଅକନ୍ ମାନାରାଙ୍ଗ୍ ତାଇକେନା ଏନ୍ ମାନାରାଙ୍ଗ୍ ତେ ଆଇଙ୍ଗ୍ କେ ଆମାଃଲଃ ମାନାରାଙ୍ଗ୍ ରିକାଇଙ୍ଗ୍ମେ ।

୬ “ଅତେଦିଶୁମ୍ରେନକଏତେ ଆମ୍ଭ ଆଇଙ୍ଗ୍ କେ ଏମାକାଦିଙ୍ଗ୍ ହତକକେ, ଆମାଃ ନୁତୁମ୍ ଉଦୁବାକାଦକଆଇଙ୍ଗ୍, ଇନ୍ଦ୍ରକୁ ଆମାଃକ

ତାଙ୍କେନା ଆତ୍ମ ଆମ୍ଭ ଇନ୍ଦ୍ରକୁ ଏମାକାଦିୟାମ୍ ଆତ୍ମ ଇନ୍ଦ୍ର ଆମାଃ କାଜିକ ମାନାତିକ୍ଷ୍ମାକାଦାଃ । ୭ ଆମ୍ ଆଇକ୍ଷ୍ମାକେ ଅକ୍ନାଃକ ଏମାକାଦିୟାମ୍ ଏନ୍ ସବେନାଃ ଆମାଃ ସାଃଏତେଗି ହିନ୍ଦୁଆକାନା, ଏନା ଇନ୍ଦ୍ର ନାହାଃକ ଆଟ୍‌କାର୍‌କାଦାଃ । ୮ ଚିୟାଃତି ଆମ୍ ଏମାକାଦିକ୍ କାଜିକ ଇନ୍ଦ୍ରକୁ ଏମାକାଦ୍‌କଆଇକ୍ ଆତ୍ମ ଇନ୍ଦ୍ର ଏନାକ ତେଲକାଦାଃ; ଆଇକ୍ ଆମାଃ ସାଃଏତେ ହିନ୍ଦୁଆକାନାକ୍ ଏନା ସାର୍‌ତିଗିକ ଆଟ୍‌କାର୍‌କାଦାଃ, ଆତ୍ମ ଆମ୍ ଆଇକ୍‌କେ କୁଲକାଦିୟାମ୍ ଏନା ବିଶ୍ୱାସକାଦାଃକ ।

୯ “ଆଇକ୍ ଇନ୍ଦ୍ର ନାଗେନ୍ତେ ବିନ୍ଦିତାନାକ୍, ଅତେଦିଶ୍ୱମ୍ ନାଗେନ୍ତେ କାହା ମେନ୍‌ଦ ଆମ୍ ଏମାକାଦିକ୍ ହଡ୍‌କଆଃ ନାଗେନ୍ତେ ବିନ୍ଦିତାନାକ୍, ଚିୟାଃତି ଇନ୍ଦ୍ରକୁ ଏମାଃଗି ତାନ୍‌କୁ । ୧୦ ଆତ୍ମ ଆଇକ୍‌ୟାଃ ସବେନାଃ ଆମାଃ ତାନାଃ, ଆତ୍ମ ଆମାଃ ସବେନାଃ ଆଇକ୍‌ୟାଃ ତାନାଃ, ଆତ୍ମ ଆଇକ୍ ଇନ୍ଦ୍ରକୁଆଃ ହରାତେ ମାଲନାନ୍ କାନାକ୍ । ୧୧ ଆତ୍ମ ନାହାଃ ଆଇକ୍ ନେ ଅତେଦିଶ୍ୱମ୍‌ରେ କାକ୍ ତାଲନାଃ, ମେନ୍‌ଦ ଇନ୍ଦ୍ର ଅତେଦିଶ୍ୱମ୍‌ରେକ ତାଲନାଃ, ଆତ୍ମ ଆଇକ୍ ଆମାଃତାଃତେ ହିନ୍ଦୁତାନାକ୍ । ଏ ପାବିତାର୍ ଆବା ! ଆମ୍ ଆଇକ୍‌କେ ଏମାକାଦିକ୍ ନୁତୁମ୍‌ରାଃ ପେଡେଃତେ ବାଞ୍ଚାଅକମେ, ଆମ୍ ଏମାକାଦିକ୍ ନୁତୁମ୍‌ତେ, ଆମ୍ ଆତ୍ମ ଆଇକ୍ ଜେ'ଲେକା ମିଦ୍‌ତାନ୍‌ଲକ୍, ଏନ୍‌ଲେକା ଇନ୍ଦ୍ର ମିଦଃକାକ । ୧୨ ✽ଆଇକ୍ ଇନ୍ଦ୍ରକୁଲଃ ତାଲକେନ୍ ଇମ୍‌ତା ଆମ୍ ଏମାକାଦ୍ ଆମାଃ ନୁତୁମ୍‌ତେ ଆଇକ୍ ଇନ୍ଦ୍ରକୁକେ ବାଞ୍ଚାଅକେଦ୍‌ତେ ବୁଗିଲେକା ଯାତାନ୍‌କାଦ୍‌କଆଇକ୍, ଆତ୍ମ ଧାରାମ୍‌ପୁଅରାଃ ଅନଲ୍ ଜେ'ଲେକା ସାର୍‌ତିୟାଃ, ଏନାମେନ୍ତେ ଏନ୍ ଜିୟନାଃ ହନ୍‌କେ ବାଗିକେଦ୍‌ତେ ଇନ୍ଦ୍ରଏତେ ଜେତାଏ କାକ ଜିୟନାକାନା । ୧୩ ମେନ୍‌ଦ ଆଇକ୍ ନାହାଃ ଆମାଃତାଃତେକ୍ ହିନ୍ଦୁତାନା ଆତ୍ମ ଇନ୍ଦ୍ରକୁଆଃ ମନ୍‌ରେ ଆଇକ୍‌ୟାଃ ରାସ୍‌କା ପେରେଜଃ ନାଗେନ୍ତେ ଅତେଦିଶ୍ୱମ୍‌ରେ ତାଲକେଦ୍‌ତେଗି ଆଇକ୍ ନେ ସବେନାଃ କାଜିତାନାକ୍ । ୧୪ ଆଇକ୍ ଇନ୍ଦ୍ରକୁକେ ଆମାଃ କାଜି ଏମାକାଦ୍‌କଆଇକ୍, ଆତ୍ମ ଅତେଦିଶ୍ୱମ୍ ଇନ୍ଦ୍ରକୁକେ ହିଲକାଦ୍‌କଆଏ, ଚିୟାଃତି ଆଇକ୍

✽ ୧୭:୧୭ ୧୭:୧୭ ଯୋହାନ୍ ୧୩:୧୮.

ଜେ'ଲେକା ନେ ଅତେଦିଶୁମ୍ରେନ୍ ନାହାଁଲାଇଙ୍ଗ୍ ଏନ୍ଲେକା  
 ଇନ୍କୁ ନେ ଅତେଦିଶୁମ୍ରେନ୍ ନାହାଁଲାକ । ୧୫ ଆମ୍ ଇନ୍କୁକେ  
 ଅତେଦିଶୁମ୍ରେନ୍ ଇଦିକୁମେ ମେନ୍ତେ କାଇଙ୍ଗ୍ ବିକ୍ରିମେତାନା,  
 ମେନ୍ଦ ଆମ୍ ଇନ୍କୁକେ ଏଡକାନ୍ଏତେ ବାଆଅକମେ ମେନ୍ତେ  
 ବିକ୍ରିମେତାନାଇଙ୍ଗ୍ । ୧୬ ଆଇଙ୍ଗ୍ ଜେ'ଲେକା ଅତେଦିଶୁମ୍ରେନ୍  
 ନାହାଁଲାଇଙ୍ଗ୍ ଏନ୍ଲେକା ଇନ୍କୁ ଅତେଦିଶୁମ୍ରେନ୍ ନାହାଁଲାକ ।  
 ୧୭ ସାନାର୍ଡିତେ ଇନ୍କୁକେ ପାବିତାର କାମି ନାଙ୍ଗ୍ ଜିମାକମେ;  
 ଆମାଃ କାଜିଦ ସାର୍ଡି ତାନାଃ । ୧୮ ଆମ୍ ଆଇଙ୍ଗ୍କେ ଜେ'ଲେକା  
 ଅତେଦିଶୁମ୍ରେନ୍ କୁଲ୍କାଦିୟା, ଏନ୍ଲେକା ଆଇଙ୍ଗ୍ହ୍ ଇନ୍କୁକେ  
 ଅତେଦିଶୁମ୍ରେନ୍ କୁଲ୍କାଦକଆଇଙ୍ଗ୍ । ୧୯ ଆତଃ ଇନ୍କୁ ହ୍  
 ସାନାର୍ଡିରେକ ପାବିତାରଃକା ମେନ୍ତେ ଆଇଙ୍ଗ୍ ଇନ୍କୁ ନାଗେନ୍ତେ  
 ପାବିତାର କାମି ନାଙ୍ଗ୍ ଜିମାନ୍ ତାନାଇଙ୍ଗ୍ ।

୨୦ “ଆଇଙ୍ଗ୍ ଇନ୍କୁଆଃ ନାଗେନ୍ତେ ଏସକାର୍ କାହା ମେନ୍ଦ  
 ଇନ୍କୁଆଃ କାଜିରେୟାଃ ହରାତେ ଆଇଙ୍ଗ୍ରେ ବିଶ୍ୱାସେତାନ୍  
 ସବେନ୍କଆଃ ନାଗେନ୍ତେ ବିକ୍ରିତାନାଇଙ୍ଗ୍ । ୨୧ ହେ ଆବା !  
 ଇନ୍କୁ ଜେତେକ ଜେ'ଲେକା ମିଦଃକାକ ମେନ୍ତେ ଇନ୍କୁଆଃ  
 ନାଙ୍ଗ୍ ବିକ୍ରିମେତାନାଇଙ୍ଗ୍, ଆଇଙ୍ଗ୍ ଆମାଃରେ ଆତଃ ଆମ୍  
 ଆଇଙ୍ଗ୍ରେ ମେନାମେ ଲେକା, ଇନ୍କୁହ ସବେନ୍କ ଆବୁରେ  
 ତାଇନଃକାକ, ଜେ'ଲେକାଟି ଆମ୍ ଆଇଙ୍ଗ୍କେ କୁଲ୍କାଦିୟାମ୍  
 ଏନା ଅତେଦିଶୁମ୍ରେନ୍କ ବିଶ୍ୱାସେୟା । ୨୨ ଆମ୍ ଆଇଙ୍ଗ୍କେ  
 ଏମାକାଦିଙ୍ଗ୍ ମାନାରାଙ୍ଗ୍ ଇନ୍କୁକେ ଏମାକାଦକଆଇଙ୍ଗ୍, ଆମ୍  
 ଆତଃ ଆଇଙ୍ଗ୍ ମିଦକାନ୍ ଲେକା ଇନ୍କୁହ ମିଦଃକାକ । ୨୩ ଆଇଙ୍ଗ୍  
 ଇନ୍କୁରେ ଆତଃ ଆମ୍ ଆଇଙ୍ଗ୍ରେ ମେନାମେୟା, ଏନାତେ ଇନ୍କୁ  
 ମିଦ୍ ଉତାରଃକା ଆତଃ ଆମ୍ ଆଇଙ୍ଗ୍କେ କୁଲ୍କାଦିୟାମ୍ ଆତଃ  
 ଦୁଲ୍ଲାଡକାଦିୟାମ୍ ଲେକା ଇନ୍କୁକେହ ଦୁଲ୍ଲାଡକାଦକଆମ୍ ମେନ୍ତେ  
 ଅତେଦିଶୁମ୍ରେନ୍କ ଆଟ୍କାରେକା ।

୨୪ “ହେ ଆବା, ଆମ୍ ଆଇଙ୍ଗ୍କେ ଏମାକାଦିଙ୍ଗ୍ ହଡକ ଆଇଙ୍ଗ୍  
 ତାଇନଃତାଃରେକ ତାଇନଃକା, ଏନାତେ ଇନ୍କୁ ଆମ୍ ଆଇଙ୍ଗ୍କେ  
 ଏମାକାଦିଙ୍ଗ୍ ମାନାରାଙ୍ଗ୍ ନେଲେକା ମେନ୍ତେ ସାନାଙ୍ଗ୍ତାନାଇଙ୍ଗ୍,  
 ଚିୟାଃଟି ଆମ୍ଦ ଅତେଦିଶୁମ୍ ବାଇୟେ ସିଦାରେ ଆଇଙ୍ଗ୍କେ

ଦୁଲ୍ଲାଡ଼କାଦିୟାମ୍ । <sup>୨୫</sup> ଏ ଧାର୍ମାନ୍ ଆବା, ଅତେଦିଶୁମ୍ ଆମ୍‌କେ କାଏ ସାରିୟାକାଦ୍‌ମେୟା ମେନ୍‌ଦ ଆଇଙ୍ଗ୍ ସାରିୟାକାଦ୍‌ମେୟାଇଙ୍ଗ୍ ଆଡ଼ଃ ଆମ୍ ଆଇଙ୍ଗ୍‌କେ କୁଲ୍‌କାଦିୟାମ୍ ଏନା ନିକୁ ସାରିୟାକାଦାଃକ । <sup>୨୬</sup> ଆମ୍ ଆଇଙ୍ଗ୍‌କେ ଅକନ୍ ଦୁଲ୍ଲାଡ଼ରେମ୍ ଦୁଲ୍ଲାଡ଼କାଦିୟାମ୍ ଏନ୍ ଦୁଲ୍ଲାଡ଼୍ ଇନ୍‌କୁରେ ତାଇନଃକା, ଆଡ଼ଃ ଆଇଙ୍ଗ୍ ଇନ୍‌କୁରେ ତାଇନଃନାଙ୍ ଇନ୍‌କୁକେ ଆମାଃ ନୁଡୁମ୍ ଉଦ୍‌ବାକାଦ୍‌କଆଇଙ୍ଗ୍ ଆଡ଼ଃ ଉଦ୍‌ବାକୁଆଇଙ୍ଗ୍ ।”

## ୧୮

### ୟୀଶୁକେ ସାବ୍‌କିୟାଃକ

(ମାଥୱ ୨୬:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

<sup>୧</sup> ୟୀଶୁ ନେ ବିନ୍ତି ଚାବାକେଦ୍‌ତି, ଆୟାଃ ଚେଲ୍‌କଲଃ କିଦ୍‌ରୋନ୍ ଲର୍\* ହାନ୍ ପାରମ୍‌ତେ ସେନଃୟାନାକ, ଏନ୍ତାଃରେ ମିଆଁଦ୍ ବାଗାନ୍ ତାଇକେନା, ଏନାରେ ଇନିଃ ଆଡ଼ଃ ଆୟାଃ ଚେଲ୍‌କ ବଲ୍‌ୟାନାକ । <sup>୨</sup> ୟୀଶୁକେ ସାବ୍‌ରିକାନିଃ ଯିହୁଦା, ଏନ୍ ଠାୟାଦ୍‌କେ ସାରିକାଦ୍ ତାଇକେନାଏ, ଚିୟାଃତି ୟୀଶୁ ଆୟାଃ ଚେଲ୍‌କଲଃ ପୁରାଃ ଦିପିଲି ଏନ୍ ଠାୟାଦ୍‌ତେ ସେନାକାନ୍ ତାଇକେନାଏ । <sup>୩</sup> ଏନ୍ତେ ଯିହୁଦା, ପାଲ୍‌ଟାନ୍‌କ, ମୁଲ୍ ଯାଜାକ୍‌କ ଆଡ଼ଃ ଫାରୁଶୀକ ସାଃଏତେ ଦାର଼୍‌ନାକକେ ଆଡ଼କେଦ୍‌ତେ ଦିମି ଆଡ଼ଃ ହାଁତେୟାଦ୍ ସାବ୍‌କେଦ୍‌ତେ ଏନ୍ତାଃତେକ ହିଜୁଃୟାନା । <sup>୪</sup> ଏନାତେ ୟୀଶୁ ଆୟାଃରେ ହିଜୁଃତାନ୍ ହବାଅଃତେୟାଃ ସବେନାଃ ସାରିକେଦ୍‌ତେ ଅଡ଼ଙ୍‌ୟାନା ଆଡ଼ଃ ଆପେ ଅକଏକେ ଦାଣ୍ଡାତାନାପେ ମେତାଦ୍‌କଆଏ ।

<sup>୫</sup> “ନାଜ୍‌ରେଡ଼ରେନ୍ ୟୀଶୁକେ” ମେନ୍ତେକ କାଜିରୁହାଡ଼୍‌କିୟା ।

ୟୀଶୁ ମେତାଦ୍‌କଆଏ, “ଆଇଙ୍ଗ୍ ତାନିଙ୍ଗ୍ ।”

ଆଡ଼ଃ ୟୀଶୁକେ ସାବ୍‌ରିକାନିଃ ଯିହୁଦା ଇନ୍‌କୁଲଃ ତିଙ୍ଗୁଆକାନ୍ ତାଇକେନାଏ । <sup>୬</sup> ୟୀଶୁ ଚିମ୍‌ତାଙ୍ ଇନ୍‌କୁକେ “ଆଇଙ୍ଗ୍ ତାନିଙ୍ଗ୍” ମେତାଦ୍‌କଆଏ, ଇମ୍‌ତା ଇନ୍‌କୁ ଇମ୍‌ତାଗି ଦୟା ରୁହାଡ଼୍‌କେଦ୍‌ତେ ଅତେରେକ ଉୟାଃୟାନା । <sup>୭</sup> ଏନ୍ତେ ଇନିଃ ଇନ୍‌କୁକେ ଆଡ଼ଃମିସା କୁଲିକେଦ୍‌କଆଏ, “ଆପେ ଅକଏକେ ଦାଣ୍ଡାତାନାପେ ?”

\* **୧୮:୧** ୧୮:୧ ଲର୍ ମାରାଙ୍ ଦଲ୍‌ଖା

ଇନ୍‌କୁ କାଜିରୁହାଡ଼କିୟା, “ନାଜରେଡ଼ରେନ୍ ଯୀଶୁକେ ।”

୮ ଯୀଶୁ କାଜିରୁହାଡ଼ାଦକଆଏ, “ୟୀଶୁ ଆଇଙ୍ଗି ତାନିଙ୍ଗି ମେନ୍ତେ ସିଦାରେ କାଜିୟାଦପେୟାଇଙ୍ଗି । ଆପେ ଆଇଙ୍ଗିକେ ଦାଣ୍ଡାତାନରେଦ ନିକୁକେ ସେନ୍‌ରିକାକପେ ।” ୯ “ଆବା, ଆମ୍ ଆଇଙ୍ଗିକେ ଏମାକାଦିଙ୍ଗି ହଡ଼କଏତେ ମିହୁଡ଼କେହ୍ କାଇଙ୍ଗି ଆଦାକାଇୟା ।” ଇନିଃ ନେ କାଜି କାଜିକେଦାଃଏ, ଜେଲେକାଟି ଇନିୟାଃ ନେ କାଜି ପୁରାଃ ।

୧୦ ଶିମୋନ୍ ପାଡ଼ରାସ୍‌ତାଃରେ ତାରାଉଡ଼ି ତାଇକେନା, ଏନାକେ ଅଡ଼ଙ୍ଗକେଦତେ ଇନିଃ ମାରାଙ୍ଗି ଯାଜାକଆଃ ଦାସିକେ ମାଆଃକିୟାଏ ଆଡ଼ଃ ଜମ୍‌ସାଃରାଃ ଲୁଡ଼ୁରକେ ମାଆଃଖାଣ୍ଡାଅକେଦାଏ, ଏନ୍ ଦାସିଆଃ ନୁଡ଼ୁମ୍ ମାଲ୍‌ଖ ତାଇକେନା । ୧୧ ✧ଏନ୍ତେ ଯୀଶୁ ପାଡ଼ରାସ୍‌କେ କାଜିକିୟାଏ, “ଆମାଃ ତାରାଉଡ଼ିକେ ଖାପରେ ଦହଏମେ, ଆପୁ ଏମାକାଇଙ୍ଗି କାଟୋରାରେ ଚିୟାଃ ଆଇଙ୍ଗି କାଇଙ୍ଗି ନୁଁଇୟା ?”

### ୟୀଶୁ ହାନାନ୍‌ରାଃ ସାମ୍‌ନାଙ୍ଗିରେ

୧୨ ଏନ୍ତେ ପାଲ୍‌ଟାନ୍‌କ, ପାଲ୍‌ଟାନ୍‌ରେନ୍ ଗମ୍‌କେ ଆଡ଼ଃ ଯିହୁଦାକଆଃ ଦାରଞ୍ଜାନ୍‌କ ଯୀଶୁକେ ସାବ୍‌ଇଦିକେଦତେ ତଲ୍‌କିୟାଃକ । ୧୩ ଆଡ଼ଃ ଇନ୍‌କୁ ଇନିଃକେ ସିଦାତେ କାୟଫାରାଃ ହୟାଁରେତେ ହାନାନ୍‌ଡ଼ାଃତେକ ଇଦିକିୟାଃ, ଇନିଃଦ ଏନ୍ ସିମାରେନ୍ ମାରାଙ୍ଗି ଯାଜାକ୍ ତାଇକେନାଏ । ୧୪ ✧ସବେନ୍ ହଡ଼କ ନାଗେନ୍ତେ ମିଆଁଦ୍ ହଡ଼ ଗଜଃରେଦ ବୁଗିୟାଆଃ ମେନ୍ତେ ଯିହୁଦୀ ହାକିମ୍‌କକେ କାଜିକାଦକ୍ ତାଇକେନାଏ, ଇନିଃ ଏନ୍ କାୟଫା ତାନିଃ ।

### ପାଡ଼ରାସ୍ ଯୀଶୁକେ କାଇଙ୍ଗି ସାରିୟା ମେନ୍ତେ କାଜିତାନାଏ

(ମାଥୂଜ ୨୬:୨୯-୭୦; ମାର୍କ ୧୪:୨୭-୬୮; ଲୁକ ୨୨:୫୫-୫୭)

୧୫ ଶିମୋନ୍ ପାଡ଼ରାସ୍ ଆଡ଼ଃ ଏଟାଃ ମିହୁଡ଼୍ ତେଲା ଯୀଶୁକେ ଅଡ଼ଙ୍ଗ ଇଦିକିୟାଏ, ଏନ୍ ଏଟାଃ ତେଲା ମାରାଙ୍ଗି ଯାଜାକଆଃ ନେପେଲ୍ ଉପୁରୁମ୍ ହଡ଼ ତାଇକେନାଏ, ଏନାମେନ୍ତେ ଇନିଃ ମାରାଙ୍ଗି ଯାଜାକଆଃ ଅଡ଼ାଃରାଟାତେ ଯୀଶୁଲଃ ବଲୟାନାଏ । ୧୬ ମେନ୍‌ଦ୍ ପାଡ଼ରାସ୍ ରାଟା ଦୁଆର୍‌ତାଃରେ ତିଙ୍ଗୁଆକାନ୍ ତାଇକେନାଏ,

✧ **୧୮:୧୧** ୧୮:୧୧ ମାଥୂଜ ୨୬:୩୯; ମାର୍କ ୧୪:୩୭; ଲୁକ ୨୨:୪୨. ✧ **୧୮:୧୪** ୧୮:୧୪ ଯୋହାନ୍ ୧୧:୪୯,୫୦.

ଏନ୍ତେ ମାରାଙ୍ଗ ଯାଜାକଲଃ ନେପେଲ୍ ଉରୁମାକାନ୍ ଏଟାଃ ତେଲ୍ ଅତଙ୍ଗକେଦ୍ତେ ଦୁଆର୍ ହରତାନ୍ କୁଡ଼ିକେ କାଜିକିୟାଏ, ଆତଃ ପାଡ଼ରାସ୍ତକେ ଅଡ଼ାଃ ଭିତାର୍ତେ ଇଦିକିୟାଏ । ୧୭ ଏନ୍ତେ ଦୁଆର୍ ହରତାନ୍ ଏନ୍ କାମ୍ଡ଼ି କୁଡ଼ି ପାଡ଼ରାସ୍ତକେ କାଜିକିୟାଏ, “ତିୟାଃ ଆମ୍ ହିଁ ନେ ହଡ଼ଆଃ ତେଲ୍ଲକଏତେ ମିଆଁଦ୍ନିଃ ନାହାଁଲାମ୍ ?”

ଇନିଃ ମେତାଇଜାଏ, “ଆଇଙ୍ଗ୍ ନାହାଁଲିଙ୍ଗ୍ ।”

୧୮ ରାବାଙ୍ଗ୍ତାନ୍ ତାଇକେନ୍ ଇମ୍ତା ଦାସିକ ଆତଃ ଦାରଞ୍ଜାନ୍କ ସେଙ୍ଗେଲ୍ ତିଙ୍ଗ୍କେଦ୍ତେ ତିଙ୍ଗ୍ଆକାନ୍ଲଃ ଜୁରୁବ୍ ତାଇକେନାକ । ପାଡ଼ରାସ୍ତ୍ ଇନ୍କୁଲଃ ତିଙ୍ଗ୍କେଦ୍ତେ ଜୁରୁବ୍ତାଇକେନାଏ ।

**ମାରାଙ୍ଗ ଯାଜାକ୍ ଯୀଶୁକେ କୁଲିକିୟାକ**

(ମାଥୂ ୨୭:୪୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ ଏନ୍ତେ ମାରାଙ୍ଗ ଯାଜାକ୍ ଯୀଶୁକେ ଆୟାଃ ତେଲ୍ଲକ ବିଷାଏରେ ଆତଃ ଆୟାଃ ଇନିତୁ ବିଷାଏରେ କୁଲିକିୟାଏ । ୨୦ ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍ ଅତେଦିଶୁମ୍ରେ ସବେନ୍ଇମତା ସବେନ୍କତାଃରେ କାଜିୟାକାଦାଇଙ୍ଗ୍, ଯିହୁଦୀକ ହଣ୍ଡିନତାନ୍ ସବେନ୍ତାଃରେ, ସାମାଜ୍ ଅଡ଼ାଃକରେ ଆତଃ ମାନ୍ଦିର୍ ଅଡ଼ାଃରେ ଆଇଙ୍ଗ୍ ଇତୁକେଦ୍କଆ ଆତଃ ଦାନାଙ୍ଗ୍ରେ ଜେଡ଼ନାଃ କାଇଙ୍ଗ୍ କାଜିକାଦାଃ । ୨୧ ତିନାଃମେନ୍ତେ ଆମ୍ ଆଇଙ୍ଗ୍କେ କୁଲିତାନାମ୍ ? ଆଇଙ୍ଗ୍ ଇନ୍କୁକେ ତିନାଃ କାଜିୟାକାଦ୍କଆଇଙ୍ଗ୍ ଏନା ଆୟୁମକେନ୍କକେ କୁଲିକମ୍, ନେଲେମେ, ଆଇଙ୍ଗ୍ କାଜିକାଦ୍ତେୟାଃ ଇନ୍କୁ ସାରିୟାଃକ ।”

୨୨ ଯୀଶୁ ନେଆଁ କାଜିକେଦ୍ ଇମ୍ତା ନାଡ଼େଃରେ ତିଙ୍ଗ୍ଆକାନ୍ ମିଆଁଦ୍ ଦାରଞ୍ଜାନ୍ ଇନିଃକେ ଆପ୍ଡ଼ିକେଦ୍ତେ କାଜିକିୟାଏ, “ଆମାଃ ନାମିୟାଙ୍ଗ୍ ସାହାଁସ୍, ତିୟାଃ ଆମ୍ ମାରାଙ୍ଗ୍ ଯାଜାକ୍କେ ନେ ଲେକା କାଜିରୁହାଡ଼ାଇତାନାମ୍ ?”

୨୩ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ ଏଡ଼କାନାଃ କାଜିକାଦ୍ରେଦ୍ ନେତାଃରେ ଜେତେକଆଃ ସାମ୍ନାଙ୍ଗ୍ରେ ସାବୁଦ୍ ଉଦୁବେମେ, ମେନ୍ଦ୍ ଆଇଙ୍ଗ୍ ବୁଗିନ୍ କାଜି କାଜିକାଦ୍ରେଦ୍ ତିନାଃମେନ୍ତେମ୍ ଆପ୍ଡ଼ିଙ୍ଗ୍ତାନାମ୍ ?”

୨୪ ଏନ୍ତେ ହାନାନ୍ ଇନିଃକେ ତଲାନାନ୍ତେଗି ମାରାଙ୍ଗ୍ ଯାଜାକ୍ କାୟଫାତାଃତେ କୁଲିକିୟାଏ ।

ପାତ୍ରରାସ୍ ଆତଃମିସା କାଇଙ୍ଗ୍ ସାରିୟା ମେନ୍ତେ କାଜିକେଦାଏ  
(ମାଥୁଉ ୨୭:୭୧-୭୫; ମାର୍କ ୧୪:୨୯-୩୨; ଲୁକ ୨୨:୫୮-୬୨)

୨୫ ଶିମୋନ୍ ପାତ୍ରରାସ୍ ତିଙ୍ଗୁକେଦ୍ତେ ସେଙ୍ଗେଲ୍ ଜୁରୁବ୍ତାନ୍ ତାଇକେନାଏ, ଏନ୍ତେ ଇନ୍କୁ ଇନିଃକେ କୁଲିକିୟାକ, “ଚିୟାଃ ଆମ୍ ହ୍ ଇନିୟାଃ ଚେଲକଏତେ ମିହୁଡ୍ ନାହାଁଲିଙ୍ଗ୍ ?”

ଇନିଃ ଦଦାଦ୍ୟାନ୍ତେ କାଜିକେଦାଃଏ, “ଆଇଙ୍ଗ୍ ନାହାଁଲିଙ୍ଗ୍ ।”

୨୬ ମାରାଙ୍ଗ୍ ଯାଜାକ୍ଆଃ ଦାସିକଏତେ ମିହୁଡ୍, ଅକଏକେଚି ପାତ୍ରରାସ୍ ଲୁଡୁର୍ ମାଃ ଖାଣ୍ଡାଅକାଇ ତାଇକେନାଏ, ଇନିୟାଃ ମିହୁଡ୍ କୁପୁଲ୍ କାଜିକେଦାଃଏ, “ଆଇଙ୍ଗ୍ ଚିନାଃ ଆମ୍କେ ଇନିଃଲଃ ବାଖିଡିରେ କାଇଙ୍ଗ୍ ନେଲକାମ୍ ତାଇକେନା ?”

୨୭ ଏନ୍ତେ ପାତ୍ରରାସ୍ ଆତଃଗି ଦଦାଦ୍ୟାନ୍ତେ କାଜିକେଦାଏ, “ଆଇଙ୍ଗ୍ ନାହାଁଲିଙ୍ଗ୍” ଇମ୍ତାଗି ସାଣ୍ଡିସିମ୍ ରାଆଃକେଦାଏ ।

ୟୀଶୁକେ ପିଲାତୁସ୍ଆଃ ସାମ୍ନାଙ୍ଗ୍ତେକ ଆଉକିୟା

(ମାଥୁଉ ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ସେତାଃ ଇଦାନ୍ରେ ଇନ୍କୁ ଯୀଶୁକେ କାୟଫାତାଃଏତେ ଲାଟ୍ସାହେବ୍ଆଃ ଅଡ଼ାଃ ଭିତାରେକେ ଇଦିକିୟା । ଜେ'ଲେକା କା ସତ୍ରାକେଦ୍ତେ ପାସ୍କା ପାରାବ୍ରେ ଜମେୟାଃ ଜମ୍ଦାଡିୟାଏ, ଏନାମେନ୍ତେ ଯିହୁଦୀ ହାକିମ୍କ ଲାଟ୍ସାହେବ୍ଆଃ ଅଡ଼ାଃତେ କାକ ବଲୟାନା । ୨୯ ଏନ୍ତେ ପିଲାତୁସ୍ ଇନ୍କୁତାଃତେ ଅତଙ୍ଗ୍କେଦ୍ତେ କୁଲିକେଦକଆଏ, “ଆପେ ନେ ହଡ୍ତକେ ଚିନାଃମେନ୍ତେ ଚିଟାଇତାନାପେ ?”

୩୦ ଇନ୍କୁ କାଜିରୁହାଡ୍କିୟାକ, “ନେ ହଡ୍ତ ଏଡ୍କାନ୍ କାମି କାଏ କାମିକାଦ୍ରେଦ ଆମାଃ ତିଃଇରେ କାଲେ ଏମିତେୟାଃ ।”

୩୧ ଏନ୍ତେ ପିଲାତୁସ୍ ଇନ୍କୁକେ କାଜିୟାଦକଆଏ, “ଆପେ ଇନିଃକେ ଇଦିକେଦ୍ତେ, ଆପେୟାଃ ଆନ୍ତୁ ଲେକାତେ ଇନିୟାଃ ବିଚାରେପେ ।”

ଯିହୁଦୀକ ଇନିଃକେ କାଜିକିୟାକ, “ଜେତାଏକେ ଗଜି ନାଗେନ୍ତେ ଆଲେତାଃରେ ଆକ୍ତେୟାର୍ ବାନଃଆ ।” ୩୨ ✧ ଯୀଶୁକେ ଚିଲ୍‌କାନ୍ ଗନ୍‌ଏଃତେ ଗଜଃ ଲାଗାତିକ୍‌ୟାଃ ଏନ୍ ବିଷାଏରେ ଇନିଃ କାଜିଲେଦ୍ କାଜି ପୁରାଅଃ ନାଗେନ୍ତେ ଇନ୍‌କୁ ନେକା କାଜିକେଦାଃକ ।

୩୩ ପିଲାତୁସ୍ ଆୟାଃ ମାହାଲ୍‌ତେ ବଲ ରୁହାଡ଼କେଦ୍‌ତେ ଯୀଶୁକେ କେଡାକିୟାଏ ଆତଃ କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନ୍‌ମେଟି ?”

୩୪ ଯୀଶୁ କାଜିରୁହାଡ଼କିୟାଏ, “ତିୟାଃ ଆମ୍ ନେ କାଜି ଆମ୍‌ତେଗି କାଜିତାନାମ୍ ଚି ଏଗଃକ ଆଇଁୟାଃ ବିଷାଏରେ ଆମ୍‌କେ ନେୟାକ ଉଦ୍‌ବାକାଦ୍‌ମେୟା ?”

୩୫ ପିଲାତୁସ୍ କାଜିରୁହାଡ଼କେଦାଃଏ, “ଆଇଙ୍ ଯିହୁଦୀ ତାନିଙ୍‌ଟି ? ଆମାଃ ଜାତିରେନ୍‌କ ଆତଃ ମୁଲ୍ ଯାଜାକ୍‌କ ଆମ୍‌କେ ଆଇଁୟାଃ ତିଃଇରେକ ଏମାକାଦିୟା । ଆମ୍ ତିନାଃମ୍ ଚିକାକାଦାଃ ?”

୩୬ ଯୀଶୁ କାଜିକିୟାଏ, “ଆଇଁୟାଃ ରାଇଜ୍ ନେ ଅତେଦିଶୁମ୍ ଲେକା ନାହାଁଲାଃ, ଆଇଁୟାଃ ରାଇଜ୍ ନେ ଅତେଦିଶୁମ୍ ଲେକା ତାଇନ୍‌ତେୟାଃରେଦ୍ ଆଇଙ୍ ଯିହୁଦୀ ହାକିମ୍‌କଆଃ ତିଃଇରେ କାଇଙ୍ ଏମାଃନାଙ୍ ଆଇଁୟାଃ ଦାସିକ ମାପାଃତୁପୁଇଙ୍‌ତେୟାଃକ, ମେନ୍‌ଦ୍ ଆଇଁୟାଃ ରାଇଜ୍ ଏନ୍‌ଲେକ୍‌ନାଃ ନାହାଁଲାଃ ।”

୩୭ ଏନ୍ତେ ପିଲାତୁସ୍ ଇନିଃକେ କୁଲିକିୟାଏ, “ତିୟାଃ ଆମ୍ ମିଆଁଦ୍ ରାଜା ତାନ୍‌ମେ ଚି ?”

ଯୀଶୁ କାଜିରୁହାଡ଼କିୟାଏ, “ଆଇଙ୍ ରାଜା ତାନିଙ୍ ମେନ୍ତେ, ଆମ୍‌ଗି କାଜିତାନାମ୍ । ସାର୍‌ତିରେୟାଃ ଗାଞ୍ଜା କାଜି ନାଗେନ୍ତେ ଆଇଙ୍ ଜାନାମାକାନା ଆତଃ ଅତେଦିଶୁମ୍‌ତେ ହିଜୁଆକାନାଇଙ୍, ଜେତାଏ ସାର୍‌ତିରେନ୍ ହନ୍ ତାନିଃ ଇନିଃ ଆଇଁୟାଃ କାଜି ଆୟୁମାଃଏ ।”

୩୮ ପିଲାତୁସ୍ ଯୀଶୁକେ କୁଲିକିୟାଏ, “ସାର୍‌ତି ତିନାଃତାନାଃ ?” ଏନ୍ତେ ନେଆଁ କାଜିକେଦ୍‌ଟି ଇନିଃ ଆତଃଗି ଯିହୁଦୀକତାଃତେ ହିଜୁଃ ରୁହାଡ଼ୟାନାଏ, ଆତଃ ଇନ୍‌କୁକେ କାଜିକେଦ୍‌କଆଏ, “ସାଜାଇ ଏମ୍‌ନାଙ୍ ଆଇଙ୍ ଇନିଃରେ ଜେତାନ୍ ଗୁଞ୍ଜା କାଇଙ୍ ନାମେତାନା ।

୩୯ ମେନ୍‌ଦ୍ ଆଇଙ୍ ପାସ୍‌କା ପାରାବ୍‌ରେ ଆପେନାଙ୍ ମିଆଁଦ୍ ହଡ଼କେ

✧ ୧୮:୩୨ ୧୮:୩୨ ଯୋହାନ୍ ୩:୧୪; ୧୨:୩୨.



ଆଡ଼ାଠାରେ ଯାଆନ୍ତୁ ଆପେୟାଠାରେ ରିଡିରେ ମେନାଠା, ଏନାମେନ୍ତେ ଆପେୟାଠା ନାଗେନ୍ତେ ଯିହୁଦୀକଆଠା ରାଜାକେଇଙ୍ଗ୍ ଆଡ଼ାଠାତାୟା, ମେନ୍ତେପେ ସାନାଙ୍ଗ୍ତାନା ଚି ?”

ୟାଶୁକେ ଗନଏଠା ସାଜାଇ ଏମ୍‌ୟାନା

(ମାଥୁ ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୪୦ ଏନ୍ତେ ସବେନକ କାଉରିକେଦତେ କାଜିକେଦାଠକ, “ବାନଠଗି, ନିଠକେଦ କାହା, ମେନ୍ଦଦ ବାରଦ୍‌ବାକେ ଏମାଲେମ୍ ।” ଏନ୍ ବାରଦ୍‌ବା ମିଆଁଦ୍ ରେରେଠକନିଠ ତାଇକେନାଏ ।

### ୧୯

୧ ଏନ୍ତେ ପିଲାତୁସ୍ ଯାଶୁକେ ଇଦିକିଠତେ ହାଁଶ୍‌ସା ରିକାକିୟାଏ । ୨ ଆଡ଼ା ପାଲଟାନ୍‌କ ଜାନୁମ୍ କତରାଠ ଟୁପୁରି ଗାଲାଙ୍ଗ୍‌କେଦତେ ବହଠରେ ଟୁପୁରିକିୟାକ ଆଡ଼ା ଇନିଠକେ ବାଇଗିନିଆ ରାଙ୍ଗ୍‌ରାଠ ଲିଜାଠ ତୁସିଙ୍ଗ୍‌କିୟାକ । ୩ ଆଡ଼ା ଇନ୍‌କୁ ଯାଶୁଆଠ ନାଡ଼େଠତେ ସେନ୍‌କେଦତେ କାଜିକିୟାକ, “ଏ ଯିହୁଦୀକଆଠ ରାଜା ଜହାର୍ !” ଆଡ଼ା ଇନ୍‌କୁ ଇନିଠକେ ଆପ୍‌ଡିକିୟାକ ।

୪ ପିଲାତୁସ୍ ଆଡ଼ାଠିସା ଅଡ଼ଙ୍ଗ୍‌କେଦତେ ହଡ଼କକେ କାଜିୟାଦକଆଏ, “ନେଲେପେ, ଇନିଠକେ ସାଜାଇ ନାଗେନ୍ତେ ଆଇଙ୍ଗ୍ ଇନିୟାଠରେ ଜେତାନ୍ ଗୁଣ୍ଟାଁ କାଇଙ୍ଗ୍ ନାମ୍‌କେଦା, ନେଆଁ ଆପେ ସାରିପେ ମେନ୍ତେ ଆଇଙ୍ଗ୍ ଇନିଠକେ ଆପେତାଠତେଇଙ୍ଗ୍ ଅଡ଼ଙ୍ଗ୍‌ଆଉଝିତାନା ।” ୫ ଏନ୍ତେ ଯାଶୁ ଜାନୁମ୍ ମୁକୁର୍ ଆଡ଼ା ବାଇଗିନିଆ ଲିଜାଠ ତୁସିଙ୍ଗ୍‌କେଦତେ ଅଡ଼ଙ୍ଗ୍‌ୟାନା । ପିଲାତୁସ୍ ଇନ୍‌କୁକେ କାଜିୟାଦକଆଏ, “ନେଲିପେ ! ନିଠ ନେ ହଡ଼ ।”

୬ ଏନ୍ତେ ମୁଲ୍ ଯାଜାକକ ଆଡ଼ା ମାନ୍ଦିର୍ ଦାରଝାନ୍‌କ ଇନିଠକେ ନେଲ୍‌କେଦତେ “କୁଶରେ କିଲାଇମେ ! କୁଶରେ କିଲାଇମେ !” ମେନ୍ତେକ କାଉରିକେଦା । ପିଲାତୁସ୍ ଇନ୍‌କୁକେ କାଜିୟାଦକଆଏ, “ଆପେଗି ଇନିଠକେ ଇଦିପେ ଆଡ଼ା କୁଶରେ କିଲାଇପେ, ଆଇଙ୍ଗ୍‌ଦ ଇନିଠକେ ସାଜାଇ ନାଗେନ୍ତେ ଜେତାନ୍ ଗୁଣ୍ଟାଁ କାଇଙ୍ଗ୍ ନାମ୍‌କେଦା ।”

୭ ଯିହୁଦୀକ ପିଲାତୁସ୍‌କେ କାଜିରୁହାଡ଼କିୟାକ, “ଆଲେତାଠରେ ଆନ୍‌ରୁ ମେନା ଆଡ଼ା ଏନ୍ ଆନ୍‌ରୁ ଲେକାତେ ଇନିୟାଠ ଗଜଠ

ଲାଗାଡ଼ିଆଁ, ଚିୟାଃଟି ଇନିଃଦ ଆଇଃକ୍‌ଗି ପାର୍‌ମେଶ୍‌ଫ୍‌ଆଃ ହନ୍ ତାନିଃ” ମେନ୍ତେ କାଜିକାଦାଏ ।

୮ ନେ କାଜି ଆୟୁମ୍‌କେଦ୍‌ତି, ପିଲାତୁସ୍ ପୁରାଃଗି ବରକେଦାଏ । ୯ ଆଡ଼ଃ ପିଲାତୁସ୍ ମାହାଲ୍‌ଡେ ବଲ ରୁହାଡ଼୍‌ୟାନାଏ ଏନ୍ତେ ଯାଶୁକେ କୁଲିକିୟାଏ, “ଆମ୍ ଅକ୍‌ଡ଼ାଃଏଡେମ୍ ହିଜୁଃକାନା ?”

ମେନ୍‌ଦ ଯାଶୁ ଇନିଃକେ କାଏ କାଜିରୁହାଡ଼୍‌କିୟା । ୧୦ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ଚିନାଃମେନ୍ତେ କାମ୍ କାଜିୟାଈକ୍‌ତାନା ? ଆମ୍‌କେ ରାଡ଼ାରେୟାଃ ଆଡ଼ଃ କୁଶ୍‌ରେ କିଲାରେୟାଃ ଆକ୍‌ଡେୟାର୍ ଆଇଈଡ଼ାଃରେ ମେନାଃ, ଚିୟାଃ ନେଆଁ ଆମ୍ କାମ୍ ସାରିତାନା ?”

୧୧ ଯାଶୁ କାଜିରୁହାଡ଼୍‌କିୟାଏ, “ଆମ୍‌କେ ପାର୍‌ମେଶ୍‌ଫ୍‌ଆଃଏଡେ ଆକ୍‌ଡେୟାର୍ କା ନାମ୍‌କାନ୍‌ରେ, ଆଇଁୟାଃ ବିରୁଧ୍‌ରେ ଆମାଃ ଜେତାନ୍ ଆକ୍‌ଡେୟାର୍ କା ତାଇନ୍‌ଡେୟାଃ । ଏନାଡେ ଆଇଈକ୍‌କେ ଅକଏ ଆମାଃ ଡିଃଇରେ ଜିମାକାଦିୟାଏ ଇନିୟାଃ ପାପ୍ ପୁରାଃ ଏଡ଼କାନ୍‌ଗିୟାଃ ।”

୧୨ ପିଲାତୁସ୍ ନେୟାଁ ଆୟୁମ୍‌କେଦ୍‌ତି, ଯାଶୁକେ ରାଡ଼ାଇ ନାଗେନ୍ତେ ସାନାଈକେଦାଃଏ, ମେନ୍‌ଦ ଯିହୁଦୀ ହଡ଼କ କାଡ଼ରିତାନ୍‌ଲଃ କାଜିକେଦାଃକ, “ଆମ୍ ନେ ହଡ଼କେ ରାଡ଼ାଇରେଦ୍, ଆମ୍ କାଇସାର୍‌ଆଃ ଗାତି ନାହାଁଲାଃମେ, ଅକଏ ଆଇଃକ୍‌କେଗି ରାଜା ମେନ୍ତେ କାଜିୟାଏ, ଇନିଃ କାଇସାର୍‌ଆଃ ବିରୁଧ୍‌ରେ କାଜିୟାଏ ।”

୧୩ ଏନ୍ତେ ପିଲାତୁସ୍ ନେ କାଜିକ ଆୟୁମ୍‌କେଦ୍‌ତି, ଯାଶୁକେ ଅଡ଼କ୍‌କିୟାଏ ଆଡ଼ଃ “ଚାଟେନ୍‌ଲାପାଙ୍ଗା” ଅକ୍‌ନାଃଟି ଏବ୍ରୀ ଜାଗାର୍‌ଡେ “ଗାବ୍‌ବାଆ” ନୁଡୁମଃତାନା, ଏନ୍ ବିଚାର୍ ଠାୟାଦ୍‌ଡ଼ାଃରେ ବିଚାର୍ ନାଈ ଦୁବ୍‌ୟାନାଏ । ୧୪ ପାସ୍‌କା ପାରାବ୍ ସାପ୍‌ଡ଼ାଅନ୍ ହୁଲାଈରେୟାଃ ଡିକିନ୍‌ସିକ୍ ସିଦାରେ ଇନିଃ ଯିହୁଦୀକକେ କାଜିୟାଦ୍‌କଆଏ, “ନେଲିପେ ନିଃ ଆପେୟାଃ ରାଜା !”

୧୫ ଇନ୍‌କୁ କାଡ଼ରିକେଦାଃକ, “ଇନିଃକେ ଗଜିମ୍‌ଫେଁ ! ଗଜିମ୍‌ଫେଁ ! କୁଶ୍‌ରେ କିଲାଈମେ ।”

ପିଲାତୁସ୍ ଇନ୍‌କୁକେ କୁଲିକେଦ୍‌କଆଏ, “ଆପେୟାଃ ରାଜାକେ କୁଶ୍‌ରେଈକ୍ କିଲାଈୟା ମେନ୍ତେପେ ସାନାଈକ୍‌ତାନାଟି ?”

ମୂଲ୍ ଯାଜାକକ କାଜିରୁହାଡ଼କିୟାଃକ, “କାଇସାର ଏସକାର୍ ଆଲେୟାଃ ରାଜା ତାନିଃ ଆଡ଼ଃ ଜେତାଏ ରାଜା ନାହାଲିଃ ।”

୧୭ ଏନ୍ତେ ଯୀଶୁ କ୍ରୁଶ୍ରେ କିଲାଅଃକାଏ ମେନ୍ତେ ପିଲାତୁସ୍ ଇନିଃକେ ଇନ୍କୁଆଃ ସାନାଙ୍ଗ୍ ଲେକାତେ ଏମାଦକଆଏ । ଏନ୍ତେ ଇନ୍କୁ ଯୀଶୁକେ ସାଦକେଦତେ ଇଦିକିୟାକ ।

**ୟୀଶୁକେ କ୍ରୁଶ୍ରେ କିଲାକିୟାଃ**

(ମାଥୂ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଯୀଶୁ ଆୟାଃ କ୍ରୁଶ୍ରେ ଗଅଃକେଦତେ “ବହଃଜାଙ୍ଗ୍ ନୁତୁମ୍ ଠାୟାଦ୍” ଅକନାଃଚି ଏବ୍ରୀ ଜାଗାର୍ତେ “ଗାଲ୍ଗାଥୀ” ମେନ୍ତେ କାଜିୟାଃତାନା, ଏନ୍ତାଃତେ ହିଜୁଃୟାନାଏ । ୧୮ ଏନ୍ତାଃରେ ଇନ୍କୁ ଇନିଃକେ ଆଡ଼ଃ ଇନିଃଲଃ ବାରହଡ଼କିନ୍କେ କ୍ରୁଶ୍ରେ କିଲାକେଦକିନାକ, ମିଆଁଦିନିଃକେ ଆୟାଃ ଜମ୍ ସାଃରେ ଆଡ଼ଃ ମିଆଁଦିନିଃକେ ଲେଙ୍ଗା ସାଃରେ ଆଡ଼ଃ ଯୀଶୁକେ ଆଲାରେ କିଲାକିୟାକ । ୧୯ ଆଡ଼ଃ ପିଲାତୁସ୍ ମିଆଁଦ୍ ଅନଲ୍ଚିଠା ଅଲ୍ଚେଦତେ କ୍ରୁଶ୍ରେ ଲାଟକାଅକେଦାଃଏ, ଆଡ଼ଃ ଏନାରେ “ନାଜ୍ରେଡ଼ରେନ୍ ଯୀଶୁ ଯିହୁଦୀକଆଃ ରାଜା” ମେନ୍ତେ ଅଲାକାନ୍ ତାଇକେନା । ୨୦ ଯୀଶୁ କ୍ରୁଶ୍ରେ କିଲାୟାନ୍ ଠାୟାଦ୍ ହାତୁ ନାଡ଼େଃରେ ତାଇକେନ୍ ନାଗେନ୍ତେ ଏନ୍ ଅନଲ୍ଚିଠାକେ ପୁରାଃ ଯିହୁଦୀକ ପାଡ଼ାଅକେଦାଃ ଆଡ଼ଃ ଏନା ଏବ୍ରୀ, ଲାଟିନ୍, ଆଡ଼ଃ ଗ୍ରୀକ୍ ଜାଗାର୍ତେ ଅଲାକାନ୍ ତାଇକେନା । ୨୧ ଏନ୍ତେ ଯିହୁଦୀକଆଃ ମୂଲ୍ ଯାଜାକକ ପିଲାତୁସ୍କେ କାଜିକିୟାଃକ, “ଯିହୁଦୀକଆଃ ରାଜା ମେନ୍ତେ ଆଲମ୍ ଅଲେୟା ମେନ୍ଦ୍ ‘ଆଇଙ୍ଗ୍ ଯିହୁଦୀକଆଃ ରାଜା ତାନିଙ୍ଗ୍’ ମେନ୍ତେ କାଜିକେଦତେୟାଃ ଅଲେମେ ।”

୨୨ ପିଲାତୁସ୍ କାଜିରୁହାଡ଼ାଦକଆଏ, “ଆଇଙ୍ଗ୍ ଅଲାକାଦତେୟାଃ ଅଲାକାଦାଇଙ୍ଗ୍ ।”

୨୩ ଯୀଶୁକେ କ୍ରୁଶ୍ରେ କିଲାକେଦତେ, ସିପାଇକ ଇନିୟାଃ ତୁସିଙ୍ଗ୍ ଲିଜାଃ ଆଉକେଦତେ ଚାର୍ତାଃରେ ହାଟିଙ୍ଗ୍କେଦାଃକ, ମିଆଁଦ୍ ସିପାଇ ନାଗେନ୍ତେ ମିଆଁଦ୍ ହାଟିଙ୍ଗ୍ ଆଡ଼ଃ ପାଟେଲିଜାଃକେଅକ ଆଉକେଦାଃ, ଏନା କା ତୁନାକାନ୍ ତାଇକେନା ମେନ୍ଦ୍ ତେତାନ୍ଏତେ ଲାଡାର୍ ଜାକେଦ୍ ତିଃଇଲଃ ରଅଃକାନ୍ ତାଇକେନା । ୨୪ ଏନାମେନ୍ତେ ଇନ୍କୁ ଆକ ଆକରେକ କାଜିକେଦା, “ନେଆଁକେ କାରୁ ଚାଗାଡ଼େୟା

ମେନ୍ଦ ନେଆଁ ଅକଏୟାଃ ହବାଅଆଃ ଏନାମେନ୍ତେ ଚିଠାବୁ ସାଲାୟା ।” ଧାରାମ୍ପୁଅରେୟାଃ କାଜି ସାର୍ତ୍ତିଅଃ ନାଗେନ୍ତେ ନେ ସବେନ୍ ହବାୟାନା, “ଇନ୍କୁ ଆଇଁୟାଃ ଲିଜାଃକ ହାଟିଙ୍ଗ୍‌ୟାନା ଆଡ଼ଃ ଆଇଁୟାଃ ପାଟେଲିଜାଃ ନାଙ୍ଗ୍ ଚିଠାକ ସାଲାକେଦା ।” ଏନାତେ ସିପାଇକ ନେ'ଲେକାକ ରିକାକେଦା ।

୨୫ ଯୀଶୁଆଃ ଏଙ୍ଗାତେ ମାରିୟାମ୍ ଆଡ଼ଃ ଏଙ୍ଗାତେୟାଃ ମିଶିତେ, କ୍ଲୋପାରାଃ କୁଡ଼ିତେ ମାରିୟାମ୍ ଆଡ଼ଃ ମାଗ୍‌ଦାଲିନି ମାରିୟାମ୍ ଯୀଶୁଆଃ କୁଶ୍ ଜାପାଃରେକ ତିଙ୍ଗୁଆକାନ୍ ତାଇକେନା । ୨୬ ଯୀଶୁ ଆୟାଃ ଏଙ୍ଗାତେକେ ଆଡ଼ଃ ଆଇଃକ୍ ଦୁଲାଡ଼ିତାନ୍ ଚେଲାକେ, ଜାପାଃରେ ତିଙ୍ଗୁଆକାନ୍ ନେଲ୍‌କେଦ୍‌କିନାଏ, ଏଙ୍ଗାତେକେ କାଜିକିୟାଏ, “ନେଲିମେ ହନ୍‌ତାମାଃକେ ।”

୨୭ ଏନ୍ତେ ଯୀଶୁ ଏନ୍ ଚେଲାକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍ଗା” ଆଡ଼ଃ ଇମ୍‌ତାଙ୍ଗ୍‌ଏତେ ଏନ୍ ଚେଲା ଇନିଃକେ ଆୟାଃ ଅଡ଼ାଃତେ ଇଦିକିୟାଏ ।

**ଯୀଶୁଆଃ ଗନଏଃ**

(ମାଥୂ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ସବେନାଃ ନାହାଁଃ ପୁରାଚାବାକାନା ମେନ୍ତେ ଯୀଶୁ ସାରିକେଦ୍‌ଚି, ଧାରାମ୍ପୁଅରେୟାଃ କାଜି ପୁରାଅଃ ନାଗେନ୍ତେ ଇନିଃ କାଜିକେଦାଃଏ, “ଆଇଙ୍ଗ୍‌କେ ତେତାଙ୍ଗିଙ୍ଗ୍‌ତାନା ।”

୨୯ ଏନ୍ତାଃରେ ମେହେର୍ ରାସିତେ ପେରେଜାକାନ୍ ମିଆଁଦ୍ ଚାଟୁ ଦହାକାନ୍ ତାଇକେନା । ଏନ୍ତେ ଇନ୍କୁ ସ୍ତୁଞ୍ଜକେ ମେହେର୍ ରାସିରେ ତୁପୁକେଦାଃକ, ଆଡ଼ଃ ଏନାକେ ଏସୋବ୍ ଡାଙ୍ଗ୍‌ରେ ଗୁଡୁକେଦ୍‌ତେ ଇନିୟାଃ ମଚା ହେପାଦ୍‌ତେ ନୁଁଏ ନାଗେନ୍ତେ ଏମ୍‌କିୟାକ । ୩୦ ଏନ୍ତେ ଯୀଶୁ ମେହେର୍ ରାସି ନୁଁକେଦ୍‌ତେ, କାଜିକେଦାଃଏ, “ନେଆଁ ପୁରାୟାନା” ଏନ୍ତେ ଆୟାଃ ବହଃ ତିରୁବ୍‌କେଦ୍‌ତେ ଜୀଉ ଟୁଣ୍ଡୁକେଦା ।

**ଯୀଶୁକେ କୁଡ଼ାମ୍‌ରେ ସବଃକିୟାକ**

୩୧ ଏନ୍ ହୁଲାଙ୍ଗ୍ ସାପ୍‌ଡ଼ାଅନ୍ ହୁଲାଙ୍ଗ୍ ତାଇକେନା, ଆଡ଼ଃ ଏଟାଃ ହୁଲାଙ୍ଗ୍ ମାରାଙ୍ଗ୍ ରୁଡ଼ନ୍ ହୁଲାଙ୍ଗ୍ ତାଇକେନ୍ ନାଗେନ୍ତେ ଯିହୁଦୀ ହାକିମ୍‌କ ଗଏଃ ହଡ଼ମ୍‌କେ କୁଶ୍‌ରେ ରୁଡ଼ନ୍ ହୁଲାଙ୍ଗ୍ ଜାକେଦ୍

ତାଙ୍କନିକା ମେନ୍ତେ କାକ ସାନାଙ୍ଗ୍ ତାଇକେନା । ଏନାତେ ଇନ୍କୁ କିଲାନାନ୍ କାଲ୍ ଦି ଗଜଃକାକ ମେନ୍ତେ ଇନ୍କୁଆଃ କାଟା ଠଏଜଃକା ଆତଃ ଇନ୍କୁକେ କୁଣ୍ଡଏତେ ଆଡ଼ଗୁଃକାକ ମେନ୍ତେ ପିଲାତୁସକେକ ବିକ୍ତିକିୟାଃ । ୩୨ ଏନ୍ତେ ସିପାଇକ ହିଜୁଃକେଦତେ ଯୀଶୁଲଃ କିଲାନାନ୍ ବାରାନ୍ କିନାଃ କାଟାକେ ଠଏଜକେଦାଃକ । ୩୩ ମେନ୍ଦ ଇନ୍କୁ ଯୀଶୁତାଃ ହିଜୁଃୟାନ୍ତେ, ଇନିଃକେ ଗଜାକାନ୍ କ ନେଲ୍ କିୟାଃ, ଏନାତେ ଇନ୍କୁ ଇନିୟାଃ କାଟାକେ କାକ ଠଏଜକେଦାଃ । ୩୪ ମେନ୍ଦ ସିପାଇକଏତେ ମିଆଁଦିନିଃ ବାଛାତେ ଇନିୟାଃ କୁଡାମ୍ରେ ସବଃକିୟାଏ, ଆତଃ ଇମ୍ତାଗି ମାୟୋମ୍ ଆତଃ ଦାଆଃ ଅତଙ୍ଗ୍ୟାନା । ୩୫ ଆତଃ ନେଆଁ ନେଲ୍ କାଦ୍ ନିଃ ଗାଞ୍ଜା ଏମାକାଦାଏ, ଜେଲେକାଟି ଆପେୟଗି ବିଶ୍ୱାସେୟାପେ । ଆତଃ ଇନିୟାଃ ଗାଞ୍ଜା ସାର୍ତିଗିୟା, ଆତଃ ଇନିଃ ସାର୍ତି କାଜିତାନାଏ ଏନା ଆଇଃକ୍ତି ସାରିୟାଏ । ୩୬ “ଇନିୟାଃ ଜେତାନ୍ ଜାଙ୍ଗ୍ କା ଠଏଜଆଃ” ନେ କାଜିଦ୍ ପାରାମ୍ପୁୟ୍ରେ ପୁରାୟା ନାଗେନ୍ତେ ନେ ସବେନାଃ ହବାୟାନା । ୩୭ ✨ପାରାମ୍ପୁୟ୍ରେ ଆତଃମିଆଁଦ୍ କାଜି ଅଲାନା, “ଇନ୍କୁ ଅକଏକେ କିଲକିୟାଃକ,” ହଡ଼କ ଇନିଃକେ ନେଲିୟାକ ।

**ୟୀଶୁଆଃ ତପାଆଃ**

(ମାଥୂ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ଏନ୍ ତାୟମ୍ତେ ହାରାମାଥୁୟା ସାହାରରେନ୍ ଯୋଷେଫ୍, ଯୀଶୁଆଃ ହଡ଼ମ୍ ଇଦି ନାଗେନ୍ତେ ପିଲାତୁସକେ ବିକ୍ତିକିୟାଏ, ଇନିଃ ଯୀଶୁଆଃ ମିଆଁଦ୍ ଚେଲା ତାଇକେନାଏ, ମେନ୍ଦ ଯିହୁଦୀକଆଃ ବରତେ କାଏ ଉଦୁବେନ୍ୟାନା, ଆତଃ ପିଲାତୁସ୍ ଆରୁକେଦତି ଯୀଶୁଆଃ ହଡ଼ମ୍ ଇଦିକେଦତେ ସେନଃୟାନାଏ । ୩୯ ✨ଏନ୍ ନିକଦାମ୍ ସିଦାରେ ନିଦା ଇମ୍ତା ଯୀଶୁତାଃତେ ହିଜୁଃୟାନାଏ, ଇନିଃ ଯୋଷେଫ୍ଲଃ ହିଜୁଃୟାନାଏ । ଆତଃ ଇନିଃ ତିରିଗ୍ କେଜି ବୁଗିନ୍ ସହାନ୍ସୁନ୍ୟୁମ୍ ଆତଃ ମେସାକାନ୍ ଗାନ୍ୟାସ୍ ଆଉକେଦାଏ । ୪୦ ଏନ୍ତେ ଇନ୍କିନ୍ ଯୀଶୁଆଃ ହଡ଼ମ୍ କେକିନ୍ ଆଉକେଦାଃ ଏନ୍ତେ ଯିହୁଦୀକଆଃ ତପାରେୟାଃ ରିତିଲେକାତେ ଏନାକେ ବୁଗିନ୍ ସହାନ୍ ସୁନ୍ୟୁମ୍ ଆତଃ

✨ ୧୯:୩୭ ୧୯:୩୭ ଉନ୍ଦୁବ୍ କାଜି ୧:୭. ✨ ୧୯:୩୯ ୧୯:୩୯ ଯୋହାନ୍ ୩:୧,୨.

ଫାରିସି ନିରାଳ ଲିଜାଃରେ ପଟମ୍ବକେଦାଃକିନ୍ । <sup>୪୧</sup> ଆଡଃ ଯୁଶୁ କୁଶ୍ରେ କିଲାୟାନ୍ ଠାୟାଦ୍‌ତାଃରେ ମିଆଁଦ୍ ବାଗାନ୍ ତାଇକେନା, ଆଡଃ ବାଗାନ୍‌ରେ ମିଆଁଦ୍ ନାଞ୍ଜା ତପା ଠାୟାଦ୍ ତାଇକେନା, ଏନାରେ ଜେତାଏ ଚିଉଲାହ କାକ ତପାକାଦ୍‌କ ତାଇକେନା । <sup>୪୨</sup> ଯିହୁଦୀକଆଃ ସାପ୍‌ଡ଼ାଅନ୍ ହୁଲାଙ୍ଗ୍ ନାଗେନ୍ତେ ଇନ୍‌କିନ୍ ଯୁଶୁକେ ଏନ୍ତାଃରେଗି ଦହକିୟାକିନ୍, ଚିୟାଃଚି ଏନ୍ ତପା ଠାୟାଦ୍ ନାଡ଼େଃରେ ତାଇକେନା ।

## ୨୦

### ତପାଗାଡ଼ା ବିଡ଼ାଙ୍ଗ୍

(ମାଥୁଃ ୨୮:୧-୮; ମାର୍କ ୧୭:୧-୮; ଲୁକ ୨୪:୧-୧୨)

<sup>୧</sup> ହାପ୍‌ପାରେୟାଃ ପାହିଲା ହୁଲାଙ୍ଗ୍ ସେତାଃ ଇଦାନ୍ ନୁବାଃ ତାଇକେନ୍ ଇମ୍‌ତା ମାଗ୍‌ଦାଲିନି ମାରିୟାମ୍ ତପାଗାଡ଼ା ଠାୟାଦ୍‌ତେ ହିଜୁଃକେଦ୍‌ତେ ପୁରାଃ ମାରାଙ୍ଗ୍ ଦିରିକେ ତପାଗାଡ଼ା ଠାୟାଦ୍‌ଏତେ ଆତମ୍‌କାନ୍ ନେଲ୍‌କେଦାଃଏ । <sup>୨</sup> ଏନ୍ତେ ଇନିଃ ନିର୍‌କେଦ୍‌ତେ ଶିମୋନ୍ ପାଡ଼ରାସ୍ ଆଡଃ ଯୁଶୁ ଦୁଲାଡ଼ିତାନ୍ ଏନ୍ ଏଟାଃ ଚେଲାତାଃତେ ତେବାଃୟାନା ଆଡଃ ମେତାଦ୍‌କିନାଏ, “ଇନ୍‌କୁ ପ୍ରାଭୁକେ ତପାଗାଡ଼ାଏତେ ଇଦିକିୟାକ ଆଡଃ କତାଃରେକ ଦହକିୟା ଏନା କାଲେ ସାରିତାନା ।”

<sup>୩</sup> ଏନ୍ତେ ପାଡ଼ରାସ୍ ଆଡଃ ଏନ୍ ଏଟାଃ ଚେଲା ଅଡ଼ଙ୍ଗ୍‌ୟାନ୍‌ତେ ତପାଠାୟାଦ୍‌ତେ ସେନଃୟାନାକିନ୍ । <sup>୪</sup> ଆଡଃ ଏନ୍ ବାରାନ୍‌କିନ୍ ମିଦ୍‌ତେକିନ୍ ନିର୍‌କେଦାଃ ମେନ୍‌ଦ୍ ଏଟାଃ ଚେଲା ପାଡ଼ରାସ୍‌କେ ନିର୍‌ବାଗିକେଦ୍‌ତେ ସିଦାରେ ତପାଠାୟାଦ୍‌ତେ ସେଟେରୁୟାନାଏ । <sup>୫</sup> ଆଡଃ ଇନିଃ ଉଙ୍ଗୁଦ୍‌କେଦ୍‌ତେ ପାଡ଼ଲା ଲିଜାଃ ଏସ୍‌କାର୍ ଦହକାନ୍‌ତେୟାଃ ନେଲ୍‌କେଦାଏ ମେନ୍‌ଦ୍ କାଏ ବଲୟାନା । <sup>୬</sup> ଏନ୍ତେ ଶିମୋନ୍ ପାଡ଼ରାସ୍ ଇନିୟାଃ ତାୟମ୍‌ତେ ସେଟେରୁୟାନାଏ ଆଡଃ ତପାଠାୟାଦ୍‌ରେ ବଲକେଦ୍‌ତେ ଏନ୍ ପାଡ଼ଲା ଲିଜାଃ ଉୟୁଗାକାନ୍ ନେଲ୍‌କେଦାଏ । <sup>୭</sup> ଆଡଃ ଯୁଶୁଆଃ ବହଃରେ ତଲ୍‌ବିହୁରାକାନ୍ ଲିଜାଃ ଏନ୍ ପାଡ଼ଲା ଲିଜାଃଲଃ କା ତାଇକେନା ମେନ୍‌ଦ୍ ଏଟାଃରେ ପୋଟମାକାନ୍ ତାଇକେନା । <sup>୮</sup> ଏନ୍ତେ ସିଦାରେ ତପାଠାୟାଦ୍‌ତାଃ ସେଟେରୁୟାନ୍ ଏନ୍ ଏଟାଃ ଚେଲାହ ବଲୟାନାଏ, ଆଡଃ ଇନିଃ

ନେଲକେଦ୍‌ତେ ବିଶ୍ୱାସକେଦାଃଏ । ୯ ଇନିଃକେ ଗଏଃକାନ୍‌କଏତେ ଜୀଉବିରିଦଃ ଲାଗାତିଙ୍ଗୟାଃ, ଧାରାମ୍‌ପୁଥିରେ ଅଲ୍‌କାନ୍ ନେ କାଜିକେ, ଇନ୍‌କୁ ଇମ୍‌ତାଜାକେଦ୍ କାକ ଆଟ୍‌କାର୍‌ଉରୁମ୍‌ନେ ତାଇକେନା । ୧୦ ଏନ୍ତେ ଏନ୍ ବାରାନ୍ ତେଲ୍‌କିନ୍ ଆକିନାଃ ଅଡ଼ାଃତେ ରୁହାଡ଼ୟାନାକିନ୍ ।

ୟାଶୁ ମାଗ୍‌ଦଲ୍‌ରେନ୍ ମାରିୟାମ୍‌ତାଃରେ ଉଦୁବେନ୍‌ୟାନାଏ  
(ମାଥୂ ୨୮:୯-୧୦; ମାର୍କ ୧୬:୯-୧୧)

୧୧ ମେନ୍‌ଦ ମାରିୟାମ୍ ରାଆଃତାନ୍‌ଲଃ ତପାଠାୟାଦ୍‌ତାଃରେ ତିଙ୍ଗୁଆକାନାଏ ତାଇକେନା । ଚିମ୍‌ତାଙ୍ଗ୍ ରାଆଃତାନ୍‌ଲଃ ତପାଠାୟାଦ୍ ଭିତାର୍‌ତେ ଉଙ୍ଗୁଦ୍‌କେଦ୍‌ତେ ନେଲକେଦାଃଏ, ୧୨ ଇମ୍‌ତା ପୁଣି ଲିଜାଃ ତୁସିଙ୍ଗ୍‌ଆକାନ୍ ବାରିଆ ଦୁଡ଼କିନ୍ ଯୀଶୁଆଃ ହଡ଼ମ୍ ଦହକାନ୍ ଠାୟାଦ୍‌ରେ ଦୁବାକାନ୍ ନେଲକେଦ୍‌କିନାଏ, ମିଆଁଦ୍‌ନିଃ ବହଃସାଃରେ ଆଡ଼ଃ ମିଆଁଦ୍‌ନିଃ କାଟାସାଃରେ । ୧୩ ଆଡ଼ଃ ଇନ୍‌କିନ୍ କୁଲିକିୟାଃକିନ୍, “ଏ ମାଲ୍, ଚିନାଃ ମେନ୍ତେମ୍ ରାଆଃ ତାନା ?” ଇନିଃ ଇନ୍‌କିନ୍‌କେ କାଜିୟାଦ୍‌କିନାଏ, “ଇନ୍‌କୁ ଆଇଁୟାଃ ପ୍ରାଭୁକେ ଇଦିକିୟାଃକ ଆଡ଼ଃ ଇନିଃକେ ଅକ୍‌ତାଃରେ ଦହକିୟାଃକ ଏନା କାଇଙ୍ଗ୍ ସାରିତାନା ।”

୧୪ ଏନ୍ତେ ନେଆଁ କାଜିକେଦ୍‌ଚି ଇନିଃ ଦୟାସାଃତେ ହେତାକେଦାଏ ଆଡ଼ଃ ଯୀଶୁକେ ତିଙ୍ଗୁଆକାନ୍ ନେଲକିୟାଏ, ମେନ୍‌ଦ ଇନିଃ ଯୀଶୁ ତାନିଃ ମେନ୍ତେ କାଏ ସାରିକେଦାଃ । ୧୫ ଯୀଶୁ ଇନିଃକେ କାଜିକିୟାଏ, “ଏ ମାଲ୍, ଆମ୍ ଚିନାଃ ମେନ୍ତେ ରାଆଃତାନାମ୍ ? ଆଡ଼ଃ ଅକଏକେ ଦାଣାଁବାଡ଼ା ତାନାମ୍ ?” ଏନ୍ କୁଡ଼ି ଯୀଶୁକେ ବାଖୁଡ଼ିରେନ୍ ମାଲିହଡ଼ ତାନିଃ ମେନ୍ତେ ଆଟ୍‌କାର୍‌କେଦ୍‌ତେ, କାଜିକିୟାଏ, “ହେ ଗମକେ, ଆମ୍ ଇନିଃକେ ଇଦିକାଲରେଦ ଇନିଃକେ ଅକ୍‌ତାଃରେମ୍ ଦହକିୟା ଏନା ଉଦୁବାଇଙ୍ଗ୍‌ମେଁ ଆଡ଼ଃ ଆଇଙ୍ଗ୍ ଇନିଃକେ ଇଦିକିୟାଇଙ୍ଗ୍ ।” ୧୬ ଯୀଶୁ ଇନିଃକେ କାଜିକିୟାଏ, “ଏ ମାରିୟାମ୍,” ଇନିଃ ହେତାରୁହାଡ଼କେଦ୍‌ତେ ଏବ୍ରୀ ଜାଗାର୍‌ତେ କାଜିକିୟାଏ, “ରାବ୍‌ବୁନି” ନେୟାଁରାଃ ମୁଣ୍ଡି “ହେ ଗୁରୁ” । ୧୭ ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍‌କେ ଆଲମ୍ ସାବାକାଲଙ୍ଗ୍, ଚିୟାଃଚି ଆଇଙ୍ଗ୍‌ଦ ନାହାଁଃ

ଜାକେଦ୍ ଆପୁଇଙ୍ଗ୍‌ତାଃତେ ଆଉରି ସେନ୍‌ରୁହାଡ଼ାଇଙ୍ଗ୍ । ମେନ୍‌ଦ୍ ହାଗାଇଙ୍ଗ୍‌ତେକତାଃ ସେନ୍‌କେଦ୍‌ତେ କାଜିୟାକମ୍, “ଆଇଙ୍ଗ୍ ଆଇଁୟାଃ ଆପୁ ଆଡ଼ଃ ଇନ୍‌କୁଆଃ ଆପୁ, ଆଇଁୟାଃ ପାର୍‌ମେଶ୍‌ୱାର୍ ଆଡ଼ଃ ଇନ୍‌କୁଆଃ ପାର୍‌ମେଶ୍‌ୱାର୍ ତାଃତେଇଙ୍ଗ୍ ସେନ୍‌ରୁହାଡ଼ାନା ।”<sup>୧୮</sup> ଆଡ଼ଃ ମାଗ୍‌ଦାଲିନି ମାରିୟାମ୍ ସେନ୍‌କେଦ୍‌ତେ ଚେଲାକକେ ମେତାଦକଆଏ, “ଆଇଙ୍ଗ୍ ପ୍ରାଭୁକେ ନେଲାକାଇୟାଇଙ୍ଗ୍, ଆଡ଼ଃ ଇନିଃ ନେ କାଜିକ ଆଇଙ୍ଗ୍‌କେ କାଜିକାଦିୟାଏ ।”

ୟୀଶୁ ଆୟାଃ ଚେଲାକତାଃରେ ଉଦୁବେନ୍‌ୟାନା

(ମାଥୁଃ ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

<sup>୧୯</sup> ହାପ୍ରାରେୟାଃ ପାହିଲା ହୁଲାଙ୍ଗ୍ ଆୟୁବଃତାନ୍ ଇମତା ଯିହୁଦୀକଆଃ ବରତେ ଚେଲାକ ହୁଣ୍ଡିୟାନାକ ଆଡ଼ଃ ମିଆଁଦ୍ ଅଡ଼ାଃରେ ଦୁଆର୍ ହାଣ୍ଡେକେଦ୍‌ତେ ତାଇକେନାକ, ଇମତା ଯୀଶୁ ହିଜୁଃକେଦ୍‌ତେ ଆକଆଃ ଥାଲାରେ ତିଙ୍ଗ୍‌ୟାନାଏ ଆଡ଼ଃ ମେତାଦକଆଏ, “ଆପେରେ ଜୀଉସୁକୁ ହବାଅଃକା ।”<sup>୨୦</sup> ଇନିଃ ନେଆଁ କାଜିକେଦ୍‌ତି ଇନ୍‌କୁକେ ଆୟାଃ ତିଃଇକେ ଆଡ଼ଃ ଆୟାଃ ସାଡ଼େଜାଙ୍ଗ୍‌କେ ଉଦୁବାଦକଆଏ । ଏନ୍ତେ ଚେଲାକ ପ୍ରାଭୁକେ ନେଲ୍‌କେଦ୍‌ତେ ପୁରାଃଗି ରାସକାୟାନାକ ।<sup>୨୧</sup> ଯୀଶୁ ଆଡ଼ଃଗି କାଜିୟାଦକଆଏ, “ଆପେରେ ଜୀଉସୁକୁ ତାଇନ୍‌କା, ଆପୁଇଙ୍ଗ୍ କୁଲାକାଇଙ୍ଗ୍ ଲେକା ଆଇଙ୍ଗ୍‌ହ୍ ଆପେକେ କୁଲ୍‌ପେତାନାଇଙ୍ଗ୍ ।”<sup>୨୨</sup> ଇନିଃ ନେଆଁ କାଜିକେଦ୍‌ତି ଇନ୍‌କୁଆଃ ଚେତାନ୍‌ରେ ଅମ୍‌କେଦାଃଏ, ଆଡ଼ଃ “ନେ ପାବିତାର୍ ଆମ୍‌କେ ତେଲାକପେ ମେତାଦକଆଏ ।<sup>୨୩</sup> ☆ଆପେ ହଡ଼କଆଃ ପାପ୍ ଛାମାକରେଦ ଇନ୍‌କୁଆଃ ପାପ୍ ଛାମାଞ୍ଜାଃ, ଆପେ କାପେ ଛାମାକରେଦ ଇନ୍‌କୁଆଃ ପାପ୍ କା ଛାମାଞ୍ଜାଃ ।”

ୟୀଶୁ ଆଡ଼ଃ ଥୋମା

<sup>୨୪</sup> ଦିଦୁମ୍ କାଜିୟାଃତାନ୍ ଥୋମା ଗେଲ୍‌ବାର୍ ଚେଲାକଏତେ ମିହୁଡ଼୍ ତାଇକେନାଏ । ଇନିଃ ଯୀଶୁ ହିଜୁଃଲେନ୍ ଇମତା ଚେଲାକଲଃ କାଏ ତାଇକେନା ।<sup>୨୫</sup> ଏନ୍ତେ ଏଟାଃ ଚେଲାକ ଇନିଃକେ କାଜିକିୟାଃକ, “ଆଲେ ପ୍ରାଭୁକେ, ନେଲାକାଇୟାଃଲେ ।” ମେନ୍‌ଦ୍ ଇନିଃ ଇନ୍‌କୁକେ

☆ ୨୦:୨୩ ୨୦:୨୩ ମାଥୁଃ ୧୬:୧୯; ୧୮:୧୮.



କାଜିୟାଦକଆଏ, “ଇନିୟାଃ ତିଃଇରେ କିଲାରେୟାଃ ଚିହ୍ନାଁ କାଇଙ୍ଗ୍ ନେନେଲ୍ ଜାକେଦ୍ ଆଡ଼ଃ ଆଇଁୟାଃ ସାର୍ସାର୍ତ୍ତେ କିଲାରେୟାଃ ଚିହ୍ନାଁକେ କାଇଙ୍ଗ୍ ଜୁଚିଦେ ଜାକେଦ୍ ଆଡ଼ଃ ତିଃଇରେ ଇନିୟାଃ ସାଡ଼େଜାଙ୍ଗ୍ରେ କାଇଙ୍ଗ୍ ଜୁଚିଦେ ଜାକେଦ୍ କାଇଙ୍ଗ୍ ବିଶ୍ୱାସେୟା ।”  
 ୨୭ ମିଦ୍ ହାପ୍ତା ତାୟମ୍ତେ ଇନିୟାଃ ଚେଲାକ ଆଡ଼ଃଗି ଅଡ଼ଃରେକ ତାଇକେନା ଆଡ଼ଃ ଥୋମା ଇନ୍କୁଲିଃ ତାଇକେନାଏ, ଦୁଆର୍ ହାଣ୍ଡେଦାକାନ୍ ତାଇକେନ୍ରେୟ୍ ଯୀଶୁ ହିଜୁଃୟାନାଏ ଆଡ଼ଃ ଆଲାରେ ତିଙ୍ଗୁକେଦ୍ତେ କାଜିୟାଦକଆଏ, “ଆପେରେ ଜୀଉସୁକୁ ତାଇନକା ।” ୨୭ ଏନ୍ତେ ଇନିଃ ଥୋମାକେ କାଜିକିୟାଏ, “ଆମାଃ ସାର୍ସାର୍ଲଃ ଜୁଚିଦେମେଁ ଆଡ଼ଃ ଆଇଁୟାଃ ତିଃଇ ନେଲେମେ, ଆଡ଼ଃ ତିଃଇତାମାଃ ଜିଲିଙ୍ଗ୍‌ୟେମେ ଆଡ଼ଃ ସାଡ଼େଜାଙ୍ଗ୍‌ତାଃରେ ଜୁଚିଜେମେଁ, କା ବିଶ୍ୱାସେନିଃଦ କାହା ମେନ୍ଦ୍ ବିଶ୍ୱାସେନିଃ ହବାଅଃମେଁ ।”

୨୮ ଥୋମା କାଜିରୁହାଡ଼କିୟାଏ, “ଆଇଁୟାଃ ପ୍ରାଭୁ ଆଡ଼ଃ ଆଇଁୟାଃ ପାର୍ମେଶ୍ୱାର୍ ।”

୨୯ ଯୀଶୁ କାଜିକିୟାଏ, “ଏ ଥୋମା, ଆମ୍ ଆଇଙ୍ଗ୍‌କେ ନେଲ୍‌କେଦ୍‌ତେମ୍ ବିଶ୍ୱାସୀଙ୍ଗ୍‌ତାନା, ମେନ୍ଦ୍ କା ନେଲ୍‌କେଦ୍‌ତେ ବିଶ୍ୱାସ୍‌ତାନକ ସୁକୁତାନ୍‌ଗିୟାଃ ।”

### ନେ ପୁଥୁରାଃ ଅନଲ୍‌କାଜି

୩୦ ଯୀଶୁ ଚେଲାକଆଃ ସାମ୍‌ନାଙ୍ଗ୍‌ରେ ନେ'ଲେକା ପୁରାଃ ଏଟାଃ ପେଡ଼େୟାନ୍ କାମିକ କାମିକେଦାଃଏ । ଏନା ସବେନ୍ ନେ ପୁଥୁରେ କା ଅଲ୍‌କାନା । ୩୧ ମେନ୍ଦ୍ ଯୀଶୁ ପାର୍ମେଶ୍ୱାର୍‌ଆଃ ହନ୍ ମାସି ତାନିଃ, ନେୟାପେ ବିଶ୍ୱାସେକା ଆଡ଼ଃ ନେଆଁ ବିଶ୍ୱାସ୍‌କେଦ୍‌ତେ ଇନିୟାଃ ନୁଡୁମ୍‌ତେ ଆପେ ଜୀଦାନ୍‌ପେ ନାମେକା ମେନ୍ତେ ନେଆଁରେ ଅଲ୍‌କାନା ।

## ୨୧

### ଯୀଶୁ ସାଡ଼଼୍‌ୟାନ୍ ଚେଲାକତାଃରେ ଉଦୁବେନ୍‌ତାନାଏ

୧ ଏନ୍ ତାୟମ୍‌ତେ ଯୀଶୁ ଆଡ଼ଃମିସା ଡିବିରିୟା ଦରେୟା ଗୋନାରେ ଆୟାଃ ଚେଲାକତାଃରେ ଉଦୁବେନ୍‌ୟାନାଏ । ନେୟାଁ ନେ ଲେକା ହବାଲେନା : ୨ ଶିମୋନ୍ ପାଡ଼ରାସ୍ ଆଡ଼ଃ ଦିଦୁମ୍ କାଜିୟାଃତାନ୍

ଥୋମା ଆଡ଼ଃ ଗାଲିଲ୍ରେୟାଃ କାନା ହାତୁରେନ୍ ନିଥ୍ନିୟେଲ୍ ଆଡ଼ଃ ଜେବଦୀୟାଃ ବାରାନ୍ ହନ୍କିନ୍ ଆଡ଼ଃ ଇନିୟାଃ ତେଲକାଏତେ ଆଡ଼ଃ ବାର୍ହଡ଼୍ ମିଦତାଃରେକ ତାଇକେନା । ୩ ✨ଆଡ଼ଃ ଶିମୋନ୍ ପାଡ଼ରାସ୍ ଇନ୍କୁକେ ମେତାଦକଆଏ, “ଆଇଙ୍ଗ୍ ହାକୁ ସାବ୍ନାଙ୍ଗ୍ ସେନଃତାନାଇଙ୍ଗ୍ ।” ଇନ୍କୁ ଇନିଃକେ କାଜିକିୟାଃକ, “ଆଲେୟ ଆମାଃଲଃ ସେନାଲେ,” ଇନ୍କୁ ଅଡ଼ଙ୍ଗ୍ୟାନ୍ତେ ଲାଉକାରେକ ଦେଏଃୟାନା, ମେନ୍ଦ ଏନ୍ ନିଦାରେ ଜାଲୋମ୍ତେ ହାକୁ କାକ ସାବ୍ ଦାଡ଼ିୟାନା । ୪ ଆଡ଼ଃ ଆଙ୍ଗ୍ୟାନ୍ତି ଯୀଶୁ ଦରେୟା ଗେନାରେ ତିଙ୍ଗ୍ୟାନାଏ, ହଲେହ୍ ତେଲକା ନିଃ ଯୀଶୁ ତାନିଃ ମେନ୍ତେ କାକ ସାରିତାନ୍ ତାଇକେନା । ୫ ଏନ୍ତେ ଯୀଶୁ ଇନ୍କୁକେ କାଜିୟାଦକଆଏ, “ହେ ଦୁଲ୍ଲାଡ଼୍ ହନ୍କ ଚିୟାଃ ଆପେତାଃରେ ହାକୁ ମେନାକଆ ?” ଇନ୍କୁ “କାହା” ମେନ୍ତେ କାଜିରୁହାଡ଼କିୟାକ ।

୬ ✨ୟୀଶୁ ଇନ୍କୁକେ କାଜିୟାଦକଆ, “ଲାଉକାରାଃ ଜମ୍ପସାଃତେ ଜାଲୋମ୍ତେ ହୁଦ୍ମାଏପେ, ଏନାରେ ଆପେ ହାକୁ ନାମକଆପେ ।” ଏନ୍ତେ ଇନ୍କୁ ଜାଲୋମ୍ତେ ହୁଦ୍ମାକେଦ୍ତେ ପୁରାଃ ହାକୁକ ନାମକେଦକଆ, ମେନ୍ଦ ପୁରାଃ ପେଡ଼େଃତେ ଆଇଙ୍ଗ୍କେଦ୍ରେୟ କାକ ଆଇଜ୍ ଦାଡ଼ିୟାନା ।

୭ ଏନ୍ତେ ଯୀଶୁ ଅକନ୍ ତେଲକାକେ ଦୁଲ୍ଲାଡ଼ିତାନ୍ ତାଇକେନାଏ, ଇନିଃ ପାଡ଼ରାସକେ କାଜିକିୟାଏ, “ନିଃଦ ପ୍ରାଭୁ ତାନିଃ ।” ନିଃଦ ପ୍ରାଭୁ ତାନିଃ ନେଆଁ ଆୟୁମ୍କେଦ୍ତେ ଶିମୋନ୍ ପାଡ଼ରାସ୍, ସାମା ହଡ଼ମ୍ ତାଇକେନ୍ହରାତେ ମାୟାଙ୍ଗ୍ରେ ଲିଜାଃ ପାଟେୟାନ୍ତି ଦରେୟାରେ ତେଗାଅକେଦାଏ । ୮ ମେନ୍ଦ ଏଟାଃ ତେଲକା ହାକୁତେ ପେରେଜାକାନ୍ ଜାଲୋମ୍ ଆଇଙ୍ଗ୍କେଦ୍ତେ ହୁଡ଼ିଙ୍ଗ୍ ଲାଉକାତେକ ହିଜୁଃୟାନା, ଚିୟାଃତି ଇନ୍କୁଦ ଦରେୟା ଗେନାଏତେ ପୁରାଃ ସାଙ୍ଗିନ୍ରେଦ କାହା, ମେନ୍ଦ ଦୁଇଶହାଡ଼ ଲେକା ସାଙ୍ଗିନ୍ରେ ତାଇକେନାକ । ୯ ଆଡ଼ଃ ଇନ୍କୁ ଦରେୟା ଖାଙ୍ଗ୍ରେ ଆଡ଼ଗୁକେଦ୍ତେ ଆଙ୍ଗ୍ରାସେଙ୍ଗ୍ରେ ହାକୁ ରାପାଃକାନ୍ ଆଡ଼ଃ ହଲଙ୍ଗ୍ ମାଣ୍ଡାଃକାନ୍ ନେଲ୍କେଦାଃକ । ୧୦ ଆଡ଼ଃ ଯୀଶୁ ଇନ୍କୁକେ କାଜିୟାଦକଆଏ, “ନାହିଃ ଆପେ ସାବାକାଦ୍ ହାକୁକଏତେ କାଟିଃଲେକା ଆଉକୁପେ ।”

୧୧ ଶିମୋନ୍ ପାଡ଼ରାସ୍ ସେନଃୟାନ୍ତେ ୧୫୩ ଠୁ ମାପ୍‌ରାଙ୍ଗ୍ ହାକୁତେ ପେରେଜାକାନ୍ ଜାଲୋମ୍‌କେ ଦରେୟା ଖାଇଣ୍ଡେତେ ଆଇଜ୍ ଆଉକେଦାଃଏ । ନିମିନ୍ ହାକୁକ ତାଇକେନ୍‌ରେୟ୍ ଜାଲୋମ୍ କା ଟଟାଃୟାନା । ୧୨ ଯୀଶୁ କାଜିୟାଦ୍‌କଆଏ, “ହିଜୁଃପେ ଆଡଃ ଜମେପେ ।” ମେନ୍‌ଦ “ଆମ୍ ଅକଏ ତାନ୍‌ମେ ?” ମେନ୍ତେ ଇନିଃକେ କୁଲି ନାଗେନ୍ତେ ଚେଲାଇଏଡେ, ଜେତାଏ କାକ ପେଡେଃକେଦାଃ, ଚିୟାଃତି ଇନ୍‌କୁଦ ନିଃ ପ୍ରାଭୁ ତାନିଃ ମେନ୍ତେ ସାରିତାନ୍ ତାଇକେନାକ । ୧୩ ଏନ୍ତେ ଯୀଶୁ ହିଜୁଃୟାନାଏ ଆଡଃ ହଲଙ୍ଗ୍ ଆଉକେଦ୍‌ଡେ ଇନ୍‌କୁକେ ଏମାଦ୍‌କଆଏ, ଆଡଃ ଏନ୍ ଲେକା ହାକୁ ହରି ଏମାଦ୍‌କଆଏ ।

୧୪ ନେୟାଲଃ ଆପିସା, ଯୀଶୁ ଗଏଃକାନ୍‌କଏଡେ ଜୀଉବିରିଦ୍‌କେଦ୍‌ଡେ ଆୟାଃ ଚେଲାଇତାଃରେ ଉଦୁବ୍‌ୟାନାଏ ।

### ୟୀଶୁ ଆଡଃ ପାଡ଼ରାସ୍

୧୫ ଏନ୍ତେ ଇନ୍‌କୁ ଜମ୍‌କେଦ୍ ତାୟମ୍‌ଡେ ଯୀଶୁ ଶିମୋନ୍ ପାଡ଼ରାସ୍‌କେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ନିକୁଏଡେ ଆଦ୍‌କାମ୍ ଦୁଲ୍‌ାଡ଼ିଙ୍ଗ୍‌ତାନା ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲ୍‌ାଡ଼ିଙ୍ଗ୍‌ତାନା, ଏନା ଆମ୍ ସାରିତାନାମ୍,” ଯୀଶୁ ଇନିଃକେ ମେତାଇୟାଏ, “ଆଇଁୟାଃ ମିଣ୍ଡି ହନ୍‌କକେ ଗୁପିକମେ ।” ୧୬ ଯୀଶୁ ବାବ୍‌ସାଡେ ଇନିଃକେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍‌କେ ଦୁଲ୍‌ାଡ଼ିଙ୍ଗ୍‌ତାନାମ୍ ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲ୍‌ାଡ଼ିଙ୍ଗ୍‌ତାନା, ଏନା ଆମ୍ ସାରିତାନାମ୍ ।” ଯୀଶୁ ମେତାଇୟାଏ, “ଆଇଁୟାଃ ମିଣ୍ଡିକକେ ଗୁପିକମେ ।” ୧୭ ଯୀଶୁ ଆପିସାଡେ ଇନିଃକେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍‌କେ ଦୁଲ୍‌ାଡ଼ିଙ୍ଗ୍‌ତାନାମ୍ ?” ଯୀଶୁ ଆପିସାଡେ ଚିୟାଃ ଆମ୍ ଦୁଲ୍‌ାଡ଼ିଙ୍ଗ୍‌ତାନାମ୍ ? ମେନ୍ତେ କୁଲିକିୟାଏ, ନେଆଁଡେ ପାଡ଼ରାସ୍ ହୁଡ଼ିଙ୍ଗ୍‌ଜୀଉୟାନାଏ । ଏନାଡେ ପାଡ଼ରାସ୍ ମେତାଇୟାଏ, “ହେ ପ୍ରାଭୁ ଆଇଙ୍ଗ୍ ଆମ୍‌କେଗି ଦୁଲ୍‌ାଡ଼ିଙ୍ଗ୍‌ତାନା, ଏନା ସବେନାଃ

ଆମ୍ଭ ସାରିତାନାମ୍ ।” ଯୀଶୁ କାଜିକିୟାଏ, “ମିଶ୍ରି ତାଇୟାଃକକେ ଗୁପିକମେ ।”

୧୮ ଆଇଙ୍ଗ୍ ସାରୁତିଗି କାଜିୟାମେ ତାନାଇଙ୍ଗ୍, “ଆମ୍ ସେପେଡେଡ୍ ତାଇକେନ୍ରେ ଆମ୍ ସେକାଡ୍ଡକେଡ୍ଡେ ଆମାଃ ସାନାଇଙ୍ଗ୍ଲେକା ଜାହାତାଃଗି ସେନଃତାନ୍ ତାଇକେନାମ୍ ମେନ୍ଦ ହାଡ୍ଡାମ୍ ଇମ୍ତା ଆମାଃ ତିଃଇ ଜିଲିଙ୍ଗ୍ମେଆମ୍ ଆତଃ ଏଟାଃନିଃ ଆମାଃ ମାୟାଙ୍ଗ୍ ତଲେୟାଏ ଆତଃ ଆମ୍ କାମ୍ ସାନାଇଙ୍ଗ୍ତାଃତେ ଇଦିମେୟାଏ ।”  
୧୯ ପାଡ୍‌ରାସ୍ ଚିଲିକା ଆୟାଃ ଗନଏଃ ହରାତେ ପାର୍ମେଣ୍ଟାଃକେ ମାନାରାଙ୍ଗ୍ ରିକାଇୟାଏ, ଏନାରେୟାଃ ଇସାରା ଏମ୍‌କେଡ୍‌ଡେ ଯୀଶୁ ଏନା କାଜିକେଦାଏ । ଏନ୍ତେ ଇନିଃ “ଅତଙ୍ଗ୍‌ଇଙ୍ଗ୍‌ମେ” ମେନ୍ତେ ପାଡ୍‌ରାସ୍‌କେ କାଜିକିୟା ।

### ଯୀଶୁ ଆତଃ ଏଟାଃ ଚେଲାକ

୨୦ ✨ପାଡ୍‌ରାସ୍ ହେତାରୁହାଡ୍‌କେଡ୍‌ଡେ, ଏଟାଃ ଚେଲାକେ ଦୟାହରା ହିନ୍ଦୁଃତାନ୍ ନେଲ୍‌କିୟାଏ, ଅକଏକେତି ଯୀଶୁ ଦୁଲାଡ୍‌ଡିତାନ୍ ତାଇକେନାଏ, ଇନିଃ ଆୟୁବ୍ ଜମେୟାଃରେ ଯୀଶୁଆଃ କୁଡ୍‌ମ୍‌ରେ ଚେଣ୍ଟେରକେଡ୍‌ଡେ କୁଲିକାଇତାଇନାଏ, “ହେ ପ୍ରାଭୁ, ଆମ୍‌କେ ବାଇରିକଆଃ ତିଃଇରେ ସାବ୍‌ରିକାନିଃ ଅକଏ ତାନିଃ ?”  
୨୧ ପାଡ୍‌ରାସ୍ ଇନିଃକେ ନେଲ୍‌କେଡ୍‌ଡେ ଯୀଶୁକେ କୁଲିକିୟାଏ, “ହେ ପ୍ରାଭୁ, ନିୟାଃ ବିଷାଏରେ ଚିନାଃ ମେନେତାନାମ୍ ?”

୨୨ ଯୀଶୁ ଇନିଃକେ କାଜିରୁହାଡ୍‌କିୟାଏ, “ଆଇୟାଃ ହିନ୍ଦୁଃ ଜାକେଡ୍ ଇନିଃ ତାଇନ୍‌କାଏ ମେନ୍ତେ ଆଇଙ୍ଗ୍ ସାନାଇଙ୍ଗ୍‌ତାନ୍‌ରେଦ୍ ଆମାଃ ଚିନାଃ ସେନଃତାନା ? ଆମ୍ ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ମେ ।”

୨୩ ଏନାତେ ନେ ଚେଲା କାଏ ଗଜଃଆ ମେନ୍ତେ ହାଗାକତାଃରେ କାଜି ନିଡ୍‌ରୟାନା\*, ମେନ୍ଦ ଇନିଃ କାଏ ଗଜଃଆ ମେନ୍ତେ ଯୀଶୁ କାଏ କାଜିକାଦ୍‌ତାଇନା, ଇନିଃ ଆଇଙ୍ଗ୍ ହିନ୍ଦୁଃ ଜାକେଡ୍ ତାଇନଃକାଏ ନେଆଁ ଆଇଙ୍ଗ୍ ସାନାଇଙ୍ଗ୍‌ରେଦ୍ ଆମାଃ ଚିନାଃ ଚିକାଅଃଆ ? ମେନ୍ତେ କାଜିକାଦ୍‌ତାଇନାଏ ।

✨ ୨୧:୨୦ ୨୧:୨୦ ଯୋହାନ୍ ୧୩:୨୫.

\* ୨୧:୨୩ ୨୧:୨୩ ଫାଇଲାଅୟାନା

୨୪ ନେ କାଜିକରାଃ ଗାଞ୍ଜା ଏମେତାନ୍ ଆଡ଼ଃ ନେ କାଜିକ ଅଲ୍ଲାକାଦ୍ ତେଲ୍ଲା ନିଃଗି ତାନିଃ ଆଡ଼ଃ ନିୟାଃ କାଜିତେୟାଃ ସାର୍ଭିଗିୟାଃ ନେୟାରୁ ସାରିତାନା ।

ସୁକୁ କାଜିରେୟାଃ ଟୁଣ୍ଡୁ

୨୫ ଯୀଶୁ କାମିକାଦ୍ କାଜିକାମିକ ପୁରାଃଗିୟା, ଏନା ମିମିଆଦ୍ତେ ଅଲେରେଦ୍ ଅକଏସାରି ଏନ୍ ଅନଲ୍ ପୁଅକ୍ ଅତେଦିଶୁମ୍ରେ ଦହ ନାଗେନ୍ତେ ଠାୟାଦ୍ କା ହବାଅଃତେୟାଃ ନେଆଁ ଆଇଙ୍ଗ୍ ଆଟ୍ଟକାରେତାନା ।

**ପାରମେଶ୍ଵାରଥାଃ ଜୀନିଦ୍ ବାଚାନ୍**  
**The New Testament in the Munda language of India:**  
**ପାରମେଶ୍ଵାରଥାଃ ଜୀନିଦ୍ ବାଚାନ୍**

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

**ପାରମେଶ୍ଵାରଥାଃ ଜୀନିଦ୍ ବାଚାନ୍**  
**ନାଞ୍ଜା ନିୟମ୍ , 2020**

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6